

Հ. Մ. ԵԳԱՆՅԱՆ

ԻՄԱՆԱԿԱՆ
ԴԱՅՄԱԳՐՈՒԹՅՈՒՆԸ
ԻՄԱՆՈՒ
ԻՄԴԵՐԻԱԼԻՍՏԱԿԱՆ
ՏԵՐՈՒԹՅՈՒՆՆԵՐԻ
ԳԱՂՈՒԹԱՏԻՄԱԿԱՆ
ԲԱՆԱԲԱԿԱՆՈՒԹՅԱՆ
ԱՄԱՌԸ

ԵՐԵՎԱՆ



АКАДЕМИЯ НАУК АРМЯНСКОЙ ССР
ИНСТИТУТ ВОСТОКОВЕДЕНИЯ

Г. М. ЕГАНЯН

ИРАНСКАЯ ИСТОРИОГРАФИЯ
ОКОЛОНИАЛЬНОЙ ПОЛИТИКЕ
ИМПЕРИАЛИСТИЧЕСКИХ
ДЕРЖАВ В ИРАНЕ

(ВО ВТОРОЙ ПОЛОВИНЕ XIX ВЕКА)

ИЗДАТЕЛЬСТВО АН АРМЯНСКОЙ ССР
ЕРЕВАН 1980

✓
1

A $\frac{u}{64091}$

Հ. Մ. Ե Գ Ա Ն Յ Ա Ն

ԻՐԱՆԱԿԱՆ ՊԱՏՄԱԳՐՈՒԹՅՈՒՆԸ
ԻՐԱՆՈՒՄ ԻՄՊԵՐԻԱԼԻՍՏԱԿԱՆ
ՏԵՐՈՒԹՅՈՒՆՆԵՐԻ ԳԱՂՈՒԹԱՏԻՐԱԿԱՆ
ՔԱՂԱՔԱԿԱՆՈՒԹՅԱՆ ՄԱՍԻՆ

(XIX դարի երկրորդ կես)

08-2555



Պատասխանատու խմբագիր՝ պատմական գիտությունների
դոկտոր Վ. Ա. ԲԱՅԲՈՒՐԴՅԱՆ

Գիրքը հրատարակության է երաշխավորել գրախոս,
պատմական գիտությունների դոկտոր Ե. Ղ. ՍԱՐԳՍՅԱՆԸ

Եզանյան, Հ. Մ.

Ե 13 Իրանական պատմագրությունը Իրանում իմպերիա-
լիստական տերությունների գաղութատիրական քաղա-
քականության մասին: (XIX դ. երկրորդ կես) / Պատ.
խմբ. Վ. Ա. Բայբուրդյան. — Եր.: ՀՍՍՀ ԳԱ հրատ.,
1980. — 214 էջ.

Աշխատության մեջ առաջին անգամ շրջանառության մեջ են
դրված իրանական պատմագրության երկրի կիսագաղութի վերած-
մանը վերաբերող նյութերը, որոնք թույլ են տալիս ամբողջապես և
բազմակողմանիորեն լուսարանել հետազոտվող պրոբլեմը:

Աշխատությունը նախատեսված է Իրանի նոր պատմությունն
ուսումնասիրողների և գիտական լայն շրջանակների համար:

0504000000
Ե $\frac{22-79}{703(02)-80}$

9 (ՈՒ) 32 (Իրան)
ԳՄԴ 63.3 (0) 53

Ն Ե Ր Ա Մ Ո Ւ Թ Յ Ո Ւ Ն

XIX դարի երկրորդ կեսին իմպերիալիստական տերությունների տնտեսական և քաղաքական ազդեցության ուժեղացումն Իրանում և երկրի վերածումը կիսազաղութի շէրկարող իր վրա շհրավիրել մինչևիսկ ֆեոդալական կամ բուրժուական պատմագրության առանձին ներկայացուցիչների ուշադրությունը:

Ղաջարական դինաստիայի թագավորության ժամանակաշրջանի սկզբնաղբյուրներից առաջին հերթին պետք է նշել «Ղաջարների պատմությունը», որը Միրզա Մոհամադ Թաղի Սեփեհը Քաշանիի (Լեսան օլ Մուլք) «Նասեխ էթ թավարիխի» հատորներից է¹: Հիշատակելի է նաև Նասր էդ Դին շահի վեզիր Մոհամադ Հասան խան Սանի էդ Դուլեի «Մոնթազեմե Նասերի» աշխատությունը և հատկապես նրա երկրորդ և երրորդ հատորները՝ «Մերաթ օլ բալադանե Նասերին» և «Ալ Մասսեր վա ալ ասարը»²:

«Մոնթազեմե Նասերին» փաստորեն «Նասեխ էթ թավարիխի» համառոտ վերաշարադրանքն է՝ ավելացրած ժամանակի իրադարձությունների նկարագրությունը: Սանի էդ Դուլեն, որ կյանքի վերջում ստացավ «էթեմադ էս Սալաթանե» տիտղոսը, Ղաջարական դինաստիայի բարձր աստիճանավորներից էր և մեծ պաշտոններ է ղբաղեցրել թե՛ երկրի ներսում և թե՛ արտասահմանում: Բնականաբար, լավատեղյակ էր Իրանի ներքին և արտաքին քաղաքականությանը,

¹ میسرزا تقی سپهر کاشانی ملقب بلسان الملک، ناسخ التواریخ
«تاریخ قاجاریه»

² محمد حسن خان صنیع الدوله اعتماد السلطنه منتظم ناصری
سراة البلدان ناصری الماثر و الآثار

ղաջարական շահերի ղեկավարման մեթոդներին, ինչպես և այդ ժամանակաշրջանում երկրում առաջացած քաղաքական տարբեր հոսանքներին և նոր գաղափարներին: Փաստեր կան, որ նա մոտ հարաբերության մեջ է եղել պանիսլամիզմի հիմնադիր Ջամալ էդ Դին Աֆղանիի հետ, որը մեծ առևտրային լուծյամբ էր լցված Արևելքի երկրներն ստրկացնող իմպերիալիստական պետությունների հանդեպ:

Էթեմադ էս Սալթանից մնացել է նաև նրա «Խարնամեն»³, որի մեջ ակնհայտ երևում է ղաջարական շահերի ինքնակալությունը և ժողովրդի նկատմամբ նրանց ծայրահեղ անտարբերությունը: Կարելի է հիշել նաև Ռեզա Ղուլիխան Հեղայաթի «Ռոդաթ օլ Սաֆայե Նասերի» աշխատությունը⁴, որի հատկապես վերջին գլուխը հետաքրքիր տեղեկություններ է պարունակում Իրանի XIX դարի վերջի սոցիալ-տնտեսական կյանքի մասին:

Հայտնի են նաև Միրզա Ջաֆար խան Հաղայեղ Նեզարի «Հաղայեղ օլ ախբարե Նասերին»⁵ և Հաջ Միրզա էբրահիմ խան Աշթիանի Սադիդ օլ Մամալեքի 1324-ին (1906 թ.) Թեհրանում լույս տեսած «Մոնթախեթ օլ թավարիխե Մոդաֆարի»⁶ գիրքը, որն ընդգրկում է ղաջարների ավելի ուշ շրջանի պատմությունը:

Այս մի քանի հեղինակների պաշտոնական հաղորդումները, որոնք հիմնականում քաղաքական իրադարձությունների, շահերի կյանքի և գործունեության, հատկապես նրանց ճանապարհորդությունների նկարագրություններն են միայն, երկրի սոցիալ-տնտեսական վիճակի կամ օտարերկրյա գաղութարարների՝ Իրանում վարած քաղաքականության մասին շափազանց աղքատիկ տեղեկություններ են պարունակում և այդ իսկ պատճառով առանձին արժեք չեն ներկայացնում և չեն կարող բավարար սկզբնաղբյուր հանդիսանալ XIX

3 اسرار انحطاط ایران یا خواب نامه مرحوم اعتماد السلطنه
4 رضاقلی خان هدایت روضته الصغای ناصری
5 میرزا جعفرخان حقایق ذکّار حقایق الاخبار ناصری
6 حاج میرزا ابراهیم خان آشتیانی صدیق الممالک منتخب
انتواریخ مظفری

դարի Իրանի պատմութեան տարբեր հարցերի ուսումնասիրութեան համար: Այս հանգամանքը նկատել են իրենք իսկ՝ պարսիկ հեղինակները, որոնք, հետադաշում ղաջարական շրջանի պատմութեանն ուսումնասիրելիս, հանդիպել են բազմաթիւ դժվարութեաններին:

Այսպէս օրինակ. Ալիասղար Շամիմը, 1964 թ. ԹԵՏ-րանում հրատարակած «Իրանը Ղաջարների (թագավորութեան շրջանում) աշխատութեան մեջ, նշում է, որ շնայած այդ շրջանի վերաբերյալ տեղացի և օտարերկրյա հեղինակների հարյուրավոր հոդվածների ու աշխատութեանների առկայութեանը և ղաջարական շրջանի դեռևս կենդանի գործիչներից ու քաղաքագետներից հարուստ նյութ ստանալու հնարավորութեանը, Իրանի նոր ժամանակների և գլխավորապէս ղաջարական շրջանի պատմութեանը գիտական մեթոդներով և անկողմնակալ շարադրելը բավական դժվար է: Քանի որ ուսումնասիրողը բավարար նյութ ձեռք բերելու համար ստիպված է ընթերցել այդ շրջանի պատմագիրների՝ Ռեզա Աուլի խան Հեդայաթի, Լեսան օլ Մուլք Սեփեհրի և էթեմադ էս Սալթանեի պէս հեղինակների լայնածավալ գրքերը և նրանց ճոռոմ ու քծնանքով լի նախադասութեաններից աննշան նյութեր քաղել պատմական կարևորագույն խնդիրների և իրադարձութեանների մասին, մի բան, որ ըստ Շամիմի միանգամայն անհնար է և ապարդշուն⁷:

Մեկ այլ առիթով, շհերքելով Ղաջարների օրոք պատմագրութեան որոշ չափով զարգացում ապրելու փաստը, Շամիմը միաժամանակ ավելացնում է, որ այն (այդ շրջանի պատմագրութեանը—Չ. Ն.) շարունակում էր հին ավանդութեանները: Այսինքն՝ ժամանակագրական կարգով արձանագրվում էին դեպքերն ու իրադարձութեանները և նրանցում, որպէս կանոն, անտեսվում էր պատմական իրադարձութեանների տրամաբանական կապը և չէին բացահայտվում դրանց պատճառներն ու հանգամանքները:

Այդ աշխատութեաններն, անշուշտ, դեպքերի և իրադարձութեանների գրանցման, ինչպէս և սլարդ ու մատչելի ոճի տեսակետից, շահեկանորեն տարբերվում են Սաֆավիների և

7 علی اصغر شمیم ایران در دوره سلطنت قاجار، تهران ۱۳۴۲

Ա.Ֆշարների ժամանակաշրջանի պատմական գործերից: Սակայն ղաջարական պատմագրության ամենաուշագրավ կողմնացնուամենայնիվ այն է, որ այդ շրջանի պատմիչները, ինչպես օրինակ՝ Լեսան օլ Մուլքը, Ռեզա Ղուլի խան Հեդայաթը, Մոհամադ Հասան խան Սանի էդ Դուլեն (էթեմադ էս Սալթանեն) և մյուսները, հենց իրենք պալատականներ էին, իրենց ժամանակի քաղաքական գործիչներ, և սերը դեպի պաշտոնն ու շուքը, սարսափը ինքնակալ թագավորի ղայրույթից, նրանց ստիպում էր կեղծել իրականությունը և քողարկել անթույլատրելի արարքներն ու ոճիրները: Այդ պատմիչները վնասներից զերծ մնալու և օգուտներ քաղելու համար ջանում էին քծնել և շողոքորթել ժամանակի տիրակալին: Ղաջարական պատմագրության ողջ էությունը բացահայտելով հանդերձ, Շամիմն, ի վերջո, հակասում է ինքն իրեն, հայտարարելով, թե այնուամենայնիվ շի կարելի ժխտել այն իրողությունը, որ ղաջարական շրջանի պատմիչներն ընդհանուր առմամբ իրենց գրքերով երկրի պատմությանը մեծ ծառայություններ են մատուցել: Ավելին, նա նշում է, որ այդ շրջանի որոշ պատմիչներ, ինչպես օրինակ՝ Միրզա Ջաֆար Հադայեդ Նեզարը, դեպքերն ու իրադարձություններն արձանագրելիս կարողացել են ինչ-որ շափով անկողմնակալություն պահպանել: Այդ միտքը զարգացնելով, Շամիմն ընկնում է ծայրահեղության մեջ և այն կարծիքն է հայտնում, թե իբրև ղաջարական որոշ «շնորհալի» արքայազներ, ինչպես Ջահանգիր Միրզան և Սոլթան Մասուդ Ջել էս Սոլթանը իրենց գրքերում «բացահայտել են բազմաթիվ ճշմարտություններ, որոնք քողարկվել են մեծարող և քծնող պատմիչների կողմից»⁸:

⁸ Նույն տեղում, էջ 315:

Շամիմը նշում է, որ գիտության և գրականության յգործիչների աշխատությունների հավաքման և թարգմանության գործը ղաջարների օրոք որոշ շափով զարգացավ: Նասր էդ Դին շահը ինքն անձամբ հատուկ ուշադրություն էր դարձնում այդ հարցին: Նրա հանձնարարությամբ վեց գիտնականներ և գրողներ կազմեցին գիտության և գրականության գործիչների կենսագրությունները, որոնք առանձին գրքերով «Նամեհ Դանեշվարան» ընդհանուր վերնագրով լույս տեսան Թեհրանում, առաջին հատորը՝ 1296 թ. (1878) և երկրորդ՝ 1312 (1894): Այդ գործն այստեղ ընդհատվեց ու այդպես էլ անավարտ մնաց: Տե՛ս Շամիմ, էջ 317:

XX դարի սկզբներին, հատկապես 1905—1911 թթ. իրանական հեղափոխության տարիներին, վերելք ապրեց նաև իրանական պատմագրությունը: Սակայն, հասկանալիորեն, այդ շրջանի պատմիչները հիմնականում զբաղվում էին հենց հեղափոխության պատմությամբ, երկրում տեղի ունեցող բուն իրադարձությունների նկարագրությամբ ու մեկնաբանությամբ, ուստի նրանց գործերն ևս շատ քիչ նյութ են տալիս XIX դարի երկրորդ կեսի պատմության մասին: Ինչ վերաբերում է 1925—1941 թթ., այսինքն՝ Ռեզա շահի դիկտատուրայի ժամանակաշրջանին, ապա այդ շրջանի պատմագրությունը կրում է պալատական պատմագրության բնույթ, որը հիմնականում զբաղված էր շահի մեծարմամբ և, եթե որևէ տեղեկություն էր հաղորդում ղաջարների թագավորության պատմության, հատկապես XIX դարի երկրորդ կեսի վերաբերյալ, ապա դա կատարվում էր նոր դինաստիան նախորդին հակադրելու և այն գովերգելու ու փառաբանելու նպատակով:

Իրանական պատմագրությունը զարգացման նոր փուլ թևակոխեց երկրորդ համաշխարհային պատերազմի և նրանից հետո ընկած ժամանակաշրջանում, երբ երկրում ծավալվեց ազգային-ազատագրական հզոր շարժում: Հատկապես 1949—1953 թթ. անգլիական նավթային կոնցեսիան բեկանելու և Իրանի նավթային հարստություններն ազգայնացնելու համար մղված համաժողովրդական պայքարի տարիներին պարսիկ հեղինակները հրատարակում են բազմաթիվ աշխատություններ, որոնց մեջ առաջին անգամ շրջանառության մեջ դրվող արխիվային փաստաթղթերի հիման վրա ուսումնասիրվում է Իրանի նկատմամբ իմպերիալիստական երկրների, գլխավորապես անգլիական իմպերիալիստների, վարած քաղաքականության ամբողջ պատմությունը և մերկացվում նրանց գաղութարարական քաղաքականությունն ու գործունեությունը:

Դա իրանական պատմագրության մեջ մի բացառիկ շրջան է, որն էականորեն տարբերվում է թե՛ իր նախորդ և թե՛ հաջորդ շրջանների պատմագրությունից:

Զնայած այդ աշխատություններում ուսումնասիրվում

է Իրանի նկատմամբ իմպերիալիստական պետությունների քաղաքականությունը, սակայն շեշտն առաջին հերթին դրվում է անգլիական գաղութարարների քաղաքականության վրա: Քանի որ XIX դարից եկող այդ քաղաքականությունն էր միայն, որ շարունակվեց մինչև XX դարի 50-ական թվականները*:

Անհրաժեշտ է հիշատակել, որ պարսիկ որոշ հեղինակներ, ուսումնասիրելով կոնցեսիաների, օտարերկրյա բանկերի, պարտքերի, փոխառությունների և իմպերիալիստական երկրների ներթափանցման հետ կապված բազմաթիվ այլ հարցեր, ինչպես կերևա մեր հետագա մեջբերումներից և հղումներից, տվել են բավական արժեքավոր փաստական նյութ, որոնք, սակայն, գիտականորեն չեն վերլուծվել:

Իմպերիալիստական տերությունների ներթափանցման և երկիրը կիսագաղութի վերածվելու պատմության ուսումնասիրման անհրաժեշտությունն ակնհայտ էր բոլոր նրանց համար, ովքեր ձգտում էին ասպհոլել իրենց հայրենիքի անկախությունն ու ամբողջականությունը: Այդ տեսակետից բնորոշ օրինակ կարող է ծառայել էբրահիմ Թեյմուրիի հարցադրումը իր «Անտեղյակության դարաշրջանը կամ կոնցեսիաների պատմությունն Իրանում» աշխատության առաջաբանում:

Թեյմուրին նշում է, որ վերջին տարիներին (XX դարի 50-ական թվականներին—Չ. Ն.), երբ երկրի ներքին գործերին օտարների միջամտությանը վերջ տալու ուղղությամբ իրանական ժողովրդի պայքարը նոր փուլ է մտել, հաճախ է խոսվում իրանական ժողովրդի շահագործման և նրա հարյուր հիսունամյա ստրկության մասին:

Իր աշխատությունը համարելով Իրանում իրենց տիրապետությունը հաստատելու և երկրի բնական հարստություն-

* Հոկտեմբերյան սոցիալիստական մեծ հեղափոխության հաղթանակից հետո, երիտասարդ սովետական իշխանությունը ոչ միայն հրաժարվում է ցարական բոլոր նվաճումներից, այլև Իրանի նկատմամբ վարում է բարիդրացիական քաղաքականություն և նյութական ու բարոյական օգնություն է ցուցաբերում Իրանի ժողովրդին՝ վերջնականապես թոթափելու գաղութատիրական լուծը:

ները յուրացնելու համար գաղութատիրական տերությունների պայքարի պատմութիւնից մի տեսարանի վերարտադրութիւն, Թեյմուրին հանգում է այն եղրակացութեան, որ իմպերիալիստական տերութիւնները, շարաշահելով Իրանի իշխող շրջանների տհասութիւնը, անտեղյակութիւնը և ազահութիւնը անփոխհատուցելի վնասներ են հասցրել երկրի անկախութեանը: Հեղինակը իրանական ժողովրդին կոչ է անում քաղաքական և տնտեսական դավադրութիւնների ու շարամբութիւնների դոճ շղառնալ⁹:

XIX դարի վերջին քառորդի իմպերիալիստական տերութիւնների վարած քաղաքականութեան հետևանքով Իրանը վերածվում է կիսագաղութի և ընկնում խորը ճգնաժամի մեջ: Համարյա ամբողջովին հյուծվում են նրա արտադրողական ուժերը, Իրան ներթափանցած օտարերկրյա կապիտալը, օգտագործելով երկրի սոցիալական և քաղաքական ինստիտուտները, արգելակում է ազգային տնտեսութեան զարգացումը: Իսկ մյուս կողմից, Իրանի տնտեսական-հասարակական դրութեան և դասակարգային կառուցվածքի մեջ առաջացած փոփոխութիւններին Իրանի կառավարութեան անտարբեր վերաբերմունքն, իր հերթին, ավելի է խորացնում երկրի քաղաքական կյանքում առկա ճգնաժամը:

Իրանի հետամնացութեան պրոբլեմը և նրա պատճառները գրավել են պարսիկ մի շարք հեղինակների ուշադրութիւնը, որոնք վերլուծելով երկրի ներքին և արտաքին հարաբերութիւնների վիճակը, փորձել են ընդհանրացումներ կատարել և գտնել որոշակի օրինաչափութիւններ: Հիշյալ շրջանին վերաբերող իրանական պատմագրութեան ուսումնասիրութիւնը ցույց է տալիս, որ որոշ հեղինակներ արագ թափով զարգացող աշխարհից Իրանի ետ մնալու պատճառը համարում են միայն ներքին գործոնների հետևանք, ոմանք էլ, ընդհակառակը, մեղքը բարդում են Իրանի նկատմամբ իմպերիալիստական երկրների վարած քաղաքականութեան վրա: Հեղինակների մեկ այլ խումբ, սակայն, փորձում է

ابراهیم تیموری عصر بی‌خبری یا تاریخ امتیازات در ایران⁹
تهران ۱۳۳۲ صفحه الف

միահսյուսել այդ երկու գործոնները և տալ իրավիճակի ամբողջական և իրական պատկերը:

Այսպես, Հասան Հալաշը, «Իրանի քաղաքական իրադարձությունների պատմությունը ժամանակակից դարերում» աշխատության մեջ, խոսելով XIX դարի երկրորդ կեսի մասին, գրում է. «Այդ ժամանակաշրջանում երկրի շենության և ժողովրդի բարեկեցութայն ուղղությամբ ուշադրության արժանի ոչ մի միջոցառում չի անցկացվում: Դրա հետևանքով էլ թուլանում է ազգային տնտեսությունը և ցանքատարածություններն այնքան են պակասում, որ հիսուն տարվա ընթացքում մի քանի անգամ սով է տարածվում և միլիոնավոր մարդիկ են ոչնչանում¹⁰:

Հաբիբ Օլահ Մոխթարին իր «Իրանի զարթոնքի պատմությունը» գրքում անդրադառնալով նույն ժամանակաշրջանի երկրի վիճակին, գրում է, որ բռնապետական իշխանությունը, տիրող անարխիան, պաշտոնյաների դաժանությունը ու ռանձգությունները, իրավական ինստիտուտների բացակայությունը, կյանքի և ունեցվածքի անապահովությունը, ինչպես նաև կառավարության և հոգևոր ղեկավարների կողմից բազմաթիվ այլ արգելքների ու դժվարությունների հարուցումը, զարգացման, առաջընթացի և լուսավորության ընդարձակման ուղղությամբ այնպիսի օրենքների բացակայությունը, որոնք լուծեին բոլոր հակասությունները և հասարակական կյանքի բախտը մի բուռ անգրագետ պաշտոնյաների քմահաճույքին շահանձնեին,— ահա այս բոլորը ըստեղծել էին հեղձուցիչ մթնոլորտ և սպառել էին բոլոր դասակարգերի համբերությունը: Մյուս կողմից՝ արևմտյան երկրներում դիտության և արդյունաբերության զարգացումը օրեցօր ավելացնում էր համընդհանուր դժգոհությունն Իրանում և մոտեցնում հեղափոխությունը¹¹:

Ինչպես հայտնի է, Նասր էդ Դին շահը 1896 թ. պատրաստվում էր մեծ հանդիսավորությամբ տոնել իր թագա-

حسن حلاج، تاریخ تحولات سیاسی ایران در قرن معاصر،
تهران ۱۳۷۷ صفحه ۱۰

حبیب الله مختاری، تاریخ بیداری ایران، تهران ۱۳۲۶، صفحه ۳۵

վորութեան հիսունամյակը, երբ ատրճանակի գնդակով ըս-
պանվեց Շահ Աբդուլ Ազիմում: Սպանողը՝ Միրզա Ռեզա
Քերմանին, Իրանում իշխող քաղաքական դրութեան և ժողո-
վրրդի իրավազուրկ վիճակի մասին արժեքավոր վկայութիւն-
ներ է թողել, որոնք լայնորեն արձագանքվել են պարսիկ
բազմաթիվ պատմաբանների աշխատութիւններում:

Այդ ժամանակաշրջանի երկրում իշխող քաղաքական
դրութեան խորը վերլուծութիւն է կատարում նաև Մեհրի
Մալեք զադեն: «Ստրուկների և ժառանգրի մի ամբոխ,—
գրում է նա,—որն իր և երկրի ճակատագրի տնօրինման գոր-
ծում ոչ կամք ուներ և ոչ էլ ձայն, Իրանի ժողովուրդ էր կոչ-
վում և նրա կյանքն ու ունեցվածքը, հավատալիքներն ու
կրօնը... ենթակա էին շահի քմահաճույքներին ու տրամա-
դրութեանը: Այդ մարդիկ... ոչ մի իրավունք չունեին իրենց
ճակատագրի մասին կարծիք հայտնելու:

...Այդ հսկայական ապարատի շարժիչը՝ ուժն ու սար-
սափն էր, իսկ արդյունքը՝ ոտնձգութիւնը, բռնութիւնը,
կամայականութիւնն ու քմահաճույքը»¹²:

Անդրադառնալով երկրի առաջընթացի կասեցման գոր-
ծում Նասր էդ Դին շահի դերին, Մալեք զադեն գրում է.
«Ճշմարտութիւն է, որ Նասր էդ Դին շահը ինքը ժողովրդի
զարթոնքի և զարգացման ամենամոլի թշնամին էր, հայտնի՝
որպես գիտութեան ամենամեծ խոչընդոտ ու արգելք: Նա
ցանկանում էր, որ իր և իր ժառանգների հաջողութեան, մի-
անձնյա տիրապետութեան և իր քմահաճույքների համար
Իրանի ժողովուրդը տգիտութեան և արատավոր բարքերի խա-
վարի մեջ խարխափի, գիտութեան ու արդարութեան լույսը
Իրան շներթափանցի, իրանցիները քաղաքակիրթ աշխար-
հից կտրված և մեկուսացված մնան»¹³:

Նասր էդ Դին շահը ամենայն դաժանութեամբ խեղդում
էր ազատագրական պայքարի յուրաքանչյուր տենչ ու բող-
ձանք, բռնակալութեան դարավոր լուծը թոթափելու նպատա-
կով ձեռնարկված յուրաքանչյուր փորձ:

12 مهدي ملكزاده، تاریخ انقلاب مشروطیت ایران، تهران ۱۳۲۸،
صفحه ۶۰-۷۴

13 նույն տեղում, էջ 136:

Իրանի քաղաքական ու տնտեսական կյանքում էական փոփոխություններ տեղի շունեցան նաև Նասր էդ Դին շահի հաջորդի՝ Մողաֆար էդ Դին շահի, ժամանակ: «Այս թագավորի օրոք, — կարդում ենք «Իրանցիների դարձոնքի պատմությունը» գրքում, — կառավարության մեջ և երկրում որևէ բարեփոխում չի կատարվում, ընդհակառակը՝ մինչև իսկ հոր շրջանի հետ համեմատած դրությունը վատթարանում է. նահանգապետությունները բացահայտ աճուրդի են ենթարկվում, իսկ պաշտոններն ու կոչումները տրվում են կաշառքով, հրովարտականներն ու հրամանները ներքին և օտարերկրյա հնավաճառների միջոցով առուծախի առարկա են դառնում. թագավորական և կառավարական հրովարտականների հեղինակությունն ամբողջովին ընկնում է»¹⁴:

Իրանական աղբյուրներում շահերի և իշխանավորների նման կամայականությունների նկարագրությունները բաղմամբիվ են, որոնց մենք կանդրադառնանք աշխատության ընթացքում:

Պետական ապարատի քայքայման լավագույն ասպացույց կարող է ծառայել լայն տարածում գտած կաշառակերությունը, որն ընդգրկում էր երկրի կառավարման բոլոր բնագավառները: Այդ հարցին անդրադարձել են բաղմամբիվ հեղինակներ, որոնցից շատերն այն համարել են երկրի ծանր վիճակի հիմնական նախադրյալներից մեկը: Էբրահիմ Թեյմուրին, օրինակ, գտնում է, որ կաշառակերությունը, «որ բորոտի բացիլի պես դարեր շարունակ ապականել է այս երկրի կառավարող շրջանները և փլուզել նրանց հիմքերը», մի հիվանդություն է, որի «առաջացման կարևորագույն պատճառը Իրանի կառավարության խայտառակ վարքագիծը պետք է համարել»: Պատասխանելով արևմտաեվրոպական բուրժուական պատմագրության մեջ հաճախ տեղ գտած այն մեղադրանքին, թե իբր Իրանի ժողովուրդը «կաշառակեր է» և որ դա նրա բնածին հատկություններից է, Թեյմուրին

¹⁴ ناظم الاسلام کرمانی، تاریخ بیداری ایرانیان یا تاریخ مشروح و حقیقتی مشروطیت ایران مجلد اول، تهران صفحه ۱۰۳

դրում է. «Բացատրության կարիք չկա, որ մեր և օտարերկրյա հեղինակները «իրանցի» բառը գործածելով՝ նկատի են ունեցել հենց կառավարող շրջաններին և այն անազնիվ փոքրաթիվ մի խմբին, որը միշտ այդպիսի արարքների միջնորդն ու մասնակիցն է եղել: Մինչդեռ բոլոր այս գործարքներում հենց Իրանի ժողովուրդն էր, որ երբևէ հաշվի չէր առնվում»¹⁵:

Ինչպես նշվեց, պարսիկ որոշ հեղինակներ Իրանի հետամնացության հիմնական պատճառը համարում են իմպերիալիստական տերությունների գաղութատիրական քաղաքականությունը և նրանց միջամտությունն երկրի ներքին գործերին: Օրինակ, արդեն հիշատակված «Իրանը Ղաջարների թագավորության շրջանում» աշխատության հեղինակ Ալի Ասղար Շամիմը, մանրամասն քննարկելով Մոհամեշ շահի և Նասր էդ Դին շահի թագավորության ժամանակաշրջանում (XIX դարի կեսերից մինչև դարի վերջը) երկրի քաղաքական և տնտեսական կյանքում Անգլիայի և ցարական Ռուսաստանի ազդեցության շեշտակի ուժեղացումը, հանգում է այսպիսի եզրակացության. «Կարելի է գիտակցել այն դառն ճշմարտությունը, որ իրանական ժողովրդի հետագա դժբախտության և աղետային վիճակի հիմքը դրվեց Անգլիայի և Ռուսաստանի գաղութատիրական քաղաքականությունն իրականացնող գործակալների ձեռքով: Այդ երկու հզոր պետությունների քաղաքական և տնտեսական մրցակցությունն արդելակեց Իրանում որևէ բարեփոխման իրականացումը կամ առաջադիմական շարժման առաջացումը»¹⁶:

Նույն միտքն է առաջ քաշում նաև Մեհդի Մալեք զարեն, որն ուսումնասիրելով 1905—11 թթ. իրանական հեղափոխությանը նախորդող ժամանակաշրջանը, գտնում է, որ իմպերիալիստական տերությունների ազդեցությունն Իրանում ամենամեծ արգելքն էր երկրի զարգացման գործում:

15. ابراهیم قیّموری، عصر بی خبری یا تاریخ امتیازات در ایران، 1332، صفحه 26-27

16. علی اصغر شمیم، ایران در دوره سلطنت قاجار، تهران، 1342، 187 صفحه

«Իրանը,—գրում է Հեղինակը,—երկու դար շարունակ, որպես մի գնդակ, ենթակա էր հզոր տերությունների հարվածներին: Երբ նա ցանկանում էր հավասարակշռութուն հաստատել և շեղոք դիժ անցկացնել, ապա երկու տերություններն էլ դժգոհում էին և այնպիսի պահանջներ էին առաջադրում, որոնց իրականացումը անհնար էր մի խեղճ, անկարող և քայքայված ժողովրդի կողմից: Երբ նա ստիպված դեմքը դարձնում էր նրանցից մեկի կողմը, ապա ենթարկվում էր մյուս կողմի հանդիմանությանը և հարձակմանը»¹⁷:

Իրանի հետամնացության գործում իմպերիալիստական տերությունների, առաջին հերթին Անգլիայի, դերի վերլուծությանն ու լուսաբանմանն է անդրադարձել պարսիկ մեկ այլ հեղինակ՝ Մահմուդ Մահմուդը, որն իր բազմահատոր աշխատությունը վերնագրել է՝ «Իրանի և Անգլիայի քաղաքական հարաբերությունների պատմությունը XIX դարում»: Աշխատության շորրորդ հատորում, արժարժեղով ասիական երկրների գաղութացման պատմությունը, Մահմուդը նշում է, որ շնայած Ասիայի անկախ երկրները տեսնում էին, թե ինչպես և ինչ եղանակներով էր իրենց անկախությունը զոհ դառնում մեծ պետությունների գաղութատիրական քաղաքականությանը և Ասիայի լայնածավալ երկրները ինչպիսի հեշտությամբ էին ընկնում օտարների տիրապետության տակ, բայց երբեք չէին մտածում ինչ-որ ձևով բարելավել իրենց վիճակը կամ որևէ ուժ ստեղծել երկիրը պաշտպանելու, ժողովրդի մեջ հայրենասիրական և անկախության ձգտելու ղզացմունքները արթնացնելու համար¹⁸: Հեղինակը գտնում է, որ «Իրանի դժբախտությունն սկսվեց այն օրվանից, երբ նա իր մուրացիկ ձեռքը երկարեց անգլիացիներին: Իրանական բանակի հզորությունն այն օրվանից ոչնչացավ, երբ նրա ծախսերի և ոռճիկների ապահովումը կախման մեջ ընկավ անգլիացիներից ստացած գումարներից»¹⁹:

¹⁷ مهدي ملكزاده، تاریخ انقلاب مشروطیت ایران، جلد اول، 17 تهران 1328، صفحه 40.

¹⁸ محمود محمود، تاریخ روابط سیاسی ایران و انگلیس در قرن نوزدهم میلادی، تهران 1328، جلد 4 ص 1121.

¹⁹ նույն տեղում, հատ. 5, էջ 1419:

Մահմուդ Մահմուդը հետաքրքիր դատողություններ է անում նաև իմպերիալիստական Անգլիայի և ցարական Ռուսաստանի՝ Իրանում վարած քաղաքականության առանձնահատկությունների մասին:

Հեղինակը հիշատակում է այն իրողությունը, որ XIX դարի ընթացքում ցարիզմը բաղմիցս խաբվել է անգլիացիներից և նրանց ձեռքին գործիք դարձել: Այդ բանը պարզորոշ նկատվում է հատկապես Իրանում: Երբ անգլիացիները ուսաների բարեկամն էին, ապա նրանց մտահղացած բոլոր դաժանություններն Իրանում իրականացվում էին ցարիզմի ձեռքով²⁰: Ի մի բերելով իր եզրակացությունները, Մահմուդը գրում է. «Ես այս ամենը նշում եմ, որպեսզի իմ հայրենակիցները վերհիշեն օտար երկրների քաղաքականության բոլոր այն դժբախտություններն ու տանջանքները, որոնց ենթակա էին Իրանը և իրանցիները XIX դարի ընթացքում, որպեսզի նրանք տեղյակ լինեն երկրի թուլության և դժբախտության պատճառներին և ճանաչեն Իրանի քաղաքական բեմի իսկական դերակատարներին և ուսումնասիրեն, թե ինչո՞ւ և ի՞նչ հանգամանքների հետևանքով Իրանն այսօրան թուլացավ և ետ մնաց»²¹:

Անդրադառնալով Իրանի իշխող շրջանների ապիկարության և օտարների ձեռքին գործիք դառնալու հարցին, Մահմուդ Մահմուդը ընդգծում է, որ Իրանի ղեկավարները երկիրը կառավարում էին «արևելյան քաղաքականության սկզբունքներով», սակայն իմպերիալիստական երկրների ներկայացուցիչների դավադրություններն ու ներքին դավաճանների սատանայական արարքները «... հենց յուրայինների ձեռքով կտրեցին Իրանի կյանքի թելը և հիմնական բարեփոխության յուրաքանչյուր քայլ արգելակեցին»²²:

Հետաքրքիր է, որ խոսելով իմպերիալիստական քաղաքականության գործիք դարձած իրանցի ղեկավարների մասին և շեշտելով, որ «Անգլիայի և Ռուսաստանի կողմից վարժեցված ներքին դավաճանների արարքները Իրանի

²⁰ Նույն տեղում, էջ 1462:

²¹ Նույն տեղում, հատ. 5, էջ 1473:

²² Նույն տեղում, հատ. 6, էջ 1638:



ժողովրդի դժբախտութեան և երկրի ավերման պատճառ
դարձան», Մահմուդը միաժամանակ նշում է, որ շնայած բո-
լոր այդ ղեկավարներն օտար տերութիւնների գործակալներ
էին, սակայն նրանց նկատմամբ նույնպես վստահութիւն
չկար: Օտարների աչքին նրանք ստորացած էին, եվրոպացի-
ները լավ գիտեին, թե ինչպիսի խորամանկութեամբ և դա-
վադրութեամբ են նրանց գործի ներգրավել և ինչ նպատակ-
ների հասնելու համար են նրանց մեծ պաշտոններ տվել:
«Օտար երկրների ներկայացուցիչները,— գրում է հեղի-
նակը,— որոնք այդ մարդկանց հետ գործարքի մեջ էին, մեղ-
քակից էին նրանց կատարած ոճիրներին, սակայն նրանք
այդ ոճիրները համարում էին ծառայութիւն իրենց երկրնե-
րին»²³:

Իր աշխատութեան յոթերորդ հատորում նշելով, որ այդ
հարցուր հիսուն տարիների ընթացքում Իրանի երկու հզոր
հարևանները թույլ շտվեցին զարգացման ուղղութեամբ որևէ
քայլ կատարել, և բոլոր նրանք, ովքեր փորձեցին նման քայ-
լի դիմել, ոչնչացվեցին²⁴, Մահմուդը փորձում է բնորոշել այդ
քաղաքականութեան իրականացման եղանակները: Նա գտնում
է, որ Իրանին սպառնալու և իր կամքին ենթարկելու համար
Անգլիան միշտ երկու հաղթաթուղթ էր պահում և անհրա-
ժեշտութեան դեպքում օգտագործում դրանք: Դրանցից մեկը
աֆղանների հավակնութիւնն էր Սիստանի նկատմամբ, իսկ
մյուսը՝ իրանա-օսմանյան սահմանային վեճը, հարցեր, ո-
րոնք երբևէ չէին վերանում: Հենց որ Իրանը Անգլիայի պա-
հանջների առաջ անձնատուր էր լինում, այս երկու հարցերն
էլ մոռացութեան էին մատնվում՝ մինչև հաջորդ անհրաժեշ-
տութիւնը²⁵: Այս առիթով հեղինակը կրկին համեմատու-
թիւն է անցկացնում Անգլիայի և ցարական Ռուսաստանի՝
Իրանում վարած քաղաքականութեան միջև: Նա նշում է.
«Անցած հարցուր հիսուն տարիների ընթացքում Անգլիան և
Ռուսաստանն այնքան են այս երկրին հարվածել և վնա-

²³ Նույն տեղում:

²⁴ Նույն տեղում, հատ. 7, էջ 1838:

²⁵ Նույն տեղում, էջ 1877:

սել, որ գրիչը անկարող է այն նկարագրել: Սակայն եթե խղճով դիտենք այս հարյուր հիսունամյա պատմությունը, ապա կտեսնենք, որ Անգլիայի դաժանություններն ու հասցրած վնասները անհամեմատ գերազանցում են Ռուսաստանի արարքներին: Իրանում Ռուսաստանի կատարած ոտնձգությունների իսկական հրահրիչը հենց «արդար» Անգլիան է եղել»²⁵:

Ինչպես տեսնում ենք, Մահմուդ Մահմուդը Իրանի հետամնացության հիմնական գործոն է համարում արտաքին միջամտությունը և փաստորեն անտեսում է ֆեոդալական հասարակարգի քայքայվածությունն ու նեխվածությունը: Ֆեոդալական Իրանի իշխող շրջաններին նա համարում է ծախու դավաճաններ, որոնք ծառայում էին օտարերկրացիներին և սոսկ իրականացնում նրանց հետապնդած նպատակները: Նա չի տեսնում ֆեոդալական վերնախավի և նրա շահերի արտահայտիչ, նրա ոգևորիչ ու հովանավոր, շահի և նրա պալատի դասակարգային էությունը, նրանց հետադիմական դերը երկրի հետագա զարգացման գործում:

Սակայն կան հեղինակներ, որոնք ամենևին չանտեսելով արտաքին միջամտության գործոնի նշանակությունը, շեշտը դնում են երկրի ներքին վիճակի, նրա հասարակական կառուցվածքի վրա, որը խոչընդոտ էր հանդիսանում նոր, կապիտալիստական հարաբերությունների զարգացման համար:

Այսպես, Մահմուդ Ֆարհադ Մոթամեզը «Սեփահսալարե Ազամ» գրքում բացահայտ գրում է. «Միշտ էլ Իրանի դժբախտության պատճառները երկրի ներքին անմխիթար վիճակը և օտարների հրահրումներն են եղել»²⁷: Նա ընդգծում է, որ իրանական ժողովուրդը մեծ ընդունակության և բնածին տաղանդի տեր է, որ կարող էր զարգացած ժողովուրդների հետ ընթանալ քաղաքակրթության ուղիով, եթե օտարերկրացիների դավադրությունների հետևանքով երկրի հասարակական բնագավառները լճացման շմատնվեին»²⁸:

²⁵ Նույն տեղում, էջ 2067:

²⁷ ۱۴۶۰ ۱۳۴۰، «سازمان اعظم»

²⁸ Նույն տեղում, էջ 146:

Քննելով Սեփահասալարի կյանքն ու գործունեությունը, Մոթամեղը վկայակոչում է Ֆարհադ Միրզայի այն կարծիքը, թե եվրոպացիները հազարավոր կիլոմետրեր հեռու լինելով հանդերձ, գալիս են Իրան և «բարեկամության ու մարդասիրության» անվան տակ ներկայացնում են պահանջներ, որոնց մեջ խորամուխ լինելու դեպքում պարզորոշ կերպով կարելի է տեսնել, որ նրանք «մտադիր են ապահովել իրենց նյութական շահերը և երկիրը հասցնել կործանման եզրին»։ «Արքայազնը այն կարծիքի էր, — գրում է հեղինակը, — որ վերջին դարի ընթացքում իրանական ժողովրդի անհաջողությունը ներքին պատճառներ է ունեցել և նրա սկզբնաղբյուրը երկրի ներսում է եղել»²⁹։

Փորձելով վերլուծել երկրի ներքին անմխիթար դրությունը և բացահայտել դրա կործանարար հետևանքները, հեղինակը հատկապես գտնում է, որ Իրանում անվտանգության և ապահովության բացակայությունը, թշվառությունն ու ժողովրդի տնտեսական ակտիվության անբավարարությունը և, ի վերջո, համընդհանուր դժգոհությունը պատճառ էին դառնում, որ օտարերկրացիներն Իրանի ներսում հենարան գտնեին և դրանց միջոցով իրենց նպատակներն իրականացնեին։

Մոթամեղը շի թաքցնում իր տազնապը երկրի ոչ հեռու՝ որոշակիորեն առավել անուրախ, ապագայի նկատմամբ։ «Այժմ, — գրում է նա, — երբ օտարերկրացիներն Իրանում դեռևս ոչ մի կոնցեսիաներ և արտոնություններ չունեն, ամեն պահ խանգարում են որևէ դրական քայլի իրականացմանը երկրում, ապա ի՞նչ կլինի այն ժամանակ, երբ նրանք օգուտի ավելի մեծ աղբյուրներ ձեռք բերեն և բռնի կերպով ուղենան իրենց ցանկություններն իրականացնել»³⁰։

Իրանական պատմագրությանը հետաքրքրել է նաև Իրանի հասարակական զարթոնքի խնդիրը։

Հասարակական-քաղաքական մտքի զարգացումն Իրանում XIX դարի վերջերին մեծապես թելադրվում էր այն էական տեղաշարժերով ու փոփոխություններով, որ տեղի էին

²⁹ Նույն տեղում, էջ 148։

³⁰ Նույն տեղում։

ունեցել երկրում: Այդ շրջանին է հատուկ ազգային ինքնա-
գիտակցության արթնացումն ու բուրժուական նացիոնա-
լիզմի զարգացումը: Չնայած նշված ժամանակաշրջանում
արտադրական հարաբերություններն իրանում գլխավորա-
պես ֆեոդալական էին, սակայն մի շարք հանգամանքնե-
րկրի դասակարգային կառուցվածքի մեջ արդեն առաջ էին
բերել ղգալի տեղաշարժեր: Ոչ միայն ծագել էին նոր դասա-
կարգեր և խավեր, այլև մինչ այդ գոյություն ունեցող դա-
սակարգերի ու խավերի բնույթը ևս սկսել էր փոխվել: Բնա-
կանաբար, հասարակության բաղկացուցիչ տարրերի մեջ
առաջացած փոփոխությունն իր հետ բերում էր նաև նոր
գաղափարներ, որոնք կոչված էին պաշտպանելու նոր դասա-
կարգերի և խավերի շահերը: Դասակարգային պայքարի վե-
րելքի պայմաններում տեղի էին ունենում նաև գաղափարա-
կան պայքարի նորանոր դրսևորումներ: Այս պրոցեսը, սա-
կայն, XIX դարի առաջին կեսին դեռևս դանդաղ էր ընթա-
նում: Դրությունը փոխվում է XIX դարի երկրորդ կեսին: Բա-
բինների շարժումը, որը սոցիալական հակասությունների
խիստ սրման արդյունք էր, նոր ուղիներ է բացում բուրժուա-
կան հարաբերությունների զարգացման համար: Եվ հենց
այս շրջանում է, որ լայն տարածում են գտնում լուսավոր-
չական գաղափարները, հող պատրաստելով հեղափոխական-
դեմոկրատական գաղափարների տարածման համար:

Առաջագիմական գաղափարների ծագման, հասարակա-
կան-քաղաքական կյանքի աշխուժացման բնագավառում
կարևոր գործոն է եղել նաև շփումը եվրոպական քաղաքա-
կրթության հետ:

Իրանի զարթոնքի պրոբլեմը մեծապես հետաքրքրել է
պարսիկ առանձին հեղինակների, որոնք փորձել են վեր հա-
նել այդ երևույթի արմատներն ու դրդապատճառները, ըմ-
բանել նրա նպատակներն ու ձգտումները:

«Թեհրանե Մոսավար» հանդեսի 1962 թ. № 935-ում
էսմայիլ Ռայինը այն միտքն է հայտնում, որ ազատագրա-
կան գաղափարների տարածումը, որը հարյուր տարի հետո
հասցրեց սահմանադրական շարժմանը, սկսվեց քաղաքա-
կիրթ աշխարհի և եվրոպացիների հետ իրանցիների շփման

հետևանքով: Իրանի դիվանագիտական ներկայացուցիչներին և ուսանողներին այցելությունները Եվրոպա հնարավորություններ ընձեռեցին, որպեսզի ազատության, դեմոկրատական ու պառլամենտական իշխանության դադափարները տարածվեն երկրում: Բուրժուական զարգացման կողմնակիցները հասկանում էին, որ Իրանի ապագա գոյությունն ապահովելու համար անհրաժեշտ է, որ նախ՝ արևմտյան քաղաքակրթությունը մուտք գործի Իրան ու երկիրն առաջընթաց ապրի և ապա իշխանությունը հիմնվի օրենքի վրա:

Դեռևս դարասկզբին Միրզա Սալեհ Շիրազին, որը տասնմեկ հոգու հետ միասին, Աբբաս Միրզայի հրամանով, կրթություն ստանալու նպատակով Անգլիա էր ուղարկվել, պառլամենտական կարգերի վերաբերյալ իր ճամփորդական նոթերում հետաքրքիր մտքեր է արտահայտել Անգլիայի պառլամենտական և Իրանի բռնապետական իրավակարգի մասին³¹:

Մի այլ հեղինակ՝ Ֆիրուզ Դավարը, Բոմբեյում անդլերեն լեզվով հրատարակած իր գրքում նշում է, որ «Իրանը արևմտյան երկրների հետ կապի մեջ մտավ, պայքարեց նրանց դեմ և ավերվեց նրանց կողմից, բայց այդ կապն իր հետ բերեց հսկայական մտավոր զարթոնք: Իրանը գիտակցեց անկախության արժեքը և զգաց ազատության պայքարում դիսավոր գործոններից մեկի՝ տպագիր խոսքի, նշանակությունը»³²:

Հարցի մի այլ կողմին է անդրադառնում Աբդուլահ Թագին, որն իր «Իրանի ընդարձակ պատմությունը» աշխատության մեջ գրում է. «... ակամա ուժեղացավ շփումն Արևմուտքի ժողովուրդների հետ: Գիտության և արդյունաբերության նրանց նվաճումները, ինչպես նաև ազատության և հավասարության հայացքներն իրանցի մտավորականներին ցույց տվեցին, որ բռնապետությունը վնաս է պետությանն ու ժողովրդին և, եթե անհրաժեշտ բարեփոխումներ տեղի չունենան, մեր ամեն ինչը կվտանգվի»³³:

³¹ تهران مصور، شماره ۹۳۰، ۱۹۶۰، ص ۶۰۰

³² F. C. Davar, Iran and its Culture, Bombay, 1953, p. 43.

³³ عبد الله رازی، تاریخ مفصل ایران، تهران ۱۳۲۰، ص ۵۰۰

Մինչդեռ Իրանում հասունանում և զարգանում էին նման գաղափարները, հաքեմները, էմիրները և արքայազնները երկրի տարբեր մասերում շարունակում էին իրենց բռնակալ ինքնակալությունը, ոտնձգությունները, որոնք ավելի էին սաստկացնում ժողովրդի դժգոհությունը:

Արևմտյան քաղաքակրթության ազդեցության մասին է գրում նաև պարսիկ մի ուրիշ հեղինակ՝ Ֆերեյդուն Աղամիջաթը: Իր «Աղատության միտքը և սահմանադրական շարժման սկիզբը» խորագիրը կրող աշխատության մեջ նա բացահայտորեն շեշտում է, որ «Մտքերի զարթոնքն Իրանում արդյունք էր արևմտյան քաղաքակրթության և դիտության հետ ծանոթանալուն»³⁴: Հեղինակն այն կարծիքին է, որ արևմտյան քաղաքակրթության հետ ծանոթանալը, իր հերթին, հետևանք էր Իրանի և Եվրոպայի միջև կապի հաստատման, XIX դարի սկզբներին Իրանում եվրոպական երկրների քաղաքականության տարածման և Ռուսաստանի հետ երկարատև հարևանության: Այս ամենն արևմտյան աշխարհի հետ մշտական կապերի հիմք հանդիսացան և միջազգային հարաբերությունների ընդարձակմանը զուգընթաց, նման շփումները էլ ավելի սերտացան³⁵:

Իրանի հասարակական մտքի և ազատագրական շարժումների զարգացման հանդամանքների ու դրդապատճառների այսպիսի բացատրությունն իրանական պատմագրության մեջ, որքան էլ ընդունված ու տարածված, սակայն միակը չէ: Մեհդի Մալեք զադեն, օրինակ, գտնում է, որ ժամանակի ամենահզոր պետության՝ Անգլիայի, պատերազմը Տրանսօլանում «նշանակալի ազդեցություն է ունեցել իրանական ժողովրդի մտավոր զարգացման գործում: Իրանի մտավորականները հիացմունքով ողջունում էին այդ փոքրաթիվ ժողովրդի դիմադրությունը և անձնազոհությունը՝ հանուն ազատության և անկախության, ընդդեմ ուժի, բռնության և շահագործման»:

فریدون آدمیت، فکر آزادی و مقدمه نهضت مشروطیت،³⁴
تهران ۱۳۳۴، ص ۲۱

³⁵ նույն տեղում:

Հեղինակն այնուհետև համոզված շեշտում է, որ Անգլիայի և Տրանսվալի պատերազմը հուլյսի մի ճեղք բացեց մտավորականների և ազատասերների սրտերում և նրանց ըմբռնել տվեց, որ իր անկախության ու ազատության համար փոքրաթիվ մի ժողովրդի պայքարը աշխարհի բոլոր ժողովուրդների հավանությանն ու գովասանքին է արժանանում, և որ պատվով ընդունած մահը ավելի լավ է, քան ուժը և բռնությունը հանդուրժող ստորացուցիչ կյանքը: Մալեք զադեն այնուհետև գրում է, որ իրանցի մտավորականները երկար ժամանակ գովերգում էին այդ ժողովրդի տոկունությունն ու արիությունը և պախարակում իրենց հայրենակիցներին՝ խորը քնի մեջ գտնվելու համար: Նրանք հույս էին հայտնում, որ իրենց հայրենակիցները՝ իրանցիները ևս, որ պատմական փայլուն անցյալ ունեն, մի օր, պետք է արժնանան և թոթափեն օտարների ազդեցությունը, արձակեն ստրկության և հպատակության շղթան իրենց վզից և տեղ գտնեն աշխարհի զարգացած ու առաջադեմ ժողովուրդների շարքում³⁶:

Պարսիկ մի շարք հեղինակներ աշխատել են պարզաբանել նաև 1905—1911 թթ. իրանական բուրժուական հեղափոխությունը ծնող դրդապատճառները, նրա հիմնական ակունքները:

«Իրանի ընդարձակ պատմությունը» աշխատության հեղինակ Աբդոլահ Ռազին, անդրադառնալով այդ հարցին, նշում է հետևյալ հանգամանքները.

1. Օտարերկրյա ազրեսիան, տերությունների ոտնձգությունն իրանական տերիտորիայի հանդեպ և նրանց միջամտությունը երկրի ներքին գործերին:

2. Օտարերկրացիներին տարբեր կոնցեսիաներ տրամադրելու միջոցով, փաստորեն, իրանցիների իրավունքները նրանց վաճառելը:

3. Շահի բռնությունը, նահանգապետների և արքայազների դաժանությունն ու սանձարձակությունները:

36 مہدی، ملکتراد، تاریخ مشروطیت ایران، جلد دوم، تہران ۱۳۳۸، ص ۱۶۸-۹

4. Արևմուտքի ժողովուրդների հետ հարաբերության մեջ մտնելը և այդ երկրների վիճակի հետ ծանոթանալը:

5. Ժողովրդի արթնացումը տարբեր ազդակների հետևիվանքով, օտարերկրյա գրականության ու մամուլի տարածումը, նոր գիտություններին ծանոթանալը, Եվրոպայի ազատագրական շարժումների պատմությանը տեղեկանալը, Միրզա Թաղի խանի ռեֆորմների ազդեցությունը, որոշ մտավորականների և հոգևորականների՝, ինչպես օրինակ, Սեյիդ Զամալ էդ Դին Ասադ Աբադիի, Հաջի Շեյխ Նաջմ Աբադիի, Միրզա Մելքոմ խանի և ուրիշների քարոզները և, վերջապես, մամուլի զարգացումը:

6. Հոգևորականների մասնակցությունը հեղափոխությունը³⁷:

Ակնհայտ է, որ հեղինակը, որոշ բացառությամբ, գրեթե ճիշտ է բնորոշում հեղափոխության նախօրյակին երկրում տիրող դրությունը և փորձում է որոշել այն գործոնները, որոնք հասունացրին հեղափոխությունը:

Այս հարցն այլ կերպ է դիտում պարսիկ մեկ այլ հեղինակ՝ Հասան Հալաշը: Նրա կարծիքով, «Ազատագրական շարժման և սահմանադրության պատմությունն Իրանում պետք է սկսել այն ժամանակաշրջանից, երբ Իրանն Արևմուտքի քաղաքականության դոճ դարձավ և Միջին Ասիան ու Մերձավոր Արևելքը որոշ եվրոպական պետությունների մեքենայությունների թատերաբեմի վերածվեցին: Հարևան պետությունների գործակալներն սկսեցին միջամտել Իրանի բոլոր բնագավառներում՝ կրոնական կյանքում, ազգային սովորություններում, տնտեսության, հասարակական, քաղաքական և գինվորական ասպարեզներում»³⁸:

Հատկապես մեծ է եղել ռուսական հեղափոխական շարժման և անդրկովկասյան առաջադեմ մտածողների ազդեցությունն Իրանում ծավալված հակազաղութատիրական և հակաֆեոդալական շարժման զարգացման վրա: Սա մի

37 ʻAbd al-Razi, *Tarikh Mafsil-i-Iran*, Teheran 1370, صفحه 51.

38 حسن حلاج، *تاریخ تحولات سیاسی ایران در قرن معاصر*، تهران 1377، صفحه 14.

պատմական ճշմարտություն է, որը շեն կարող շխոստովա-
նել մինչև իսկ պարսիկ բուրժուական պատմաբանները:

Մեհդի Մալեք զադեն, «Իրանի սահմանադրական հե-
ղափոխության պատմությունը» աշխատության մեջ, խոսե-
լով ռուսական հեղափոխության նկատմամբ իրանական ա-
ռաջադեմ շրջանների վերաբերմունքի մասին, գրում է. «Իրա-
նի մտավորականները, որոնց համբերությունը հատել էր
իրենց երկրի նկատմամբ ռուսական կառավարության օր-
րասօրե աճող ճնշումից և երկրի ներքին գործերին նրա ներ-
կայացուցիչների միջամտությունից, մեծ համակրանքով
էին դիտում Ռուսաստանի հեղափոխական շարժումը և հա-
ջողություններ էին ցանկանում այդ երկրի ազատասեր ժո-
ղովրդին: Չնայած բռնության երկաթյա պատնեշին, որն
իրանցիներին թույլ չէր տալիս ազատ աշխարհի մամուլի
հետ կապի մեջ մտնել, նրանք հնարավոր միջոցներով ձեռք
էին բերում Ռուսաստանի ազատասերների շարժման ուրա-
խություն պատճառող լուրերը և տարածում Իրանի ազատա-
տենչ ժողովրդի մեջ»³⁹:

Մալեք զադեն հեղափոխության պատմության համար
անհրաժեշտ է համարում նշել մի այլ հիշարժան պարագա
ևս: Ռուսաստանի ազատասերների իրար հաջորդող շարժում-
ները և այն համառությունն ու ինքնազոհությունը, որ նրանք
երևան էին բերում բռնապետական կարգերի տապալման և
ազատություն ձեռք բերելու համար, իրանցիներին քաջալե-
րում էին հետևելու նոր գաղափարների: Եթե Ռուսաստանը
Ճապոնիայի դեմ մղած պատերազմում հաղթանակ տաներ,
անկասկած, ազատության սերմերն իր երկրում կխեղդեր և
այն լուսավոր ջահը, որը, ինչպես հույս ունեին աշխարհի
բոլոր առաջադեմ ժողովուրդները, պետք է մի օր այդ ըն-
դարձակ երկրի բռնապետությանը վերջ տար, կհանգչեր և
այլևս Իրանում լույս չէր սփռի և մտքեր չէր լուսավորի:

«Ահա այդ էր պատճառը, — եզրակացնում է Մալեք զա-
դեն, — որ Ռուսաստանի պարտությունից հետո հեղափոխա-
կան ու ազատասիրական շարժումները վերելք ապրեցին և

39 مہدی ملکزادہ، تاریخ انقلاب مشروطیت ایران، تهران ۱۳۲۸، ص ۱۱۶

այդ դաժան կառավարութիւնը ստիպված եղավ որոշ շափով իրենով զբաղվել»⁴⁰։

Վերոհիշյալ հարցն արժարժում է նաև Ահմադ Քասրավին։ Նա իրանական 1905—11 թթ. հեղափոխութեան ակա- նատես էր և լավատեղյակ։ Նրա «Իրանի սահմանադրութեան պատմութիւնը» աշխատութիւնը մինչև այժմ էլ մնում է սրպես հեղափոխութեան պատմութեան կարևորագույն սկզբ- նաղբյուրներից մեկը։ Քասրավիի տեսակետն այս հարցում հետևյալն է. իրանցիները համաշխարհային իրադարձու- թիւնների և եվրոպական շարժումների մասին ոչ մի տեղե- կութիւն չէին ստանում։ Սեփահալար Ղազվինիի շրջանից իրանում զարթոնք սկսվեց, իսկ սկսած ծխախոտի կոնցե- սիայի ժամանակից ծագեցին ժողովրդական շարժումներ, որոնք շարունակվեցին ընդհուպ մինչև սահմանադրական շարժումը։ Խոսելով վերջինիս վրա Անդրկովկասի հեղափո- խական շարժումների ազդեցութեան մասին, հեղինակն ուղ- ղակի գրում է. «Բնական է, որ երկրի բոլոր շրջաններն էլ շատ թե քիչ մասնակից էին դառնում այդ շարժմանը։ Ատրը- պատականը նույնպես մասնակից էր... Այնտեղ առկա էր այնպիսի գործոն, որպիսին Կովկասին մոտ լինելն է...

Կովկասն Ատրպատականից բաժանվում էր միայն մեկ գետով՝ Արաքսով։ Հենց այդ պատճառով էլ Կովկասն այստեղ անվանում էին «Օթայ» (այն ամիր)։ Յուրաքանչյուր տարի բազմաթիւ առևտրականներ, արհեստավորներ ու բանվոր- ներ գնում էին այնտեղ և մի քանի տարի մնալուց հետո վերադառնում հայրենիք։ Այն ամենը, ինչ նրանք լսում կամ տեսնում էին՝ Ռուսաստանի, ռուսների և այլ եվրոպացիների կշանքի մասին, փոխանցում էին իրենց հայրենակիցներին... Ընդհանրապես Ատրպատականը, հատկապես Թավրիզ քա- ղաքը, ավելի էին պատրաստ զարթոնքի, քան մյուս վայ- րերը։ Ծխախոտի կոնցեսիայի դեմ ապստամբութիւնը հա- մարվում է ժողովրդական ղանգվածների առաջին շարժումը, իսկ այդ ապստամբութեան մեջ թավրիզցիներն ավանգար-

⁴⁰ Նույն տեղում, էջ 170—171։

դում էին գտնվում, և դա նրանց նվիրվածության ապացույցն էր»⁴¹:

Անդրկովկասյան առաջադեմ գործիչները մեծապես ազդում էին Իրանի գաղափարական զարգացման ընթացքի վրա:

Այդ տեսակետից հետաքրքրական է ադրբեջանցի գրող Զամիլ Մամեդ Կուլիզադեի հետևյալ դիմումը՝ ուղղված հայրենիք վերադարձող իրանցի բանվորներին.

«Ձեր հայրենակից բանվորներին հաղորդեք, որ ռուսաստանյան ընկերները ողջունեն են հղում նրանց: Եթե նրանք ցանկանան ընթանալ այստեղի իրենց ընկերների ուղիով, եթե ցանկանան ազատագրվել այն լծից, որը նրանց վզին են փաթաթել պարսկական բռնապետերը՝ խաները, տերերը, մոլլաները, առևտրականները, արքայազնները, եթե ցանկանան ձեռք բերել իրենց մարդկային իրավունքները, և ազատ շունչ քաշել, ապա այն ժամանակ ռուսաստանյան ընկերները՝ որպես հիշատակ, նրանց կնվիրեն սրբազան լոզունգներով զարդարված իրենց դրոշը:

Ռուսաստանի բռնապետությունը, — գրում է նա, — որը ճապոնիայից կրած պարտությունից և ներքին հեղափոխությունից վիրավոր ու անկարող էր դարձել, 1914 թ. համաշխարհային պատերազմում պարտվեց. բռնապետական կառավարությանը փոխարինեց ժողովրդական իշխանությունը և Իրանը փրկվեց Ռուսաստանին կուլ գնալու վտանգից: Այն, ինչ ռուսական ագրեսիվ կառավարությունը տարիների ընթացքում ուժով և բռնությամբ Իրանից կորզել էր, կենինի ազատասեր կառավարությունն ամենայն բարչացակամությամբ ու մարդասիրությամբ Իրանի ժողովրդին վերադարձրեց և իրանցիներին իր սիրո և արդարության նկատմամբ պարտական դարձրեց:

Թող վիրավորված, թշվառ իլանական աշխատավոր ժողովուրդը կարդա այս լոզունգը. «Պրոլետարներ՝ բոլոր երկրների, միացե՛ք»:

Թող կարդա՛ն և միանա՛ն»⁴²:

⁴¹ احمدكسروی، تاریخ مشروطه ایران، تهران، ۱۳۴۰، ص ۱۲۸-۱۲۷

⁴² «Кавказский рабочий листок», Тифлис, 1905, 9/22 декабря.

Հաստատելով ռուսական հեղափոխությունների ան-
ժխտելի դրական ազդեցությունն Իրանում ծավալված ազ-
գային-ազատագրական շարժումների վրա ընդհանրապես,
Մեհդի Մալեք զադեն, մասնավորաբար, հատուկ անդրադա-
նում է Հոկտեմբերյան սոցիալիստական մեծ հեղափոխու-
թյան՝ այն հսկայական նշանակությանը, որ նա ունեցավ Ի-
րանի պատմության հետագա ընթացքի համար⁴³:

مهدي ملكزاده، تاریخ انقلاب مشروطیت ایران، تهران ۱۳۲۸، ۴۳
صفحه ۷۱

ԻՐԱՆԻ ՍՈՑԻԱԼ-ՏՆՏԵՍԱԿԱՆ ԵՎ ՔԱՂԱՔԱԿԱՆ ՎԻՃԱԿԸ
XIX ԴԱՐԻ ԵՐԿՐՈՐԴ ԿԵՍԻՆ

XIX դարի վերջերին եվրոպական կապիտալիզմը, թևակոխելով իմպերիալիստական դարաշրջան, է՛լ ավելի ուժեղացրեց տնտեսական և քաղաքական ներթափանցումը դադութային, թույլ և հետամնաց երկրները: Ներխուժման այդ ոլորտից դուրս շմնաց նաև Իրանը: Երկիրն արդյունաբերություն չունեւ, հետևաբար, թե՛ ներքին և թե՛ օտարերկրյա կապիտալը, որը գերակշռում էր, հիմնականում ներդրվում էր առևտրի մեջ: Անհրաժեշտ է նշել, որ երկրի կիսադադութային վիճակը խիստ ծանր էր անդրադառնում նրա ընդհանուր ֆինանսական դրության վրա: Օտարերկրյա ապրանքների զանգվածային հոսքը շէր հավասարակշռվում արտահանվող հումքի ու գյուղատնտեսական մթերքների քանակով, ուստի և՛ ճեղքվածքը պետք է փակվեր ոսկով. երկրից արտահոսում էր ոսկին:

Օտարերկրյա կապիտալի ներթափանցումն իր հետ բերեց Իրանի տնտեսական ստրկացման նոր եղանակներ՝ կոնցեսիաներ, փոխառություններ, օտարերկրյա բանկեր և այլն, որոնց մասին մանրամասն կխոսվի աշխատության վերջին գլխում:

Ներքաշվելով համաշխարհային կապիտալիստական շուկայի ոլորտը և կրելով նրա ազդեցությունը, արհեստագործական արտադրության հիմքի վրա Իրանում սկսեցին զարգանալ կապիտալիստական հարաբերությունների սաղմերը: Ճիշտ է, երկիրը մնաց ագրարային, սակայն այն վերածվեց համաշխարհային կապիտալիստական շուկայի համար գյուղատնտեսական հումքի աղբյուրի: Մյուս կողմից՝ օտարերկրյա կապիտալի ներթափանցումը շնայած որոշ շա-

փով քայքայեց տիրող ֆեոդալիզմի տնտեսական հիմքերը, սակայն օգտագործելով երկրում գործող սոցիալական և քաղաքական ինստիտուտները, արգելակեց ազգային տնտեսության զարգացումը:

Ուշ միջնադարում մեծ համբավ ուներ Իրանի արհեստագործական արտադրությունը, որը մեղ հետաքրքրող ժամանակաշրջանում դեռևս շարունակում էր մնալ որպես երկրի արդյունաբերության գլխավոր ձև: Միաժամանակ սկսում էին երևան գալ նաև մանուֆակտուրային արդյունաբերության առաջին ձեռնարկությունները:

Սակայն Իրանի համար նոր, կապիտալիստական հարաբերությունների տնտեսական տեղաշարժերը սկզբից ևեթ կասեցվեցին օտարերկրյա կապիտալի մուտքով, երևույթ, որ նպաստավոր պայմաններ էր ստեղծում արհեստագործական արտադրության անկման համար:

Տնտեսական այդ ընդհանուր քայքայման հետևանքով, XIX դարի վերջին, պաշտոնական տվյալների համաձայն, մի քանի տարում փակվեցին ավելի քան հիսուն արդյունաբերական ձեռնարկություններ (հատկապես գորգի, մետաքսի, ապակու, շաքարի և լուցկու): Եթե մինչ այդ երկրից արտահանվող ապրանքների մեջ նշանակալից տեղ էր գրավում արհեստագործական արտադրանքը, ապա եվրոպական կապիտալի մուտքից հետո հիմնականում սկսեցին արտահանվել հումք և գյուղատնտեսական մթերքներ: Աղբյուրները վկայում են, որ արդեն XIX դարի երկրորդ կեսից սկսած համարյա դադարում է իրանական պատրաստի գործվածքների արտահանումը, բացի գորգից, որը մինչև օրս էլ շարունակում է մնալ որպես արտահանման գլխավոր և անգերազանցելի ապրանքներից մեկը:

Հայտնի են Մարքսի հետևյալ խոսքերը Հնդկաստանում Անգլիայի վարած քաղաքականության մասին. «Անգլիան սկսեց դուրս մղել հնդկական բամբակյա գործվածքները եվրոպական շուկաներից, ապա սկսեց Հնդկաստան ներմուծել ոլորված մանվածք (twist) և վերջում բամբակե գործվածքների հայրենիքն սկսեց ողողել բամբակեղեն ապրանքներով»¹:

¹ Վ. Մարքս, Ընտիր երկեր, Երևան, 1941, հատ. 2, էջ 650:

Նույն պրոցեսը տեղի ունեցավ նաև Իրանում:

XIX դարի վերջերին օտարերկրյա, հատկապես անգլիական և ռուսական, կապիտալի ինտենսիվ մուտքն Իրան իր հետ բերեց նաև երկրում այդ տերությունների տնտեսական և քաղաքական ազդեցության ուժեղացում: Իրանի հարավում միահեծան կերպով իշխում էր Անգլիան՝ արգելակելով եվրոպական մյուս երկրների ներթափանցմանը, իսկ հյուսիսում տիրում էր ցարական Ռուսաստանը:

Իրանը եվրոպական պետություններին հետաքրքրում էր ոչ միայն որպես հումքի աղբյուր և իրենց արդյունաբերական ապրանքների սպառման շուկա, այլև որպես հարմար երթուղի Արևելքի մյուս երկրներ թափանցելու համար: Սա մի այնպիսի իրողություն էր, որ շէին կարող շխոստովանել նույնիսկ իմպերիալիստական քաղաքականության ջատագույնները: Այսպես, Քերզոնը 1892 թ. գրում էր. «Մինչև իսկ նրանք, ովքեր բրիտանական քաղաքականությանը քիչ էին ծանոթ կամ անտարբեր էին նրա նկատմամբ, գիտակցում էին, որ Իրանը մի երկիր է, որը հանդիսանում է ընդարձակ և շահավետ շուկա անգլիական ու անգլո-հնդկական առևտրի համար, և որ հատկապես այդ հողի վրա նրա դեկավարի հետ բարի հարաբերություններ ունենալը առավելագույն շահով ցանկալի է»²:

Իրանի տնտեսության կենսական բարձունքները նվաճելու և իրեն ենթարկելու ճանապարհին Անգլիան մի կողմից հանդիպում էր մյուս տերությունների, հատկապես ցարական Ռուսաստանի, իսկ մյուս կողմից՝ իրանական ժողովրդի աճող դիմադրությանը: Անգլիական իմպերիալիստները ջանում էին օգտագործել նաև գաղափարական սլայքարը, որ ծավալվում էր երկրում: Պատահական չէ, որ պարսիկ որոշ հեղինակներ գաղափարական այս կամ այն հոսանքի սլայքարի մեջ հաճախ արդարացի կասկածով տեսել են անգլիական իմպերիալիզմի դավադրությունը:

Հասան Հալաջն, օրինակ, գտնում է, որ Իրանի սահմանադրական շարժման պատմությունը սկսեց է սկսել այն ժա-

² G. Curzon, Persia and the Persian Question, vol. 1, London, 1892, p. 2

մանակվանից, երբ երկիրը արևմտյան քաղաքականության առարկա դարձավ³:

«Ռուսաստանի և Անգլիայի քաղաքական ազդեցությունն Իրանում,—գրում է պարսիկ մի այլ հեղինակ՝ պատմաբան Մալեք զադեն,—մեր զարգացման և համաշխարհային քաղաքակրթության քարավանին միանալու խոշորագույն արգելքն էր: Դրա հետևանքով XIX և XX դարերում, երբ աշխարհը շշմեցուցիչ արագությամբ առաջանում էր գիտության, արդյունաբերության և ազատության ուղիով, Իրանի ժողովուրդը որևէ քայլ չկարողացավ կատարել երկիրը թշվառությունից և դժբախտությունից դուրս բերելու համար:

Իրանի ժողովուրդը չէր կարողանում իր բնական ու հանքային հարստություններից օգտվել և ստիպված էր օտար երկրներից ձեռք բերել այն, ինչ ինքն անհրաժեշտ քանակից ավելին ուներ: Օտար պետությունների ազատության և բռնության հետևանքով, Իրանի ժողովուրդը՝ նստած իր երկրի ընդերքում թաքնված գանձերի վրա, մահանում էր սովից»⁴:

Ֆիրուզ Քովասջի Դավարը 1953 թ. Հնդկաստանում հրատարակած «Իրանը և նրա կուլտուրան» գրքում, պատկերավոր կերպով ներկայացնելով Իրանի նկատմամբ իմպերիալիստական երկրների քաղաքականության իսկական բնույթը, գրում է, որ վերջիններս «ղաջարական ռեժիմի ուշ շրջանի Իրանի հետ վարվում էին որպես ոտքի վնդակի»: Թվարկելով Իրանի տնտեսական և քաղաքական զիջումներն այդ տերություններին, Դավարն այն միտքն է հայտնում, որ «Իրանի քաղաքական պայմաններն այնպիսի ծայրահեղ նվաստացուցիչ և անօգնական տեսք ունեին, որ այն կարելի էր համեմատել բրիտանական տիրապետության ժամանակ հրնդկական որևէ տեղական իշխանության հետ»⁵:

Անգլիայի քաղաքական և տնտեսական ներթափանցումն Իրան այնպիսի շափերի հասավ, որ նույնիսկ անգլիական իմ-

حسن حلاج، تاریخ تحولات سیاسی ایران در قرون معاصر،
تهران ۱۳۷۷، صفحه ۱۷

مهدي ملكزاده، تاریخ انقلاب مشروطیت ایران، تهران ۱۳۲۸،
صفحه ۴۱-۴۰

⁵ F. C. Davar, Iran and its Culture, Bombay, 1953, p. 383.

պերիալիզմի ջատագով Քերզոնը ստիպված էր իր «Իրանը և իրանական հարցը» աշխատության մեջ խոստովանել, որ անգլիական լիազոր ներկայացուցիչը Բուշեհրում հանդիսանում էր Պարսից ծոցի շթագադրված թագավորը⁶:

Ինչպես տեսնում ենք, վերը բերված հատվածներում ճշմարտացիորեն նկարագրված է իմպերիալիստական երկրչնների քաղաքականությունն Իրանի նկատմամբ, քաղաքականություն, որը միշտ էլ ունեցել է իր տարբեր երանգներն ու դրսևորումները, և դրանով իսկ տեղիք է տվել զանազան, հաճախ հակասական, բնութագրումների ու գնահատականների:

Բերված վկայակոչումները ցույց են տալիս, որ XIX դարի վերջին և XX դարի սկզբներին իմպերիալիստական Անգլիայի և ցարական Ռուսաստանի քաղաքական ազդեցությունն Իրանում այնքան էր սաստկացել, որ երկիրը փաստորեն վերածվել էր կիսագաղութի:

Այսպիսի իրադրությունն Իրանի ժողովրդական զանգվածների կողմից ընկալվում էր ծայրահեղ բացասաբար, քանի որ նրանք անմիջապես իրենց վրա զգում էին Իրանի նկատմամբ իմպերիալիստական քաղաքականության ծանր և աղետավոր հետևանքները:

*

* *

Ինչպես վերը նշեցինք, եվրոպական կապիտալի մուտքն Իրան առաջին հերթին զարկ տվեց Իրանի առևտրական կապերին: XIX դարի վերջերին Իրանի արտահանումների և ներմուծումների մասին եղած նյութերը ցույց են տալիս, որ եվրոպական ապրանքներն Իրան էին ներթափանցում երկու ուղղությամբ. հարավից՝ Միջերկրական ծովով, Սուեզի ջրանցքով, Հնդկական օվկիանոսով, Պարսից ծոցից և արևմուտքից՝ Միջերկրական ծովով ասիական Թուրքիայից: Երրորդ՝ հյուսիսային ուղղությունը, 1883 թվականից միջազ-

⁶ G. Curzon, Persia and the Persian Question, vol. II, London 1892, p. 45.

դային առևտրի համար փակ էր, քանի որ դադարեցված էր Կովկասի վրայով առանց մաքսի տրանզիտը⁷:

Իրանի ներմուծումների դումարը 1893 թվականին կազմել է.

Ռուսաստանից	1,111	հազար ֆ. ստ.
Հնդկաստանից	1,225	» »
Անգլիայից	251	» »
մյուս երկրներից	477	» »
	<hr/>	
ընդամենը	3,064	

Դրան պետք է ավելացնել նաև նշանակալից ներմուծումները Բաղդադի վրայով, որոնք սովորաբար հաշվետվությունների մեջ նշվում են Ռուսբիայի ներմուծումների հետ միասին և 250 հազար ֆունտ ստեռլինգից պակաս չէին:

Արտահանումներն Իրանից 1893 թ. կազմել են.

Ռուսաստան	1,649	հազ. ֆ. ստ.
Հնդկաստան	489	» »
Անգլիա	119	» »
մյուս երկրները	535	» »
	<hr/>	
ընդամենը	2,792	

Դրան պետք է ավելացնել նաև արտահանումը Բաղդադի վրայով, որը կազմում էր 118 հազար ֆունտ ստեռլինգ⁸:

Հասկանալի է, որ Հնդկաստանի բաժինը նույնպես պետք է համարել անգլիական, քանի որ նա Անգլիայի գաղութն էր:

Գեներալ-լեյտենանտ Կուրոպոտկինը, որը ցարի կարգադրությամբ 1895 թ. ճամփորդել էր Իրանում, իր հաշվետվության մեջ գրում է, որ Իրանի հետ եվրոպական տերությունների առևտրական շրջանառությունը կատարվում էր հոգուս վերջիններիս: Գեներալի հաշվետվության մեջ նշվում է, որ ռուսական արդյունաբերական շրջաններն ավելի մոտ են Իրանին և պետք է ավելի մեծ ջանքեր գործադրել իրանական շուկաները նվաճելու համար⁹:

Եթե XVIII դարում և XIX դարի սկզբներին Իրանի հետ

⁷ М. Томара, Экономическое положение Персии, СПб, 1895, стр. 30.

⁸ նույն տեղում, էջ 147:

⁹ Всеподданнейший отчет генерал-лейтенанта Куропоткина о поездке в Тегеран в 1895 г., СПб, 1895, стр. 37.

Ռուսաստանի առևտրի ծավալն առանձնապես մեծ չէր, ապա դարավերջին ներմուծման և արտահանման ընդհանուր գումարը հասնում է տարեկան մոտ 30 միլիոն ռուբլու: Օրինակ, 1840 թ. այդ գումարը կազմում էր 4,200,000 ռուբլի: Հետագա երեսուն տարիների ընթացքում այն աճում է շատ դանդաղ և 1873 թ. հասնում ընդամենը 6,000,000 ռուբլու: Հետագայում երկաթուղու կառուցումը մինչև Թիֆլիս և ռուսական արդյունաբերության նկատմամբ հովանավորությունը արագացրին Իրանի հետ Ռուսաստանի առևտրի աճը: 1883 թ. ներմուծման և արտահանման ընդհանուր գումարը հասավ 11,200,000 ռուբլու, իսկ 1893 թ.՝ 27,300,000 ռուբլու¹⁰: Այսպիսով, քսան տարվա ընթացքում Ռուսաստանի առևտուրն Իրանի հետ աճեց ավելի քան չորս անգամ:

Կուրոպոտկինը գրում է, որ Իրանից Ռուսաստան ապրանքների արտահանման ասպարեզում մրցակիցներ չկային և Ռուսաստանը հումք էր ստանում մինչև իսկ Իրանի կենտրոնական և հարավային նահանգներից: Այլ էր վիճակը Իրան ներմուծվող ապրանքների գործում: Ներմուծվող հիմնական ապրանքը՝ բամբակե գործվածքեղենը, ստացվում էր գլխավորապես Անգլիայից: Անգլիացիները գերիշխում էին ոչ միայն Իրանի հարավային և կենտրոնական նահանգներում, այլև ներթափանցվել էին հյուսիսային շուկա, հատկապես Թեհրան, Թավրիզ և Մաշհադ, որտեղ մրցում էին ռուսական գործվածքների հետ¹¹:

1901—1902 թվականներին Իրանի ներմուծումները ունեին հետևյալ պատկերը¹².

Ռուսաստանից	113,755,584	դրան
Անգլիայից և Հնդկաստանից	125,253,581	»
Օսմանյան կայսրությանից	10,515,172	»
Գերմանիայից	2,382,755	»
Ֆրանսիայից և գաղութներից	23,887,076	»
Ավստրիայից	12,080,466	»
Հոլանդիայից և գաղութներից	2,167,611	»

¹⁰ Նույն տեղում, էջ 36:

¹¹ Նույն տեղում, էջ 60:

¹² محمدعلی جمالزاده، گنج شایگان یا اوضاع اقتصادی ایران، تهران 1917، صفحه 10

Իրանական աղբյուրները տալիս են նաև թվական այլ տրվյալներ: Այսպես, էսֆանդիար Բահրամ Եգանեգին, 1934 թ. նյու Յորքում անգլերեն լեզվով հրատարակած «Իրանի վերջին տարիների ֆինանսական և դրամական պատմությունը» գրքում, XIX դարի վերջերին Իրանի առևտուրը ներկայացնում է հետևյալ տեսքով.

Տարեթվեր	Ներմուծում	Արտահանում	Ընդհանուրը
1875—1877	60,000,000 դրան	60,000,000 դրան	120,000,000 դրան
1877—1880	60,000,000 »	40,000,000 »	100,000,000 »
1880—1885	126,000,000 »	100,000,000 »	226,000,000 »
1885—1890	145,000,000 »	100,000,000 »	245,000,000 »
1890—1895	154,000,000 »	110,000,000 »	264,000,000 »
1895—1900	250,000,000 »	125,000,000 »	375,000,000 »

Այսպիսով, սկսած 1875 թվականից մինչև առաջին համաշխարհային պատերազմի սկիզբը, բացառությամբ 1875—77 թվականների, Իրանի ներմուծումները գերազանցել են արտահանումներին ու զնալով ավելի են աճել և բացի դրանից, արտահանվող ապրանքների գները անհամեմատ ցածր են եղել ներմուծվող ապրանքների գներից: Սա, իհարկե, Իրանի համար դեֆիցիտային առևտուր էր, որում իշխում էր ոչ համարժեք փոխանակությունը: Այլ կերպ ասած, գաղութային բնույթի այս առևտուրը, երկրին օգուտ տալու փոխարեն, բացասաբար էր անչրադառնում նրա սոցիալ-քաղաքական դրության վրա, կասեցնում երկրի տնտեսական զարգացումը և մեծ չափով հարվածում ընդհանուր կենսամակարդակին:

XIX դարի վերջերին ցարական կառավարությունը որոշակի միջոցառումներ ձեռնարկեց Արևելքի երկրների հետ առևտրական կապերը ընդլայնելու ուղղությամբ: Այդպիսի միջոցառումներից էին բամբակագործներին տրվող պարգևատրումները և, որ ամենակարևորն է, Կովկասի վրայով ազատ աբանդիտի արդելումը 1883 թվականին¹³: Հենց այդ ժամանակներից էլ նկատվում է Իրանի հետ Ռուսաստանի

¹³ П. Ритих, Железнодорожный путь через Персию, СПб, 1900, стр. 17.

առևտրի արագ աճը և աստիճանաբար նրա մենաշնորհ դիրքերի ձեռքբերումը ամբողջ հյուսիսային և արևելյան Իրանի առևտրում: Անգլիական մի աղբյուրում այդ պրոցեսը նկարագրված է հետևյալ կերպ. «Հնդհանուր առմամբ ոչ մի կասկած չի կարող լինել, որ ուսական առևտուրն Իրանի այս մասում (խոսքը վերաբերում է Քերմանշահի շրջանին— Հ. Ն.) ոչ միայն աճում է, այլև աճում է ի հաշիվ բրիտանական-հնդկական առևտրի, կամ առնվազն, համեմատականորեն ավելի արագ»¹⁴:

Փաստերը ցույց են տալիս, որ 1887—1897 թթ. Ռուսաստանի արտահանումը Իրան ութ միլիոնից հասավ 16 միլիոն ուրլու, իսկ ներմուծումը՝ 9 միլիոնից 18,5 միլիոն ուրլու, այսինքն՝ տասը տարվա ընթացքում երկու երկրների միջև առևտուրը կրկնակի աճում է:

Իրանի արտաքին առևտրում Ռուսաստանի դերի հետըզհետե բարձրացման մասին են խոսում նաև հետևյալ տվյալները: 1895 թ. Ռուսաստանից Իրան արտահանված ապրանքները կազմում էին Իրանի ամբողջ ներմուծումների 15 % -ը, իսկ անգլիական ապրանքների ներմուծումները՝ 70 % -ը, այն դեպքում, երբ 1905-ին, այսինքն՝ ընդամենը տասը տարի հետո, անգլիական ապրանքների ներմուծումը կազմում էր ամբողջ ներմուծումների 27,5 % -ը, իսկ ուսականի ներմուծումները՝ 39,5 % -ը¹⁵:

Արևմտյան Եվրոպայի կապիտալիստական երկրներն ու ցարական Ռուսաստանը Իրանի հետ առևտրում գտնվում էին ամենանպաստավոր պայմաններում, քանի որ նրանց արտահանումը մշտապես գերազանցում էր ներմուծմանը: Այդ վիճակի պահպանմամբ հատկապես շահագոգոված էր ցարական Ռուսաստանը, և նրա ջանքերն այդ ուղղությամբ պատահական չէին:

¹⁴ H. J., The Persian Problem, London, 1903, p. 277.

¹⁵ М. Павлович, Экономическое развитие и аграрный вопрос в Персии XX века, М., 1921, стр. 7.

Իրանի գյուղատնտեսութեան մեջ կապիտալիստական հարաբերութիւնների ներթափանցումն սկսվում է XIX դարի կեսերից: Հողատիրութեան կապիտալիստական ձևերը և գյուղացիութեան կապիտալիստական շահագործումը, թեկուզ սաղմնային վիճակում, մուտք են գործում երկրի տնտեսութեան մեջ, իսկ նրա ներգրավումը համաշխարհային առևտրի ոլորտը իր հետ բերում է գյուղատնտեսութեան արտադրանքի տարանջանացում ու նրա եկամտաբերութեան աճ, որի հետևանքով և բարձրանում է հողի գինը:

Հողագործութեան ասպարեղում այդպիսի փոփոխութիւնը փաստորեն կապիտալ ներդրման նոր հորիզոններ բացեց և առևտրական բուրժուազիայի ներկայացուցիչներն սկսեցին մեծ հետաքրքրութիւն երևան բերել դեպի հողը, քանի որ այն շոշափելի եկամուտների աղբյուր էր դառնում:

XIX դարի երկրորդ կեսի Իրանի սոցիալ-տնտեսական վիճակի ուսումնասիրութիւնը ցույց է տալիս, որ դրամական հարաբերութիւնների զարգացումը և հողի եկամտաբերութեան աճը հողի նկատմամբ հետաքրքրութիւն առաջ բերեց քաղաքային դասերի, հատկապես առևտրականների ու պաշտոնյաների շրջաններում: Հենց այդ ժամանակ է, որ շնորհիվ մի շարք հանգամանքների, ֆեոդալ-կալվաժատիրական դասակարգը սկսում է սերտորեն կապվել շուկայի հետ և հանդես գալ որպես առևտրական բուրժուազիայի ներկայացուցիչ: Բարձր հողևորականութիւնը, որի ազդեցութիւնն Իրանում շատ մեծ էր, իր տնտեսական և հասարակական-քաղաքական շահերի տեսակետից չէր տարբերվում ֆեոդալ-կալվաժատերերից և հենց այդ պատճառով էլ նա նույնպես ընդգրկվել էր այդ ոլորտի մեջ:

XIX դարի վերջը և XX դարի սկիզբը Իրանի սոցիալ-տնտեսական կյանքի զարգացման պատմութեան մեջ այն շրջանն է, երբ շնագած կապիտալը սկսում է հոսել հողագործութեան մեջ, բայց դեռևս ի վիճակի չէ փոխել երկրի գյուղատնտեսութեան արտադրանքի կազմը:

Օտարերկրյա կապիտալի թափանցումն Իրանի զգալի փոփոխութիւն մտցրեց երկրի հասարակական երկու հիմնա-

կան դասակարգերի՝ ֆեոդալ-կալվաժատերերի և գյուղացիութեան, բնույթի մեջ. նատուրալ գյուղատնտեսութեանը վերածվեց ապրանքայինի և դրանով իսկ դարձավ համաշխարհային կապիտալիստական շուկայի հումքի աղբյուր: Նոր տիպի ֆեոդալ-կալվաժատերը դբաղվում էր առևտրային հողագործութեամբ և սերտորեն կապված էր շուկայի հետ: Արդեն XX դարի սկզբներին զգալիորեն աճել էր օտարերկրյա կապիտալի և արտաքին շուկայի հետ կապված հողատերերի թիվը: Հողատիրութեան վարձակալական իրավունքն իր տեղը զիջում էր մասնավոր սեփականութեանը: Հիշյալ հանգամանքները հասցնում էին այն բանին, որ քայքայվում էր Իրանի ֆեոդալական հասարակարգի տնտեսական հիմքերից մեկը՝ պետական համընդհանուր սեփականութեանը հողի նկատմամբ, և հողը վերածվում էր մասնավոր սեփականութեան:

Եվրոպական կապիտալի ներթափանցումն, ընդհանուր առմամբ, էական հետևանքներ ունեցավ նաև ագրարային հարաբերութեանների վրա՝ զգալի փոփոխութեաններ մտցնելով այդ հարաբերութեանների մեջ: Նշենք թեկուզ այն, որ գյուղացի վարձակալն ավելի մեծ կախման մեջ էր ընկնում նոր տիպի կալվաժատիրոջից:

Ուսումնասիրութեանները ցույց են տալիս, որ շնայած XIX դարի վերջերին և XX դարի սկզբներին առևտրային արտադրութեանը դեռևս գերիշխող շէր ամբողջ գյուղատնտեսութեան մեջ, սակայն առևտրային հողագործութեանն արդեն որոշակի դեր էր խաղում երկրի տնտեսական կյանքում: Այն, անշուշտ, առաջավոր երևույթ էր Իրանի տնտեսութեան մեջ և, բնականաբար, նպաստում էր ոչ միայն նրա արտաքին առևտրի ընդարձակմանը, այլև ներքին շուկայի հետագա զարգացմանը:

Շնորհիվ առևտրային հողագործութեան, որը հիմնականում հարմարվում էր արտաքին շուկայի պահանջներին, երկրի գյուղատնտեսութեան մեջ ներթափանցեց բամբակի, ծխախոտի և մի շարք այլ կուլտուրաների մշակումը, որոնք նորութեան էին Իրանում և պահանջում էին առևտրական տնտեսութեանների գոյութեանը: Ինչ խոսք, որ վերջիններիս զարգացման և տարածման աստիճանից էլ կախված էր կա-

պիտալիստական հարաբերությունների ներթափանցման աստիճանը: Հենց այդ ժամանակվանից էլ գյուղատնտեսութ-
յան մեջ սկսում են դիտվել վարձու աշխատանքի կիրառ-
ման առանձին փաստեր:

Ջուզահեռաբար տեղի էր ունենում նաև հակառակ
պրոցես. կալվածատերերը միաժամանակ զբաղվում էին նաև
առևտրով և վերածվում խոշոր առևտրականների:

Ատրպեսի վկայությամբ շատ կարճ ժամանակում Իրա-
նի բազմաթիվ գյուղատերեր հսկայական հարստություններ
դիզեցին և կապիտալիստներ դարձան¹⁶:

Ջավադ Թաբրիզի զադեն իր «Իրանի տնտեսական կյանքը
և նրա սաստիկ աղքատության բուժման ուղին» գրքում անդ-
րադառնալով, ինչպես ինքն է անվանում, «վտանգավոր
կապիտալիզմի» ներթափանցման և նրա հետևանքների հար-
ցին, միանգամայն բնական է համարում այն հանգամանքը,
որ դրամատերերը հակվում էին դեպի վաշխառուական ե-
կամտաբերությունը, քանի որ կալվածքների և ընդհանրա-
պես հողագործության եկամուտներից դրամի տոկոսներն
անհամեմատ բարձր էին: Ուստի, հողային և ջրային սեփա-
կանություններն աստիճանաբար անկում էին ապրում¹⁷:

Անշուշտ, հասկանալի է, որ կապիտալիզմի զարգացման
համար միայն ապրանքային արտադրությունը դեռևս բավա-
րար չէր, և անհրաժեշտ էին որոշակի այլ պայմաններ ևս:

*
* *
*

Ինչպես արդեն ասվեց, XIX դարի վերջերին հողատիրու-
թյան մեջ դնալով մեծ ծավալ էր ստանում մասնավոր սե-
փականությունը: Դա, անշուշտ, զգալի քայլ էր ֆեոդալակա-
նից բուրժուական սեփականություն տանող ճանապարհին:

Խոշոր և միջին բուրժուազիայի առանձին ներկայացու-
ցիչների՝ հողեր ձեռք բերելու ձգտումն այնպիսի շափեր ըն-
դունեց, որ արդեն 1905—11 թվականների հեղափոխության
նախօրյակին նրանց կապը ֆեոդալական հողատիրության

¹⁶ Атрпет, Мамед Али шах, Александрополь, 1909, стр. 141.

¹⁷ جواد تمبرینی زاده، زندگی اقتصادی ایران و راه چاره فقر شدید
آن، جلد یکم، تهران ۱۳۲۴، صفحه ۴۷

հետ շէր կարող իրեն զգացնել շտալ քաղաքական կյանքում:
• Իրանի նման ազրարային երկրում բուրժուազիան գրեթե
ամբողջովին զրկված էր արդյունաբերութեան բնագավառում
կապիտալ ներդրումներ կատարելու հնարավորութիւնից և
իր միջոցները հիմնականում հատկացնում էր հողին կամ
մասնակցում վաշխառուական գործարքների: Դա նրան կա-
պում էր ֆեոդալ-կալվաժատերերի դասակարգին և իր ան-
խուսափելի ազդեցութիւնն ունենում քաղաքական սլայքա-
րի վրա: Այդ է պատճառը, որ Իրանի բուրժուազիան երբևէ
ֆեոդալական կարգերի ոչնչացման հարց շէր դնում, այլ
միայն ձգտում էր բարենորոգումների միջոցով որոշ շափով
բարելավել երկրի վիճակը և պահպանել շահի իշխանու-
թիւնը:

Օտարերկրյա կապիտալի մուտքն Իրան մեծապես փո-
փոխեց իրանական բուրժուազիայի բնույթը: Փոխվեց նաև
նրա դերը երկրի քաղաքական և տնտեսական կյանքում:

Ազգային բուրժուազիան XIX դարի վերջերին դեռևս շո-
շափելի ուժ շէր ներկայացնում և տնտեսապես շատ թույլ էր:
Նա, իհարկե, տառապում էր երկրում իշխող ֆեոդալական
կարգերից, պայքարում էր օտարերկրյա կապիտալի ներթա-
փանցման դեմ և ձգտում էր երկրի լիակատար անկախու-
թեան: Ստեղծված դրութեան մեջ ազգային բուրժուազիան
պահանջում էր այնպիսի պայմանների ստեղծում, որոնք
կկարողանային ապահովել ազգային տնտեսութեան, մաս-
նավորապես առևտրի և գյուղատնտեսութեան հետագա զար-
գացումը:

Իրանի և օտար երկրների, հատկապես արևմտյան երկրո-
նների, միջև կատարվող առևտուրն իրականացվում էր առև-
տրականների որոշակի խավի կողմից, որոնք հայտնի են
որպես կոմպրոզոր առևտրականներ:

Հետաքրքրական է նշել, որ Իրանի կոմպրոզորական
բուրժուազիայի մի մասը հանդես էր գալիս նաև որպես կալ-
վաժատեր և ձգտում էր Իրանի գյուղատնտեսութեան մեջ
պահպանել ֆեոդալական արտադրանակը: Մյուս կող-
մից, քանի որ կոմպրոզորական բուրժուազիան շահագրգռված
էր նաև մշակելի հողերի ձեռքբերմամբ, ապա նա նսպաստում

էր խոշոր առևտրական բուրժուազիայի և ֆեոդալ-կալվածա-
տերերի մերձեցմանը:

Բնական է, որ ֆեոդալական տրոհվածությունն անբա-
րենապաստ էր արտաքին առևտրի հետ կապված կոմպրոդո-
րական բուրժուազիայի համար, և վերջինս իրանում իշխող
իրադրության մեջ իր զարգացման համար հեռանկարներ չէր
տեսնում: Նա հանդես էր գալիս երկրի ֆեոդալական տրոհ-
վածության, ինչպես նաև բարձրաստիճան հոգևորականու-
թյան իշխանության դեմ, որոնց ձեռքում էին գտնվում երկ-
րի դատական օրգանները, պայքարում էր հանուն օրենս-
դրության նորացման, նահանգային և տեղական ղեկավար-
ների իշխանության և կամայականությունների սահմանա-
փակման և ընդհանրապես երկրի տնտեսության այն բնա-
գավառների զարգացման համար, որոնք կարող էին նպաս-
տել նրանց գործունեության հետագա ընդարձակմանը:

Շահական բռնապետության դեմ պայքարի դուրս եկավ
նաև իրանական խոշոր բուրժուազիան, որի հետագա զար-
գացման համար կենսականորեն անհրաժեշտ էր եղած խո-
շրնդոտների վերացումը: Սակայն, գտնվելով օտարերկրյա
կապիտալի ճնշման տակ և սերտ կապերի մեջ լինելով ֆեո-
դալ-կալվածատիրական շրջանների հետ, նա ի վիճակի չէր
վճռականություն և հետևողականություն երևան բերել: Դրա
լավագույն ասպացույցը հենց այն էր, որ խոշոր բուր-
ժուազիան առաջ չէր քաշում ֆեոդալական կարգերի դեմ
արմատական պայքարի հարցը: Նա միայն ձգտում էր առկա
կառուցվածքը պահպանելով որոշ ռեֆորմներ անցկացնել և
այդպիսով ամրապնդել երկրի վիճակն ու հնարավորություն-
ներ ստեղծել կապիտալի շրջանառության համար:

Հայանի է, որ իրանական հեղափոխության նախօրյա-
կին արդեն պարզորոշ ձևակերպվել էին իրանական խոշոր
բուրժուազիայի պահանջները. սահմանադրության հաստա-
տում, որը պետք է ապահովեր մասնավոր սեփականատի-
րական իրավունքը, օտարերկրյա կապիտալի գործունեու-
թյան ոլորտի որոշ շափով սահմանափակում և ազգային
արդյունաբերության ու առևտրի զարգացման համար նպաս-
տավոր պայմանների ստեղծում:

Իր դարն ապրած ֆեոդալական հարաբերությունների և

օտարերկրյա գերիշխանության դեմ ծավալված շարժումը գլխավորում էր աղգային բուրժուազիան, որը տվյալ ժամանակաշրջանում առաջադեմ ուժ էր ներկայացնում: Դա, իհարկե, հասկանալի է, քանի որ հակաֆեոդալական և հակախմպերիալիստական շարժումներն Իրանում ամենասերտ կերպով կապված էին երկրում կապիտալիստական հարաբերությունների զարգացման և աղգային բուրժուազիայի առաջացման հետ:

Միանգամայն պարզ է, որ XIX դարի վերջերին Իրանում հասարակական-քաղաքական մտքի զարգացումը մեծապես կապված էր այն էական տեղաշարժերի և փոփոխությունների հետ, որ տեղի էին ունեցել երկրում: Այդ շրջանին է վերաբերում նաև Իրանում աղգային ինքնագիտակցության և բուրժուական նացիոնալիզմի զարգացումը:

Մեզ հետաքրքրող ժամանակաշրջանում Իրանում առավել ծանր էր գյուղացիության վիճակը: Օտարերկրյա կապիտալի ներթափանցումն է՛լ ավելի ուժեղացրեց գյուղացիական հոծ զանգվածների շահագործումը և նրանց պայքարի դուրս բերեց քաղաքի շքավորության և քայքայված արհեստավորների հետ կողք-կողքի: Գյուղացիության մեծամասնությունը վերջնականապես ունեզրկվում էր և ստիպված հողակտորներ էր վարձակալում մշակելու համար: Նոր պայմաններում ավելի էր մեծացել կալվածատիրոջից գյուղացու թե՛ տնտեսական և թե՛ քաղաքական կախումը: Մեծ թիվ էին կաղմում նաև այն գյուղացիները, որոնք նույնիսկ ի վիճակի չէին հող վարձակալել: Ապրուստի տարրական միջոցներ հայթայթելու համար նրանք, քայքայված գյուղական արհեստավորների ընկերակցությամբ, գնում էին գեպի մեծ քաղաքները, իսկ հետագայում՝ նաև երկրից դուրս, պրոցես, որը նույնպես իր հետևանքները ունեցավ Իրանի հեղափոխական շարժման համար:

* *

XIX դարի դաջարական շահերի իշխանությունն Իրանում ոչնչով սահմանափակված չէր և նրանք երկրի միահեծան տնօրեններն էին:

Այդ դինաստիայի իշխանության տարիներին երկրում տեղի ունեցան խոշոր իրադարձություններ: Մի կողմից այն գաղութատիրական պետությունների նվաճողական քաղաքականության զոհ դառնալով վերածվեց նրանց մրցակցության և կատաղի պայքարի թատերաբեմի, մյուս կողմից, երկրում ծավալվեցին ազատագրական շարժումներ, որոնք ուղղված էին ինչպես ֆեոդալական հարաբերությունների, այնպես էլ իմպերիալիստական տերությունների գաղութակալական տիրապետության դեմ:

Ղաջարական դինաստիայի իշխանության տարիներին Իրանի նկատմամբ իմպերիալիստական երկրների կործանարար քաղաքականության դիպուկ զնահատական է տվել ամերիկացի իրանագետ Հասսը: Նա գրում է. «Աղա Մոհամեդ շահի եղբորորդի և հաջորդ Ֆաթհ Ալի շահի իշխանությամբ սկսվում է Իրանի մեծ դրաման, որի ընթացքում Իրանն ավելի խորն է ներկալվում եվրոպական պետությունների ցանցի մեջ, սկզբում՝ որպես պոտենցիալ գործիք և ակտիվ դինակից, իսկ հետագայում՝ պարզապես որպես գործիք և զոհ»¹⁸:

Ֆրեյզերը քննելով Ֆաթհ Ալի շահի իշխանության ըսկզբունքները (որոնք նույնն էին նաև ղաջարական մյուս շահերի մոտ), գրում է, որ նա Իրանը դիտում էր ոչ որպես մի երկիր, որին պետք է սիրի, պաշտպանի և զարգացնի, այլ որպես մի ունեցվածք, որը նա վարձել է, վստահ չլինելով նրա տեղական պահպանմանը և ձգտում է առավելագույնը քաղել նրանից, քանի դեռ գտնվում է իշխանության գլուխ: Նվաճելով գահը իր ընտանիքի համար, նա ամբողջ երկրի հետ վարվում է, որպես նվաճված մի երկրի¹⁹:

Ղաջարական դինաստիայի դերը Իրանի նոր պատմության մեջ լայնորեն քննարկվել է իրանական պատմագրության կողմից:

Անհրաժեշտ է նշել, սակայն, որ ղաջարական դինաստիայի իշխանության շրջանի զնահատականը միշտ չէ, որ օբյեկտիվ է եղել: Իհարկե, ինչպես մենք քիչ հետո կտես-

¹⁸ W. Haas, Iran, New-York, 1946, p. 30.

¹⁹ J. Frazer, Narrative of a Journey into Khorasan, London, 1825, p. 199.

Նենք, ղաջարական դինաստիան խիստ բացասական դեր է յաղագրել երկիրը կիսադադուլի վերածելու հարցում: Բայց շպետք է անտեսել նաև այն հանգամանքը, որ ղաջարական դինաստիայի ոչնչացումից և Փահլավի դինաստիայի իշխանության հաստատումից հետո, հատկապես 30-ական թվականներին, երկրում առկա քաղաքական պայմաններում իրանական պատմագրությունն, ըստ երևույթին, Փահլավի դինաստիայի իշխանության գլուխ գալը արդարացնելու համար, ղաջարական իշխանության շրջանը ներկայացնում է ամենամռայլ գույներով և, որպես կանոն, առանց գիտական հիմնավորման: Այդ մոտեցումը փոխվեց 40—50-ական թվականներին, երբ իրանական պատմաբանները, շրջանառության մեջ դնելով հսկայական քանակությամբ արխիվային նյութեր, գիտականորեն վեր հանեցին ղաջարական դինաստիայի իշխանության շրջանի իրադարձությունները և, շնայած հաճախ, օբյեկտիվորեն հանգեցին նույնպիսի եզրակացությունների, ինչպես նախկինում, սակայն այս անգամ արդեն հիմնված փաստական նյութերի և խորը վերլուծությունների վրա:

Բերենք մի քանի բնորոշ օրինակներ: Մահմուդ Մահմուդը ղաջարական դինաստիայի իշխանության գլուխ գալը կապում է անգլիական քաղաքականության հետ: Նա դտնում է, որ ղաջարական դինաստիայի իշխանության հաստատումից հետո Իրանը ներքաշվեց համաշխարհային քաղաքականության ոլորտ: Շահը և նրան ենթակա գործիչները աշխարհի վիճակից կատարյալ անտեղյակ էին և նրանց յուրաքանչյուր միջոցառումը ի վնաս երկրի էր: «Ուսումնասիրությունները հաստատում են, — գրում է Մահմուդը, — որ Ֆաթհ Ալի շահը Եվրոպայի քաղաքական վիճակից անտեղյակ էր և ի վիճակի չէր հասկանալ Ֆրանսիայի և Անգլիայի, Անգլիայի և Ռուսաստանի, կամ Ռուսաստանի ու Անգլիայի՝ Ֆրանսիայի դեմ թշնամության պատճառները: Այդ երեք պետություններից որ մեկը, որ կամենար ղաջարական շահերին իրեն գոր-

ծիք դարձնել, մի շնչին նվերով հասնում էր իր նպատակին»²⁰ :

Եվ իսկապես, ինչպես ցույց են տալիս աղբյուրները, դաջարական թագավորների օրոք օտարերկրացիներից կաշառք վերցնելը պարսավելի շէր: Ընդհակառակը, դարձյալ աղբյուրների վկայությամբ, վեզիրները պարծենում էին, որ իրենք անգլիական կառավարությունից ոռճիկ և նպաստ էին ստանում²¹ :

Ուսումնասիրելով դաջարական դինաստիայի գործունեությունը, Մահմուդը հանգում է այն եզրակացության, որ դաջարական թագավորների իշխանության ողջ շրջանում, իրանական կառավարության բոլոր գործիչները, շահից սկսած մինչև վեզիրները և մյուս պաշտոնյաները, բացառությամբ սահմանափակ թվով մարդկանց, ծառայում էին Անգլիային և դործում հօգուտ նրա շահերի: Մինչդեռ, ինչպես վկայում է Մահմուդը, անգլիացիների քաղաքականությունը հաստատապես ուղղված էր դաջարական դինաստիայի դեմ: «Մխախտի կոնցեսիայի բեկանումից հետո,—գրում է նա,—անգլիացիները նոր ծրագիր մշակեցին,—որը դաջարական դինաստիան պետք է տաներ դեպի անկում: 1892 թվականից սկսած անգլիական կառավարության քաղաքականության հզոր ապարատը ձեռնամուխ եղավ ոչնչացնել շահին և մեծ վեզիրին և հինգ տարի շանցած, 1896 թվականին, իր քաղաքական մեղքերի համար նասր էր Դին շահը սպանվեց: Դրա-

محمود محمود، تاریخ روابط سیاسی ایران و انگلیس در قرن 20
توزدهم میلادی، جلد اول صفحہ ۱۸

Հեղինակն իր աշխատության 4-րդ էջում խոսելով XVIII դարի սկզբներին աֆղանների դեպի Իրան կատարած արշավանքի մասին, հավանական է գտնում, որ այն իրականացվել է ոչ առանց արտաքին հրահրիչների, և ուղակիորեն ակնարկում է Անգլիային: Ցանկանալով հաստատել իր այդ ենթադրության իրավացիությունը, հեղինակը նշում է, թե Շահ սուլթան Հոսեյնը աշխատում էր կյուդովիզ XIV-ի հետ քաղաքական և առևտրական կապեր հաստատել և այդ նպատակով Մոհամադ Ռեզա բեկին ուղարկեց Փարիզ: Այս ամենը խիստ անցանկալի էր անգլիացիներին և նրանք դիմեցին համապատասխան միջոցների:

²¹ Նույն տեղում, հատ. 6, էջ 1640:

Նից հետո պետք էր սպասել անգլիական լրտեսական հզոր կազմակերպության գործունեության արդյունքներին՝ Աթաբեկի հեռացմանը և երկրի խաղաղության ու անվտանգության վերացմանը ներսում և դրսում»²²։

Այս նույն միտքն է ղարգացնում նաև Հոսեյն Մաքքին, ղաջարական վերջին թագավոր Ահմադ շահի կենսագրությանը նվիրված. իր աշխատության մեջ, նշելով, որ եվրոպական տերությունների ուղղակի և անուղղակի միջամտությունները Իրանի ներքին գործերին ավելի սաստկացան՝ սկսած Ֆաթհ Ալի շահի թագավորության շրջանից և որ դրահամար, հիմնականում նպաստավոր պայմաններ էր ստեղծվել երկրում ղաջարական դինաստիայի թագավորների քաղաքականությանը։ «Այս դինաստիայի որոշ թագավորների իշխանության շրջանում, — գրում է նա, — երկրի ներքին գործերին օտարների ազդեցությունը և միջամտությունը այնքան անտանելի ու անհանդուրժելի էր, որ մինչևիսկ որոշ թագավորներ շեն դիմացել այդ ճնշումներին ու միջամտություններին ու նրանց դժգոհությունն իր արտացոլումն է գտել պատմության էջերում»²³։

Հիշյալ հարցին անդրադառնում է նաև Աբդուլահ Ռազին։ Նա արձանագրում է, որ ղաջարների թագավորության շրջանում, Իրանում ուժեղացավ օտարների ազդեցությունը և սասանվեցին երկրի անկախության հիմքերը։ «Իրանը կորցրեց դարեր շարունակ Ասիայում ունեցած իր բարձր դիրքը և Դարյուշի երկիրը վերածվեց տարբեր քաղաքականությունների բախման թատերաբեմի»։

Աբդուլահ Ռազին այս ամենը հետևանք է համարում, մի կողմից եվրոպացիների ազահության և ընդհանրապես Արևելքի երկրները վերջնականապես նվաճելու նրանց ձրգտման և մյուս կողմից՝ ղաջարական շահերի ու բարձրաստիճան պալատականների Իրանի նկատմամբ բացահայտ դավաճանական քաղաքականության, որը պայմաններ էր ստեղ-

22 محمود محمود، تاریخ روابط سیاسی ایران و انگلیس... 22
جلد ششم صفحہ ۱۶۸۶

23 حسین مکی، مختصری از زندگانی سیاسی سلطان احمد
شاه قاجار، تهران ۱۳۲۳، صفحہ ۵

ժել օտարերկրյա ներթափանցման համար, հարցականի տակ էր դրել երկրի անկախությունը, դժգոհություն էր առաջացրել ժողովրդի մեջ և հասցրել հեղափոխության²⁴:

Ղաջարական դինաստիայի ավերիչ քաղաքականության հետևանքով երկրում առաջացած համընդհանուր դժգոհության սկզբնավորման և պատճառների հարցին անդրադառնում է նաև Հասան Հալաշը: Նա գրում է, որ իրանական հեղափոխության առաջացման և Ղաջարական դինաստիայի տապալման պատճառներն ուսումնասիրելիս պետք է ելնել այն բանից, որ իրանական հեղափոխության արմատները սկիզբ առան այն ժամանակվանից, երբ «Իրանը ենթարկվեց Արևմուտքի քաղաքական ներխուժմանը, Կենտրոնական Ասիան և Մերձավոր Արևելքը վերածվեցին եվրոպական որոշ պետությունների դավադրությունների թատերաբեմի, և հարևան երկրների ներկայացուցիչները սկսեցին միջամտել իրանական հասարակության տնտեսական, հասարակական, քաղաքական և ուղմական բնագավառներին, նրա կրոնական և ազգային սովորություններին»²⁵:

Հասան Հալաշը «ինչպես արդեն նշել ենք, երկրի հետադիմության պատճառներից է համարում նաև Ղաջարական թագավորների անտարբերությունը «երկրի շենության և ժողովրդի բարեկեցության» հանդեպ, որոնց ուղղությամբ նրանք այդպես էլ որևէ քայլ չձեռնարկեցին»²⁶:

Այդ ժամանակաշրջանում երկրում տիրող վիճակի, Ղաջարական շահերի բռնապետության, պաշտոնյաների կամայականության, օրենքների կատարյալ բացակայության հետևանքով ժողովրդի ծայրահեղ իրավազուրկ և շարքաշ վիճակի մասին վկայություններ կան նաև պարսիկ այլ հեղինակների գործերում:

Հաբիբ Օլլահ Մոխթարին, օրինակ, իր «Իրանի դարթոնքի պատմությունը» աշխատության մեջ, ինչպես արդեն

عبدالله رازی، تاریخ مفصل ایران از تأسیس سلسله ماد تا
عصر حاضر، تهران ۱۳۳۵، صفحه ۴۵۱

حسن حلاج، تاریخ تحولات سیاسی ایران، تهران ۱۳۷۷، صفحه ۱۷۵:

²⁶ նույն տեղում, էջ 10:

նշել ենք, անդրադառնում է ղաջարական վերջին թագավորների օրոք երկրի քաղաքական վիճակին և թվարկում է բոլոր այն գործոնները, որոնք «ստեղծել էին հեղձուցիչ մթնոլորտ և սպառել բոլոր դասակարգերի համբերությունը»²⁷ :

Այդ շրջանում Իրանի քայքայումն ու ավերումը Մոխթարին բացատրում է նաև նրանով, որ ղաջարական շահերը զուրկ էին հայրենասիրության զգացմունքներից և որ նրանց օրոք, երբ քիչ թե շատ «հայրենասեր և ժողովրդասեր» մեկը իշխանություն էր ստանում, ապա օտարների հրահրմամբ ձերբակալվում և ոչնչացվում էր²⁸ :

* *

Ուսումնասիրվող ժամանակաշրջանում Իրանում թագավորել են երկու շահեր. նասր էդ Դին շահը՝ 1848—1896 թթ. և Մոզաֆար էդ Դին շահը՝ 1896—1906 թթ.: Նրանց թագավորության տարիներն Իրանի նոր շրջանի պատմության մեջ ունեն իրենց ուրույն տեղը, քանի որ այդ ժամանակ մի կողմից Իրանը փաստորեն վերածվեց կիսազաղութի, իսկ մյուս կողմից երկրում ծավալվեցին հեղափոխական շարժումներ և դրվեց սահմանադրության պայքարի հիմքը:

Ղաջարական շրջանի շահերի քաղաքականության էությունն ըմբռնելու առումով բնորոշ է նասր էդ Դին շահի պապի՝ Ֆաթհ Ալի շահի կտակը. «Եթե ուզում ես Իրանում հանգիստ թագավորել, ջանա, որ ժողովուրդը սոված լինի և անզրսուզետ»²⁹ :

Իրանի միահեծան ղեկավարը շահն էր, որը երկիրը կառավարում էր ավանդական, մշակված ձևերով: Շահն ինքը կառավարությունն էր, բացարձակ բռնապետ և ենթակա չէր որևէ վերահսկողության: Նա միակ գործադիր իշխանությունն էր, իսկ նրա մինիստրները բարձրաստիճան ծառաներ էին, որոնց պարտականությունն էր կատարել շահի հրամանները:

²⁷ حبیب الله مختاری، تاریخ بیداری ایران، تهران ۱۳۲۶، صفحه ۳۵

²⁸ նույն տեղում, էջ 452:

²⁹ مهدي ملكزاده، تاریخ انقلاب مشروطیت ایران، تهران ۱۳۲۸،

Բոլոր հայատակների կյանքն ու ունեցվածքը ենթակա էր նրա քմահաճույքին: Այդ իշխանությունը տարածվում էր նաև նրա որդիների, ինչպես նաև պետական բոլոր պաշտոնյաների վրա, որոնք նույնքան դաժան էին իրենց ենթակաների նկատմամբ:

Տալով Իրանի կառավարման սիստեմի պատկերը, անգլիացի Բիշոփը հանգում է այն եզրակացության, որ Իրանի թուլությունն ու քայքայվածությունն առաջին հերթին արդյունք էին իշխող վարչական սիստեմի և ոչ թե մյուս հանգամանքների, որոնք վերջին հաշվով նույնպես արդյունք էին վատ կառավարման³⁰: Երևույթների նման մեկնաբանության կարելի է հանդիպել նաև իրանական և օտարերկրյա բազմաթիվ այլ հեղինակների աշխատություններում:

Իր նախորդներից շէր տարբերվում նաև Նասր էդ Դին շահը: Նա երկրի տերն ու տնօրենն էր և ստանում էր հսկայական եկամուտներ: Դժվար է շահի եկամուտների շափերի սառույգ որոշումը, բայց, որոշ տվյալներով այն մոտավորապես կազմել է տարեկան 7 միլիոն թուման կամ 14 միլիոն ուրբի: 1888—1889 թթ. շահի եկամուտը 5,537,000 թուման էր, որից 800,000 թումանը ստացվել էր մաքսերից, 25,000 դանձարանից, 21,000 հեռագրատներից, 461,000 ուղղակի հարկերից, այդ թվում 360,000 թուման դրամով, 100 հազար հացահատիկով, դարմանով և այլն³¹:

Շահը աչքի էր ընկնում իր ազահությամբ և կաշառակերությամբ: Միսլ Ռուսթամը իր «Իրանը Նասր էդ Դին շահի օրոք» գրքում խոսելով ապօրինի ճանապարհներով Նասր էդ Դին շահի ձեռք բերած եկամուտների մասին, գրում է. «Շահը սիրում էր նվերներ, փեշքեշներ, որը նա ընդունում էր բոլորից՝ ինչ էլ որ այն լիներ: Մինչևիսկ զորահանդեսների ժամանակ գնդերի հրամանատարները նրան ոսկի դրամ էին նվիրաբերում, նայած գնդի կազմի թվին, շքաշ-

³⁰ I. B. Bishop, Journeys in Persia and Kurdistan, vol. II, London, 1891, pp. 255—259.

³¹ М. Л. Томара, Экономическое положение Персии, СПб, 1895, стр. 82.

վելով մինչևիսկ փոքր գումարից, ինչպես, օրինակ, հարյուր թումանից»³²:

Իր դեմ կատարված մի քանի անհաջող մահափորձերից և այլ դեպքերից հետո, Նասր էդ Դին շահը, ինչպես բոլոր միապետները, դարձավ է՛լ ավելի դաժան և բռնակալ: Նա որոշեց ամենակատաղի կերպով պայքարել երկրում ծավալվող շարժումների դեմ, ոչնչացնել իրեն հայտնի բոլոր կազմակերպությունները՝ կրոնական, թե աշխարհիկ: Նրան հաջողվեց ձերբակալել շարժման ղեկավարների և ամենադաժան հաշվեհարդար տեսնել նրանց հետ: Որոշ աղբյուրներ նրա կատարած մահասպանությունների թիվը հասցնում են հազարի:

Նասր էդ Դին շահի կարգադրությամբ շարժման բազմաթիվ մասնակիցներ, հատկապես արգելված գրականություն և մամուլի հրատարակիչներ, ձերբակալվեցին և մահապատժի ենթարկվեցին: Հետապնդումներից և մահապատժից խուսափելու և այս կամ այն գործչի փրկության միակ ուղին կաշառքն էր: Հասկանալի է, որ նման բռնապետի գործունեությունը պետք է գտնվեր XIX դարի երկրորդ կեսի Իրանի պատմությունն ուսումնասիրող հեղինակների ուշադրության կենտրոնում: Քանի որ, ինչպես իրավացիորեն նշում է էբրահիմ Թեյմուրին, նրա «Թագավորության շրջանը ժողովրդի հետամնացության և դժբախտության պատճառների ուսումնասիրման տեսակետից Իրանի պատմության մեջ յուրահատուկ տեղ ունի»³³: Եվ իսկապես, պարսիկ հեղինակներն ամենալայն կերպով քննարկել են Նասր էդ Դին շահի ներքին և արտաքին քաղաքականությունը և տվել տարբեր, հաճախ հակասական գնահատականներ: Եթե հեղինակների մեծ մասը ամենախիստ քննադատության է ենթարկում շահին և հատկապես նրա դերը երկիրը կիսագաղութի վերածելու գործում, ապա որոշ հեղինակներ փորձում են պաշտպանել կամ արդարացնել նրան:

³² Мисль-Рустам, Персия при Наср Эдин Шахе с 1882 по 1888 г. СПб, 1897, стр. 61.

³³ ابراهیم تیموری، عصر بی خبری یا تاریخ امتیازات در ایران، تهران ۱۳۳۲، صفحه ۱

«Նասր էդ Դին շահը,— գրում է Աբդուլլահ Ռազին,— կարող էր իր երկարատև թագավորության ընթացքում երկրին մեծ ծառայություններ մատուցել, սակայն ցավոք, շնայած հաստատ զիտեր, որ Իրանը անհրաժեշտ բարեփոխումների կարիք ունի, բնածին բռնության և արտակարգ ինքնավստահության հետևանքով այն բարեփոխումներն էլ, որ ուրիշներն էին նախատեսել, անավարտ թողեց և հնարավորին շափ ջանաց, որպեսզի ժողովրդի զարթոնքը կասեցվի: Բայց Իրանի ազնիվ ժողովուրդը այլևս անկարող էր բռնությանը դիմանալու ու համբերելու: Նասր էդ Դին շահի մահվան պահին հեղափոխության նախադրյալները բոլոր տեսակետներից առկա էին»³⁴:

Մալեք ղադեն նկարագրում է այսպիսի մի հետաքրքիր դեպք: Նասր էդ Դին շահի օրոք Մոհամադ Հոսեյն Զեքա Չլ Մուլքը օտար լեզուներից որոշ գրքեր և հոդվածներ էր թարգմանում, որոնց մեջ հանդիպում էր նաև օրենք բառին: Օրինակ, գրում էր, որ այսինչ վեզիրը կամ այնինչ դորավարը կամ վաճառականը ձերբակալվեց օրենքին հակառակ արարքի համար: Կամ այսինչ մարդը օրենքի համաձայն դատապարտվեց, կամ ավելի բարձր պաշտոն ստացավ: Քանի որ օրենք խոսքը դուր չէր գալիս թագավորին և պալատականներին, այդ պատվարժան թարգմանչին ստիպում էին, որ իր թարգմանություններում օրենք բառը շօտազործի, և նա ստիպված օրենք բառի փոխարեն (قضاء) կարգ կամ սովորություն էր օգտագործում: Օրինակ, գրում էր՝ այսինչը կոնդանում սովորության համաձայն երեք տարվա բանտարկության դատապարտվեց³⁵:

Սակայն, ինչպես վկայում են աղբյուրները, Եվրոպայի նոր գաղափարների դեմ շահի այդ ատելությունը չէր խանգարում, որ նա մեծ հակում ցուցաբերի եվրոպական ծագում ունեցող ապրանքների նկատմամբ և ընդօրինակի եվրոսպացիներին այն բոլոր բնագավառներում, որոնք վերաբերում էին զվարճալիքին:

³⁴ عبدالله رازی، تاریخ مفصل ایران... ص ۴۹۷

³⁵ مهدی ملکزاده، تاریخ انقلاب مشروطیت ایران، ۱۳۲۸، ص ۱۳۵

Պատահական չէ, որ եվրոպական ապրանքների ներմուծումը Իրան նասր էդ Դին շահի օրոք մեծ շափով ավելացավ, որի հետևանքով դեռևս Միրզա Թաղի խան Ամիր Քաբիրի ժամանակվանից (1848 թ.—Չ. Ն.) Իրանում ստեղծված գործվածքային գործարանները և ընդհանրապես արհեստները անկում ապրեցին և մեծ թվով արհեստավորներ մնացին անգործ: Այսպիսով, ներքին արտադրութունը գնալով իր տեղը ղիջում էր արտասահմանյան ապրանքներին:

Նասր էդ Դին շահի թագավորության հիսուն տարիների ընթացքում Անգլիայի և ցարական Ռուսաստանի ավերիչ մրցակցության և պալատական գործիչների տգիտության, կաշառակերության և այլասերվածության, նեխած վարչական ապարատի հետևանքով երկիրը այնպիսի վիճակի հասցվեց, որ ինչպես եզրակացնում է էբրահիմ Թեյմուրին. «Եթե աշխարհում հօգուտ Իրանի որոշ իրադարձություններ տեղի չունենային, այսօր Իրանի անունն էլ մնացած չէր լինի»³⁶: Մեկ այլ հեղինակ, Մեհդի Մալեք զադեն գրում է, որ նասր էդ Դին շահի օրոք օտարերկրացիներին տրված բոլոր կոնցեսիաների և այլ արտոնությունների պատմությունը ուսումնասիրելով կարելի է հետևեցնել, որ օտար երկրների հետ բոլոր երեսունվեց առևտրական և քաղաքական պայմանագրերի կնքումը «տեղի է ունեցել կաշառքի և դավաճանության միջոցով և հիմք է դրել Իրանի դժբախտության»³⁷:

Բնութագրելով նասր էդ Դին շահի բարձրաստիճանի պաշտոնյաների ու պալատականների վարած քաղաքականությունը, Թեյմուրին գրում է, որ բոլոր վեզիրները կամ հաքեմները կապերի և գործարքների մեջ էին կամ ուսական, կամ անգլիական դեսպանության հետ, հաճախ նրանցից որևէ մեկի հովանավորությամբ պաշտոն էին ստանում և նրանց դրդմամբ ու պահանջով ամեն տեսակի դավաճանության և ոճրի դիմում: Թեյմուրին, այնուհետև, նշում է,

ابراهیم تیموری، عصر بی خبری یا تاریخ امتیازات در ایران،³⁶
تهران ۱۳۳۲، صفحه ۱

مهدی ملکزاده، تاریخ انقلاب مشروطیت ایران، تهران ۱۳۲۸،³⁷
صفحه ۱۳۰

որ լավատեղյակ լինելով այդ ամենին, շահը, այնուամենայնիվ, ոչ միայն շփորձեց մաքրել նրանց շարքերը, և հող նախապատրաստել հայրենասեր գործիչներ դաստիարակելու համար, այլև, եթե գտնվում էին դրական գործունեության ընդունակ մարդիկ, ապա վախենալով նրանց գործիմացությունից և ենթարկվելով ստոր մարդկանց դավադրություններին, պաշտոնանկ էր անում նրանց կամ նույնիսկ ֆիզիկապես ոչնչացնում³⁸:

Որոշ հեղինակներ, նասր էդ Դին շահին արդարացնելու նպատակով, վերը նկարագրված իրադրությունը ձգտում են հետևանք համարել միայն Իրանում Անգլիայի և Ռուսաստանի քաղաքականության, նրանց կատաղի մրցակցության ու բախումների, երբ իրենց ազդեցությունն Իրանում ամրապնդելու նպատակով նրանք դիմում էին ամենաանմարդկային արարքների և կաշառված ու իրենց հավատարիմ մարդկանց՝ սադրազամի, վեզիրի և այլ պաշտոնյաների անունների տակ փաթաթում Իրանի դժբախտ ժողովրդի վրին:

Օրինակ՝ Հաջ Միրզա Յահյա Դովլաթաբադին, որը հենց դաջարների թագավորության շրջանի պաշտոնյաներից է եղել, իր հուշերում գրում է. «Նասր էդ Դին շահը անցել էր Միրզա Թաղի խան Ամիր Բաբիրի և Միրզա Հոսեյն խան Սեփահսալարի³⁹ մեծ վեզիրության ժամանակաշրջանը, բազմիցս ճամփորդել էր Եվրոպա, դիտել մեծ ու փոքր երկրներ, ծանոթացել աշխարհի առաջադիմությանն ու զարգացմանը: Նա ուշիմ էր ու գործունյա... և լավագույն ձևով կկարողանար Իրանը շենացնել: Բայց ափսոս, որ հարավից ու հյուսիսից եկող վտանգի նկատմամբ նրա անտարբերությունը, ինչպես և օտարերկրյա մրցակցությունը... նրան մոլորեցրին և

ابراهیم تیموری، عصر بی‌خبری یا تاریخ امتیازات در ایران، 38
تهران، ۱۳۰۲، ص ۱۸

³⁹ Հենց այն հանգամանքը, որ հեղինակը այս երկու գործիչների մեջ հավասարության նշան է դնում, ցույց է տալիս նրա կողմնակալ մոտեցումը երևութներին: Ըստ ամենայնի Դովլաթաբադին դաջարական ֆեոդալական ազնվականության ներկայացուցիչ էր և նրա դասակարգային շահերի արտահայտիչը:

նա այնպես տարվեց շվայտ կյանքով, որ այլևս ուրիշ որևէ գործով զբաղվելու ժամանակ չուներ»⁴⁰:

Այդ միտքը կրկնում է նաև Հոսեյն Մաքբին, նշելով, որ «Իրանի քաղաքական սլաամությունը բազմաթիվ սև էջեր է պարունակում Իրանի ներքին գործերին եվրոպական երկրների, հատկապես հյուսիսի և հարավի հարևանների, ապօրինի միջամտությունների վերաբերյալ», և այդ փաստը հաստատելու համար մեջբերում է կատարում Նասր էդ Դին շահի օրագրից, որտեղ ասված է.

«Ուզում եմ զնալ երկրի հյուսիսային մասերը, Անգլիայի դեսպանն է բողոքում: Ուզում եմ հարավ զնալ՝ Ռուսական դեսպանն է բողոքում: Սատանան տանի այսպիսի թագավորությունը, երբ շահը իրավունք չունի իր երկրի հյուսիսը կամ հարավը ճամփորդել»⁴¹:

Թեյմուրին ևս, շահին պաշտպանելու նպատակով գրում է, որ ժողովների ու խորհրդակցությունների ժամանակ, երբ Նասր էդ Դին շահը պալատականների ու կառավարության անդամների ներկայությամբ որևէ քաղաքական ու գաղտնի հարց էր արծարծում, գիտենալով օտարերկրյա դեսպանությունների հետ նրանց կապերի մասին, ակնարկներով զգուշացնում էր, որ օտարների օգտին լրտեսությունից խուսափեն և երկրի գաղտնի լուրերը նրանց չհաղորդեն, բայց, «գժբախտաբար, իր այս կարգադրությունից ու հանձնարարությունից ոչ մի արդյունք չէր ստանում»⁴²:

Այս ամենն, իհարկե, ճիշտ է: Սակայն փաստերը ցույց են տալիս, որ Նասր էդ Դին շահն իր թագավորության ամբողջ ժամանակաշրջանում մտադիր չէր որևէ շափով սահմանափակել իր միահեծան իշխանությունը, ժողովրդին հնարավորություն տալ ազատ կերպով տնօրինել իր բախտը և միշտ խուսափում էր այնպիսի գործողություններից, որոնք

حاج میرزا یحیی دولت آبادی، حیات یحیی، جلد اول،
تهران ۱۹۵۷، صفحه ۴۵

حسین مکی، مختصری از زندگانی سیاسی سلطان احمد
شاه قاجار، تهران ۱۳۲۲، صفحه ۵

۴۲ ابراهیم تیموری، عصر بی خبری... صفحه ۲۲

հակասում էին նրա անձնական շահերին: Այդ հարցին անդրադարձել են պարսիկ մի շարք հեղինակներ:

Էբրահիմ Թեյմուրին, որը ամենախիստ կերպով մերկացնում է ղաջարական դինաստիան և նրա խաղացած դերը երկիրը կիսագաղութի վերածվելու գործում, գրում է, որ Նասր էդ Դին շահը իր վեզիրներին կարգադրում էր երկրի զարգացման ու բարգավաճման համար ծրագրեր մշակել և, շնայած պարտավորվում էր դրանք իրականացնել, սակայն այդ ուղղությամբ երբեք որևէ լուրջ քայլ չձեռնարկեց: Ավելին, իր կյանքի վերջում երկրի կենսական տարբեր աղբյուրները համարյա ձրի, կոնցեսիաների ձևով տվեց օտարերկրացիներին:

Հեղինակը նշում է այն հանգամանքը, որ ոմանք Նասր էդ Դին շահի որոշ գործերը կամ հայտարարությունները հիմք ընդունելով, փորձել են նրան արդարացնել և ներկայացնել, որպես երկրի առաջադիմության ու զարգացման ջատագով, որ Նասր էդ Դին շահը, իբր, ջանում էր Իրանը տանել քաղաքակրթության ուղիով, բայց հյուսիսի և հարավի գաղութակալական քաղաքականության և դավաճան դեկավարների պատճառով իր նպատակին չհասավ⁴³:

Ինչպես տեսնում ենք, հեղինակը միանգամայն ճշմարտացիորեն է գնահատում Նասր էդ Դին շահի թագավորության ժամանակաշրջանը, շփտելով, միաժամանակ, որ նրա թագավորության շրջանում Իրանը վերածվել էր երկու հզոր մրցակիցների՝ ցարական Ռուսաստանի և Անգլիայի բախման հրապարակի, և որ նրանցից յուրաքանչյուրն իր ազդեցությունը տարածելու և նպատակին հասնելու համար շէր խուսափում ամեն տեսակի հակամարդկային արարքներից⁴⁴:

Հետաքրքիր է նշել, որ Թեյմուրին, այնուամենայնիվ, իր գնահատականը մինչև վերջը չի հասցնում և կարծես, նա ևս ինչ-որ կովաններ է փնտրում Նասր էդ Դին շահին արդարացնելու համար: Հենց նույն աշխատության մեջ նա գրում է, որ շնայած Նասր էդ Դին շահը իր թագավորության տարի-

⁴³ Նույն տեղում, էջ 8:

⁴⁴ Նույն տեղում, էջ 5:

ներին քաղաքական բազմաթիվ և անուղղելի սխալներ է գործել և երկու հզոր մրցակիցների դավադիր և գործիմաց ներկայացուցիչները հաճախ են նրան խաբել, սակայն «ազնվությունը պահանջում է ասել, որ ղաջարական դինաստիայի բոլոր թագավորներից նա ամենալավատեղյակ և համաշխարհային քաղաքականությանը ծանոթ թագավորն էր, շատ դեպքերում իր դերը հաջող է կատարել և կարողացել է Իրանը փրկել այն վտանգներից, որոնք արդյունք էին երկու հզոր հարևանների այդ տարիներին սաստիկ շափեր ընդունած մրցակցության և պայքարի»⁴⁵:

Նասր էդ Դին շահի թագավորության շրջանի խորը վերլուծությամբ հանդես է եկել նաև Մահմուդ Մահմուդը: Խոսելով նրա թագավորության վերջին տարիների մասին, Մահմուդը նշում է, որ, չնայած Նասր էդ Դին շահի օրոք Իրանի արտաքուստ հանդարտությանն ու անդորրին, ինչպես նաև ժողովրդի հանդիստ ու խաղաղ թվացող կյանքին, Իրանն, իրականում, անկում ու քայքայում էր ասլրում: Երկրում տիրող այդ վիճակը Մահմուդը հետևանք է համարում այն բանի, որ շահից սկսած մինչև պալատական փոքրագույն պաշտոնյան, ընկած անձնական շահի և հաճույքների հետևից, ամենևին չէին մտահոգվում ժողովրդի վիճակով: Հետևանքը եղավ այն, որ այդ հիսուն տարիների ընթացքում Իրանի նյութական և բարոյական ուժերը ամբողջովին հյուժվեցին, օտարերկրացիների ազդեցությունն աճեց և նրանց տրվեցին բազմաթիվ արտոնություններ, առանց երկրի ու ժողովրդի շահերը նկատի առնելու»⁴⁶:

Մահմուդ Մահմուդն իր աշխատության հինգերորդ հատորում, ընդհանրացնելով ղաջարական դինաստիայի իշխանության ամբողջ շրջանը և խոսելով, հատկապես, Խորասանի և Սիստանի նահանգների պատմության մասին, հանդում է հետևյալ եզրակացության.

«Ղաջարական դինաստիայի թագավորների շարքում չի կարելի մատնացույց անել մեկին, որը խոհեմաբար որևէ լուրջ միջոցի դիմեր Խորասանը և Սիստանը պաշտպանելու

⁴⁵ Նույն տեղում, էջ 15:

⁴⁶ ۱۱۲۱ از زمانه چاهارم... تاریخ روابط سیاسی...

համար: Նրանցից ամենահզորը Նասր էդ Դին շահն էր, որը, սակայն, Իրանը պաշտպանելու որևէ հակում չի ցուցաբերել»⁴⁷:

Նասր էդ Դին շահը կես դար թագավորելուց հետո Թեհրանից ոչ հեռու գտնվող Շահ Աբդոլ Աղիմ կոչվող վայրի մզկիթի բակում սպանվեց ոմն Միրզա Ռեզա Քերմանիի գրնդակով: Վերջինս, իր իսկ վկայությամբ, այդ քայլին դիմեց, քանի որ տեսնում էր, որ երկիրը ավերված էր, տիրում էր «զուլումը» և բռնությունը, իշխում էին դավաճան տարրերը, բազմաթիվ կոնցեսիաներ էին տրվել օտարերկրացիներին և երկիրը փաստորեն ընկել էր «օտարների ձեռքը»: Նա համոզմունք էր հայտնում, որ այն թագավորը, որը հիսուն տարի իշխել է և արդյունքը եղել է երկրի ավերումն ու ղեկավարության անցումը մի խումբ այլասերված բաշիրողուկների ձեռքը, պետք է ոչնչանա, և ի վերջո՝ «այդ ծառը պետք է կտրել, որպեսզի այլևս այդպիսի պտուղ չտա»⁴⁸:

Բայց մի ամբողջ հասարակարգի գոյությունը նրա միահեծան ղեկավարի հետ կապելը, անշուշտ, պարզամտություն է, քանի որ շահը ոչ թե այդ հասարակարգի հեղինակն էր, այլ նրա արգասիքը: Հետագա իրադարձությունները եկան ապացուցելու այդ ճշմարտությունը:

Փաստերը ցույց են տալիս, որ դարավերջին երկիրն ասլրում էր քաղաքական և տնտեսական լուրջ ճգնաժամ:

«Նասր էդ Դին շահի օրոք երկրի վատ վիճակը քողարկվում էր, սակայն նրա իշխանության ավարտից հետո ամեն ինչ ակնհայտ դարձավ և պարզվեց, թե երկիրը ինչ դրություն մեջ է: Օտարների միջամտությունը, տնտեսական դժվարությունները, պալատականների և ձրիակերների ազատությունը, պաշտոնյաների դավաճանությունը, արքայազրնների և հաքեմների դաժանությունն ու բռնությունը, ինչպես և օտարներին տրված կարևոր կոնցեսիաները դժգոհություն էին առաջացրել ժողովրդի մեջ»⁴⁹:

Նասր էդ Դին շահի թագավորության շրջանն ամփոփե-

⁴⁷ Նույն տեղում, հատ. 5, էջ 1324:

⁴⁸ Նույն տեղում, էջ 28:

⁴⁹ عبدالله رازی، تاریخ مفصل ایران، تهران ۱۳۳۵، ص ۵۷۰.

լով կարելի է համաձայնել այն գնահատականի հետ, որ «Նասր էդ Դին շահն իր հիսունամյա թագավորության շրջանում իր բռնությամբ և դաժանությամբ մի պատենշ քաշեց երկրի շուրջը և Իրանը մեկուսացրեց աշխարհի դարգացած երկրներից ու ազնաւ ժողովուրդներից: Զուլումի և խավարի այդ միջավայրում արդարության, ազատության և լուսավորության ամենափոքր նշույլն անգամ չկար: Եթե որևէ ազատամիտ մարդ մտքերը լուսավորելու ուղղությամբ որևէ քայլի էր դիմում, կամ օրենքի ու հասարակական արդարության մասին էր խոսում, նրա կյանքին վերջ էր տրվում: Շահը հաճախ ասել է. «Իմ պետության ղեկավարներից ով որ բաղամը կարողանա տարբերել Բելգիայից, ինձ պետք չէ և նա պիտի վտարվի պետական ասպարատից»⁵⁰:

Նասր էդ Դին շահն իր հաջորդին՝ Մոզաֆար էդ Դին շահին, թողեց մի երկիր, որը «մինչև ուղն ու ծուծն ասպականված էր, նրա յուրաքանչյուր մասը կոնցեսիաների ձևով օտարների տրամադրության տակ էր ընկել, և երկիրը ղեկավարվում էր մի բուռ ազահ, տգետ և դավաճան մարդկանց կողմից»⁵¹:

Գաղութակալական տերությունները Մոզաֆար էդ Դին շահի թագավորության շրջանում ևս շարունակեցին ներթափանցել Իրանի բոլոր բնագավառները: Նրա օրոք էր, որ Բահրեյնը վերջնականապես անցավ անգլիացիների տիրապետության տակ, Հիրմանդ գետի ջրերի մի մասին տիրացան աֆղանները և օսմանցիները իրանական սահմաններում ոտնձգությունների դիմեցին: Մի շարք նոր արտոնություններ տրվեցին նաև օտարերկրացիներին, ինչպէս, օրինակ, նորոգվեց Ռուսաստանին տրված երկաթգծի կառուցման կոնցեսիան, գերմանացիներին տրամադրվեց «գերմանական բանկ» ստեղծելու իրավունքը, Ղասրե Շիրինի նավթը հանձնրվեց անգլիացիներին և այլն⁵²:

⁵⁰ مهدي ملكزاده، تاریخ انقلاب مشروطیت ایران، جلد اول، تهران ۱۳۲۸، صفحه ۱۳۴

⁵¹ ابراهیم تیموری، عصر بی‌خبری... صفحه ۲۰۱

⁵² مهدي ملكزاده، تاریخ انقلاب مشروطیت ایران، جلد اول، تهران ۱۳۲۸، صفحه ۱۴۸

Նասր էդ Դին շահը իր երկարատև թագավորության տարիներին մի քանի անգամ ճանապարհորդել է եվրոպական տարբեր երկրներ: Քանի որ այդ ճանապարհորդությունները երկրի տնտեսական և քաղաքական գաղութացման տեսակետից մեծ նշանակություն են ունեցել, ուստի և հարկ ենք համարում այդ հարցի վրա կանգ առնել առանձին:

Էբրահիմ Թեյմուրին գրում է, որ Նասր էդ Դին շահը Եվրոպա կատարած իր ճամփորդություններից ոչ միայն որևէ փորձ ձեռք չբերեց, որը կիրառեր հօգուտ Իրանի, այլև Եվրոպական տարբեր երկրներում ժողովուրդների վայելած ազատությունների հետ ծանոթությունը նրան սարսափեցրեց: Հետագայում նա արգելում էր, որ իրանցիներն ուսանելու համար Եվրոպա գնան⁵³:

Պետք է նշել, որ շահի այդ կարգադրության համաձայն, մինչև սահմանադրության հաստատումը, հատկապես դեպի հանրապետական կարգեր ունեցող երկրներ ճանապարհորդելն արգելված էր և կառավարությունը թույլ չէր տալիս, որ Իրանի ժողովուրդը դրսի աշխարհի հետ կապերի մեջ մտնի և քաղաքակրթության և ազատության հետ առնչվի: Այդ շրջանում դեպի եվրոպական երկրներ ճամփորդած իրանցիների թիվը մի քանի հարյուր հոգուց ավելին չէր և նրանց մեծամասնությունը այդ երկրներն էր գնում միայն առևտրական գործերով⁵⁴:

Իր սպանությունից հինգ ամիս առաջ, Մոհամեդ Ալի խան Ալա օլ Սալթանեի՝ Լոնդոնից ուղարկած գաղտնագրովված հեռագրի վրա Նասր էդ Դին շահը մակագրել է հետևյալ խոսքերը. «Աղա Հասանը առանց իրավունքի է գնացել Եվրոպա: Չգիտեմ ձեզանից թույլտվություն վերցրե՞լ է, թե՞ ոչ: Ամեն պարագայում նրան պետք է շուտափույթ ետ վերադարձնել: Շատ վատ է, եթե իրանցիների ոտքը, այսպիսով, բացվի դեպի Եվրոպա: Եթե արգելք չհանդիսանանք, այսու-

53
 54
 53
 54
 53

հետև Իրանից Եվրոպա այցելողների թիվը կհասնի տասնյակ հազարների և դա շատ վատ հետևանքներ կունենա»⁵⁵: Նման մակագրության հեղինակը մի մարդ էր, որը, ինչպես Միսլ Ռուսթամն է գրում. «Իրեն մեծ ռեֆորմատոր էր պատկերացնում և ուղում էր նմանվել Պետրոս Մեծին»⁵⁶:

Ղաջարական վերջին շահերի Եվրոպա կատարած ճամփորդությունները նույնպես մանրամասն քննարկվել են Իրանական պատմագրության մեջ:

Այս հարցում ևս որոշ հեղինակներ փորձել են արդարացնել շահերին կամ վեզիրներին, նրանց ճամփորդությունների մեջ տեսնելով Իրանի օգուտները հետապնդող քաղաքական նպատակներ: Օրինակ, Մահմուդ Ֆարհադ Մոթամեզը իր «Իրանի և օսմանյան պետության քաղաքական հարաբերությունների պատմությունը» գրքում այն միտքն է հայտնում, որ, իբր, նասր էդ Դին շահը անհանգստացած էր Իրանի տարբեր բնագավառներում իրենց տիրապետությունը հաստատող երկու հզոր հարևանների քաղաքականությունից և մտահոգված երկրի ապագայով և ճակատագրով, մտադիր էր գնալ Եվրոպա, մեծ պետությունների ղեկավարների հետ մոտիկից կապերի մեջ մտնել, հնարավորության սահմաններում տեղեկություններ ձեռք բերել նրանց նվաճողական ծրագրերի մասին և դրանց իրականացումը կանխելու համար շտապ միջոցների դիմել⁵⁷: «Սակայն,— գրում է հեղինակը,— Անգլիան խուսափեց շահին ընդունել և, այդպիսով, նրան շահջողվեց Անգլիայի ղեկավարների հետ անմիջական շփման մեջ մտնել և հասկանալ, թե Անգլիան, Աֆղանստանում իր նվաճողական քաղաքականությանը ղուդահեռ, ինչպիսի քաղաքականություն է վարելու Իրանի նկատմամբ, ինչպես է օգնելու Իրանին, որպեսզի ռուսները Մերվը չգրավեն, ինչպես է ջանալու պաշտպանել և ամրապնդել Իրանը: Արդյոք անդ-

⁵⁵ Նույն տեղում, էջ 6:

⁵⁶ Мисль Рустам, Персия при Наср Эдин Шахе с 1882 г. по 1888 г., СПб., 197, стр. 57.

⁵⁷ محمود فرهاد معتمد، تاریخ روابط سیاسی ایران و عثمانی ی، جلد دوم سپهسالار اعظم-تهران-۱۹۵۰، صفحه ۲۷

լիացիները ուսական նվաճումները կասեցնելու ինչ մտա-
դրություններ ունեն, կամ թե Իրանը պաշտպանելու ծրագրից
հրաժարվելով այն զոհելու՞ են ցարական քաղաքականու-
թյանը»։ Հեղինակը հանգում է այն եզրակացութեան, որ այս
հարցերը անպատասխան մնացին, քանի որ այդ ժամանակ
Անգլիայի քաղաքականութիւնը պահանջում էր Իրանի շա-
հին Անգլիա շթողնել, և նրան օգնութեան և հովանավորու-
թեան ոչ մի խոստում չտալ։ Ինչպես հատուկ էր Անգլիայի
քաղաքագետներին, ելնելով Անգլիայի շահերից նրանք մտա-
դիր էին Իրանի ճակատագիրը վճռել երկրից դուրս։ Ամեն
պարագայում շահը այս ճամփորդութեանից վերադարձաւ
առանց որևէ արդյունքի⁵⁸։

Հետաքրքրական է նշել, որ մինչևիսկ այնպիսի հեղինակ,
ինչպիսին է Մահմուդ Մահմուդը, որն իր բազմահատոր աշ-
խատութեան մեջ մանրամասն վերլուծութեան է ենթարկում
անգլիական իմպերիալիստների դադութատիրական քաղա-
քականութեանը և իրանական իշխող շրջանների դավաճանա-
կան վարքագիծը, փորձում է ինչ-որ ձևով իմաստավորել շա-
հի և նրա վեզիրների ճամփորդութեանները դեպի Եվրոպա։
Օրինակ, խոսելով Նասր էդ Դին շահի Լոնդոն կատարած ճամ-
փորդութեան մասին, գրում է, որ անգլիացիների կազմակեր-
պած շքեղ ընդունելութեանը և բազմաթիւ հյուրասիրութեան-
ները միայն իրանական ղեկավարներին սիրաշահելու հա-
մար էր։ Սակայն իբր մեծ վեզիր Աթաբեկը հմուտ և քաղա-
քագետ մի անձնավորութեան էր, լավատեղյակ մեծ պետու-
թեանների քաղաքականութեան դադտնիքներին և շհրապուր-
վեց այդ ընդունելութեամբ և սիրաշահումներով։ Նա լավ
գիտեր, թե այդ սիրալիր վերաբերմունքի արդյունքը ինչ է
լինելու։ Նա գիտեր, թե ինչ են պահանջում Անգլիայի շա-
հերը և որ նրանց ազահութեանը շափ ու սահման չկա։ Նրանց
նպատակն է քաղաքականապես և տնտեսապես Իրանն
ստրկացնել, ոչնչացնել Իրանի սովերենութեանը և խորտա-
կել նրա անկախութեանը⁵⁹։

⁵⁸ Նույն տեղում, էջ 28։

⁵⁹ ۱۷۲۶ دەخە، تاریخ روابط سیاسی، جلد ششم، ص ۱۷۲۶

Հասկանալի է, որ միանգամայն միամիտ է այսպիսի դատողությունը Աթաբեկի նման մի անձնավորության հասցեին, որի կյանքն ու ամբողջ գործունեությունը անցել է իմպերիալիստական տերություններին ծառայելու նշանաբանով:

Թեյմուրին վկայում է, որ շահին Եվրոպա տանելու գործում գլխավոր դերը կատարում էին անգլիացիները, որոնք մտադիր էին մերձեցնել Անգլիան և Իրանը՝ ընդդեմ ցարական Ռուսաստանի: Անգլիայում գտնվելու ժամանակ նրանք ցուցադրեցին Անգլիայի արդյունաբերական ձեռնարկությունները և ծովային և ցամաքային ուժերը, որպեսզի սարսափ առաջացնեն նրա մեջ: Դեռևս մեկ տարի դրանից առաջ Նասր էդ Դին շահը Ռեյտերին տվել էր մի կոնցեսիա, որի վնասաբեր հետևանքները երկար ժամանակ զգացվում էր երկրում: Շահը մեծ ցանկություն ուներ զբոսնել և զվարճանալ Եվրոպայում և ստանալ մի քանի ստեռլինգ կանխավճար: Նրանք այնքան էին հրապուրված այդ ամենով, որ պատրաստ էին երկիրը ամբողջովին ծախել Անգլիային⁶⁰:

Մեր կողմից արդեն հիշատակված էթեմադ էս Սալթանեն, որն ուղեկցում էր շահին նրա ուղևորության ժամանակ, մեկնաբանելով անգլիական կառավարության կողմից շահի արտակարգ շուքով կազմակերպված ընդունելության նպատակները, միանգամայն ճիշտ է նկատում, որ այդ արվել էր շահի վրա ազդելու և Իրանը նրա օգնությամբ իրենց ենթարկելու դիտավորությամբ⁶¹:

1873 թվականի փետրվարին ստորագրվում է Գրենվիլ-Գորչակով հայտնի համաձայնագիրը: Այդ պայմանագրով Գորչակովը հայտարարում էր Աֆղանստանը ցարական կայսրության ազդեցության գոտուց դուրս բերելու մասին, որի համար երկար տարիներ պայքարում էր Անգլիան: Հենց այդ

թվականին է, որ Նասր էդ Դին շահն իր վեզիրների հետ առաջին անգամ ճամփորդում է Անգլիա: Կոնդոնում գտնվելու ժամանակ մեծ վեզիրը տեղեկանում է այդ համաձայնա-

60

ابراهیم تیموری، عصر بی خبری... صفحه ۱۱-۹

اسرار انعطاف ایران یا خوب نامد مرحوم اعتماد السلطنه 61

مشهد ۱۹۴۵، صفحه ۸۴

գրի մասին և գրավոր պաշտոնական հարցում է կատարում Անգլիայի արտաքին գործերի մինիստրութեանը: Իր պատասխանում Գրենվիլը հայտնում է, որ բարեկամական հարաբերություններ են հաստատվել Անգլիայի և ցարական կայսրութեան միջև և խորհուրդ է տալիս Իրանին անկեղծորեն կատարել երկու տերութիւնների նկատմամբ իր պարտավորութիւնները: Այս պատասխանը հուսահատութիւն է պատճառում շահին ու նրա մեծ վեզիրին և թուլացնում վերջինիս դիրքերը: Նույն ժամանակ, երբ Նասր էդ Դին շահը Եվրոպայում զվարճանում էր, անգլիական գործակալները Պարսից ծոցում Իրանին ենթակա շեյխերի հետ դադանի կապերի մեջ են մտնում և համաձայնութիւններ կնքում⁶²:

Շահի երկրորդ ճամփորդութիւնը տեղի ունեցավ 1878 թվականին, այս անգամ նույնպես Սեփահսալարի ուղեկցութեամբ: Այս ճամփորդութեան արդյունքը եղավ ցարական կոնզակների Իրան բերելը, որոնք հետագայում մեծ դեր խաղացին երկրի քաղաքական կյանքում: Ինչպես գրում է էրրահիմ Թեյմուրին, Իրանի կողակալին զորամասի ստեղծումով «կես դար շարունակ երկրի անկախութիւնն ու անգործութիւնը հանձնվեց ցարական դահիճների ձեռքը»⁶³:

1889 թ. կայացավ շահի երրորդ ճամփորդութիւնը դեպի Եվրոպա, որից հետո նա բազմաթիւ կոնցեսիաներ շնորհեց օտարերկրացիներին: Այս հանգամանքը թելադրված էր ոչ միայն Իրանի տնտեսութեան տարբեր բնագավառներում հաստատվելու եվրոպական տերութիւնների ու կապիտալիստների ձգտումով, այլև այդ բանում շահի շահագրգռվածութեամբ, քանի որ, ինչպես գրում է Թեյմուրին, «...նա անձամբ դրանց դիմաց մեծ գումարներ էր ստանում»⁶⁴:

«Այս ճամփորդութեան ընթացքում, — նշում է նա, — Նասր էդ Դին շահը, ասես գործերի բարելավման և թագավորութեան շարունակման հարցում հուսահատված և հոգնած, ուղում էր հնարավորին շափ շուտ Իրանը վաճառել օտարներին...»⁶⁵:

62 محمود محمود، تاریخ روابط سیاسی... جلد چهارم، ص ۶-۷ ۱۹۴

63 ابراهیم تیموری، عصر بی خبری... ص ۱۱-۹

64 ابراهیم تیموری، عصر بی خبری... ص ۹

65 նույն տեղում, էջ 9-11:

Այս կոնցեսիաները եվրոպական մոնոպոլիստական կապիտալի ներթափանցման և Իրանի տնտեսական ու քաղաքական գաղութացման տեսակետից առանձնակի նշանակություն ունեն և մենք նրանց մանրամասն կանդրադառնանք աշխատության վերջին գլխում:

Առայժմ կանգ առնենք շահի միայն այս ճամփորդության դրդապատճառների վրա:

Նասր էդ Դինի երկրորդ ճամփորդության դրդապատճառների հարցը քննարկել է էբրահիմ Թեյմուրին, իր «1890 թ. Ռեժիի պայմանագիրը» գրքում: Նա համոզմունք է հայտնում, որ շահի ճանապարհորդությունը Անգլիա մեծ վեզիր Ամին էս Սոլթանի միջոցով կազմակերպել էին անգլիացիները, որոնք դրանում մեծապես շահագրգռված էին, քանի որ մտադիր էին բանկի հիմնադրման և տրամվայ կառուցելու կոնցեսիաներ ստանալու խնդիրն ամրապնդել և շահին սիրաշահելով նորանոր կոնցեսիաներ ձեռք բերել: Հենց այդ այցելության ժամանակ էր, որ առաջ քաշվեց նաև ծխախոտի կոնցեսիայի հարցը: Նասր էդ Դին շահը, հույս ունենալով, որ կոնցեսիայի կանխավճարով ոչ միայն կհոգա իր ճամփորդության ծախսերը, այլև հնարավորություն կունենա մի նոր ճամփորդություն ևս կատարել, համաձայնվեց այդ կոնցեսիան տալ Անգլիային⁶⁶:

Այդ ճամփորդությունների կապակցությամբ մեծ վեզիր Ամին էս Սոլթանի վարած քաղաքականությանն անդրադառնալով, Թեյմուրին գրում է, որ «Ամին էս Սոլթանը մեկ անգամ Նասր էդ Դին շահին (նկատի ունի նրա վերջին ճամփորդությունը—Չ. Ն.) և երկու անգամ Մուղաֆար էդ Դին շահին եվրոպա տարավ և Անգլիային ու ցարական Ռուսաստանին բազմաթիվ կոնցեսիաներ տալով երկիրը մղեց դեպի անկում և ոչնչացում: Քիչ էր մնացել, որ հենց այդ արտաքուստ անկախությունը նույնպես ոչնչանար և Իրանը պաշտոնապես օտարների գաղութը դառնար»⁶⁷:

⁶⁶ ابراهیم تیموری، قرارداد ۱۸۹۰ رژی تحریم تنباکو اولین مقاومت
منفی در ایران، صفحه ۷۶

⁶⁷ ابراهیم تیموری، عصر بی خبری... صفحه

Դեպի Եվրոպա կատարած շահի ճամփորդության դրդապատճառների և երկրի համար նրա ունեցած հետևանքների լավագույն գնահատականը կարելի է համարել էբրահիմ Թեյմուրիի հետևյալ խոսքերը. «Այն ժամանակ, երբ ժողովուրդը աղքատության և շքավորության մեջ տառապում էր, արդյունաբերության և առևտրի տարրեր ճյուղերը մեկը մյուսի հետևից փակվում էին, իսկ ուսաներն ու անգլիացիները մտադիր էին Իրանը գրավել, Նասր էդ Դին շահն իր վեզիրների ուղեկցությամբ Եվրոպա էր գնում և բռնապետ ու ինքնակալ հաքեմների զուլումով և բռնությամբ, որբից ու այրուց և այլ խեղճերից բռնադրաված ժողովրդական հարստությունը նվիրում էր այսինչ պարուհուն, կրկեսի այնինչ դերակատարին կամ մսխում կաբարեններում»⁶⁵:

Նասր էդ Դին շահի Եվրոպա կատարած երրորդ ճամփորդությանն անդրադարձած աղբյուրները վկայում են, որ շահը և մեծ վեզիր Ալի Ասղար Խան Ամին էս Սուլթանը մի շարք ճոխ հյուրասիրություններից հետո գաղտնի պայմանագրեր ստորագրեցին անգլիական կառավարության հետ և հանդիստ սրտով վերադարձան Իրան: Յարական կառավարությունը տեղյակ էր այդ ամենին և խիստ բացասական վերաբերմունք ուներ: Այդ պատճառով էլ շահը և մեծ վեզիրը շահամարձակվեցին Թեհրան վերադառնալ Պետերբուրգի վրայով: (Նրանք եկան Գերմանիայի և Կովկասի ճանապարհով): Մյունխենում գտնվելու ժամանակ էր, որ շահը հանդիպեց պանիսլամիզմի հիմնադիր Սեյիդ Ջամալ էդ Դին Աֆղանիին: Ամին էս Սուլթանը, որը լավատեղյակ էր ուսաների դժգոհությունը, գաղտնի հանձնարարությամբ Ջամալ էդ Դինին ուղարկում է Պետերբուրգ, որպեսզի ալղեցիկ անձանց հետ հանդիպելով հնարավորին շափ մեղմի նրանց վերաբերմունքը⁶⁹:

Այս հարցին անդրադարձել է իրանական պետական մի այլ գործիչ՝ Յահյա Դովլաթաբադին:

Նա վկայում է, որ շահի կողմից Պետերբուրգ ոչ պաշտոնական այցելության ուղարկված Աֆղանիին հանձնարար-

⁶⁵ Նույն տեղում, էջ 13:

⁶⁹ محمود محمود، تاریخ روابط سیاسی... جلد پنجم، ص ۱۲۱۴

ված էր կապեր հաստատել այնտեղ գործող և ռուսական արտաքին գործերի մինիստրության հետ կապեր ունեցող «իրանասերների» հետ, նրանց միջոցով բանակցությունների մեջ մտնել Ռուսաստանի կառավարության հետ, ջանալ ըստ հնարավորին մեղմել ռուսների դժգոհությունն Իրանի կողմից անգլիացիներին կոնցեսիաներ տալու կապակցությամբ և նրանց փոխհատուցում խոստանալ: Ջամալ էդ Դինն ուրախությամբ ընդունում է այն միսիան, մեկնում է Պետերբուրգ, իր պարտականությունները կատարում և մեծ հույսերով վերադառնում է Իրան⁷¹:

Իհարկե, դժվար է ստույգ հաստատել այս փաստը, հատկապես, երբ առկա է Ջամալ էդ Դինի հետևյալ գնահատականը, որը պահպանվել է նրա նամակներից մեկում. «Եվրոպացիներն էլ հասկացել են, որ այժմ այն ժամանակն է, երբ առանց պատերազմի կարող են տիրանալ Իրանին: Հասկացել են, որ իսլամը և նրա տիրապետության շրջանները պաշտպանող հոգևորականներն իրենց հզորությունը կորցրել են և նրանց ազդեցությունը նվազել է: Այդ պատճառով էլ յուրաքանչյուր պետություն ձգտում է գրավել այս երկրի որևէ մասը»⁷²:

Ջամալ էդ Դինն իր նամակը վերջացնում է. «կորչի՛ այսպիսի շահը, կործանվի՛ այսպիսի թագավորությունը» բառերով⁷³:

⁷¹ يحيى دولت آبادی، حیات یحیی، جلد اول، تهران ۱۹۵۷، صفحه ۹۴

⁷² ابراهیم تیموری، قرارداد ۱۸۶۰ رزی تحریرم تنبأ کو اولین مقاومت منفی در ایران، تهران ۱۹۵۰، صفحه ۶.

⁷³ նույն տեղում:

ԻՄՊԵՐԻԱԼԻՍՏԱԿԱՆ ԱՆԳԼԻԱՅԻ ԵՎ ՅԱՐԱԿԱՆ
ՌՈՒՍԱՍՏԱՆԻ ՔԱՂԱՔԱԿԱՆՈՒԹՅՈՒՆԸ ԻՐԱՆՈՒՄ ԵՎ
ԱՆԳԼՈ-ՌՈՒՍԱԿԱՆ ՄՐՅԱԿՑՈՒԹՅՈՒՆԸ

Իմպերիալիզմի էությունը և Իրանի նկատմամբ իմպերիալիստական տերությունների քաղաքականությունը դարձել են իրանական մի շարք հեղինակների ուսումնասիրության առարկա: Նրանցից շատերը ճիշտ կերպով կռահել են, որ XIX դարի վերջին քառորդի և հետագա շրջանների Իրանի ընդհանուր վիճակը հասկանալու համար, պետք է սկսել հենց իմպերիալիզմի, նրա էության և նրա վարած քաղաքականության ուսումնասիրությունից:

Անդրադառնալով այդ հարցին, պարսիկ հեղինակներն ընդգծում են, որ երկրորդ համաշխարհային պատերազմից հետո ընկած ժամանակաշրջանում, երբ երկրի ներքին և արտաքին գործերին օտարերկրացիների միջամտությանը վերջ տալու ուղղությամբ Իրանի ժողովրդի պայքարը նոր փուլ էր թևակոխել, հաճախ էր խոսվում իրանական ժողովրդի շահագործման և նրա հարյուր հիսունամյա ստրկության մասին: Մամուլում և հանդեսներում մասնավորաբար այդ հարցին վերաբերող բազմաթիվ հոդվածներ են լույս տեսել: Բայց, ինչպես նշում է Թեյմուրին, «Դժբախտաբար դեռևս դրանց մասին (իմպերիալիստական քաղաքականության դրսևորումների մասին—Ղ. Ն.) փաստաթղթերի վրա հիմնված ստույգ և լրիվ տեղեկություններ չեն հրատարակվել և ժողովրդի մեծամասնությունն այդ ցավալի իրադարձություններից շատերին անտեղյակ է»¹:

Պարսիկ հեղինակները փորձում են վերլուծել նաև իմպերիալիստական երկրների գաղութակալական նոր մեթոդ-

ները: Եթե անցյալում որևէ երկրի վրա իրենց տիրապետությունը հաստատելու համար գաղութարարները պատերազմի էին դիմում, զորքեր էին ուղարկում և սվինների ուժով թույլ ժողովուրդներին գերում և ենթարկում էին, ապա XIX դարի երկրորդ կեսին նրանք հետամնաց երկրների շահագործման և գաղութացման համար կաշառքով կամ այլ զարտուղի ճանապարհներով իրենց դրածոներին իշխանության կարգելու և մի ամբողջ շարք տնտեսական արտոնություններ ձեռք բերելու միջոցով հասնում էին իրենց հետապնդած քաղաքական նպատակներին: «Իրանական ժողովուրդը,— եզրահանգում է Թեյմուրին,— պետք է իր երկրի քաղաքական պատմության այս հատվածին լուրջ ուշադրություն դարձնի և լավ ուսումնասիրի տգետ իշխողների վարքագիծը, որպեսզի ապագայում այլևս այդպիսի քաղաքական և տնտեսական դավադրություններից շխաբվի և շենթարկվի վերջին դարի նման շահամուլ և անպատասխանատու կառավարությունների»²:

Պարսիկ հեղինակները նկատել են, որ XIX դարի վերջին քառորդին գաղութատիրական պետությունների նվաճողական քաղաքականության մեջ տեղի ունեցած որոշակի փոփոխությունների հետևանքով համապատասխան տեղաշարժեր էին կատարվել նաև միջազգային հարաբերություններում: Օրինակ, Մահմուդ Մահմուդը նշում է, որ 1878 թ. Բեռլինի կոնգրեսից մինչև Իրանն ազդեցության գոտիների բաժանելու 1907 թ. Անգլո-ռուսական պայմանագիրն ընկած երեսուն տարվա ժամանակահատվածում «Իրանի քաղաքական պատմությունը եվրոպական տերությունների քաղաքական խաղերի առարկա էր դարձել»: Եվրոպական գաղութատիրական պետությունների քաղաքականության մեջ առաջացած փոփոխությունների հետևանքով Իրանի ճակատագիրը ևս փոխվում էր, «քանի որ Իրանի հարցը միջազգային հարցերից մեկն էր համարվում և նրա խնդիրների լուծումը կապված էր միջազգային քաղաքական խնդիրների ընդհանուր լուծման հետ»³:

² Նույն տեղում, էջ Բ:

³ 1011 *دوره دوماهه*، تاریخ روابط سیاسی... جلد ششم 1011

Իրանում անգլիական գաղութարարների քաղաքականությունը XIX դարի երկրորդ կեսին ձեռք է բերում միանգամայն նոր որակ: Իմպերիալիզմի դարաշրջանում անգլիական գաղութարարները ցարական Ռուսաստանի խիստ մրցակցության պայմաններում Իրանում կիրառում են նոր քաղաքականություն, որը վերջին հաշվով պետք է ծառայեր նույն նպատակին՝ Իրանի գաղութացմանը:

Էնչպես ցույց են տալիս պատմական փաստերը, XIX դարի վերջին քառորդում անգլիական իմպերիալիստներն աստիճանաբար գրավում են Իրանի տնտեսության հանգուցային դիրքերը: Բացի ձեռք բերած կոնցեսիաներից, Անգլիան իրանական շուկան ողողում է իր արդյունաբերական ապրանքներով: Արդեն դարավերջին Անգլիային հաջողվել էր իրանական շուկայից դուրս մղել եվրոպական մյուս պետություններին և իր մենաշնորհն ապահովել երկրի արտաքին առևտրում: Միանգամայն հասկանալի է, որ տնտեսական այս գերիշխանությունն իր հետ բերում էր և քաղաքական ազդեցության ուժեղացում: Մեհդի Մալեք զադեն, անդրադառնալով այդ հանգամանքին, գրում է. «Անգլիացիները Իրան մտան որպես հաղթող մի պետություն, Իրանի բոլոր քաղաքները պաշտոնյաներ ուղարկեցին և հեծյալ զորք ըստեղծեցին իրենց հրամաններն իրականացնելու համար»⁴:

Պատմական փաստերի ուսումնասիրումը ցույց է տալիս, որ անգլիական գաղութարարների ներթափանցումն Իրան հատկապես ուժեղացավ Փարիզի պայմանագրի կնքումից հետո: Անգլո-իրանական պատերազմն ավարտվեց Իրանի պարտությամբ: Ահմեդ Քասրավին այդ մասին գրում է. «Իրանի պատերազմը այն իրադարձություններից էր, որ ավարտվեց խայտառակությամբ: Իրանցիները թե՛ Բուշեհրում ու Ֆարսում, թե՛ Մոհամարայում և Խուզեստանում չնչին դիմադրությունից հետո պարտություն կրեցին և նահանջեցին»⁵:

4 مهدي ملكزاده، تاریخ انقلاب مشروطیت ایران، تهران ۱۳۲۸، ص ۱۲۷

5 احمد کسروی، چند تاریخچه، تهران ۱۹۶۰، ص ۶

Պատերազմն ավարտվեց 1857 թվականի Փարիզի պայմանագրով, որը, ինչպես Ալի Ասղար Շամիմն է գրում, «Անգլիայի համար մեծ հաջողություն էր, որից հետո նա ձեռնամուխ եղավ դրա շնորհիվ ձեռք բերած դիրքերի պահպանմանը և Իրանում իր գաղութակալական քաղաքականության և ազդեցության ամրապնդմանը»⁶:

XIX դարի 50-ական թվականներից, հատկապես Փարիզի պայմանագրից հետո, Անգլիան ռազմական անմիջական զավթումներից անցավ Իրանի խաղաղ նվաճմանը: Նա ձրգտում է Իրանում տնտեսական բազմաթիվ կոնցեսիաներ ձեռք բերել և խորացնել իր ներթափանցումը երկրի բոլոր բնագավառները: «Այս վերջին քաղաքականության նյութական և բարոյական վնասները,— գրում է Մահմուդը,— ոչնչով պակաս չէին նախորդ քաղաքականության հետևանքներից: Ընդհակառակը, այս նոր քաղաքականությունն անհամեմատ ավելի վնասաբեր էր և նրա բացասական արդյունքներն անհամեմատ ավելի վտանգավոր էին: Այս բոլորով հանդերձ Իրանի ղեկավարությունը և պալատականներն անտարբերությամբ քնից շարժնացան և ոչ մի քայլի չդիմեցին»⁷: «Անգլիացիներն իրենց տնտեսական և բարոյական ազդեցությունը տարածելու համար, խարդախությամբ և նենգությամբ մի շարք տնտեսական և առևտրական կոնցեսիաներ ստացան, բայց միշտ էլ այդ կոնցեսիաներն առավելագույն շափով շարաշահում էին իրենց քաղաքական նպատակների իրադրծման համար»— գրում է իրանցի մեկ այլ հեղինակ՝ էբրահիմ Թեյմուրին, որի արխիվային փաստաթղթերով հարուստ աշխատության ուսումնասիրումը ցույց է տալիս, որ նա իսկապես փորձում է քննել իմպերիալիզմի դարաշրջանի գաղութակալական քաղաքականության առանձնահատկությունները, շնայած միշտ չէ, որ նրան հաջողվում է երկվույթները ճիշտ գնահատել⁸:

6. علی اصغر شمیم، ایران در دوره سلطنت قاجار، تهران ۱۳۴۲، ص ۱۷۹

7. محمود محمود، تاریخ روابط سیاسی... جلد دوم، ص ۵۳۷

8. براهیم تیموری، عصر بی خبری... ص ۸۵

Իմպերիալիզմի դարաշրջանում ֆինանսական մոնոպոլիաների ներթափանցման միջոցով տարբեր երկրների գաղութացման փաստը քննարկելիս բուրժուական պատմաբան Մահմուդ Մահմուդն իր աշխատության հինգերորդ հատորում նշում է, որ առևտուրն ազդու միջոց էր աշխարհակալական քաղաքականության իրականացման գործում: «Դա հենց այն զենքն էր, — գրում է նա, — որին բազմաթիվ երկրներ են զոհ գնացել»⁹: Մահմուդը նշում է, որ վերջին ժամանակներս Անգլիան բոլորից շատ է օգտվել այդ զենքից, որ եվրոպական մյուս երկրներն այդ հարցում նրանից հետ էին մնացել և զրկվել նոր նվաճումներից: Մահմուդն, իրավացիորեն, եվրոպական երկրների մեջ ծավալված պատերազմների պատճառներից մեկը համարում է հենց այդ հանգամանքը¹⁰:

Առևտրական էքսպանսիայի ուղղությամբ Իրանում ձեռնարկած անգլիական իմպերիալիստների միջոցառումներն ուսումնասիրել է նաև Ֆերեյդուն Ադամիաթը: Նրա կարծիքով, «Այդ շրջանում անգլիացիները ձգտում էին Իրանի հարավում ընդարձակել իրենց առևտրի ճանապարհները, բացել Քարուն գետի նավարկությունը»¹¹: Թեհրանում անգլիական դեսպանությունը մեծ ջանքեր էր թափում այդ ուղղությամբ: Ֆերեյդուն Ադամիաթը մեջբերում է կատարում անգլիական դեսպանության գործերի հավատարմատար Նիքոլսոնի՝ Իրանի արտաքին գործերի մինիստրին դրած «անձնական» մի նամակից: Այնտեղ ասված է, որ Անգլիայում հասարակական կարծիքն իշխում է կառավարության քաղաքականության վրա: Իսկ Անգլիայի հասարակական կարծիքը հօգուտ Իրանի շի կարող լինել, եթե Անգլիայի առևտուրն Իրանում շրջարձակվի¹²:

Իհարկե, անգլիական հասարակական կարծիք ասելով հեղինակն ի նկատի ունի բրիտանական բուրժուազիայի կարծիքը:

⁹ محمود محمود، تاریخ روابط سیاسی... جلد پنجم، ص ۱۳۶

¹⁰ նույն տեղում, էջ 1339:

¹¹ فریدون ادمیت، فکر ازادی و مقدمه نهضت مشروطیت، تهران صفحه ۱۶۳

¹² նույն տեղում, էջ 162:

Իրանում անգլիական գաղութարարների նոր քաղաքականութիւնը և դրա հետապնդած նպատակները լայնորէն քննարկվել է իրանական պատմագրութեան մեջ և ստացել հակասական գնահատականներ:

Հայտնի է, որ անգլիական իմպերիալիստները, նրանց շահերի արտահայտիչ քաղաքական գործիչները և նույնիսկ առանձին հեղինակներ փորձում էին Իրանի նկատմամբ Անգլիայի վարած քաղաքականութիւնը կապել նրա խոշորագույն գաղութի՝ Հնդկաստանի պաշտպանութեան հետ: Նրանք հաճախ աշխատել են հավաստիացնել, թե Անգլիան Իրանում որևէ նվաճողական ձգտում չի ունեցել, այլ պարզապէս Հընդկաստանի պաշտպանութեան շահերից ելնելով, որոշ ակտիվ քաղաքականութիւն է վարել Իրանում: Այդպիսի փորձեր են արել նաև իրանական որոշ հեղինակներ: Օրինակ, էբրահիմ Թեյմուրին նշում է. «Հնդկաստանի սահմանների պաշտպանութեան տեսակետից Պարսից ծոցում և Իրանի հարավում ազդեցութիւն ունենալն անգլիացիների համար կենսական նշանակութիւն ունեւր»¹³: Նույն միտքն է կրկնում նաև Մահմուդ Մահմուդը. «Անգլիացիները մի կողմից տեսնում էին ռուսական վտանգն Իրանում և Բալկաններում, մյուս կողմից՝ գերմանական վտանգը Փոքր Ասիայում և Պարսից ծոցում, Բաղդադի երկաթգծի ներթափանցումն Իրանի խորքերը: Այս երկու վտանգների մոտեցումը Հնդկաստանի սահմաններին, — գրում է նա, — միանգամից դժվարացնում էր այդ երկրի պաշտպանութիւնը: Անգլիացիները հանգեցին այն եզրակացութեան, որ պետք է այդ երկու պետութիւններից որևէ մեկին իրենց կողմը գրավել և այդ երկուսին իրար դեմ հանել, որպէսզի նրանք իրար ոչնչացնեն»¹⁴:

Հեղինակների մի խումբ, սակայն, շրացառելով Հնդկաստանի պաշտպանութեան նպատակները, միաժամանակ ցույց է տալիս, որ անգլիական իմպերիալիստները ձգտում էին գաղութացնել Իրանը և նրա սահմանամերձ տերիտորիաները: Հասան Հալաջը, քննելով Անգլիայի՝ Իրանում վարած քաղաքականութեան հարցը, գրում է. «Անգլիական յղադրութարար-

ներն Արևելահայկական ընկերության միջոցով վարձակալել էին հնդիկ զինվորների և ստեղծել ռազմական մի ապարատ, որը ղեկավարվում էր անգլիացի սպաների կողմից: Նրանք հնդիկ զինվորների ձեռքով ամբողջ Հնդկաստանը ենթարկել էին լոնդոնյան լորդերին և Հնդկական օվկիանոսի վրայով ոտնձգություններ էին կատարում դեպի Պարսից ծոցի կղզիները, Հնդկաստանը պաշտպանելու պատրվակով Իրանում խլրտումներ էին առաջացնում, «քաղաքական դավադրություններ էին նյութում և արդելակում իրանցիների աճն ու զարգացումը»¹⁵:

Այս հարցը մանրամասն արծարծել են նաև պարսիկ այն հեղինակները, որոնք խորը կերպով ուսումնասիրել են Իրանում Անգլիայի վարած քաղաքականությանը վերաբերող արխիվային փաստաթղթերը: Հենվելով այդ փաստաթղթերի վրա, նրանք հերքում են այն պնդումը, թե անգլիական գաղութարարների քաղաքականությունն Իրանում և Աֆղանստանում բխում էր միայն ցարական Ռուսաստանի վարած նվաճողական քաղաքականությունից և անգլիական գաղութարարներին նրա կողմից սպառնացող վտանգից: Այդ հեղինակները գտնում են, որ այդպիսի վտանգի առկայության պայմաններում Անգլիան, տրամաբանորեն, ոչ թե իր զինված ուժերով պետք է հանդես գար Միջին Ասիայում, դորք ուղարկեր Աֆղանստան և բարեկամական հարաբերությունները փշացներ Իրանի հետ, այլ, ընդհակառակը, բոլոր միջոցներով պետք է ձգտեր Իրանը և Աֆղանստանը միմյանց դաշնակից դարձնել, դրամով և զենքով նրանց օժանդակել և հրահրեր ցարական Ռուսաստանի դեմ: «Բայց անգլիական կառավարության հետապնդած քաղաքականությունն այդ շէր,— գրում է Մահմուդը,— նա ինքն էր ձգտում Աֆղանստանն ու Իրանն իր ազդեցության տակ զցել և Աֆղանստանի ռազմական օկուպացիայի միջոցով տիրանալ ամբողջ Ասիային»¹⁶: Մահմուդն այն կարծիքի է, որ հենց այդ քաղաքականության իրականացման նպատակով էր, որ Անգլիան ցարական Ռուսաստանին զբաղեցրեց օսմանյան խնդրով և խոստումներ տվեց Ստամբուլի և Օսմանյան կայս-

րության ասիական և եվրոպական այլ տերիտորիաները Ռուսաստանին հանձնելու մասին¹⁷: Սակայն հետաքրքիր է նշել, որ իր աշխատութեան հաջորդ հատորներում Մահմուդը որոշ իմաստով ինքն իրեն հակասում է: Մանրամասն խոսելով Լորդ Քերզոնի առաջ քաշած տեսակետների մասին, նա գրում է, որ Խորասանի հարցը մի փոքր այլ բնույթի էր, քան նա ուզել էր ներկայացնել «և դա Հնդկաստանի սահմանների պաշտպանութեանն էր»¹⁸:

Հեղինակը հիշատակում է, որ Հնդկաստանի պաշտպանութեան համար նախատեսվել էր ամբողջությունների մի ամբողջ օղակ, որի մեջ Խորասանի և Սիստանի նահանգները ունեին առաջնահերթ նշանակություն: Հնդկաստանի պաշտպանութեան այդ ծրագրերը մշակվել էին դեռ վաղուց: «Իրանի պետութեան և ժողովրդի բարեբախտութեանը նրա մեջ էր, — գրում է Մահմուդը, — որ ուսաները կասպից ծովի արևելյան ճանապարհը հայտնաբերեցին և Իրանի տերիտորիայով անցնող իրենց ուղին շեղեցին: Այդ շրջանում երկաթգծի կառուցումը Իրանին ժամանակավորապես փրկեց քաղաքական քաշքշուկներից, անդլիացիներն այլևս այդ շրջանների նկատմամբ ոտնձգություններ չկատարեցին և պայքարի թատերաբեմը Խորասանից փոխադրվեց Հերաթի դարբասից այն կողմ: Այն, ինչ որ անդլիացիները պետք է կատարեին այդ նահանգներում, կատարեցին Հերաթում և Կանդեհարում: Նրանք միայն մի տազնապ ունեին, շինի թե ուսաները հասնեն Սիստան, որից հետո նրանց ճանապարհը կբացվի և հեշտութեամբ կարող են հասնել Մոքրան և Պարսից ծոց»¹⁹: Անդլո-ռուսական հակասություններն ու պայքարը նման ձևով նկարագրելով՝ Մահմուդը մեղադրում է նաև իրանական կառավարութեանը, որը շահականալով ստեղծված վիճակը, կարողացավ դրանից անհրաժեշտ օգուտներ քաղել:

«Իրանի կառավարութեանը, — գրում է նա, — հանցավոր է այն բանում, թե ինչո՞ւ այդ ժամանակ շմտածեց Սիստանի մասին, ինչո՞ւ չջանաց պաշտպանել այն, ինչո՞ւ Խորասանում ոչ մի քայլի չդիմեց: Այդ ժամանակ Իրանի համար իր

¹⁷ Նույն տեղում:

¹⁸ Նույն տեղում, հատոր 5, էջ 1324:

¹⁹ Նույն տեղում:

գոյությունը փրկելու արտակարգ հարմար առիթ էր ստեղծվել: Յարիզմը շարժվում էր դեպի Հերաթ, իսկ Անգլիացիները պաշտպանության էին պատրաստվում Հերաթում և Ղանդահարում: Երկու պետութայունները զբաղված էին իրենց ծրագրերի իրականացմամբ և Իրանը այլևս ռազմական գործողութայունների թատերաբեմում չէր: Եթե Իրանը Խորասանը և Սիստանը պաշտպանելու համար հիմնական միջոցների դիմեր, ապա դա ոչ մի կասկած չէր առաջացնի երկու տերութայունների միջև: Սակայն ինչ կարելի է անել, որ Իրանը հեռատես ղեկավարներ չուներ, որ եթե երբեմն էլ այդպիսիները գտնվում էին, ապա նրանք հենված էին լինում այդ երկու տերութայուններից որևէ մեկի վրա: Իսկ վերջիններս Իրանի բարձրաստիճան ղեկավարներին այլասեռելու գործում այնքան հմուտ էին և վարպետացած, որ, կարելի է ասել, անգերազանցելի էին»²⁰:

Հետաքրքրական է նշել, որ անգլիական գաղութարարները հաճախ քողարկում էին Իրանում իրենց դավադրութայուններն ու մեքենայութայունները, ջանում էին իրենց իրանական ժողովրդի բարեկամն ու համախոհը ձևացնել և այնպիսի տպավորութայուն ստեղծել, թե այն ամենը, ինչ նրանք անում են, բխում է միայն իրանական ժողովրդի շահերից, նրա բարեկեցութայան համար մտահոգութայունից, կամ էլ նրան ցարական Ռուսաստանի ոտնձգութայուններից փրկելու նպատակից:

Այդ կապակցութայամբ Ալի Ասղար Շամիմը գրում է. «Իրանում Անգլիայի քաղաքականութայան առանձնահատկութայուններով է պայմանավորված այն հանգամանքը, որ անգլիական կառավարութայունը միշտ իրեն ձևացնում էր Իրանի վշտակից և բարեկամ: Իր նպատակներին հասնելու և բարեկամական ու համերաշխ հարաբերութայուններ պահպանելու համար, որը միշտ նրա նենդ և ատելի քաղաքականութայան նախերգանքն էր, (Անգլիան—Հ. Ն.) հազվադեպ էր դիմում ուժի և բռնի միջոցների: Նա օգտվում էր ղեկավարների և պալատի հավատարիմ ծառաների թուլութայունից, այլասեռութայունից, փառամոլութայունից և պաշտոնամոլու-

²⁰ Նույն տեղում:

Թյունից: Իրենց նպատակներին հասնելու համար նրանք մինչևիսկ օգտագործում էին ղաջարական թաղալորների կանանց և սիրուհիներին, գաղտնիքներին լավատեղյակ ներքինիներին և այլն: Այդ եղանակով ապականված և սուբմարդկանց նշանակում էին երկրի բարձրագույն պաշտոններում և նրանց երկշոտ և ստորաքարշ հոգեբանությունն օգտագործում էին իրականացնելու այնպիսի նպատակներ, որոնց կատարումը հնարավոր չէր ուժով և բռնությամբ»²¹:

Բազմաթիվ վկայություններ կան անգլիական գաղութարարների կիրառած մեթոդների մասին: Օրինակ, անգլիական գաղութարարներն ամեն կերպ ձգտում էին իրենց կողմը գրավել մեծ վեզիր Միրզա Ալի Ասղար խան Աթաբեկ Աղամին: Հետագայում, տեսնելով, որ նա ամուր կապերի մեջ է ցարական Ռուսաստանի հետ և տեղի շի տալիս անգլիական քաղաքականությանը, ձեռնամուխ են լինում նրա հեռացմանն այդ բարձր պաշտոնից: Այդ նպատակին հասնելու համար անգլիացիները մեծ գումարներով կաշառում էին շիաների՝ Իրանում և Իրաքում կենտրոնացած ղեկավարներին և օգտագործում նրանց ունեցած ազդեցությունն ու հեղինակությունը²²:

Դովլաթաբադին վկայում է, որ անգլիական իմպերիալիստներն արդեն կորցրել էին իրենց կողմնակից մեծ վեզիրին և այժմ ոչ ոքի չունեին նրան փոխարինելու համար: Ուստի Աթաբեկին սպառնալու և հակակշիռ ստեղծելու նպատակով պալատականների շրջանում մի բլոկ էին ստեղծել, որի գլուխ էին կանգնեցրել էյն էդ Դուլեին և Վաջիհ Օլահ Միրզային և որոնց քաջալերում և հրահրում էին պաշքարելու Աթաբեկի դեմ²³:

Անգլիական իմպերիալիստների քաղաքականությունն Իրանում ամենալայն արձագանք էր գտնում իրանական հասարակայնության ամենատարբեր շրջաններում: Չնայած անգ-

²¹ علی اصغر شمیم، ایران در دوره سلطنت قاجار، تهران ۱۳۴۲، صفحه ۱۸۷

²² حاج میرزا یحیی دولت آبادی، حیات یحیی، جلد اول، تهران ۱۹۵۷، صفحه ۱۵-

²³ նույն տեղում:

լիական գաղութարարների կիրառած մեթոդներին, իրանական ժողովուրդը մեծ ատելությամբ էր լցված նրանց դեմ և տարբեր ժամանակներում երկրում ծավալվում էին հակախմայերիալիստական և գլխավորապես հակաանգլիական շարժումներ: Սակայն կան որոշ պարսիկ հեղինակներ, որոնք խոսում են անգլիական իմպերիալիստների նկատմամբ իրանական ժողովրդի «սիրո և համակրանքի» մասին, որը բացարձակապես չի համապատասխանում իրականությանը և չի ապացուցվում պատմական որևէ փաստով:

Օրինակ, մեր կողմից արդեն հիշատակված Մահմուդ Ֆարհադ Մոթամեդը գրում է. «1287 թ. (1870—71) անգլոֆիլ զգացմունքներն Իրանում հասան իրենց բարձրագույն աստիճանին»²⁴: Ցանկանալով հիմնավորել իր այս հայտարարությունը, հեղինակն ավելացնում է. «Այս զգացմունքների առաջացման իսկական պատճառը այն վախն ու սարսափն էր, որ առաջացել էր Գերմանիայի և Ռուսաստանի միջև կնքված դաշինքից, որի հետևանքով ռուսական կառավարությունը կարող էր անարգել ձևով ներթափանցել դեպի Ասիա: Ֆրանսիայի պարտությունից հետո այդ ուղղությամբ այլևս արգելք և խոչընդոտ չկար»²⁵: Հեղինակը զարգացնում է այն տրամաբանությունը, որ իբր այդ ժամանակ Անգլիան միակն էր, որ կարող էր պաշտպանել Իրանին ռուսական ագրեսիայից, և հովանավորել նրան: Այդ է պատճառը, որ Իրանի հակվեց դեպի Անգլիան: Սակայն Մոթամեդը ստիպված է խոստովանել, որ «Անգլիան այդ բարեկամությունից առավելագույն օգուտը քաղեց», մինչև որ Եվրոպայում հավասարակշռությունը նորից վերականգնվեց: Երբ ցարական Ռուսաստանի կողմից եկեղ վտանգը վերացավ, Անգլիան «այլևս Իրանական կառավարության կարիքը չուներ և նորից սկսեց խառնել երկրի ներքին վիճակը»²⁶:

Մոթամեդի անհիմն պնդումն Իրանում գոյություն ունեցող կարծեցյալ անգլոսիրության մասին, հերքվում է պարսիկ բազմաթիվ հեղինակների կողմից: Այդ հեղինակները

²⁴ محمود فرهاد معتمد، سپهرسالار اعظم، تهران ۱۹۴۶، ص ۱۷۵

²⁵ նույն տեղում:

²⁶ նույն տեղում, էջ 177:

բացահայտել են անգլիական իմպերիալիստների՝ Իրանում վարած քաղաքականության հետապնդած նպատակներն ու մերկացրել այդ քաղաքականությունը «սլաշտականելու» ամեն մի փորձ:

Այսպես, էբրահիմ Քեյմուրին, մանրամասն ուսումնասիրելով Անգլիայի վարած քաղաքականությունն Իրանում, հանդում է հետևյալ եզրակացություն. «Մոտ երեք հարյուր հիսուն տարի է, որ անգլիացիներն ազահությամբ աչք են գցել Իրանի վրա և նրան տիրանալու և մեր ժողովրդի քաղաքական ու տնտեսական անկախությունը ոչնչացնելու համար ոչ մի հակամարդկային արարքից չեն խուսափում»²⁷: Կրկնելով տարածված այն միտքը, որ «Իրանը անգլիական առևտրի համար լավ շուկա լինելուց բացի, հանդիսանում էր նաև Հնդկաստանի բանալին և ամենասարսափելի ու ամենահեշտ ճանապարհն էր դեպի Հնդկաստան հարձակվելու համար», հեղինակը նշում է, որ Անգլիան շէր կարող բացահայտ ռազմական ուժով Իրանը գրավել, քանի որ բացի բազմաթիվ խոչընդոտներից գոյություն ունեւ ուսանգլիական մրցակցությունը: Ինչպես լորդ Քերզոնն է ասել, եթե անգլիացիները Իրանում մի քայլ էին դնում, ուսաները երկու քայլ էին առաջ շարժվում: Քանի որ ուսաների առաջխաղացումն Իրանում սպառնում էր Հնդկաստանի անվտանգությունը, ուստի անգլիական քաղաքական ներկայացուցիչները կարգադրություն էին ստացել իրենց նպատակներին հասնելու համար, մի խումբ ստոր և ապիկար մարդկանց սլաշտոնի նշանակելով աղքատությունը, հիվանդությունն ու տգիտությունը տարածել Իրանում և այն վերածել մի գերեզմանատան, որի բնակիչները կազմում էին մի խումբ շարժվող դիակներ: Նրանք այդ անում էին, որպեսզի իրենց նպատակների իրականացման ճանապարհին ոչ մի արգելք և խոչընդոտ գոյություն չունենային²⁸:

Քեյմուրին վկայում է, որ հատկապես, երբ 1887 թվականին Դորթմոնդ Վոլֆը նշանակվեց անգլիական դեսպան, Նասր էդ Դին շահի պալատը և մեծ վեզիր Ամին էս Սոլթանը

27

ابراهیم تیموزی، عصر بی خبری... صفحہ ۸۰

28 Նույն տեղում, էջ 85:

վարում էին խիստ պրոանգլիական քաղաքականություն, և որ «Անգլիայի ազդեցությունն իրանական կառավարական ասպարատում իր բարձրագույն աստիճանին հասավ»²⁹:

Անգլիացիներն իրենց «իրանական» քաղաքականության դրույթները հիմնավորում էին նրանով, որ Ռուսաստանի՝ Հնդկաստանի վրա հարձակվելու դեպքում, իրանական կառավարությունը, եթե նույնիսկ նրա հետ շհամագործակցեր էլ համենայն դեպս «սրտանց ուրախ կլիներ»: Նրանք միշտ իրանական կառավարության գլուխ էին կարգում այնպիսի ազդեցիկ մարդկանց, որոնք պաշտպանում էին Անգլիայի շահերը³⁰: Անգլիայի ուշադրությունն այդ ժամանակ ուղղված էր Սիստանի, Բալուչեստանի, Պարսից ծոցի և Խուզեստանի վրա, և նա ձգտում էր հնարավորին շափ ուժեղացնել իր ազդեցությունն այդ նահանգներում: Հիշյալ նսլատակին հասնելու համար Անգլիան Իրանում կառավարության գլուխ կանգնեցրեց Հաջ Միրզա Հոսեյն խան Սեփահսալարին, որն, ինչպես անգլիացի Հենրի Ռալինսոնն է վկայում, «անգլիական կառավարության օժանդակությամբ և պնդումով հասավ Իրանի մեծ վեզիրի պաշտոնին... և մեծ ծառայություններ ցուցաբերեց անգլիական կառավարությանը»³¹: Մահմուդն այն կարծիքին է, որ դեռևս այդ ժամանակ անգլիական կառավարությունն ու Հնդկաստանի տիրակալները համոզված էին, որ «թույլ Իրանն անհամեմատ գերադասելի է ուժեղ և զորեղ Իրանից, և եթե, երբևիցե, իրանական պետությունը հզորանա, անկասկած, ավելի շուտ կթեքվի դեպի ռուսները, քան դեպի անգլիացիները»³²: Անգլիական կառավարությունը վարում էր այնպիսի քաղաքականություն, որի հիմքը տասնիններորդ դարի առաջին տարիներին դրել էին անգլիական դիվանագետներ Զոն Մալքոմը և Գոր Օզլին: Հետագայում Իրանում գործող բոլոր դիվանագետները շարունակում էին այդ քաղաքականությունը³³: Մահմուդը, խոսե-

²⁹ նույն տեղում, էջ 312:

³⁰ «تاریخ روابط سیاسی...» ۱۸۵

³¹ նույն տեղում, էջ 696:

³² նույն տեղում, էջ 712:

³³ նույն տեղում, էջ 713:

լով իր ուսումնասիրությունների արդյունքի մասին, գրում է. «Իրանի հետ ունեցած ուղղակի հարաբերությունների ժամանակաշրջանում անգլիական կառավարությունը, թեկուզ մեկ անգամ Իրանի և նրա ժողովրդի նկատմամբ անկեղծ և անշահախնդիր բարեկամություն, նյութական և բարոյական օժանդակություն չցուցաբերեց: Ես ուսումնասիրել եմ անցյալի պատմության մասին եղած գրքերի մեծ մասը, և ոչ մի տեղ չեմ հանդիպել, որ արձանագրված լինի Իրանի նկատմամբ Անգլիայի որևէ օգնությունն ու օժանդակությունը»³⁴: Հեղինակը գտնում է, որ դրա մեջ չի կարելի մեղադրել միայն Անգլիային, քանի որ վերջինիս բոլոր միջոցառումներն Իրանում բխում էին իր նյութական և քաղաքական շահերից: Եթե Իրանում գոյություն ունենային թեկուզ մի խումբ գիտակ դեկավարներ, ապա կկարողանային ստորագրվող պայմանագրերում և համաձայնագրերում Իրանի շահերը նկատի ունենալ: Եթե որևէ արտոնություն էին տալիս անգլիացիներին, դրա դիմաց որևէ արտոնություն ստանային Իրանի համար: Եթե Անգլիան որևէ բան էր պահանջում, դրա դիմաց, Իրանի շահերից և բարեկեցությունից ելնելով, որևէ բան պահանջեին Անգլիայից: Բայց Իրանի դեկավարներն այդպիսի սովորություն չունեին: Նրանք ի նկատի էին առնում ոչ թե Իրանի, այլ միայն իրենց անձնական շահերը: Այդպիսի դեպքերում անգլիացիները նրանց անձնական շահերն հաշվի առնելով նրանց հետ լեզու էին գտնում: Եթե երբևիցե մի որևէ իմաստուն և ժամանակի գրությանը գիտակ մեկը գտնվեր և շուղենար երկրին դավաճանել, ապա շահին ստիպում էին այդ մարդուն ոչնչացնել, և դրանով գործնավարտվում էր³⁵: Հեղինակը հանդում է այն կորակացության, որ այդ ամենի հետևանքով «այլասերված և ոճրագործ Նասր էդ Դին շահը հիսուն տարի շարունակ ամբողջ իրանական ժողովրդին վատթարագույն վիճակում էր պահում և չէր թողնում առաջադիմական մի քայլի անգամ դիմել»³⁶:

³⁴ Նույն տեղում, էջ 1347:

³⁵ Նույն տեղում:

³⁶ Նույն տեղում, էջ 1348:

Իրանական հեղինակներն արձանագրում են, որ XIX դարի ընթացքում Իրանի և Անգլիայի հարաբերություններն երկու անգամ վատացան: Ի դեպ, առաջին անգամ 30-ական թվականների վերջերին գործը հասավ պատերազմի: Դրա պատճառն այն էր, որ անգլիական կառավարությունը մտադիր էր նասր էդ Դին շահին պատժել և որոշ դավադրություններից հետո զինված հարձակում կազմակերպեց դեպի Իրան, ուժեղացրեց և գրավեց Բուշեհրն ու Մոհամարան: Երկրորդ անգամ նրանց հարաբերությունները փշացան ծխախոտի կոնցեսիայի ժամանակ: Չնայած այս անգամ անգլիացիները զորք դուրս չբերեցին, սակայն իրանական կառավարությունից խարդախությամբ և խաբեբայությամբ հինգ հարյուր հազար ստեռլինգ գանձեցին՝ որպես ծխախոտի մոնոպոլիայի փոխհատուցում: Բացի այս երկու դեպքերից, «նասր էդ Դին շահի թագավորության մնացած ժամանակաշրջանում Իրանն ամբողջովին գտնվում էր Անգլիայի քաղաքական գործակալների ազդեցության ներքո», — գրում է Մահմուդը³⁷:

Ուսումնասիրելով բոլոր այս իրադարձությունները, Մահմուդը հանգում է այն եզրակացության, որ «ամբողջ XIX դարի ընթացքում իրանական կառավարությունը Անգլիայի հավատարիմ բարեկամն էր, իսկ Անգլիան այդ հավատարմության դիմաց ձգտում էր իր լիակատար տիրապետությունը հաստատել Իրանի վրա և նրան դարձնել կոնգոնի կամ Հնդկաստանի իշխանության հլու հնազանդը»³⁸:

XIX դարի վերջերին Իրանում անգլիական իմպերիալիստական քաղաքականության գլխավոր նախագծողը լորդ Քերզոնն էր: Մահմուդը, ուսումնասիրելով Քերզոնի ամբողջ գործունեությունը, տալիս է հետևյալ գնահատականը. «Անգլիական քաղաքական գործիչներից ոչ մեկը լորդ Քերզոնի չափ Իրանին թշնամի չի եղել: Քերզոնը XIX դարի Անգլիայի պնդաճակատ, դաժան և ագրեսիվ քաղաքագետներից մեկն էր, որն իր ամբողջ կյանքի ընթացքում ջանում էր Իրանն ստորացնել և խեղճացնել: Նա Իրանի շարակամն էր, և Անգլիայի դոյություն համար ցանկանում էր իրանական ժողո-

³⁷ Նույն տեղում, հատ. 8, էջ 2229:

³⁸ Նույն տեղում:

վրրդի ոչնչացումը: Եթե որևէ մեկը Իրանի նկատմամբ նրա քաղաքականության հետ ծանոթանա, կզգա, թե նա ինչպիսի թշնամի է եղել Իրանի համար»³⁹:

Ինչպես նշում է Մահմուդը, Քերզոնը բազմիցս խոստովանել է, որ Անգլիան այդ ժամանակ մեծ կարևորություն էր տալիս Իրանի հարցին, քանի որ խիստ անհանգստացած էր Ֆրանսիայի հետ Ռուսաստանի մերձեցմամբ և Անգլիայի ու Ֆրանսիայի՝ այդ երկու վաղեմի թշնամիների, ընդհարումներով Ասիայում և Աֆրիկայում:

Այսպիսի իրադրության դեպքում միանգամայն ճիշտ է Մահմուդի այն կարծիքը, որ Անգլիայում շահի նկատմամբ ցուցաբերված արտակարգ սիրալիր և շքեղ ընդունելությունը հենց քաղաքական արդյունքի հասնելու նպատակ ուներ⁴⁰:

Մահմուդը նշում է, որ դեռևս շահի՝ Եվրոպա մեկնելուց առաջ երևում էր, որ կամ օտարների դրդմամբ, կամ հենց շահի կամքով իրանական կառավարությունը պատրաստ էր ամեն ձևի կոնցեսիաներ տալ օտարերկրյա և հատկապես անգլիական կապիտալիստներին: Այս հանգամանքն ավելի ցայտուն դարձավ անգլիական նոր դեսպան Դորթմունդ Վոլֆի՝ Իրան դալուց հետո⁴¹:

Յահյա Դովլաթաբադին գրում է, որ «Ռուսաստանի հոգսերը Ճապոնիայի դեմ մղված պատերազմում, անգլիացիներին հնարավորություն էին տալիս ավելի խորացնելու և ընդարձակելու իրենց ազդեցությունն այդ երկրում» (Իրանում—Հ. Ն.)⁴²:

Ամփոփելով Անգլիայի քաղաքականության կործանարար նշանակությունը Իրանի համար, Մահմուդ Մահմուդը գրում է. «Պատկերացրեք Իրանի վիճակը հիսուն տարի առաջ...: Եթե այն ժամանակ ճամփորդեիք Իրանում, ապա կտեսնեիք, որ նույնիսկ գյուղացի կանանց ձեռքերն ու վզերը ոսկով էր զարդարված, այժմ քաղաքի ունևոր ընտանիքների

³⁹ Նույն տեղում, հատ. 5, էջ 1480—1481:

⁴⁰ Նույն տեղում, հատ. 4, էջ 1168:

⁴¹ Նույն տեղում, էջ 1170:

⁴² يحيى دولت آبادی، حیات يحيى جلد اول، تهران ۱۹۵۷ ۴۲
صفحة ۳۵۲

կանանց վրա նույնիսկ այդ շեք տեսնի... Իրանի բնակչու-
թյունը ամբողջովին աղքատացել և տեղահան է արվել: Այս
բոլորը Անգլիայի դաժան և բռնի քաղաքականության հե-
տևանք է»⁴³:

Ինչպես տեսնում ենք, հեղինակը վառ գույներով նկա-
րագրում է անգլիական իմպերիալիստների կողոսխաչական
քաղաքականությունը և նրա հետևանքներն Իրանի ընդհա-
նուր կացության վրա: Չնայած հեղինակի մոտ նկատվում է
անցյալի որոշ իդեալականացում, մասնավորապես Իրանի
ժողովրդի վիճակի դավաբանում, որ, անշուշտ, ֆեոդալա-
կան հարաբերությունների գերիշխման պայմաններում դուրկ
է իրական հիմքերից⁴⁴:

*
* *

Իրանում իրենց քաղաքական նպատակներն իրակա-
նացնելու համար անգլիական գաղութարարները լայնորեն
միջամտում էին երկրի ներքին գործերին: Նրանք կապեր էին
հաստատել իշխող շրջանների հետ և ձգտում էին իրենց
ցանկացած անձանց նշանակել պատասխանատու պաշտոն-
ներում: Ինչպես գրում է Թեյմուրին, այդ գործում նրանք
խարդախությամբ, դավադրությամբ և ճարպիկ քաղաքակա-
նությամբ հաճախ հաշոդությունների էին հասնում: Միրզա
Աղախան Նուրին, Միրզա Հոսեյն խան Սեփահսալարը, Միր-
զա Ալի Ասղար խան Ամին էս Սոլթանը, նշում է նա, հատ-
կապես այն մարդկանցից էին, որոնք անգլիացիների օգնու-

⁴³ Բ.Ն. ճաֆե, «تاریخ روابط سیاسی... جلد هفتم», ص ۲۰۸
Հետաքրքիր է նշել, որ Մահմուդ Մահմուդը, բնեկով Անգլիայի քաղաքա-
կանությունը XIX դարում, ուշագրավ դիտողություններ է կատարում
Ռուս-պարսկական պատերազմների վերաբերյալ: Նա գրում է. «Ոչ մի
պետութուն մտադրութուն չուներ (նկատի ունի Ռուսաստանին—Չ. Ն.)
Իրանի բաժանման հարցը առաջ քաշել, կամ նրան բռնի ուժով տիրա-
նալ: XIX դարի սկզբներին Իրանա-ռուսական պատերազմը անգլիական
կառավարության հրահրման հետևանք էր»:

Երկրորդ պատերազմի հրահրիչը ևս, որը երկու տարի տևեց և ա-
վարտվեց Թուրքմենչայի պայմանագրով, Անգլիան էր»:

⁴⁴ Բ.Ն. ճաֆե, «تاریخ روابط سیاسی... جلد هفتم», ص ۲۰۸

Ելամբ և հովանավորութեամբ հասան մեծ վեզիրի պաշտոնին: «Այսպիսով,—եղբակացնում է Թեյմուրին,—անգլիացիները ամենաազդեցիկ մարդկանց իրենց ձեռքը ունենալով, պալատը և կառավարութիւնը իրենց էին ենթարկում, երբեմն դրամի և պաշտոնների խոստումով, երբեմն էլ սպանալիքով պաշտոնյաներ էին նշանակում կամ հեռացնում և իրենց ցանկութիւնները իրականացնում⁴⁵: Այդ մասին է վկայում նաև Մահմուդ Մահմուդը: Նա գրում է, որ անգլիական գաղութարարները XIX դարի սկզբից սկսած Իրանի նկատմամբ ունեցել են կայուն և որոշակի քաղաքականութիւն: «Որքան ես կարդացել եմ ու տեսել,—գրում է նա,— այդ քաղաքականութիւնը փոփոխութեան չի ենթարկուել և մինչև այսօր էլ նույն առանցքի շուրջն է պտտւում: Պետական գործիչները կամ պետք է գոյութիւն ունենային անգլիական կառավարութեան ցանկութեան համաձայն, կամ պետք է տապալուէին: Այս քաղաքականութեան գլխավոր արատն էլ հենց այն էր, որ երկու դեպքում էլ Իրանը անկում էր ապրում... Հատկապես պալատի դժգոհ և ստոր գործիչներից, ապականված կրօնականներից ու աշխարհականներից և ցեղերի թալանչի պետերից բաղկացած մի խումբ ծախված մարդկանց նրանք (անգլիացիները—Հ. Ն.) միշտ իրենց տրամադրութեան տակ ունեին»⁴⁶:

Իրանական հեղինակներն այն կարծիքին են, որ Իրանի բոլոր մեծ վեզիրները, բացառութեամբ մի քանիսի, իշխանութեան էին եկել անգլիական քաղաքականութեան հովանավորութեամբ: Մահմուդը գրում է, որ ինքը՝ Աթաբեկը, ևս վեզիրութեան առաջին տարիներին վայելում էր անգլիացիների հովանավորութիւնը, սակայն, երբ հետագայում դուրս եկավ Անգլիայի ազդեցութեան ոլորտից և միացավ նրա թշնամիներին, անգլիացիներն այդ շահնդուրժեցին և ձգտեցին նրան հեռացնել պաշտոնից: «Անգլիայի ազդեցութիւնն ուժեղացել էր իրանական մեծ վեզիրների նախաձեռնութեամբ,—գրում է Մահմուդը: Միայն նրանցից մի քանիսը, ինչպես Հաջի էբրահիմ խան Շիրազին, Ղայեմ Մաղամ Ֆա-

րահանին և Միրզա Թաղի խան Ամիր Քաբիրն էին, որ մեծ վեզիր էին դարձել առանց անգլիական հովանավորության: Բայց նրանցից ոչ մեկն իր նպատակին շահասով և երեքն էլ ասլականվեցին: Այժմ հերթը Աթաբեկինն էր, նա էլ պետք է հեռանար և նրա տեղը պետք է զբաղեցնեի մեկը, որ կատարեր Բրիտանիայի ցանկությունները»⁴⁷:

XIX դարում իրանական քաղաքական թատերաբեմում գործել են մի շարք պատասխանատու պաշտոնյաներ, որոնք տարբեր թելերով կապված են եղել անգլիական գաղութատերերի հետ և մեծ դեր են խաղացել Իրանը կիսագաղութի վերածելու գործում: Դրանցից կարելի է նշել մեծ վեզիրներ Միրզա Աղախան Նուրիին, Միրզա Հոսեյն խան Սեփահասալարին, Միրզա Ալի Ասղար խան Ամին էս Սուլթանին, Իրանի հարավում տեր ու տնօրեն Ղալամ էդ Դուլեին, ինչպես նաև արքայազն Ջել էս Սուլթանին և ուրիշներին:

Իրանը կիսագաղութի վերածվելու պատմությունն ուսումնասիրելիս պարսիկ հեղինակները հատուկ ուշադրություն են դարձրել նաև այդ գործիչների կյանքին ու գործունեությանը և արխիվային հարուստ նյութերի հիման վրա մերկացրել նրանց կապերն անգլիական գաղութարարների հետ, ցույց տվել այն նենգ և ազգադավ դերը, որ նրանք խաղացել են Իրանի գաղութացման գործում: Չպետք է մոռանալ, որ եղել են նաև գործիչներ, որոնք պայքարել են անգլիական գաղութարարների դեմ և հանդես եկել հանուն Իրանի անկախության պահպանման և նրա հետագա բարգավաճման:

Ինչպես հայտնի է, երբ 1848 թվականին Նասր էդ Դին շահը գահ բարձրացավ, նրա առաջին մեծ վեզիրն էր հայտնի Միրզա Թաղի խան Ամիր Քաբիրը, որը մի շարք բարեփոխումների հեղինակ է և հատկապես պայքարում էր անգլիական գաղութարարների ազդեցության տարածման դեմ:

Ամիր Քաբիրի բարեփոխությունների պատմությունը մեր աշխատության խնդիրներից դուրս է: Ասենք միայն, որ նա իր բարեփոխումների մեծ ծրագիրը փորձեց իրական-

47. «روابط سیاسی... جدید ششم»، ص 1791.

նացնել նասր էդ Դին շահի թագավորության առաջին տարիներին, սակայն ռեակցիոն ֆեոդալական վերնախավի և անգլիական գաղութարարների դավադրության հետևանքով շահը շուտով նրան սլաշտոնից հեռացրեց, աքսորեց Քաշան, որտեղ և, հետագայում, շահի առաջադրանքով սպանվեց:

Ամիր Քաբիրի կյանքի ու գործունեության, ինչպես նաև նրա անցկացրած բարեփոխումների մասին բազմաթիվ աշխատություններ են գրվել⁴⁵: Մենք այստեղ ուզում ենք կանգ առնել միայն այն հարցի վրա, թե սլաքսիկ հեղինակներն ինչպես են զնահատել նասր էդ Դին շահի և անգլիական իմպերիալիստների վերաբերմունքը նրա գործունեության նկատմամբ:

Աբդուլլահ Ռազին, խոսելով նասր էդ Դին շահի թագավորության մասին և հատկապես անդրադառնալով Միրզա Թաղի խանի ռեֆորմներին, այն միտքն է հայտնում, որ նասր էդ Դին շահի երկարատև թագավորության հիմքերն ամրասլնդեց Միրզա Թաղի խան Ամիր Քաբիրը: «Երեք տարվա ընթացքում,—գրում է Ռազին,—նա ներքին բոլոր խռովությունները ճնշեց և մի շարք բարեփոխումներ ձեռնարկեց, մինչդեռ Միրզա աղա խան էթեմադ էդ Դուլեն շկարողացավ այդ մեծ մարդու ծրագրերն իրականացնել: Ամիր Քաբիրի նպատակներից մեկն այն էր, որ հոգևորականությունը շմիջամտի երկրի քաղաքական կյանքին կամ աշխարհիկ գործերին, քանի որ շատ լավ տեղյակ էր, թե հոգևորականների միջամտությունը քաղաքականության մեջ թե՛ Սոլթան Հոսեյնի և թե՛ Ֆաթհ Ալի շահի օրոք ինչպիսի վնասներ էր հասցրել Իրանին: Նա մեծ ջանքեր գործադրեց հոգևորականների ազդեցությունը վերացնելու ուղղությամբ և, նույնիսկ, արգելեց Բասթի* իրավունքը⁴⁹:

⁴⁵ Այդ աշխատություններից ամենահետաքրքրականներն են

حسین مکی، زدرگانی میوزا تقی خان امیرکبیر، تهران ۱۳۲۳
فریدون آدمیت، امیرکبیر و ایران، تهران ۱۳۳۴

* Պետական մարմինների համար որևէ անձեռնմխելի վայրում ապաստարան գտնելը:

⁴⁹ عبدالله رازی، تاریخ مفصل ایران، تهران ۱۳۳۵، ص ۴۹۷

Որոշ հեղինակներ վկայում են, որ ոչ միայն Քաղի խանի հեռացումը մեծ վեզիրի պաշտոնից, այլև նրա սպանությունը հետևանք է եղել անգլիական գաղութարարների դավադրության:

Իսա Սադեղը օտարերկրացիների այս վարմունքը պատճառաբանում է նրանով, որ Ամիր Քաբիրը իր բարեփոխումներով արգելակում էր անգլիական ներկայացուցիչների բացահայտ միջամտությանը երկրի ներքին գործերին, խանգարում նրանց խռովություններ և անկարգություններ հրահրել⁵⁰: Եվ ահա «օտարները և նրանք, ովքեր տուժում էին այդ բարեփոխումներից, դիմեցին տարբեր բնույթի դավադրությունների» — գրում է նա⁵¹:

Ալի Ասղար Շամիմն իր «Իրանը դաջարների թագավորության շրջանում» աշխատության մեջ, քննարկելով Ամիր Քաբիրի անցկացրած բարեփոխումները, նշում է, որ «այդ ժամանակ Իրանի ներքին բարեփոխումներին ձեռնամուխ լինելը կասկած էր մեծ խոչընդոտների հետ: Ամիր Քաբիրը նույնիսկ իր կյանքը դրանց վրա զոհեց: Երկու գաղութարար պետութայունները՝ Անգլիան և ցարական Ռուսաստանը, Իրանի քաղաքական և հասարակական վիճակի նկատմամբ, իրենց շահերին համապատասխան, հատուկ մտեցում ունեին, բայց, ընդհանուր առմամբ, համատեղ և միասին դեմ էին որևէ քաղաքական ու հասարակական շարժման, որը կարող էր Իրանում նրանց շահերին վնաս հասցնել: Ակնհայտ է, որ Անգլիայի ու Ռուսաստանի քաղաքական և գաղութարարական ազդեցության ընդարձակումն Իրանում անհամատեղելի էր արմատական և խորը բարեփոխումների հետ»⁵²: Շամիմն, այնուհետև, խոսում է այն մասին, թե ինչպես անգլիական գաղութարարները, անհանգստացած Ամիր Քաբիրի անցկացրած բարեփոխումներով, դավադրություն կազմակերպեցին նրա դեմ:

Նասր էդ Դին շահը Քաշանի նահանգապետ Միրզա Նասրօլահ Նուրիին, որը հայտնի էր Միրզա Աղա խան ա-

⁵⁰ عیسی صدیق، تاریخ فرهنگ ایران، تهران ۱۳۲۶، ص ۵۰

⁵¹ նույն տեղում, էջ 289:

⁵² علی اصغر شمیم، ایران در دوره سلطنت قاجار، تهران ۱۳۴۲،

նունով, Թեհրան է կանչում և նրան էթեմադ էդ Դուլե տիտ-
դոսը տալով, նշանակում է Ամիր Քաբիրի տեղակալը: «Միր-
զա Աղա խան Նուրիի՝ Ամիր Քաբիրի տեղակալ ընտրելու և
նշանակելու գործում, — գրում է Շամիմը, — մասնակից էր
անգլիական դեսպանը: Այս մարդը Իրանում անգլիական դի-
վանագիտության դրածոն էր և մինչև իր կյանքի վերջը հա-
վատարիմ և նվիրված ծառայեց անգլիացիներին»⁵³: Իր այս
վկայությունը հիմնավորելու համար Շամիմը նշում է, որ
անգլիական դեսպանության պնդումը Միրզա Աղա խանին մեծ
վեզիրի տեղակալ և հետագայում էլ մեծ վեզիր նշանակելու
գործում արձանագրված է «ղաջարների ներքին պատմու-
թյան բաղմաթիվ աղբյուրներում»⁵⁴:

Ինչպես հայտնի է, այդ նշանակմանն անմիջապես
հետևում է մեծ վեզիրի պաշտոնից Ամիր Քաբիրի հեռացումը
և, հետագայում, նրա սպանությունը:

Հետաքրքրական է նշել, որ երբ Ամիր Քաբիրն սպան-
վեց, ապա Թեհրանում անգլիական դեսպանությունը մի
նամակով իր կառավարության անունից բողոքեց մեծ վեզիրի
սպանության դեմ, «որպեսզի, — գրում է Շամիմը, — այդ հայ-
րենասերի սպանության գործում անգլիացիների մասնակից
լինելու մեղադրանքը իրենցից հեռացվի: Այս հանգամանքը
մի շարք պատմաբանների մղել է այն բանին, որ Ամիր Քա-
բիրի սպանության գործում ավելի շատ ուշադրություն դարձ-
նեն ռուսական կառավարության հակումներին և քաղաքա-
կանությանը և սպանության պատասխանատվությունը գցեն
նրա վրա: Մինչդեռ Անգլիայի կողմից Ամիր Քաբիրի հակա-
ռակորդ Միրզա Աղա խան Նուրիին ցուցաբերած բացա-
հայտ հովանավորությունը և Նուրիի ստորաքարշ ծառայու-
թյուններն ու անգլիական քաղաքականությանը անձնատուր
լինելը անժխտելի են: Հենց այս հարցը, — ինչպես գրում է
Շամիմը, — Իրանում անգլիական քաղաքական դավադրու-
թյունների բացահայտ ապացույցներից է, և մեկն է մեր երկ-
րի ներքին գործերին նրա հարյուրավոր ուղղակի և անուղ-
ղակի միջամտություններից»⁵⁵:

⁵³ Նույն տեղում, էջ 113:

⁵⁴ Նույն տեղում:

⁵⁵ Նույն տեղում, էջ 125:

Քննարկելով Ամիր Քաբիրի սպանութիւնը Ռուսաստանին վերագրելու հարցը, Շամիմը գրում է, «Ամիր Քաբիրին Ռուսաստանի հետ կապելը և նրան ուսական քաղաքականութեան կողմնակից ձևացնելը Իրանում անգլիական նենդ քաղաքականութեան գլուխգործոցներից մեկն է»⁵⁶:

«Ամիր Քաբիրի սպանութեան կապակցութեամբ նասր էդ Դին շահը բացահայտորեն հասկացավ,— գրում է Ֆարհադ Մոթամեզը,— որ օտարերկրացիներն իրենց հզորութիւնը ավելացնելու և մտադրութիւններն իրականացնելու գործում, անհրաժեշտութեան դեպքում, թագավորի թուլութիւնն ապացուցող ոչ մի միջոցառման առաջ կանգ չեն առնի»⁵⁷:

Մահմուդ Մահմուդի վկայութեամբ, անգլիական դեսպանի պահանջով Ամիր Քաբիրը պետք է հեռացվեր մեծ վեզիրի պաշտոնից և նշանակվեր Քաշանի նահանգապետ: Բայց այդ գործին միջամտեց ուսական դեսպան Դուրդորուկին, և շահը տատանվեց: Չնայած Ամիր Քաբիրն Իրանում ուսական քաղաքականութեան վտանգավոր թշնամին էր, սակայն սկզբնական շրջանում ուսական դեսպանը նրան համարում էր ճշմարտասեր, արդար և տրամաբանող մի մարդ և չէր ցանկանում, որ այսպիսի մեկը պաշտոնից հեռացվի և այն պատճառով Միրզա Աղախան Նուրին, որը գտնվում էր Անգլիայի հովանավորութեան տակ: Նա չէր կասկածում, որ նոր վեզիրը կպաշտպանի Անգլիայի շահերը և անտարբեր կլինի ուսական շահերի նկատմամբ: «Կավագույն ելքը,— գրում է հեղինակը,— Ամիր Քաբիրի կյանքի պաշտպանութիւնն էր և դեսպանը պատրաստ էր նրան վերցնել ուսական կառավարութեան հովանավորութեան տակ»⁵⁸: Բայց հետաքրքրականն այն է, որ հեղինակը նույն էջի տողատակում գրում է. «Ամիրի հովանավորման գործում Դուրդորուկիի միջամտութիւնը մի դավադրութիւն էր, քանի որ ուսները նույնպես մասնակից էին Ամիրի դիրքերի թուլացմանը»⁵⁹:

Հայտնի է, որ Ամիր Քաբիրն իր վեզիրութեան տարիներին մասամբ վերջ տվեց օտարերկրացիների միջամտութեանը

⁵⁶ Նույն տեղում, էջ 126:

⁵⁷ محمد فرهاد معتمد، سپهرسالار اعظم، تهران ۱۹۴۱، ص ۸۵

⁵⁸ محمد فرهاد معتمد، تاریخ روابط سیاسی... جلد دوم، ص ۴۷۵

⁵⁹ Նույն տեղում:

երկրի ներքին և արտաքին գործերին: Նա միակ մարդն էր, որ Իրանի այդ հարցերը վճռում էր առանց նրանց: Ալբյուրները վկայում են, որ նրա օրոք ոչ ոք ի վիճակի չէր մասնավոր հարաբերությունների մեջ մտնել օտարերկրացիների հետ: Նա Իրանի պետական բոլոր պաշտոնյաներին ստիպեց հարաբերությունները խզել նրանց հետ: «Միայն այդ պատիվը նրան բավական է,— գրում է Մահմուդը,— որ նրա օրոք հարևաններից և ոչ մեկը չկարողացավ միջամտել Իրանի ներքին գործերին կամ ոտնձգություններ կատարել նրա քաղաքական իրավունքների նկատմամբ»⁶⁰:

Մինչ այդ Իրանում ընդունված էր այս կամ այն առիթով հաճախակի լսել օտարերկրյա ներկայացուցիչների կարծիքներն ու առաջարկությունները: Երկրի ներքին գործերին Անգլիայի ու Ռուսաստանի ներկայացուցիչների միջամտության ու ազդեցության շափը կախված էր շահի բարյացակամությունից և նրանց նկատմամբ ունեցած վերաբերմունքից: Երբեմն օտարերկրյա ներկայացուցիչներին թույլ էր տրվում նույնիսկ հովանավորել իրանահպատակներին: Հենց այդ սովորության համաձայն էր, որ երբ երիտասարդ շահը Թավրիզից Թեհրան էր մեկնում, իբր անախորժություններից խուսափելու համար, Թավրիզի հայերն անգլիական հյուպատոսից խնդրեցին պաշտպանել քաղաքի հայ բնակչությունը⁶¹:

Ամիր Քարիրը որոշեց ապագայում թույլ չտալ օտար ներկայացուցիչների միջամտությունն Իրանի որևէ գործում:

Պատմական փաստերը ցույց են տալիս, որ Թեհրանում գտնվող օտարերկրյա դեսպաններն ու մյուս ներկայացուցիչները ոչ մի կերպ չէին համաձայնվում հրաժարվել այդ կարգից, քանի որ դա նրանց մեծ արտոնություններ էր տալիս և այդ արտոնություններից զրկվելը նրանց համար մեծ կորուստ կլիներ⁶²:

Անգլիայի ցուցումով Ռուսաստանը և Ֆրանսիան համերաշխ էին Ամիր Քարիրի հետապնդման գործում: Նրանք Ամիրի գոյությունը արգելք էին համարում իրենց քաղաքա-

⁶⁰ Նույն տեղում, էջ 456:

⁶¹ Նույն տեղում, էջ 469:

⁶² Նույն տեղում:

կան շահերին, ձգտում էին նրան իշխանությունից հեռացնել: Մահմուդը գրում է, որ այդ ժամանակ ուսաները միանգամայն համաձայն էին Իրանի նկատմամբ Անգլիայի քաղաքականությանը, քանի որ ուսական ցար Նիկոլայ առաջինը նրանց հետ մշակել էր Իրանի և Օսմանյան երկրի բաժանման ծրագիրը⁶³:

Այս հարցին անդրադառնում է նաև Ֆարհադ Մոթամեդը: Նա գրում է, նկատի ունենալով հոգևորականության զորեղությունը, խաների և բեկերի ինքնավարությունը, արքայազնների ու պալատականների ազդեցությունն ու ուժը, պարզ էր, որ մեծ վեզիրներից որևէ մեկը եթե ուզենար դրական որևէ գործ կատարել, պետք է Միրզա էբրահիմ Քալանթարի, Միրզա Աբուլ Ղասեմ Ղայեմ Մաղամի և Միրզա Թաղի խան Ամիր Քաբիրի ճակատագրին արժանանար: Այդ ամենը տեղի էր ունենում այն ժամանակ, երբ երկու հզոր հարևանները՝ Ռուսաստանն ու Անգլիան, «մայրական հոգատարություն» էին երևան բերում և ապականված տարրերի հրահրումով յուրաքանչյուր պահ կարող էին ազնիվ և հոգատար վեզիրներին պաշտոնանկ անել⁶⁴:

Հայտնի է, որ Ամիր Քաբիրի հեռացումից հետո Նասր էդ Դին շահը մեծ վեզիր նշանակեց հենց նույն Միրզա Աղա խան Նուրիին: Այս հարցի մասին հետաքրքիր վկայություններ ունի Աբուլֆազլ Ղասեմին «Ընտանիքների իշխանությունն Իրանում» աշխատության մեջ: Նա նշում է, որ Նասր էդ Դին շահը մեծ վեզիր նշանակեց Միրզա Աղա խան էթեմադ էդ Դուլե Նուրիին՝ «Ինտելիջենտ սերվիսի առաջին գործակալին, Անգլիային հնազանդ և կատարածու, անգլիական հետախույզ Քոլոնել Շիլի աշակերտին»⁶⁵: Հեղինակն ընդգրծում է, որ Ամիր Քաբիրից հետո այս անձնավորությանը իշխանություն բերելով, անգլիական կայսրությունը նպատակ ուներ իր գաղութարարական քաղաքականությունն իրականացնել Մերձավոր Արևելքում⁶⁶: Սակայն, ինչպես նշում է

⁶³ Նույն տեղում, էջ 473:

⁶⁴ محمود فرهاد معتمد، سپهسالار اعظم، تهران ۱۹۴۶، صفحه ۱۴۶

⁶⁵ ابوالفضل قاسمی، حکومت خانوادہٴ محمدی در ایران، ۳ خانوادہٴ قوام السلطنہ، تهران ۱۹۵۰-۱۹۵۱، صفحه ۱۲۴

⁶⁶ Նույն տեղում, էջ 125:

նա, այդ ժամանակ տեղի ունեցան մի շարք իրադարձու-
թյուններ: Անգլիայի, Ֆրանսիայի և Ռուսաստանի միջև ե-
ղած հակասությունների. սաստկացումը հանգեցրեց Ղրիմի
պատերազմին, իսկ Հնդկաստանում ծավալվել էր հակադա-
դութատիրական հզոր մի շարժում: Սովետան Մուրադ Միրզա
Հեսամ էս Սալթանեն, օգտվելով առիթից, հարձակվում է
Հերաթի վրա և գրավում այն: Այդ արշավանքի ժամանակ
նրան ուղեկցում էր Ղավամ էդ Դուլեն, որի մասին բազմա-
թիվ վկայություններ կան գրագրության և այլ ղեկուցումնե-
րի մեջ, և որին մենք կանդրադառնանք առանձին:

Հեսամ էս Սալթանեի այս արշավանքը խիստ զայ-
րացնում է Անգլիայի շահերի պաշտպան մեծ վեզիր Նուրի-
ին, որը անմիջապես նրան կարգադրում է Հերաթը թողնել
և վերադառնալ Մաշհադ: Հեսամ էս Սալթանեն մեծ վեզիրին
ուղարկած իր պատասխանում նկարագրելով. ստեղծված
միջազգային հարաբերությունները, Հերաթի գրավումը մի-
անգամայն տեղին ու արժանավայել է համարում: Մեծ վե-
զիրը իր նամակում մեղադրում է Հեսամ էս Սալթանեին, որ
իբր նա մտադիր է գահը բռնադրավել, և այդ պատճառով էլ
մնացել է Հերաթում: Նա պահանջում է, որ «Իրանի շահե-
րից» ելնելով Հեսամ էս Սալթանեն հեռանա Հերաթից և վե-
րադառնա Մաշհադ: Սակայն վերջինս դիմադրում է մեծ վե-
զիրի այդ պահանջին, որի արդյունքը լինում է այն, որ կա-
ռավարությունը նրան հեռացնում է Խորասանի նահանգա-
պետի պաշտոնից և նրա տեղը նշանակում Համդե Միրզա
Հեշմաթ էդ Դուլեին⁶⁷:

Գնահատելով Աֆղանստանում տեղի ունեցող իրադար-
ձությունները և անգլիական իմպերիալիստների հետապնդած
նպատակները, Ալի Ասղար Շամիմը գրում է. «1850-ից մինչև
1855 թվականը, այսինքն հինգ տարվա ընթացքում Աֆղա-
նըստանում տեղի ունեցող իրադարձությունները բացահայտ
օրինակ էին հնդկական և անգլիական իշխանությունների
ապօրինի և անթույլատրելի միջամտությունների: Դա ցույց
էր տալիս, որ անգլիական կառավարությունը մտադիր էր
թուլացնել Իրանը և իրականացնել իր գաղութակալական

⁶⁷ Նույն տեղում, էջ 125—126:

քաղաքականութիւնն ինչպես այս երկրում, այնպես էլ Մեր-
ձաւոր Արեւելքի մյուս շրջաններում»⁶⁸:

Իրանական հեղինակները մանրամասն քննարկել են
նաև անգլիական գործակալ մեծ վեզիր Միրզա Հոսեյն խան
Սեփահասալարի պրոանգլիական գործունեութիւնը:

Աղբյուրները խոսում են այն մասին, որ Միրզա Հոսեյն
խանը դեռևս Ստամբուլում եղած ժամանակ կապվել էր անգ-
լիական գաղութարարների հետ: Նա անդամ էր ֆրամասո-
նական ռեակցիոն կաղմակերպութեան, և նրա ակտիվ գոր-
ծիչներից էր: Քերզոնի կարծիքով, Անգլիայի հետ բարեկա-
մութիւն հաստատելու ձգտումն Իրանում երբեք այնպիսի
շափսեր չէր ընդունել, ինչպես Միրզա Հոսեյն խանի մեծ
վեզիր եղած ժամանակ:

Իրանցի հեղինակները հավաստում են, որ նա մեծ վե-
զիր էր դարձել անգլիացիների աջակցութեամբ. ու հովանա-
ւորութեամբ, և Ռեյտերին նրա կոնցեսիա տալը համարում
են «Սեփահասալարի դավաճանութեան գլխադործոցը»⁶⁹:
«Միրզա Հոսեյն խան Սեփահասալարը, — գրում է Մահմուդը, —
անշափ տարված էր Անգլիայի քաղաքականութեամբ և սրբ-
տանց ցանկանում էր, որ Իրանը ամբողջովին ընկնի Անգ-
լիայի ազդեցութեան տակ»⁷⁰: «Անգլիական կառավարու-
թիւնը Միրզա Հոսեյն խան Սեփահասալարի համաձայնու-
թեամբ տիրապետեց ամբողջ Իրանին, — գրում է նա: Այսինքն
կար նասր էդ Դին շահը, կար Միրզա Հոսեյն խան Սեփահ-
սալարը, կային պալատը և կառավարութիւնը, բայց ծրա-
գրերը և գործերը գտնվում էին անգլիական գործակալների
ձեռքում»⁷¹: Տարբեր խարդախութիւններով և դավադրութիւն-
ներով անգլիացիները տիրեցին Բալուչեստանի կեսին, Իրա-
նից անջատեցին Սիստանի նահանգի մեծ մասը, ստորագրու-
վեց Ռեյտերի պայմանագիրը, որով Իրանի հարստութեան
բոլոր աղբյուրները տրվում էին անգլիացիներին, մի պայ-

⁶⁸ علی اصغر شمیم، ایران در دوره سلطنت قاجار، تهران ۱۳۴۲،
صفحه ۱۳.

⁶⁹ ابوالفضل قاسمی، حکومت خانوادہا در ایران، ۳ خانوادہ
قوام السلطنہ، صفحه ۱۳۲.

⁷⁰ محمود محمود، تاریخ روابط سیاسی... جلد سوم، صفحه ۷۱۴.

⁷¹ նույն տեղում, էջ 894:

մանագիր, որի ստորագրումից հետո շահը և Սադր Աղամբը մեկնեցին Լոնդոն⁷²:

Մահմուդի վկայությամբ, անգլիացիները Միրզա Հոսեյն խան Սեփահասալարին հավաստիացրել էին, որ ուսները մոտենում են և շուտով Իրանը կկորցնի իր անկախությունը, որ Իրանի համար միակ փրկությունը Անգլիայի գրկում պատսպարվելն է, և եթե առանց վերապահումների հանձնվեն Անգլիային, ապա շահնշահի պետությունը կշարունակի իր գոյությունը և ապահով կլինի ցարական Ռուսաստանի ոտնձգություններից⁷³:

Այս խոսքերում նկատվում է Միրզա Հոսեյն խանին արդարացնելու ինչ-որ տենդենց, ավելի ճիշտ, այն տեսակետը հաստատելու ձգտում, թե նա, համենայն դեպս, իր սրտանգլիական քաղաքականությունը վարում էր երկրի բարձրագույն շահերից ելնելով և «երկրի անկախությունը պաշտպանելու» նպատակով: Մի հանգամանք, որը սկզբից մինչև վերջ հերքվում է պատմական փաստերով: Մահմուդն ինքը մի այլ տեղ ընդունում է, որ «Միրզա Հոսեյն խան Սեփահասալարը իշխանություն եկավ անգլիացիների օգնությամբ և նրանց շահերի բերումով: Միրզա Հոսեյն խանը, իր հերթին, ազնվորեն գործեց հօգուտ նրանց, Բալուչեստանի և Սիստանի սահմանները ընդունեց այն ձևով, ինչպես անգլիացիներն էին առաջարկել, Ռեյտերի կոնցեսիայով երկար ժամանակով անգլիացիներին հանձնվեցին Իրանի բնական հարստությունների բոլոր աղբյուրներն ու եկամուտները, Անգլիայի հզորությունն ու վսեմությունը շահին ցուցադրելու համար նրան Անգլիա տարավ: Այդ ամենը նա անում էր, որպեսզի անգլիական կառավարությունը Իրանի հավատարիմ բարեկամը դառնա»⁷⁴:

Պետք է նշել, որ ընդհանրապես Միրզա Հոսեյն խան Սեփահասալարի կերպարը, որպես անգլիական գործակալի, մանրակրկիտ կերպով ուսումնասիրվել է պարսիկ բազմաթիվ հեղինակների կողմից: Վերջիններս նրան հիմնականում ներկայացնում են որպես անգլիական փորձառու քա-

⁷² Նույն տեղում:

⁷³ Նույն տեղում, էջ 772:

⁷⁴ Նույն տեղում, էջ 789:

դաքաղեալների ձեռքում անկամ մի գործիք և նրանց ցանկությունների կամակատար⁷⁵:

Ամին էս Սուլթանի կյանքն ու գործունեությունը հետազոտողները, նույնպես, հետաքրքիր փաստեր են հաղորդում նրա և անգլիական իմպերիալիստների կապերի մասին: Համաձայն այդ տեղեկությունների, մեծ վեզիրը հատկապես սերտ հարաբերությունների մեջ է եղել անգլիական ճարտիկ և գործունյա Դորթմունդ Վոլֆի հետ: Նրանց հարաբերություններն այնքան ջերմ էին, որ մեծ վեզիրը առանց նրա խորհրդի և թույլտվության սետական ոչ մի գործ չէր կատարում: Անգլիացիներն էլ, իրենց շահերից ելնելով, մեծ ջանասիրությամբ նրան սլաշտպանում և հովանավորում էին: Վկայություններ կան այնպիսի դեպքերի մասին, երբ որևէ պատճառով Նասր էդ Դին շահը զայրացած է եղել մեծ վեզիրի վրա, անգլիական դեսպանը Անգլիայի պրեմիեր մինիստր Սոլդբերիի անունից կեղծ հեռագրեր է կազմակերպել այնպիսի բովանդակությամբ, որ իբր վերջինս ցանկանում է, որ Ամին էս Սուլթանը մնա մեծ վեզիրի սլաշտոնում⁷⁶:

Ամին էս Սուլթանը անգլիական իմպերիալիստներին սիրաշահելու համար ոչ մի զոհաբերության առաջ կանգ չէր առնում: Իր և իր գործակիցների համար կաշառքներ վերցնելով, նա բազմաթիվ կոնցեսիաներ էր տալիս անգլիացիներին: Թվարկելով նրա կողմից Անգլիային տրամադրված Քարուն գետի նավարկության, «Շահնշահի բանկի» հիմնադրման, ծխախոտի մոնոպոլիայի, ճանապարհների կառուցման, նավթի և այլ կոնցեսիաները, Թեյմուրին դրանցից յուրաքանչյուրը գնահատում է որպես Իրանի ստրկացմանը նպաստող մի խթան: «Եթե Ռեժիի իրադարձությունները տեղի չունենային, — գրում է Թեյմուրին, — կոնցեսիաները իրականանային, Իրանն առանց արյունահեղության, Հնդկաստանի պես հեշտ ու հանդարտ անգլիական տիրապետության տակ կընկներ»⁷⁷:

Իր ծառայություններն անգլիական իմպերիալիստներին Ամին էս Սուլթանը շարունակեց մինչև ծխախոտի բոյկոտը և

⁷⁵ Նույն տեղում, էջ 1346:

⁷⁶

ابراهيم تيموري، عصر بی خبری... ص ۲۴

⁷⁷ Նույն տեղում, էջ 76:

երկրում ծավալված ընդարձակ շարժումը, որոնք հասցրեցին Իրանում անգլիական քաղաքականության ժամանակավոր պարտության: «Միայն այդ իրադարձություններից հետո էր, — գրում է Թեյմուրին, — որ իր պաշտոնը պահպանելու համար, նա փոխեց իր քաղաքական գիծը և ընկավ ուսանելի գիրկը: Ամին էս Սոլթանի մտերմությունը ցարական Ռուսաստանի հետ օրեցօր ամրապնդվում էր և նրա սպանության իսկական պատճառը հենց ուսանելի հետ բարեկամական կապերն էին»⁷⁸:

Ինչպես տեսնում ենք, այստեղ ուղղակի ակնարկ կա այն մասին, որ Ամին էս Սոլթանի սպանությունը նույնպես անգլիական իմպերիալիստների գործն է եղել:

«Աթաբեկը, — գրում է Մահմուդը, — պալատում մտցրած բոլոր փոփոխություններով հանդերձ, անգլիացիների կողմից իրեն ապահով չէր զգում և վստահ էր, որ անգլիացիները նրանից վրեժ կլուծեն, դրա համար էլ աշխատում էր նրանց հետ դադտնի հարաբերությունների մեջ մտնել: Նա ուսանելին համարում էր իր հովանավորը, ուստի չէր ուզում, որ նրանք տեղյակ լինեն անգլիացիների հետ ունեցած իր դադտնի կապերի մասին»⁷⁹: Հենց այդ ժամանակ էր, որ անգլիացիները հարավի նավթն էին ուզում: Հարդինգը, Աթաբեկի հետ մտերմանալով, խիստ դադտնի ձևով այս հարցը քննարկեց⁸⁰:

Մահմուդը գտնում է, որ եթե Աթաբեկը համաձայնվեց այսպիսի մի կոնցեսիա տալ ինչ-որ անգլիահպատակի, ապա դա միայն իր կյանքը պահպանելու համար էր: Նա նկատի ուներ նասր էդ Դին շահի սպանությունը և ջանում էր սիրաշահել և հաշտվել անգլիական քաղաքական ներկայացուցիչների հետ⁸¹:

Անգլիական իմպերիալիստների հլու-հնազանդ ծառաներն են եղել նաև ֆեոդալական մի այլ ընտանիքի՝ Ղավամ օլ Մոլք ընտանիքի, անդամները: Այս ընտանիքը հայտնի էր

⁷⁸ Նույն տեղում, էջ 75:

⁷⁹ | ١٦٨٠ء دەخاند، جلد ششم، ... تاریخ روابط سیاسی ...

⁸⁰ Նույն տեղում, էջ 1684:

⁸¹ Նույն տեղում, էջ 1685:

նաև Շիրազի անունով, քանի որ նա զլխավորապես տիրապետում էր Ֆարսի նահանգում, որի կենտրոնն էր Շիրազը:

Նասր էդ Դին շահի թագավորության տարիներին Ղաւվամ Շիրազիի ընտանիքի հզորությունը մեծ շափերի հասավ: Աբուլֆազլ Ղասեմին գրում է, որ Բուշեհրի գրավումն անգլիացիների կողմից վերագրում էին Ղաւվամ օլ Մուլքին և նրա հորը: Մեծ վեզիր Միրզա Աղա խան Նուրին այն կարծիքին էր, որ Ղաւվամ Շիրազիի ընտանիքը շահից վրեժ լուծելով, Բուշեհրը տվեց անգլիացիներին: «Նրանք,—գրում է Ղասեմին,—տմարդ և դավաճան ձևով Իրանի շահին ստիպեցին լրիվ կերպով հրաժարվել Աֆղանստանից և այն հանձնել անգլիացիներին: Նրանք ուրիշ ելք էլ չունեին, քանի որ այն ընտանիքը, որն իրեն օտարների գիրկն էր գցել, պետք է կատարեր նրանց կարգադրությունները, այլապես նրանց վարձկան ծառա լինելն իմաստ չէր ունենա»⁸²: Մի ուրիշ տեղ Ղասեմին նշում է. «պետք է նկատի ունենալ, թե Ղաւվամ էդ Դուլեն որքան հնազանդ և հավատարիմ ծառա է եղել, որ Անգլիայի վարձկան և լրտես էթեմադ էդ Դուլէի որդուն՝ Նեղամ օլ Մուլք Քաղեմ խաջե Նուրիին, ֆինանսների մինիստրությունից հեռացրեցին և Ղաւվամ էդ Դուլեին նրա տեղը նշանակեցին»⁸³:

Հնդկաստանի փոխարքա Ջորջ Քերզոնը Նասր էդ Դին շահի թագավորության վերջերին ճամփորդելով Խորասան, այդ նահանգի վերաբերյալ նոր կարգադրություններ է անում նորահիմն Ինտելիջենտ Սերվիսին, և Խորասանի գաղութացման և նրա քայքայման ծրագրի լրացման ուղղութեամբ նոր ակտիվություն է սկսվում: Մերվի պատերազմի պարտության հանցավորը և Իրանում ֆրամասոնական կաղմակերպության առաջին հիմնադիրներից և ազդեցիկ անդամներից մեկը Միրզա Մոհամադ Ղաւվամ էդ Դուլեն հանձնարարություն է ստանում Խորասանում ևս ֆրամասոնական լոժա ստեղծել: «Այսպիսով,—գրում է Ղասեմին,—նա հիմք է դնում այլասեռման և ինտրիգների կենտրոն

82 ابوالفضل قاسمی، تاریخ سیاه یا حکومت خانوادہا در ایران 82
۳ خانوادہ قوام الملک، صفحہ ۲۰-۱۹

83 Նույն տեղում, էջ 133:

հանդիսացող մի կազմակերպության, որը հիսուն տարի շարունակ հորասանում արհեստական խլրտումների և վտանգավոր ծրագրերի հեղինակ էր հանդիսանում»⁸⁴: Ղալամ էդ Դուլեն այդ հանձնարարությունը ստանում է անգլիական հայտնի և հմուտ գործակալ Աբդուլ Համիդ Միրզա էյն էդ Դուլեի վեղիրության օրոք: Մողաֆար էդ Դին շահի որդի Շոա էս Սալթանեն, որը ֆրամսոնի անդամ և հայտնի անգլիական գործակալ էր, իր օրագրում այդ մասին հիշատակում է, «1906 թվականի փետրվարի 20-ին Մահդավիների հայրը՝ Հոսեյն Աղան, ինձ մոտ գալով համոզեց, որ ես ընդունեմ հորասանի նահանգապետի պաշտոնը: Հետո նա մանրամասն նկարագրեց ֆրամասոնական լոժայի ստեղծումը: Այնուհետև եկավ Ղալամ էդ Դուլեն, որը նույնպես պատմեց այդ մասին»⁸⁵:

Ինչպես արդեն նշել ենք, անգլիական իմպերիալիստները պայքարում էին իրենց տնտեսական և քաղաքական տիրապետությունը հաստատելու հատկապես Իրանի հարավային նահանգներում: Ուստի հասկանալի է, որ այդ նահանգների ղեկավար մարմինները Անգլիայի հլու-հնազանդ կամակատարներն էին: Փաստերը ցույց են տալիս, որ հարավային նահանգներում պաշտոնյաներ նշանակելիս իրանական կառավարությունը միշտ նկատի էր ունենում անգլիական գաղութարարների կարծիքն ու տրամադրությունները: Վերջիններս առաջարկում էին իրենց թեկնածուներին և նրանց նշանակել էին տալիս համապատասխան պաշտոնների: Այս տեսակետից հատկապես հետաքրքիր է նասր էդ Դին շահի որդի Ջել էս Սալթանի պատմությունը: Ջել էս Սալթանը, ինչպես բնութագրում է նրան Յահյա Դովլաթբադին, սերտ կապերի մեջ էր անգլիացիների հետ և ծառայում էր նրանց:

Անգլիացիների հետ նույնպիսի փոխհարաբերությունների մեջ էր նաև նրա որդին՝ Յազդի նահանգապետը⁸⁶: Ջել

⁸⁴ Նույն տեղում, էջ 141:

⁸⁵ Նույն տեղում:

⁸⁶ يحيى دولت آبادی، حیات یحیی، جلد اول، تهران، ۱۹۵۷، ۸۶

էս Սուլթանը 1875 թ. նշանակվում է էսֆահանի նահանգապետ և նրա իշխանությունը տևում է մինչև 1907 թվականը, այսինքն, ավելի քան երեսուն տարի: Չեւ էս Սուլթանի կենսագիր Հոսեյն Սաադաթ Նուրին էսֆահանում նրա իշխանության հարատևությունը բացատրում է մի շարք հանգամանքներով, որոնցից կարևորագույնը համարում է անգլիացիների կողմից նրա պաշտպանությունն ու հովանավորությունը⁸⁷: Սակայն հետաքրքիրն այն է, որ Չեւ էս Սուլթանի՝ պաշտոնից հեռացման գործում էլ անգլիական գաղութարարական քաղաքականությունն անմասն չէր: «Հենց նույն պետության գործակալները,— գրում է Նուրին,— որոնք արտաքնապես նրան պաշտպանում էին, ներքուստ ջանում էին հեռացնել նրան Ֆարսի, Խուզեստանի և Արևմտյան շրջանների նահանգապետի պարտականություններից և սահմանափակել նրա իշխանության շրջանները»⁸⁸: Անգլիական գաղութարարները լայն ծրագիր էին մշակել Խուզեստանի և Լոռեստանի համար, որոնց իրականացումը պետք է կատարվեր պառակտված և իրար հետ մրցակցող ցեղապետերին զրդուելու և նրանց խռովությունների հրահրելու միջոցով: Հոսեյն Սաադաթ Նուրին վկայակոչում է Արնոլդ Վիլսոնի «Իրանի հարավ-Արևմուտքը» գիրքը, որն արդյունք էր Խուզեստանում և Իրանի հարավարևմտյան նահանգներում հեղինակի ամբողջ յոթ տարիների շրջագայության, և որտեղ մանրամասն նկարագրված է անգլիական ծրագրերի բովանդակությունը: Վիլսոնը ևս հավաստում է, որ անգլիական ներկայացուցիչները խոստումներ էին տալիս Չեւ էս Սուլթանին և պահում էին նրան վատ օրերի համար:

Չեւ էս Սուլթանի պաշտոնանկումից մեկ տարի հետո էր, որ բարձրացվեց Քարուն գետի նավարկության հարցը և շնայած նասր էդ Դին շահի հակառակության, ավարտվեց հոգուտ Անգլիայի:

Չեւ էս Սուլթանի կազմակերպած բանակն, իհարկե, այնքան զորեղ չէր, որ կարողանար դիմադրել արտաքին հարձակմանը, սակայն, այնուամենայնիվ, ներքին ապստամբ

⁸⁷ حسین سعادت نوری، ظل السلطان، تهران ۱۳۴۷، جلد اول، ص ۴۳-۴۴

⁸⁸ նույն տեղում, էջ 244:

Ֆեոդալների ճնշման, օտարերկրյա լրտեսների ավերիչ և վնասաբեր գործողութիւնները կասեցնելու և անվտանգութիւնը ապահովելու տեսակետից բավական ազդեցիկ ուժ էր ներկայացնում⁸⁹: «Ակնհայտ է, — գրում է Նուրին, — որ հետըհետե ավելի ուժեղացող այդպիսի մի ռազմական կազմակերպութեան գոյութիւնը գաղութարարական քաղաքականութեանը ձեռնտու չէր: Հենց այդ պատճառով էլ Զել, էս Սովթանի հեռացումից հետո, այդ կազմակերպութեան հիմքերն էլ փուլ եկան»⁹⁰:

Նշելով, որ Զել էս Սովթանի հեռացման ժամանակ հարավարևմտյան նահանգներում էր գտնվում անգլիացի հայտնի արևելագետ էդվարդ Բրաունը, Նուրին կասկած է հայտնում, որ նա «...բացի սլաւոնական գրականութեան ուսումնասիրութիւնից, հարավային նահանգներում շրջելիս ուրիշ նպատակներ և մտադրութիւններ էլ է ունեցել»⁹¹: Այսինքն, լրտեսել է հօգուտ Անգլիայի, կամ առնվազն նպաստել ու մասնակցել է Զել էս Սովթանի պաշտոնադրկման գործին: Հեղինակը գրանով է բացատրում նաև այն, որ շնայած անգլիական կառավարութիւնը Զել էս Սովթանին Հնդկական աստղ շքանշանն էր ուղարկել, սակայն Բրաունն իր գրքերում նրա հասցեին մեղադրանքներ և սլաւոնական է ուղղել:

Փաստերը ցույց են տալիս, որ անգլիական դիվանագիտական ներկայացուցիչները ամենալայն կերպով միջամտում էին երկրի ներքին գործերին: Տարբեր քաղաքներում գործող անգլիական հյուպատոսները փաստորեն տեր ու տիրական էին իրենց պաշտոնավարած շրջաններում:

Հասան Հալաշը հետաքրքիր տեղեկութիւններ է հաղորդում անգլիական ներկայացուցիչների միջամտութիւնների մասին: Նա գրում է, որ իր քառասունամյա գրական գործունեութեան ընթացքում «տեսել է, կարդացել է և գիտի, որ հարավային հարևանի դեսպանութեան կցորդները բարեկամութեան անվան տակ ուղղակի կամ անուղղակի միջամտել են բոլոր գործերին և իրենց քաղաքականութիւնն են առաջ

⁸⁹ Նույն տեղում, էջ 245:

⁹⁰ Նույն տեղում, էջ 247:

⁹¹ Նույն տեղում, էջ 264:

տարել»⁹²: Անգլիական մի խումբ ներկայացուցիչներ ֆինանսական, տնտեսական և վարչական տեղեկություններ էին հավաքում և նրանց մասին գրավոր զեկուցում համապատասխան անձանց: Մի ուրիշ խումբ պրոպագանդիստական լայն աշխատանքներ էր տանում, դրվատելով Անգլիայի համաշխարհային մեծությունն ու հզորությունը: Ինչպես գրում է Հալաջը, նրանք «ժողովրդին թյուրիմացության մեջ էին գցում, բթացնում էին ազգային ոգին և անկախության համար պայքարելու ձգտումը... Նրանք երկրի բոլոր բնագավառներն իրենց ձեռքն էին վերցրել և ծառայեցնում էին անգլիական գաղութարարներին: Ժողովրդին ներշնչում էին, որ ամեն ինչ անգլիացիների ձեռքին է և պետք է հպատակվել նրանց»⁹³:

Նկարագրելով Իրանում անգլիական դործակալների քաղաքականության իրականացման ձևերը, Մահմուդ Մահմուդը գրում է, որ նրանք Իրանի բոլոր քաղաքներում մեծ թվով բարեկամներ էին ձեռք բերում, անհրաժեշտության դեպքում նրանց օգտագործելու նպատակով: Հաճախ նույնիսկ իրենց նախնադասների միջոցով ներթափանցում էին Իրանի քոչվոր ցեղերի մեջ և թշնամացնում նրանց կենտրոնական կառավարության հետ⁹⁴:

Այդ մասին վկայում է նաև Ֆարհադ Մոթամեդը: Նա նշում է, որ տարբեր երկրների արխիվներում հազարավոր փաստաթղթեր են պահպանվել, որոնք ցույց են տալիս, թե ինչպես անգլիացիները կենտրոնական իշխանությունների դեմ էին հրահրում շեյխերին ու սահմանամերձ ցեղերին, ստեղծում խլրատումներ ու արյունահեղություններ⁹⁵: Նա ուսումնասիրում և համեմատում է Իրանում անգլիական և ռուսական տիրապետության մեթոդները և նշում նրանց մեջ եղած տարբերությունը: «Անգլիացիները,— գրում է

حسن حلاج، تاریخ تحولات سیاسی ایران در قرن معاصر،
تهران ۱۳۱۷، ص ۵۹۲

⁹³ նույն տեղում, էջ 93:

⁹⁴ محمود محمود، تاریخ روابط سیاسی... جلد دوم صفحہ ۵۱۷

⁹⁵ محمود فرهاد معتمد، تاریخ روابط سیاسی ایران و عثمانی یا
جلد دوم سپہ سالار اعظم صفحہ ۱۴۲

նա, — կարողանում էին մեծ հմտությամբ և խաբեբայու-
թյամբ քողարկել իրենց գերիշխանությունը: Հենց այդ
պատճառով էր, որ Պարսից ծոցի շեյխերը կարծում էին, թե
իրենք անկախ են, իսկ Բուխարայի էմիրը Պետրոգրադի
դրածոն է՝⁹⁶:

Մեծ հետաքրքրություն է ներկայացնում այն փաստը, որ
անգլիացիներն օգտագործում էին նույնիսկ էթնոկական
տարբեր խմբերի միջև եղած հակասությունները և թշնամու-
թյուն բորբոքում նրանց մեջ: Իրանի ղեկավար շրջաններում
գոյություն ունեին էթնիկական տարբեր ծագում ունեցող
հիմնական երկու խմբեր (Թեհրանի և Ադրբեջանի դործիշ-
ներ), որոնք իրար հետ մշտական մրցակցության ու սլայ-
քարի մեջ էին: Իրանական պալատում ադրբեջանական
տարրը ուժեղանում և համայրվում էր հիմնականում այն
պատճառով, որ դաջարական դինաստիայի թագավորության
օրոք, ըստ սովորության, թագաժառանգները նստում էին
Թավրիզում: Բնականաբար, երկար տարիներ Ադրբեջանի նա-
հանգապետ լինելիս նրանց շուրջը հավաքվում էին բազմա-
թիվ պաշտոնյաներ և մտերիմներ, որոնք թագաժառանգի
հետ միասին հետադաշում գալիս էին Թեհրան, երբ վերջինս
գահ էր բարձրանում:

Իրանական պալատում մղվող այդ պայքարը երկար
պատմություն ունի, սակայն հետաքրքիրն այն է, որ իմպե-
րիալիստական տերություններն այս հանգամանքը ևս օգտա-
գործում էին իրենց քաղաքական նպատակներին հասնելու
համար:

Որոշ հեղինակներ նշում են, որ անգլիական իմպերիա-
լիստները փորձում էին հովանավորել և հենվել պարսկալե-
զու տարրերի վրա, օգտագործելով նրանց նաև ցարական
Ռուսաստանի դեմ, որը հակված էր դեպի ադրբեջանական
ծագում ունեցող խումբը: Մահմուդ Մահմուդն, օրինակ,
հայտնում է, որ անգլիացիները նույնիսկ մտադիր էին,
հնարավորության դեպքում, հարավի պարսկալեզու դործիշ-
ներից մի կառավարություն կազմել, որպեսզի ավելի հեշ-
տությամբ հասնեին իրենց նպատակներին: Նրանք պնդում

⁹⁶ Նույն տեղում, էջ 143:

էին, որ իսկական իրանցիները պարսկալեզու տարերն են, և նրանք են, որ պետք է անգլիացիների հետ համագործակցեն⁹⁷:

Մեծ վեզիր Ամիր Քաբիրը ադրբեջանական ծագում ուներ և նրա դեմ մղած պայքարում անգլիացիներն օգտագործում էին պարսկալեզու էթնիկական խմբին: Երբ Ամիր Քաբիրը հեռացվեց պաշտոնից և հետագայում սպանվեց, պալատում ասպարեզը մնաց պարսկալեզու խմբին: «Միրզա Աղախան Նուրին,—գրում է Մահմուդը,—այժմ դարձել էր իրանի մեծ վեզիր և կարևոր հանձնարարություններ ուներ, որ պետք է իրականացնէր հօգուտ Անգլիայի»⁹⁸:

Հետաքրքիր է նշել, որ անգլիական գաղութարարներն օգտագործում էին ոչ միայն ծագումնային տարբերությունների մոմենտները, այլև ամեն կերպ գրգռում էին կրոնական ու ազանդավորական տարածայնությունները և դրանք ծառայեցնում իրենց նպատակներին:

Ինչպես հայտնի է, դեռևս XIX դարի կեսերին իրանում ծավալվել էր հակաֆեոդալական հզոր մի շարժում, այսպես կոչված՝ Բաբիների շարժումը, որը, սակայն, Նասր էդ Դին շահի կառավարության կողմից ամենադաժան կերպով ճշնջվեց: Այդ շարժման պատմությունն, անշուշտ, մեր խնդրից դուրս է: Սակայն, քանի որ բաբիները և նրանցից հետո բահայիները շարունակում էին իրենց ակտիվ գործունեությունը երկրում և դարձել էին գաղութարար պետությունների միջամտության առարկա, ուստի մի քանի խոսքով կանգ առնենք այս վերջին հանգամանքի վրա:

Դովլաթբադին վկայում է, որ իրանում ցարական Ռուսաստանի ազդեցության աճին զուգընթաց, մեծանում էր նաև բաբիական ազանդի հետնորդների ակտիվությունը: Աշխարհում ստեղծվել էր բաբիական ազանդավորական մի կենտրոն, որը հովանավորվում էր ցարական Ռուսաստանի կողմից: Ռուսաստանին հաջողվել էր նաև կառավարական ապարատ խժկել մի շարք բահայիների և լայնորեն օգտագործել նրանց հօգուտ իր նպատակների: Այս հանգամանքը,

⁹⁷ ԲԱ. ճաֆե (وم جاد) ... تاریخ روابط سیاسی ...

⁹⁸ Նույն տեղում, էջ 481:

ինչպես նկատում է Դուլլաթաբադին, շէր կարող վրիպել անգլիական իմպերիալիստների աչքից: Անգլիացիները, որոնք պայքարում էին Իրանում իրենց կորցրած դիրքերը վերականգնելու համար, ձգտում էին իրենց հզոր մրցակից՝ ցարական Ռուսաստանից խլել նրա քաղաքական ղենքը: Այդ ղենքը, տվյալ դեպքում, պետական տարբեր հիմնարկներում բարձր պաշտոնների դրված բահայիներն էին, որոնց Անգլիան փորձում էր դուրս բերել Ռուսաստանի ազդեցությունից և գրավել իր կողմը⁹⁹: Հենց այդ ժամանակներից էլ սկսվում է ծավալվել և ընդարձակվել բահայիների գործունեությունը, որն ամբողջովին ծառայում էր իմպերիալիստական պետությունների շահերին:

Մահմուդ Մահմուդը խորամուխ լինելով կրոնական և աղանդավորական շարժումների պատմության մեջ, հանգում է այն եզրակացության, որ երբ ժողովուրդների մեջ սրվում են կրոնական վեճերը (իսկ այդ հակամարտությունների հրահրիչները միշտ քաղաքական գործիչներն են եղել), ապա նրանք անկում են ապրում¹⁰⁰: Խոսելով Իրանում կրոնական և աղանդավորական հակասությունների մասին, ընդհանրապես, Մահմուդն անդրադառնում է նաև օտարերկրացիների կողմից այդ հակասություններն արհեստականորեն բորբոքելու և դրանք որոշակի նպատակներով օգտագործելու փաստերին:

Նա մասնավորապես նկատում է, որ XIX և XX դդ. Իրանում տարբեր աղանդների մարգարեների երևան գալուն անմիջապես մասնակից էր օտարերկրյա իմպերիալիզմը:

Իրանցի հեղինակների ուսումնասիրություններում հաճախ են հիշատակվում օտարերկրյա առանձին գործիչներ, որոնք դեր են ունեցել Իրանի ներսում միջաղանդավորական բախումների կազմակերպման գործում: Նույնիսկ, ականավոր բանասեր, գրականագետ-արևելագետ էդվարդ Բրաունի՝ Իրանում ծավալած գործունեությունը որոշ հեղինակներ համարում են կրոնական տարածայնություններ ստեղծելու քաղաքականության հետևանք: Հոսեյն Սաադաթ Նուրին

⁹⁹ يحيى دولت آبادی، حیات یحیی، جلد اول تهران ۱۹۵۷ ص ۳۱۵

¹⁰⁰ محمود محمود، تاریخ روابط سیاسی... جلد پنجم ص ۱۲۸۵

գրում է, որ Բրաունը իր «Մեկ տարի իրանցիների մեջ» գրքում քողարկված ձևով արտացոլել է այն փաստը, որ նա հանձնարարություն է ունեցել կրոնական փոքրամասնությունների մեջ տարածայնություն ստեղծել և հովանավորել որոշակի աղանդի¹⁰¹:

Օտարերկրյա իմպերիալիստների ձեռքին բարձր հոգևորականության գործիք դառնալու մասին է վկայում նաև Յահյա Դովլաթաբադիի բերած հետևյալ փաստը: Խոսելով այն մասին, որ Անգլիան և Ռուսաստանը էսֆահանում առանձին հյուպատոսություններ էին հիմնել, և որ միմյանց հետ «քաղաքական ու առևտրական մրցակցության մեջ էին», հեղինակն, այնուհետև, նշում է, որ օտարերկրացիների ազդեցությունը թուլացնելու համար իշխանությունները ստիպված էին արգելել հոգևորականության անվան տակ կառավարվող մի շարք միջոցառումներ¹⁰²:

Ավելորդ չէ հիշել նաև Օսմանյան պետության և Իրանի փոխհարաբերությունների հարցում անգլիական իմպերիալիստների խաղացած դերը:

Հայտնի է, որ Օսմանյան կայսրության և Իրանի միջև հակամարտություններն ու պատերազմները երկարամյա պատմություն ունեն: Օսմանյան կայսրությունը միշտ էլ ձգտել է գրավել իրանական տերիտորիաները, կամ, առնրվազն, թուլացնել Իրանին Մերձավոր Արևելքի թատերաբեմում:

XIX դարում, և հատկապես իմպերիալիզմի դարաշրջանում, թուրք-իրանական կոնֆլիկտները լայնորեն օգտագործում էին իմպերիալիստական տերությունները՝ նրանցից որևէ մեկի վրա ճնշում գործադրելու նպատակով: Իմպերիալիստական տերությունների քաղաքականության այս կողմը հետաքրքրել է նաև Մահմուդ Ֆարհադ Մոթամեդին:

Նա գրում է, որ երբ Անգլիայի քաղաքականությունը պահանջում էր Իրանի ուշադրությունը Աֆղանստանից շեղվի

¹⁰¹ حسین سعادت ذوری، ظل السلطان، تهران ۱۳۴۷ جلد اول، صفحه ۲۶۴

¹⁰² یحیی دولت آبادی، حیات یحیی، جلد اول، تهران ۱۹۵۷، صفحه ۸۷

դեպի արևմուտք, անմիջապես արևմտյան սահմաններում ինչ-որ իրադարձություններ էին տեղի ունենում, «իրադարձություններ, որոնք միշտ ավարտվում էին ի վնաս Օսմանյան պետության ու Իրանի, բայց հօգուտ Անգլիայի»¹⁰³:

Որպեսզի Իրանը թուլանա և Անգլիայի համար Հնդկաստանում որևէ վտանգ կամ անհանգստություն չառաջացնի, անգլիական քաղաքականությունն ուժեղացնում էր թուրք-իրանական հակամարտությունը և թույլ չէր տալիս, որ այդ երկու տերությունների միջև հաշտություն կայանա: Վերնասածը հաստատելու համար հեղինակը բերում է հետևյալ օրինակը: Երբ Մոհամադ շահը արշավանք ձեռնարկեց դեպի Հերաթ, թուրք-իրանական թշնամանքը սաստկացավ: Իրանը մեծ դժվարությամբ կարողացավ խուսափել պատերազմից: Մոհամադ շահի թագավորության վերջին շրջանում և Միրզա Աղասիի մեծ վեղիրության ժամանակ երկու պետությունների հարաբերությունները նորից սրվեցին, քանի որ անգլիական քաղաքականության շահերն այդ էին պահանջում¹⁰⁴: «Հաստատված փաստ է, — գրում է Մոթամեդը, — որ Դերվիշ փաշայի արշավանքը դեպի Խոյ, և Ղոթուրի շրջանի գրավումը կատարվել է անգլիական կառավարության ցանկությամբ և համաձայնությամբ: Անգլիան այդ ժամանակ շահագրգռված էր, որ Իրանի արևմտյան սահմանները խախտվեն և թուրք-իրանական հարաբերությունները բորբոքվեն: Նրան ցանկալի էր, որ խլրատումներ առաջանան նաև արևելքում, այսինքն՝ Խորասանում և այդ պատճառով էլ Ասեֆ էդ Դոլեի որդին՝ Սալարը, ապստամբություն բարձրացրեց: Անգլիական կառավարությունը, նույնիսկ, ծրագրում էր Խորասանում անկախ պետություն ստեղծել, որպեսզի Իրանը առավելագույն չափով թուլանա»¹⁰⁵:

Խոսելով թուրք-իրանական սահմանային վեճերի մասին, Մահմուդ Մահմուդը նշում է, որ դաջանների օրոք՝ այն ժամանակվանից, երբ Իրանը ներքաշվեց միջազգային քա-

103 محمود فرهاد معتمد، تاریخ روابط سیاسی ایران و عثمانی یا 103
جلد دوم سپهسالار اعظم، ص ۲۹

104 նույն տեղում, էջ 36:

105 նույն տեղում, էջ 50:

դաքսականության ասպարեզը, այդ վեճերը ևս «Քաղաքական դավադրությունների ոլորտը» մտան: «Երբ անգլիական կառավարությունն անհրաժեշտ էր գտնում, զրգռում էր օսմանյան կառավարությանը, և Իրանի սահմանները ենթարկվում էին սպառնալիքի և ոտնձգության: Հենց որ նրանց քաղաքական նպատակը իրականանում էր, մեկ ցուցումով օսմանյան կառավարությունն ևս հանդարտվում էր»¹⁰⁶:

Մահմուդը մեկ ուրիշ կապակցությամբ նորից է անդրադառնում հիշյալ հարցին: «Նասր էդ Դին շահի թաղադրման հենց առաջին տարում իրանա-օսմանյան սահմանաչին վեճ առաջացավ,—զրում է նա: Սա այն նուրբ հարցերից մեկն էր, որ տարիներ շարունակ ծագում էր Իրանի և Օսմանյան կայսրության միջև: Այն առաջ էր քաշվում օտարների ցանկությամբ և որոշ ժամանակ դրա շուրջը քաշքշուկ էր տեղի ունենում, բայց հենց որ նրանց նպատակներն իրականանում էին, այդ հարցը նույնպես լուծում էր: Մինչև վերջերս էլ, երբ օտար խառնակիչներն անհրաժեշտ էին գտնում, մուսուլմանական այս երկու պետությունների միջև հարաբերությունները խզվում էին և պատերազմ էր սկսվում»¹⁰⁷:



Մենք արդեն խոսել ենք ցարական Ռուսաստանի՝ Իրանում վարած քաղաքականության մասին, սակայն անհրաժեշտ ենք համարում այդ հարցի վրա կանգ առնել ավելի հանգամանորեն:

Յարական Ռուսաստանը աստիճանաբար ներթափանցելով Երկրի տարբեր բնագավառները, XIX դարի վերջերին, Էաստորեն, ուժեղացրել էր իր տնտեսական, քաղաքական ու ռազմական ազդեցությունը և իր տիրապետությունը հաստատել Իրանի որոշ շրջանների վրա: Արդեն ձևավորվում էր այն գիծը, որով պետք է անշնեք ցարական Ռուսաստանի և Անգլիայի տիրապետության սահմանը: Ճիշտ է այդ սահմանագիծը վերջնականապես ձևակերպվեց 1907 թ. պայմանա-

¹⁰⁶ ... تاريخ روابط سياسی... جلد دوم صفحہ ۲۹۷

¹⁰⁷ նույն տեղում, էջ 450:

գրով՝ Իրանը ազդեցութեան գոտիների բաժանելու կապակցութեամբ, սակայն դրա նախադրյալները գալիս էին XIX դարի վերջին քառորդից:

Ցարական կառավարութեանն իր տիրապետութեանն էր հաստատել երկրի հյուսիսային շրջաններում, իսկ Անգլիան՝ հարավային: Եթե իմպերիալիստական Անգլիային համարյա չէր հաջողվում ներթափանցել հյուսիսային շրջանները, ապա ցարական Ռուսաստանը կարողանում էր թափանցել երկրի հարավային մասերը՝ անգլիական ազդեցութեան գոտին:

Աղբյուրների վկայութեամբ XIX դարի վերջին քառորդին ռուսական ազդեցութեանը հարավային Իրանում բավական ուժեղացել էր: Ռուսական նավերը նավարկում էին դեպի Պարսից ծոցը, ցարական պաշտոնյաները ազատ կերպով գործում էին հարավում, կապեր հաստատում հարավային շրջանների զորեղ ցեղերի ղեկավարների հետ: Ցարական պաշտոնյաները լայն գործունեութեան էին ծավալում հատկապես Բախտիարի ցեղերի մեջ, ցեղեր, որոնք անգլիական իմպերիալիստների ուշադրութեան կենտրոնում էին: «Անգլիայի քաղաքական ներկայացուցիչները, — գրում է Մահմուդը, — շատ անհանգիստ էին և զայրացած, որ առաջվա պես չեն կարողանում դիմադրել ռուսական քաղաքականութեանը»¹⁰⁸:

Այդ մասին է վկայում նաև ժամանակի պետական գործիչ Յահյա Դովլաթաբադին: Նա, մասնավորապես, հիշատակում է ցարական ազդեցութեան ուժեղացումը էսֆահանում: «Ռուսները, — գրում է հեղինակը, — որոնք այս քաղաքում որևէ դիրք չէին գրավում, այժմ մեծ ուժ են ձեռք բերել»¹⁰⁹:

Ցարական Ռուսաստանը իր հյուսիսատեսութեանն էր հիմնել էսֆահանում և լայն պայքար էր ծավալել ռուսական ազդեցութեանն ուժեղացնելու ուղղութեամբ:

Ռուսաստանից անընդհատ վերցվող պարտքերը ուժեղացնում էին նրա ազդեցութեանն ամբողջ երկրում և, ինչպես գրում է Դովլաթաբադին, «գործը այնտեղ էր հասել, որ Իրանում ռուսական պաշտոնյաները վարվում էին այնպես,

¹⁰⁸ محمود محمود، تاریخ روابط سیاسی... جلد هشتم ص ۲۱۸

¹⁰⁹ یحیی دولت آبادی، حیات یحیی، جلد اول تهران ۱۹۵۷ ص ۸۷

ինչպես հաղթող բանակը կվարվեր պարտված երկրում: Օրեցօր նրանք նորանոր պահանջներ էին ներկայացնում կառավարությանը և ուժեղացնում իրենց միջամտությունները երկրի գործերին»¹¹⁰:

Իրանական սլամազրությունը, բնականաբար, ամենալայն կերպով քննարկել է իրանում ցարական Ռուսաստանի քաղաքականությունը, նրա նվաճողական բնույթը և երկրի համար ունեցած նրա հետևանքները:

Անդրադառնալով իրանի նկատմամբ ցարական գաղութարարների վարած քաղաքականությանը, Հասան Հալաջը գրում էր, որ ցարական կառավարությունը Թուրքմենչայի պայմանագրից հետո պահպանում էր իր գերիշխանությունը իրանական պալատում՝ դաջարական թագավորների վրա: Ռուսական հաշվառու-վարկատու բանկի, կովկասյան դաշաղչիների շուկայում դաստիարակված «խարդախ առևտրականներին» միջոցով իր ազդեցությունն էր տարածում իրանի տնտեսության վրա: Այդ ժամանակ Բաքվի նավթի և ռուսական շաքարի առևտուրն ամբողջ իրանում ցարական առևտրականների ձեռքին էր, իսկ կողակային ղորամասը ղեկավարվում էր ցարական սպաների կողմից, ուստի կենտրոնական իշխանությունն իրենց ձեռքն ունենալով, ցարիզմը, բնականաբար, ձգտում էր թափանցել հարավ»: ¹¹¹:

Աղբյուրները հաստատում են, որ Եվրոպա կատարած ճամփորդություններն այնքան էին շահին սարսափեցրել, որ նա «խաղաղասիրության» անվան տակ կատարում էր եվրոպական երկրների բոլոր պահանջները: Շահն ամենից շատ վախենում էր ռուսներից: Նա ներքուստ իրեն ռուսների հովանավորության տակ էր համարում, և գրեթե բոլոր հարցերում հարմարվում էր նրանց ցանկություններին: Որպես դրահաստատում Հասան Հալաջը բերում է այն օրինակը, թե ինչպես Միրզա Հոսեյն խան Մոշիր էդ Դոլեի ջանքերով ավստրիացի հրահանգիչներ էին հրավիրել իրանական բանակը վարժեցնելու համար, սակայն ռուսների ցուցումով ավս-

¹¹⁰ Նույն տեղում, էջ 313:

¹¹¹ حسن حلاج، تاریخ تحولات سیاسی ایران، تهران ۱۳۷۲، ص ۱۷۵

տրիացիները հեռացվեցին և դրա փոխարեն կողակային զորամաս ստեղծվեց»¹¹²։

Օրեցօր աճող ռուսական ազդեցության մասին է խոսում նաև Մեհդի Մալեք զադեն։ Թվարկելով Իրանում Ռուսաստանի դիրքերի ամրապնդումն ապահովող գործոնները (կոնցեսիաներ, պարտքեր, փոխառություններ և այլն), Մալեք զադեն դրանց թվում հիշատակում և առանձնապես կարևոր է համարում նաև Իրանի պետական ապարատում ռուսական քաղաքական պաշտոնյաների ազդեցության ձեռքբերումը։

Ինչպես նշում է Մալեք զադեն, նրանք ցանկության դեպքում կարող էին մեծ վեզիրներին, վեզիրներին և նահանգապետերին փոխել և նրանց տեղը նշանակել իրենց վստահելի անձանց։ «Դրա հետևանքով,—գրում է նա,—իրանական կառավարության շատ գործիչներ գլուխ խոնարհեցին այդ պետության քաղաքականության առջև և, փաստորեն, ռուսական դեսպանի կամակառարները դարձան»¹¹³։ Հայտնի է, որ ցարական Ռուսաստանը երկար տարիներ պայքար էր մղում Իրանի հյուսիսարևելյան, և դեպի արևելյան սահմանները տանող շրջաններում իր ազդեցությունն ուժեղացնելու ուղղությամբ։ Դա շատ կարևոր էր նաև Ասիայում ցարական տիրապետության ամրապնդման տեսակետից։ Այդ հարցում ևս ցարական Ռուսաստանը հաջողության հասավ և Իրանը ստիպված եղավ ճանաչել ռուսական նվաճումները երկրի հյուսիս արևելյան շրջաններում։ 1857 թվականի Փարիզի պայմանագրից հետո, Նասր էդ Դին շահը կատարված փաստի առաջ կանգնեց և ստիպված եղավ ընդունել Արևելյան Իրանի սահմաններում հօգուտ Անգլիայի որոշ տերիտորիալ կորուստները։ «Նա,—գրում է Շամիմը,—ստիպված եղավ գլուխ խոնարհել նաև իր հյուսիսային հզոր հարևանի և Անգլիայի քաղաքական և գաղութակալական մրցակցի առջև։ 1881 թվականի դեկտեմբերին Թեհրանում

¹¹² ناظم الاسلام کرمانی، تاریخ بیداری ایرانیان، مجلد اول
تهران صفحه ۹۹

¹¹³ مهدی ملکزاده، تاریخ انقلاب مشروطیت ایران، تهران ۱۳۲۸
صفحه ۱۱۶

ստորագրված պայմանագրի համաձայն պաշտոնապես ճանաչվեց ռուսական տիրապետութունը խորասանի հյուսիս արևելյան, արդեն ձեռքից գնացած ամբողջ սահմանում»¹¹⁴։

Միրզա Հոսեյն խան Սեփահասալարի մեծ վեզիր եղած ժամանակ, որոշ բանակցություններից հետո որոշվում է ըստեղծել իրանական և ցարական ներկայացուցիչներից բաղկացած մի հանձնաժողով, որը տեղում, հենվելով համապատասխան փաստաթղթերի վրա, որոշեր երկու երկրների սահմանագիծը և վերջ տար տարածայնություններին։ Ենթադրվում էր, որ հանձնաժողովի աշխատանքները կտևեին ընդամենը երեք-չորս ամիս, բայց նրանք շարունակվեցին մոտ երեք տարի և, վերջապես, 1881 թվականի դեկտեմբերի 9-ին ստորագրվեց «Ախալի և Խորասանի պայմանագիրը»։ Այն որոշում էր Կասպից ծովի արևելյան մասում Իրանի և Ռուսաստանի սահմանները. Իրանը կորցնում էր Մարվը Ախալը և Թուրքեստանի մյուս մասերը։ Քանի որ այս պայմանագրի ստորագրմամբ ցարական Ռուսաստանը կարող էր առանց որևէ արգելքի շարունակել իր առաջխաղացումը Կասպից ծովի արևելյան մասերում, ապա դա, բնականաբար, վտանգ էր ստեղծում անգլիական տիրապետությունների համար և հակասում էր Անգլիայի շահերին։ Անգլիացիները խիստ դժգոհ էին այդ պայմանագրից և իրանական կառավարությանը հանդիմանում էին այդ արարքի համար։

Միրզա Մալքոմ խանը Լոնդոնից գրած իր մի զեկուցագրում նշում է անգլիական ղեկավարների այդ դժգոհության մասին։ Նասր էդ Դին շահը ղեկուցագրի վրա մակագրում է. «Պետք է պատասխանել, որ մենք ռուսներին ոչինչ չենք տվել։ Ինչ որ տրվել է, իրականում դուր՝ անգլիացիներդ եք տվել։ Եթե սկզբից ևեթ պաշտոնապես և հաստատ կերպով արգելեիք ռուսների այսքան առաջխաղացումը դեպի Ախալ և Թուրքմենիա, ապա ռուսներն ավելի փոքր ասպարեզ կունենային, գուցե և նրանց շահջողվեր էլ այդ շրջանները մտնել։ Եթե ձեզ նման հզոր մի պետութուն չկարողացավ ռուսների մտադրությունների և ճանապարհի պատենշ դառնալ, մենք առավել ևս չէինք կարող։ Ռուսներն եկան և Ա-

114 علی اصغر شمیم، ایران در دوره سلطنت قاجار، تهران ۱۳۴۲، ص ۱۹۰

խալը գրավեցին: Մենք ի՞նչ կարող էինք անել: Հետո ասացին, որ Խորասանի և Թուրքմենիայի բնական սահմանը պետք է որոշել, մենք ի՞նչ կարող էինք անել: Եթե շընդունեինք, ապա, ինչպես Ախալը իրենց ազահուժյամբ գրավեցին, այնպես էլ Խորասանի հետ Թուրքմենիայի բնական սահմանը ուժով կգրավեին: Այդ ժամանակ արդյո՞ք մենք պետք է ուսաների հետ պատերազմ մղեինք: Արդյո՞ք դուք բանակով, զենքով և դրամով մեզ կօգնեիք: Եթե ուսաները Ախալը գրավել էին, բնականաբար, Մերվին էլ պետք է տիրանային: Մենք ինչպե՞ս կարող էինք ասել Մերվ մի զնացեք, այն մի գրավեք: Եթե մենք նրանց արգելեինք, ապա բացի նրանց հետ թշնամանալուց, այլ բանի չէինք հասնի: Նրանք դարձյալ իրենց գործը կանեին: Այս դեպքում իրանական ղեկավարներին որևէ բանում մեղադրել չի կարելի: Մենք ուսաներին դիմավորելու չենք զնացել, նրանց չենք բերել, և երբեք էլ այդ իրադարձությունների կողմնակից չենք եղել: Ձեզ հետ գաղտնի խոսակցություն ունեցած մինիստրին հենց այսպես էլ պատասխանեք: Այժմ անգլիական կառավարությունը պետք է Իրանի հետ միասին արգելակի ուսաների էլ ավելի առաջխաղացումը: Պետք է այսուհետև բանակցել, միանալ, որևէ բան մտածել, որ ավելի մեծ դժվարությունների չհանդիպենք: Պատասխան պահանջեցեք»¹¹⁵: Թեյմուրին մեջ բերելով Նասր էդ Դին շահի՝ անգլիացիներին տված այս բացատրությունը, միաժամանակ նշում է, որ շահը ուսաների հետ այս հարցի մասին խոսելիս նրանց բոլորովին հակառակն էր ասում¹¹⁶:

Սահմանային հարցի շուրջն Իրանի և Ռուսաստանի միջև բանակցությունների ընթացքում, անգլիացիների կողմից տարածվող լուրերի պատճառով, Նասր էդ Դին շահը շափաղանց անհանգիստ էր և վախեցած: Որպեսզի այդ լուրերը անձամբ ցարի կողմից հերքվեն, շահը իր ձեռքով մի նամակ է գրում և կարգադրում, որ այդ ցույց տան Թեհրանի ուսական ղեսպանին և պահանջեն, որ նա դրա բովանդակությունը հեռագրի Պետերբուրգ¹¹⁷:

115 ابراهيم تيمورى، عصر بى خبرى ... صفحه 17 115

116 Նույն տեղում, էջ 18:

117 Նույն տեղում:

Յարական Ռուսաստանը նաև պայքարում էր Իրանում նորանոր կոնցեսիաներ ձեռք բերելու համար:

Երբ իրանական կառավարությունը 1872 թվականի հունիսի 25-ին ստորագրեց Ռեյտերի հայտնի կոնցեսիան, ապա ցարական կառավարությունը հակառակեց դրան: Ֆարհադ Մոթամեդը գրում է, որ «ցարական կառավարությունը դեմ էր Անգլիայի հետ կնքված ամեն մի պայմանագրի: Նա չէր ցանկանում, որ այդ պայմանագրերով ուժեղանա Անգլիայի հզորությունն Իրանում: ...Մյուս կողմից էլ ցարական Ռուսաստանը արգելակում էր Իրանի վիճակը բարելավելու ամեն մի միջոցառում և Թուրքմենչայի պայմանագրով ձեռք բերած արտոնություններն օգտագործելով խլրտում էր մտցնում Իրանի ներքին կյանքում»¹¹⁸:

Միրզա Հոսեյն խանը, որը մեծ վեղիր դարձավ, բացասաբար էր տրամադրված Ռուսաստանի հանդեպ և վարում էր պրոանգլիական քաղաքականություն: Պարսիկ հեղինակ Ֆարհադ Մոթամեդը, խոսելով Միրզա Հոսեյն խանի նման քաղաքականության մասին, փորձում է այնպես ներկայացնել, որ իբր «իրանական ժողովրդի ընդհանուր հակումը դեպի Անգլիան էր»¹¹⁹, և որ դա դժգոհություն էր պատճառում ցարական Ռուսաստանին: Ինչպես արդեն նշել ենք, Իրանում Անգլիայի վարած քաղաքականության մասին խոսելիս, դա միանգամայն անհիմն պնդում է, քանի որ իրանական հասարակայնության ամենալայն շրջաններն երկրի բոլոր դժբախտությունների պատճառը հենց Իրանում Անգլիայի քաղաքականության մեջ էին տեսնում: Յարական Ռուսաստանը Անգլիայի օգտին իրականացվող քաղաքականությունը ամբողջովին վերադրում էր Մոշիր էդ Դուլեի կառավարությանը: Մոթամեդը համենայն դեպս ստիպված է ընդունել, որ նկատի ունենալով Իրանում Ռուսաստանի և Անգլիայի մրցակցությունը, միանգամայն պարզ է դառնում, թե ինչու Ռուսաստանը այդքան զայրանում էր, երբ Անգլիայի քաղաքականությունն Իրանում գերազանցող էր դառնում: Հատկապես «Ռեյտերի կոնցեսիայի ստորագրումից հետո, որով

118 172 ۱۹۴۶ ۱۷۲ ۱۱۸

119 նույն տեղում, էջ 172:

Իրանը ամբողջովին ընկնում էր Անգլիայի ազդեցութեան շարժումը»¹²⁰, ռուսների կասկածները Միրզա Հոսեյն խանի նկատմամբ հաստատվեցին և նրանք լուրջ կերպով ձեռնամուխ եղան նրան մեծ վեզիրի պաշտոնից հեռացնելու գործին: Շահի և նրա մեծ վեզիրի Եվրոպայից վերադառնալու ժամանակ Թեհրանում առաջացած խռովությունը նույնպես պետք է վերագրել մեծ վեզիրից ցարական Ռուսաստանի դժգոհությանը: Թեհրանում ցարական ներկայացուցիչները խստորեն քննադատում էին Միրզա Հոսեյն խանին և ժողովրդին հրահրում նրա դեմ: Որոշ հեղինակներ փորձում են ձևացնել, որ իբր նասր էդ Դին շահը այդ հանգամանքն օգտագործում էր, քաղաքական հավասարակշռությունը պահպանելու նպատակով: Պահպանված է շահի մի նամակը՝ ուղղված մեծ վեզիր Միրզա Հոսեյն խանին: Նամակում ասված էր. «Չեք կարող պատկերացնել, թե ինչքան օգտավետ են ռուսների կասկածները մեր նկատմամբ: Հակառակ դեպքում կարող էին լուրջ հետևանքներ լինել»¹²¹:

Տեսնելով, որ ցարական կառավարությունը չի հանդուրժում Միրզա Հոսեյն խանին և այդ պատճառով էլ վերջինս ի վիճակի չէր կարգավորել երկու երկրների հարաբերությունները, նասր էդ Դին շահը փորձում է հաշտեցնել ցարական ներկայացուցիչներին և Սեփահսալարին: Դա հատկապես ակնհայտ դարձավ այն բանից հետո, երբ Սեփահսալարը նշանակվեց արտաքին գործերի մինիստրի պաշտոնում: Որոշ աղբյուրների վկայությամբ, նասր էդ Դին շահը լավ դիտեր, որ օտարերկրացիները միայն այն ժամանակ են կառավարության անդամների նկատմամբ դրական տրամադրվում, երբ նրանք գործում են հօգուտ այդ պետության: Ուստի, իր գրած նամակներից մեկում նասր էդ Դին շահը հուշում է, որ Խորասան ճամփորդելու իր մտադրությունից հրաժարվելը, ճամփորդություն, որն անցանկալի էր ցարական Ռուսաստանին, ռուսական դեսպանին ներկայացնեն որպես նրա ցանկություններից բխող ակտ: Մոթամեզը հանդում է այն եզրակացություն, որ իբր Միրզա Հոսեյն խանը շահի ցուցումների և միջոցառումների հետևանքով աստիճանաբար իրեն մոտեց-

¹²⁰ Նույն տեղում:

¹²¹ Նույն տեղում, էջ 173:

նում է ռուսներին, կարողանում է ինչ-որ ժամանակ Իրանում հավասարակշռություն հաստատել: Նա կարողանում է, ինչպես դա անհրաժեշտ է որևէ արտաքին գործերի մինիստրի համար, օտարերկրյա երկու պետությունների հակադիր քաղաքականությունը օգտագործել ի շահ Իրանի¹²²:

Ի վերջո ցարական կառավարությանը հաջողվում է Սադր Աղամին պաշտոնանկ անել, մի ակտ, որին արդեն կողմնակից էին նաև անգլիական իմպերիալիստները: Հիշյալ հարցի վերաբերյալ Մոթամեդը գրում է. «Սադր Աղամի հեռացման հարցում Ռուսաստանի և Անգլիայի միջև ստեղծվեց կարծիքների ժամանակավոր համապատասխանություն: Սակայն, ինչպես միշտ, ռուսներն այդ քայլին դիմեցին բացահայտ, իսկ անգլիացիները՝ գաղտնի»¹²³:

Ինչպես նշվեց, ցարական կառավարությունը շէր հանդուրժում Իրանի կողմից Անգլիային տարբեր կոնցեսիաների տրամադրումը: Նա կամ պահանջում էր այդ կոնցեսիաների բեկանումը, կամ էլ ձգտում էր համապատասխան կոնցեսիա ձեռք բերել նաև իր համար:

Էբրահիմ Թեյմուրին, հաստատելով Ռուսաստանի այսպիսի քաղաքականությունը, գրում է. «Ռուսները երբեք հանգիստ չէին նստում և դիտում, թե ինչպես է Իրանի ամբողջ շուկան դառնում անգլիացիների առևտրական մոնոպոլիան և, այդպիսով, գնալով ընդարձակվում նրանց քաղաքական ազդեցությունը»¹²⁴: Օրինակ, էրբ Քարուն գետի նավարկության և «Շահնշահի բանկի» հիմնման կոնցեսիաները տրվեցին անգլիացիներին, ռուսները խստորեն հակառակեցին այդ բանին և Շնշումնեյ գործադրեցին իրանական կառավարության վրա: Աղբյուրները վկայում են, որ ռուսական մամուլը քննադատում էր իրանական կառավարությանը և նրան պատժելու տարբեր առաջարկներ անում: Այդ ժամանակ ցարական դեսպան Դոլգորուկին բացակայում էր, և դեսպանությունից գործերի հավատարմատարը միջոցներ է ձեռնարկում անգլիացիների գործունեությունը շեղաբացնելու համար: Նա հայտնում է Նասր էդ Դին շահին և Ամին էս Սոլթանին,

¹²² Նույն տեղում

¹²³ Նույն տեղում, էջ 177:

¹²⁴ ابراهيم تيموری، عصر بی خبری... ص ۱۲

որ իրանական կառավարութեան վերաբերմունքը Ռուսաստանի նկատմամբ թշնամական է, և որ ցարական կառավարութեանը, իր երկրի անվտանգութեանը ապահովելու համար, ստիպված է խիստ միջոցների դիմել: Նասր էդ Դին շահը և Ամին էս Սոլթանը ռուսական սպառնալիքներից սարսափահար, ելք գտնելու հույսով որոշում են խորհրդակցել անգլիական դեսպան Վոլֆի հետ: Շուտով Դոլգորուկին վերադառնում է Թեհրան և սպառնում է Ամին էս Սոլթանին, որ եթե իրանական կառավարութեանը անմիջապես իր քաղաքականութեանը շփոխի և վիճակը շշտկի, երկու երկրների հարաբերութեանն են կխզվեն և հետագա իրադարձութեանների պատասխանատվութեանը ամբողջովին կընկնի իրանական կառավարութեան վրա¹²⁵:

Այսպիսով, անգլիական դեսպան Վոլֆի ցուցումներն արդյունքի չհասան և ցարական Ռուսաստանն էլ ավելի ուժեղացրեց իր ճնշումն Իրանի վրա:

Թեյմուրին գրում է, որ «Դոլգորուկին իր առաջարկութեաններն ընդունել տալու գործում շատ էր շտապում: Նրանք արտավան և կոպիտ վարվելակերպը խիստ վիրավորական և ստորացուցիչ էր և Նասր էդ Դին Շահը շափաղանց դաչրացած էր ռուսական դեսպանի այդ վերաբերմունքից»¹²⁶:

Նասր էդ Դին շահը, այլևս չդիմանալով ռուսական ճնշմանը, կարգադրում է մեծ վեղիր Ամին էս Սոլթանին և արտաքին գործերի մինիստր Ղավամ էդ Դոլեին, բանակցութեանների մեջ մտել ռուսական դեսպան Դոլգորուկիի հետ և Ռուսաստանի պահանջները բավարարող պայմանագրի նախագիծ կազմել: Թեյմուրին վկայում է, որ գաղտնի հոդվածներ ունեցող այդ պայմանագրի բովանդակութեանը տեղյակ էր անգլիական դեսպան Վոլֆը, որը համաձայնութեան էր տվել ամբողջ պայմանագրին, բացի նրա վեցերորդ հոդվածից, որը ողջ Իրանում երկաթգծի կառուցման մենաշնորհը հանձնում էր Ռուսաստանին, և որը հակառակ էր անգլիական շահերին: Վոլֆը մեծ ակտիվութեան երևան բերեց, որպեսզի իրանական կառավարութեանն այդ հոդվածը շրջանցի: Վերջապես, որոշ բանակցութեաններից հետո, պայմանագրի տեքստը

¹²⁵ Նույն տեղում, էջ 315:

¹²⁶ Նույն տեղում, էջ 319:

պատրաստուից և նասր էդ Դին շահի կողմից ստորագրու-
վեց¹²⁷ :

Այս և նման այլ կոնցեսիաները, որոնք ցարական ներ-
կայացուցիչների ճնշմամբ, տարբեր պատրվակներով պար-
տադրվում էին իրանական կառավարութեանը, «մեծ պա-
տուհաս էին դառնում Իրանի համար և լրացուցիչ հնարավո-
րութեաններ ստեղծում ռուսական ներկայացուցիչների մի-
ջամտութեանը երկրի ներքին գործերին»¹²⁸ :

Ամին էս Սուլթանի քաղաքականութեան փոփոխութեանը
ցարական Ռուսաստանի նկատմամբ ուղի էր բացում հետա-
դաշում վերջինիս նորանոր կոնցեսիաներ տալու համար :

Գնահատելով Ամին էս Սուլթանի այս քաղաքականու-
թեանը, Ռեյմուրին գրում է. «Ռուսական բանկի», խճուղիների
և երկաթգծի կառուցման, հյուսիսի հանքերի օգտագործման,
անտառների շահագործման և այլ կոնցեսիաներից բացի, ո-
րոնք որպէս փոխհատուցում Անգլիային տրված կոնցեսիա-
ների տրվեցին ցարական Ռուսաստանին, երկու մրցակից-
ների միջև հավասարակշռութեանը պահպանելու նպատա-
կով նորանոր կոնցեսիաների տրամադրումը ռուսներին,
ժանր պայմաններով պարտքեր վերցնելը, մաքսատները
նրանց հանձնելը և այլն, այնպիսի հարվածներ էին Իրանի
անկախութեանը, որ դժվար թէ որևէ հայրենասեր մարդ իր
երկրի նկատմամբ այդպիսի քայլերի դիմեր¹²⁹ :

Իրանական կառավարութեան հետ ցարական Ռուսաս-
տանի հաջորդ բախումը տեղի ունեցավ ծխախոտի կոնցե-
սիան անգլիացիներին հանձնելու ժամանակ : Այդ և հետա-
դա իրադարձութեանների ընթացքում կենտրոնական դեմքն
Աթաբեկն էր, որի գործունեութեան մասին կան հակասական
վկայութեաններ :

Մենք արդեն նշել ենք, որ ծխախոտի կոնցեսիան շեղ-
յալ հայտարարելուց հետո Աթաբեկն անցավ Ռուսաստանի
կողմը և ինչպէս Մահմուդ Մահմուդն է նշում. «Սկսած 1892
թվականից նասր էդ Դին շահը և Աթաբեկը ռուսների ձեռ-

¹²⁷ Նույն տեղում, էջ 321—322 :

¹²⁸ Նույն տեղում, էջ 249 :

¹²⁹ Նույն տեղում, էջ 77 :

քերն Իրանում ազատ արձակեցին և Անգլիայի հետ ունեցած բարեկամությունից հրաժարվեցին»¹³⁰։

Անգլիայի դեսպան Չիրոլը երկարատև ուսումնասիրությունից հետո գալիս է այն եզրակացության, որ հոգևոր ղեկավարներին պետք է հրահրել և «հայրենիքն օտարներին է վաճառել» լողունգի տակ ժողովրդին դուրս բերել Աթաբեկի դեմ։ Անգլիացիները հույս ունեին, որ ժողովրդական այդ հուզումներից վախենալով շահը պաշտոնից կհեռացնի Աթաբեկին։

Հետաքրքիր է նշել, որ Մահմուդ Մահմուդը Աթաբեկի դործունեությանը տալիս է այլ գնահատական, որը, սակայն, պատմական փաստերով չի հաստատվում։ Նա այն կարծիքն է հայտնում, որ Իրանում Անգլիայի ազդեցության ոչնչացման միակ պատճառը Աթաբեկն էր, որն այդ տարիներին վայելում էր ուսական կառավարության հովանավորությունը։ Նա ներքուստ ուսաներին շէր սիրում, սակայն անգլիական դործակալների դավադրությունից զերծ մնալու համար արտաքուստ ուսաներին բարեկամ էր ձևանում, որից ուսաները առանձնապես օգուտ չէին ստանում։ «...Աթաբեկի գոյությամբ,—գրում է Մահմուդը,—ոչ Անգլիան և ոչ էլ Ռուսաստանը չէին կարողանում Իրանում ազդեցություն կիրառել»¹³¹։

Մինչդեռ Ֆրեյդուն Ադամիաթը գտնում է, որ անգլիացիները խստորեն դեմ էին Աթաբեկին և, «նույնիսկ, կարելի է ասել ռիս էին պահել նրա նկատմամբ»¹³², նրա պրոռուսական քաղաքականության պատճառով։ Հետագայում Աթաբեկի դեմ երկրում առաջացած հակառակությունների մեծ մասն անգլիացիների հրահրումով էր։ Ճիշտ է, Աթաբեկն իսկական բռնակալ էր և նրանից դժգոհ բոլոր պալատականները նաև սարսափում էին նրանից, այնուամենայնիվ, հենց որ Իրանում Անգլիայի քաղաքականությունը ակտիվանում էր, ուժեղանում էր նաև դիմադրությունը Աթաբեկի դեմ։ Անգլիան, հատկապես, օգտագործում էր հոգևոր ղեկավարներին,

¹³⁰ محمود احمدی، تاریخ روابط سیاسی... جلد هشتم صفحه ۲۱۲۹

¹³¹ նույն տեղում, էջ 2140—2141։

¹³² فریدون آدمیت، فکر آزادی و مقدمه نهضت مشروطیت، تهران صفحه ۲۵۹

որոնք անհրաժեշտութեան դեպքում ջանում էին հավատաց-
յալ մասսաներին դուրս բերել Աթաբեկի դեմ:

Այս բոլորը ցույց է տալիս, որ ցարական Ռուսաստանի
քաղաքականութիւնը իրականացնող իրանական կառավա-
րութեան դեմ ամեն մի դժգոհութեան արտահայտութիւն կամ
խռովութիւն դեռևս երկրում ծավալվող հակաիմպերիալիս-
տական շարժման մի մասը համարել չի կարելի, քանի որ
դրանք հրահրվում էին մրցակից մյուս գաղութարար պետու-
թեան՝ Անգլիայի կողմից:

* *

Իրանը կիսագաղութի վերածելու համար իմպերիալիստա-
կան տերութիւնների պայքարը տեղի էր ունենում խիստ և
մոլեգին մրցակցութեան պայմաններում: Նրանցից յուրաքան-
չյուրը ձգտում էր իր տիրապետութիւնը հաստատել Իրանի
կամ առնվազն նրա մի մասի վրա և հանդիպում էր մյուս
կողմի կատաղի դիմադրութեանը: Իրանական պատմագրու-
թիւնը ամենամանրամասն կերպով քննարկել է գաղութատի-
րական պետութիւնների, առաջին հերթին Անգլիայի և ցարա-
կան Ռուսաստանի մրցակցութիւնը, նրանց հետապնդած
նպատակները, այդ ամենի կործանարար հետևանքները երկրի
համար և դրանց հետ կապված մի շարք հարցեր, որոնց վրա
մենք կ'իտրծենք կանգ առնել:

Որչէ պատմաբաններ իրենց ուշադրութիւնը բևեռում
են այն երկրամասերի վրա, որոնց շուրջը կատաղի պայքար
էր գնում Անգլիայի ու ցարական Ռուսաստանի միջև:

Նրանք գտնում են, որ Անգլիայի և Ռուսաստանի մր-
ցակցութիւնը Ասիայում բարձրագույն աստիճանի էր հա-
սել և նրանցից յուրաքանչյուրը ջանում էր շտապ կերպով
քաղաքական, ռազմական և առևտրական արտոնութիւններ
ձեռք բերել այդ աշխարհամասում: «Այդ ժամանակ,— գրում
է Մահմուդը,— Անգլիան ամբողջովին իրեն էր ենթարկել մու-
սուլմանական մի շարք երկրներ՝ Թուրքիան, Աֆղանստանը,
Իրանը և «բարեկամութեան» անվան տակ իր քաղաքակա-
նութիւնը նրանց վզին փաթաթել: Կարելի է ասել, որ ռուսա-
կան վտանգը Անգլիայի նկատմամբ մեծ շափեր էր ընդունել,

և անգլիացիները վախենում էին, որ ուսաները մի փոքր
ուսումնական շարժումով կարող են մինչև Հնդկաստանի սահ-
մանները հասնել»¹³³:

Հայտնի է, որ ամբողջ XIX դարի ընթացքում և նույ-
նիսկ XX դարի առաջին տարիներին Անգլիայի և ցարական
Ռուսաստանի պայքարը ծավալվում էր Կենտրոնական Ա-
սիայի շուրջը: Սկզբում այդ պայքարը զգալի չէր, բայց 1860
թվականից հետո այն սաստկացավ: «Կողմերից յուրաքան-
չյուրը ձգտում էր այդ երկրներում բարեկամներ ձեռք բերել
և բնակչությանը սիրաշահել»¹³⁴: 1874 թվականից հետո Կաս-
պից ծովի արևելյան շրջանների թուրքմենաբնակ վայրերը,
ինչպես նաև Խորասանի նահանգի հյուսիսային և արևելյան
ընդարձակ շրջանները վերածվում են Անգլիայի և Ռուսաս-
տանի մրցակցության ասպարեզի: Այդ թվականներին ցա-
րական Ռուսաստանի առջև երկու կարևոր խոչընդոտներ
կային. մեկը Իրանի կառավարությունն էր, իսկ մյուսը՝ այդ
շրջանների թուրքմենները: «Եթե Անգլիան,— գրում է Մահ-
մուդը,— հնարավորություն ունենար Ասիայում ուսաների
դեմ պատերազմի մեջ մտնել, անկասկած այս երկուսը, այ-
սինքն՝ Իրանի կառավարությունը և թուրքմենները կարևոր
և ազդեցիկ գործոն կարող էին լինել»¹³⁵: Սակայն անգլիա-
մուլ Միրզա Հոսեյն խան Սեփահսալարի պաշտոնանկ լինե-
լուց և 1881 թ. Իրանի և Ռուսաստանի միջև Խորասանի և
Ախալի սահմանների վերաբերյալ պայմանագրի կնքումից
հետո դրությունը փոխվեց, ցարական Ռուսաստանի ներթա-
փանցումն Իրան սաստկացավ, Կենտրոնական Ասիայի
երկրներին տիրելու հարցը արտակարգ նշանակություն ձեռք
բերեց և անգլիացիները սկսեցին ջանալ ամեն զնով ուսաների
առաջխաղացումը կասեցնել: «Անգլիական կառավարու-
թյունը,— գրում է Մահմուդը,— ջանում էր թուրքմենների,
աֆղանների և, հնարավորության դեպքում, նաև Իրանի ու
Օսմանյան պետության օգնությամբ մի ամուր պատնեշ

¹³³ ۱۲۴۴ هـ. ق. ... جلد پنجم ص ۱۲۴

¹³⁴ ۱۲۴۴ هـ. ق. ... جلد چهارم ص ۹۷

¹³⁵ նույն տեղում:

ստեղծել ռուսների դեմ»¹³⁶: Ռուսների՝ Հերաթին մոտենալու պատճառով, այդ ժամանակ հատկապես մեծ նշանակություն էր ստացել Խորասանը: Անգլիան և ցարական Ռուսաստանը իրենց ուշադրությունը կենտրոնացրել էին Խորասանում և նրանց պայքարն այդ նահանգում ավելի ուժեղ էր, քան Ասիայի որևէ այլ մասում: Խորասանի կենտրոն Մաշհադում երկու տերությունների հյուպատոսությունների ստեղծումը սկիզբ հանդիսացավ ամբողջ նահանգով մեկ խլրտումների, անարխիայի և պոռթկումների առաջացմանը¹³⁷: Այդ իրողությունն են հաստատում Ֆարհադ Մոթամեդի հետևյալ խոսքերը. «գոյություն ունեն հազարավոր փաստեր և նամակներ, որոնք ցույց են տալիս, թե հյուսիսային և հարավային երկու հարևանները ոչ մի սպառնալիքից և ուժ գործադրելուց չէին խուսափում Խորասանը պառակտելու և Աֆղանստանը, Բալուչեստանը և Թուրքեստանը Իրանից անջատելու համար»¹³⁸:

Աղբյուրները վկայում են, որ, երբ Գլադստոնը հեռացավ իշխանությունից և Սուլթերին կրկին կառավարման ղեկն իր ձեռքը վերցրեց, ապա մշակեց հատուկ քաղաքական գիծ, որի հիմքում ընկած էր կենտրոնական Ասիայում ցարական Ռուսաստանի ազդեցության և հզորության թուլացումը և առաջընթացի կասեցումը դեպի Հնդկաստան: Այդ նպատակով Իրան ուղարկվեց Դորթմունդ Վոլֆը, որպեսզի բոլոր հնարավոր միջոցներով, նախկինի պես սիրաշահի իրանական կառավարությանն ու շահին, և ինչ անվան տակ էլ որ լինի, նորից բարեկամական հարաբերություններ հաստատի Իրանի և Անգլիայի միջև: «Եվ այսպես, — գրում է Մահմուդը, — շահը և Ամին էս Սոլթանը հրապուրվեցին Վոլֆի լավ բնավորությամբ և, կարելի է ասել, ամբողջովին անձնատուր եղան անգլիացիների քաղաքականությանը: Անգլիացիներն ստացան այն ամենը, ինչ ուզեցին, և Ամին էս Սոլթանը կատարեց նրանց բոլոր ցանկությունները»¹³⁹: Այս անգամ էլ, ինչպես տարիներ առաջ Միրզա Հոսեյն խան Սեփահասալարի

¹³⁶ Նույն տեղում, էջ 956:

¹³⁷ Նույն տեղում, էջ 1123:

¹³⁸ «فرها» معتمد، سید سالار اعظم، تهران-ان ۱۹۴۶ ص ۱۰۱

¹³⁹ Նույն տեղում, էջ 1163:

օրոք, նախապես ծրագրվածի համաձայն շահին կոնդոն հրավիրեցին և ճոխ հյուրասիրութիւն ցուցարեցին: «Այս բոլոր ներկայացումներն այն նպատակն ունեին,—գրում է Մահմուդը,—որ շահն ու վեզիրը, այդ փաղաքշանքներով տարվելով, Իրանի նյութական և բարոյական ուժերը տրամադրեին անգլիական կառավարութեանը՝ Հնդկաստանի սահմանները պաշտպանելու համար»¹⁴⁰:

Անգլիայի և ցարական Ռուսաստանի միջև մրցակցութիւնն ու թշնամանքը հատկապես ուժեղացավ 1885.—1892 թվականների ժամանակահատվածում: Անգլիական կառավարութիւնը, բնականաբար, ավելի շատ կարիք ուներ Իրանի բարեկամութեանը: «Արդեն հզոր հակառակորդը,—գրում է Մահմուդը,—հասել էր Հնդկաստանի դարբասները և անգլիական կառավարութիւնը ուրիշ ելք չուներ, բացի այն, որ բոլոր միջոցներով իրանական ղեկավարներին իրեն կողմը դրավեր և շահին տեղեկացներ Իրանի նկատմամբ Ռուսաստանից եկող վտանգներին: Կասկած չկա,—շարունակում է հեղինակը,—որ անգլիական քաղաքական ներկայացուցիչները կարողացան շահին և Ամին էս Սոլթանին իրենց կողմը դրավել»¹⁴¹:

Այդ տարիներին Իրանում պաշտոնավարել են անգլիական երեք դեսպաններ՝ Արթուր Նիքոլսոնը, Հենրի Դորթմունդ Վոլֆը և Ֆրանկ Ռասելը, որոնք Անգլիայի ականավոր գործիչներից էին: Նրանք սիրաշահելու քաղաքականութիւն էին վարում և «կարողացան շահին և Ամին էս Սոլթանին ամբողջովին իրենց ձեռքը վերցնել»¹⁴²: Հենց Դորթմունդ Վոլֆի ջանքերի շնորհիվ էր, որ անգլիական «Շահնշահի բանկի», հանքերի, Ահվազ—Թեհրան ճանապարհի, Քարուն գետի նավարկութեան և այլ կոնցեսիաներ տրվեցին անգլիացիներին և որ շահը երկրորդ անգամ անգլիական թագուհու հետ հանդիպելու համար մեկնեց կոնդոն: Այս բոլոր միջոցառումներն, իհարկե, տվեցին իրենց արդյունքը: Քերզոնը վկայում է, որ Իրանի մեծ վեզիրն իրեն ասել է. «որոշ ժամանակ առաջ Իրանում Անգլիայի քաղաքականութեան ոչ մի

¹⁴⁰ Նույն տեղում:

¹⁴¹ Նույն տեղում, էջ 1164:

¹⁴² Նույն տեղում:

հետք չկար, իսկ այժմ իրանական կառավարութեան քաղաքականութիւնը հակված է Անգլիայի կողմը»¹⁴³:

Սակայն, ինչպես հայտնի է, միջազգային հարաբերութիւնները տարբեր դորժոնների ազդեցութեան ներքո մշտապես ենթակա են փոփոխութեան: Հետևաբար, շնայած այդ ժամանակ շահը և մեծ վեզիրը Անգլիայի նկատմամբ խիստ բարեկամաբար էին տրամադրված և նրանց բոլոր պահանջները կատարում էին, երկու տարի անց վիճակը փոխվեց, և նախկին բարեկամական հարաբերութիւնները մոռացվեցին: Իրանը նորից կանգնեց միջազգային բարդ հարաբերութիւնների առջև: Անգլիացիները սկսեցին ձգտել ռուսական ազդեցութեան շրջանը սահմանափակել Սիստանից մինչև Գորգան, Յազդ, էսֆահան, Քերմանշահ և Խանեղին: Այդ շրջանն արդեն ընդունելով որպէս ռուսական գոտի, նրանք սկսեցին պայքարել մնացած տերիտորիան իրենց պահելու ուղղութեամբ:

Մահմուդ Մահմուդը պատմական փաստերի խորը ուսումնասիրման հիման վրա հանգում է հետևյալ եզրակացութեան. «Սկսած XIX դարի սկզբներից Իրանն ենթարկվեց Եվրոպայի քաղաքակիրթ երկրների ներխուժմանը՝ հյուսիսից և հարավից: Ավելի քան հարյուր հիսուն տարիների ընթացքում Իրանը և իրանցիները ոչ մի պահ հանգիստ չունեին նրանց բանակների ռանձգութիւններից, քաղաքական դավադրութիւններից, տնտեսական կողոպուտից և անթիվ այլ վնասներից: Նրանցից յուրաքանչյուրը բազմաթիվ շարիքներ և տանջանքներ է պատճառել Իրանին»¹⁴⁴: Հեղինակն Իրանի «հանցանքն» այն է համարում, որ այդ դարաշրջանում վերջինս գտնվում էր երկու հզոր և ազահ պետութիւնների՝ Անգլիայի ու Ռուսաստանի կաշարութիւնների ընդարձակման ուղու վրա: Ռուսները պայքարում էին դեպի ազատ ծով և Հնդկաստան հասնելու, իսկ անգլիացիները հարավից ջանում էին նրանց կասեցնել, որի հետևանքով հյուժվում էին Իրանի նյութական և բարոյական ուժերը: «Եթե ռուսամասիրենք այդ տարիների պատմութիւնը, — գրում է Մահմուդը, — ապա կտեսնենք, որ կողմերի միջոցառումները պատճառ էին դառնում Իրանի և իրանական ժողովրդի թուլացման: Նրանցից

¹⁴³ Նույն տեղում, էջ 1165:

¹⁴⁴ Նույն տեղում, հատ. 6, էջ 1606:

յուրաքանչյուրը վախենում էր, որ հակառակորդը Իրանի հետ միանալով մյուս կողմին դուրս կվճռի: Եվ այսպիսով, — եզրակացնում է հեղինակը, — երկու կողմերը Իրանի անկումն ու քայքայումը հասցրեցին իր բարձրագույն աստիճանին, մինչև որ մի երրորդ պետություն՝ Գերմանիան, Խանեղինի սահմանով, Բաղդադի և Բասրայի ճանապարհով երևան եկավ Պարսից ծոցում»¹⁴⁵:

Այս նույն միտքն է առաջ քաշում նաև էբրահիմ Թեյմուրին¹⁴⁶: Շարադրելով Ռուսաստանի և Անգլիայի հետապնդած նպատակները, հեղինակն այնուհետև նշում է, որ «եթե աշխարհում մի շարք իրադարձություններ տեղի չունենային, այսօր Իրանի ու իրանցու անունն էլ չէր մնա»¹⁴⁷:

XIX դարի վերջերին և XX դարի սկզբներին ցարական Ռուսաստանն Իրանում ավելի մեծ հաջողությունների հասավ, քան Անգլիան, որը շնայած դրան շարունակում էր իր պայքարը: Յահյա Դովլաթաբադին նշում է, որ անգլիացիները ջանում էին վերականգնել իրենց կորցրած ազդեցությունը, իսկ ռուսները՝ չկորցնել իրենց նվաճած դիրքերը: Ճապոնիայի հետ պատերազմում Ռուսաստանի դժվարությունները Անգլիային կրկին հնարավորություն տվեցին ընդարձակել իր քաղաքական գործունեությունն Իրանում:

Պետք է ասել, որ անցյալում անգլիացիների ժամանակավոր անհաջողություններն Իրանում տարբեր հեղինակներ տարբեր ձևով են բացատրում:

Մեր կարծիքով, որոշակի հետաքրքրություն է ներկայացնում դեպքերին մասնակից և ականատես Յահյա Դովլաթաբադիի հետևյալ վկայությունը: Նա նշում է այդ տարիներին Թեհրանում անգլիական մի պաշտոնյայի հետ ունեցած իր զրույցը, որի առանձին հատվածներն անհրաժեշտ ենք համարում մեջբերել: Դովլաթաբադիի այն հարցին, թե ինչու անգլիացիներն «այս երկրում ասպարեզը թողել են ռուսներին», պաշտոնյան պատասխանում է. «Լոնդոնում Իրանի նկատմամբ գոյություն ունի երկու տարբեր քաղաքա-

¹⁴⁵ Նույն տեղում, էջ 1606:

¹⁴⁶

ابراهيم تيموری، عصر بی خبری ... صفحہ ۲۴۲

¹⁴⁷ Նույն տեղում, էջ 1:

կանություն: Դրանցից մեկը նպատակ ունի ամեն գնով ուժեղացնել Իրանում Անգլիայի քաղաքականությունը և ուսաների ոտնձգությունները կասեցնել: Մյուս խումբն այն կարծիքին է, որ Անգլիայի քաղաքականությունը Իրանում ուղղակի իմաստ չունի, այլ նա պետք է հետապնդի Պեպի Հնդկաստանի սահմանները ուսական ոտնձգությունները կասեցնելու նպատակը: Երբ նկատվի, որ այդպիսի վտանգ է ստեղծվում, պետք է նրա առաջն առնել և կարիք չկա Իրանի ներսում անգլիական քաղաքական ազդեցությունն ուժեղացնելու համար անտեղի հսկայական գումարներ ծախսվեն: Որոշ ժամանակ իշխանության գլուխ էին երկրորդ քաղաքականության կողմնակիցները, որի հետևանքով և անգլիական ազդեցությունն Իրանում թուլացավ: Այժմ Լոնդոնի վիճակը փոխվել է, հակառակ խումբն է դործի գլուխ անցել: Անգլիայի քաղաքականությունն Իրանում նույնպես փոխվել է և դրա արդյունքները շուտով կերևան»¹⁴⁸: Ինչպես պարզորոշ կերպով երևում է, այստեղ, թեկուզ քողարկված ձևով, նկատվում է Իրանում անգլիական դադութարարների վարած քաղաքականության արդարացման միտում: Համենայն դեպս, ելակետ է ընդունվում ցարական ազրեսիան, և երկրորդ պլան է մղվում անգլիական իմպերիալիստների նվաճողական քաղաքականությունը:

Այսպիսի մոտեցման լավագույն պատասխան կարող է լինել Մահմուդ Ֆարհադ Մոթամեդի՝ Իրանի նկատմամբ անգլիական իմպերիալիստների կիրառած քաղաքականության մասին գնահատականը: «Ոմանք կարծում են,— գրում է Մոթամեդը,— որ անգլիացիները սիրահարված են իրանական ժողովրդի աչքերին և նրանց համար նեղություն են քաշել և Իրան են եկել, որպեսզի կասեցնեն դարերի ընթացքում ուսաների ներթափանցումը դեպի Իրան: Այս փուլ մտքերը և երևակայական պատկերացումները... հրամցնում են ժողովրդին և նույնիսկ անտեղյակ մարդկանց ստիպում են ընդունել իրենց սխալ տրամաբանությունը»¹⁴⁹:

¹⁴⁸ يحيى دولت آبادی، حیات یحیی، جلد اول تهران ۱۹۵۷، ص ۱۴۵
¹⁴⁹ محمود فرهاد معتمد، تاریخ روابط سیاسی ایران و عثمانی یا جلد دوم سیدسالار اعظم، تهران - ۱۹۵۰، ص ۱۴۲

Հեղինակն այնուհետև շարունակում է. «Անգլիայի քա-
 ղաքականությունը Մերձավոր Արևելքում նվաճողական քա-
 ղաքականություն է եղել և այդ երկրներում տարբեր դասա-
 կարգերի և տարբեր ժողովուրդների միջև հակասություններ
 ստեղծելու և ապիկար ղեկավարներին հովանավորելու միակ
 նպատակը այն է եղել, որ նրանք շկարողանան միանալ և
 դիմադրել, այլ առանց այլևայլության անձնատուր լինեն»¹⁵⁰:
 Այնուհետև, խոսելով անգլիական քաղաքական դավադրու-
 թյունների մասին, հեղինակն այն միտքն է հայտնում, որ
 եթե Անգլիան իսկապես վախենում էր, որ Ռուսաստանը
 կգրավի Իրանը և Թուրքիան, ապա դրա կասեցման լավա-
 դույն միջոցն այն էր, որ նա ինքը այդ երկու երկրների
 միջև թշնամություն շտեղծեր: Մինչդեռ, ինչպես հավաս-
 տում է Մոթամեզը, արխիվներում պահպանված հաղարավոր
 փաստաթղթերը վկայում են, որ անգլիացիները գրգռում էին
 սահմանամերձ շեյխերին և ցեղերին, և մղում նրանց անար-
 խիայի ու արյունահեղության: Հեղինակն իրավացիորեն
 նշում է, որ անգլիացիները մտադիր էին գրավել Իրաքը,
 Սաուդյան Արաբիան, Եգիպտոսը և Օսմանյան պետության
 արաբական մյուս տերիտորիաները: Մյուս կողմից՝ նրանք
 ցանկանում էին, որ իրենց քաղաքական հակառակորդի,
 այսինքն՝ Ռուսաստանի բաժինը հյուսիսային Իրանում կամ
 Բալկաններում այնպիսին լինի, որ վնաս չհասցնի անգլիա-
 ցիների հզորությանը և գերիշխանությանը: Մերձավոր,
 Արևելքի երկրներին տիրելու նրանց և Ռուսաստանի քաղա-
 քականության մեջ որակի տեսակետից որևէ տարբերություն
 չկար: Միայն նրանք երբեմն այնպիսի քայլերի էին դիմում,
 որոնք ոմանց թույլ էին տալիս ենթադրելու, որ Անգլիան դա-
 րեր շարունակ Իրանի անկախության պաշտպանն է եղել¹⁵¹:

Սակայն մի շարք հեղինակներ անգլիական իմպերիա-
 լիստների և ջարական գաղութարարների մրցակցության մեջ
 տեսնում էին Իրանի անկախության պահպանման երաշ-
 խիքը: Այդ տեսակետից հետաքրքիր է իրանական տկանա-
 վոր հասարակական գործիչ Սալիդ Նաֆիսիի հետևյալ
 միտքը, որ նա արտահայտել է իր «Իրանի հասարակական

¹⁵⁰ նույն տեղում:

¹⁵¹ նույն տեղում:

և քաղաքական ժամանակակից պատմությունը» աշխատու-
թյան առաջին հատորում: «Քանի դեռ այս երկու քաղաքա-
կանությունների մեջ հավասարակշռություն կար,—գրում է
նա,—Իրանը կարող էր նորմալ կյանք վարել, իր գոյությունը
պահպանել և այդ քաղաքական հավասարակշռության շնոր-
հիվ դերժ մնալ իր անկախությանն ու գոյությանը հարվածույ
վնասներից: Բայց երբ համաշխարհային ընդհանուր իրա-
դարձություններն այս երկու քաղաքականությունից որևէ
մեկին ուժեղացնում և մյուսին թուլացնում էր,—շարունա-
կում է նաֆիսին,— ապա Իրանը մեծ կորուստներ էր ունե-
նում և երկրի անկախությունը վտանգվում էր»¹⁵²:

Ինչ խոսք, որ Իրանի իշխող շրջանները խելացի և ճար-
պիկ քաղաքականություն վարելու դեպքում կարող էին եր-
կու գաղութատիրական պետությունների միջև եղած մրցակ-
ցությունն օգտագործել երկրի անկախության պահպանման
կամ առնվազն վնասներն ու կորուստները նվազագույն շա-
փի հասցնելու համար: Սակայն իր դարն ապրած, նեխված
ֆեոդալական հասարակարգը և նրա իշխող շրջանները ի վի-
ճակի չէին և չէին էլ ուզում այդպիսի քաղաքականություն
վարել: Իմպերիալիստական տերությունները ստեղծված
դրությունը հմտորեն օգտագործում էին իրենց օգտին: Պար-
սիկ հեղինակները միաբերան հաստատում են, որ ամբողջ
XIX դարի ընթացքում անգլիական կառավարության քաղա-
քականության հիմքն Իրանում այն էր, որ թույլ շտա Իրանի
և Ռուսաստանի մերձեցումը:

Մահմուդ Մահմուդը գրում է, որ անգլիացիները ջանում
էին շահին ու պալատականներին մշտական սարսափի մեջ
պահել ուսաններից և, այդ նպատակով, ամեն առիթով մատ-
նացույց էին անում և հիշեցնում ուսանների պատճառած շա-
րիքները Թուրքեստանում, Օսմանյան կայսրության տերիտո-
րիաներում և այլուր: Կավ ծանոթ լինելով XIX դարի Իրանում
անգլիական քաղաքականությանը, Մահմուդն այն կարծիքն է
հայտնում, որ այս երկրների բոլոր դժբախտությունների ու
նրանց կրած վնասների պատճառը հենց Անգլիան էր:

Երկու գաղութակալական տերությունների մրցակցու-

¹⁵² سعید نفیسی، تاریخ اجتماعی و سیاسی ایران در دوره
معاصر مجلد اول، تهران ۱۳۳۵ صفحه ۶

թյան պայմաններում իրանական իշխող շրջանների վարած քաղաքականության հարցը նույնպես լայնորեն քննարկվել է իրանական պատմագրության մեջ:

«Կառավարությունը, — գրում է Դովլաթաբադին, — հեռատեսու եռանդուն գործիչներ շունենալու և իր ասլիկարության պատճառով, միակ ելքը նրա մեջ էր տեսնում, որ երկու կողմերին էլ բավարարի... , որի հետևանքով օրեցօր է՛լ ավելի էր ծանրանում իր իսկ բեռը»¹⁵³:

«Իրանական կառավարության արտաքին քաղաքականության գլխավոր գիծը, — շարունակում է հեղինակը, — հյուսիսային և հարավային երկու հարևաններին բավարարելն էր, թեկուզ այն երկրի բեռն է՛լ ավելի էր ծանրացնում և երկու պետությունների ազդեցությունն ուժեղացնում: Անգլիացիներն արտոնություններ են պահանջում, ռուսներն էլ փոխհատուցում են ուզում, և վերջապես երկուսն էլ հասնում են իրենց նպատակներին, իսկ պալատականներն ուրախանում են, որ արտաքին քաղաքականությունը լավ են վարել, շահին բավարարել են և նա կարող է շարունակել իր շվայտկյանքը»¹⁵⁴: Կառավարության ղեկավարների մեջ եղած երկպառակտումները, հատկապես վեզիրության պաշտոնի համար դոյություն ունեցող մրցակցությունը մեծ շափով նպաստում էր օտարերկրյա միջամտությունների աշխուժացմանը: «Իրսից եկող դժբախտությունները ներքին ուժերի ձեռքով են երկիր մտնում», գրում է Դովլաթաբադին: Նա նշում է նաև, որ շնայած երկիրը վերածվել էր գերեզմանատան, բայց արդեն լույսի շողեր էին երևում: Ժողովրդի համբերությունը հատել էր և նրանց այդ զգացմունքները օրեցօր ուժեղանում էին և ալեկոծվում¹⁵⁵: Դովլաթաբադին փորձում է պարզաբանել իրանական կառավարության դիրքորոշումն անգլո-ռուսական պայքարի և մրցակցության պայմաններում: Նա հանդում է այն եզրակացության, որ այդպիսի վիճակը միանգամայն բավարարում էր Իրանի կառավարությանը, և նա, նույնիսկ, երբեմն դիտավորյալ, ավելի էր գրգռում այդ մրցակցությունը, հուսա-

¹⁵³ يحيى دولت آبادی، حیات یحیی، جلد اول تهران ۱۹۵۷، صفحه ۱۰۵

¹⁵⁴ նույն տեղում, էջ 103:

¹⁵⁵ նույն տեղում:

լով դրանով իսկ ապահովել Իրանի և իր ժամանակավոր հանդստությունը¹⁵⁶:

Պարսիկ հեղինակների մեծ մասը, սակայն, այն խոր համոզման է, որ անգլիական իմպերիալիստների և ցարական գաղութարարների մրցակցությունը անսահման աղետներ է պատճառել Իրանին:

Այսպես, էբրահիմ Թեյմուրին նշում է, որ երկու հզոր գաղութատիրական պետությունների մրցակցության հետևանքները դեռևս երկար տարիներ հնարավոր չի լինի վերացնել¹⁵⁷:

Այնուհետև վկայակոչում է Քերզոնի այն խոսքերը, թե «Իրանը վերածվել էր ճատրակի տախտակի, որի վրա կողմերից յուրաքանչյուրը մյուս կողմի հակաքայլին էր հանդիպում: Այս երկու գաղութակալ մրցակիցները ձգտում էին միմյանց մաթ անել և հակառակորդին ասպարեզից հեռացնել»¹⁵⁸:

Սակայն, այս ամենը նշելով հանդերձ, շղիտես ինչ փաստերի հիման վրա հեղինակը գրում է, որ «հաճախ այսպիսի պարագաներում նասր էդ Դին շահը օգուտ էր քաղում այս երկու հակառակորդների մրցակցությունից»¹⁵⁹:

Հասկանալի չէ, թե արդյոք հեղինակը նկատի ունի նասր էդ Դին շահի անձնական օգուտը, այսինքն կաշառքները, նվերները և այլն, թե՞ երկրի շահերը:

Բոլոր դեպքերում Թեյմուրին գտնում է, որ այն բանից հետո, երբ անգլիական հմուտ դեսպան Դորթմունդ Վոլֆը Մոհամեդ Ալի Ասղար խան Ամին էս Սոլթանի՝ մեծ վեզիրի, օգնությամբ ձեռք բերեց Քարուն դեռի ազատ նավարկության իրավունքը, որին անգլիացիները ձգտում էին ավելի քան հիսուն տարի, «գործերի ընթացքը միանգամայն այլ բնույթ ընդունեց»: Դրանից հետո ուսաներն ու անգլիացիներն իրար գործունեությունը շեղոքացնելու փոխարեն, հակառակորդին տրված արտոնության դիմաց համապատասխան արտոնություն էին պահանջում, և Իրանի կառավարությունը մշտապես

¹⁵⁶ Նույն տեղում, էջ 45:

¹⁵⁷

ابراهيم تيموري، عصر بی خبری... صفحه ۸۹

¹⁵⁸ Նույն տեղում:

¹⁵⁹ Նույն տեղում, էջ 90:

բավարարում էր նրանց այդ պահանջները: «Իրանցի թվացող վարձկան ծառաները, — գրում է հեղինակը, — հայրենիքը ծախելու և այն աճուրդի դնելու մրցակցության մեջ էին մտել, և իրենց վարձատրությունը ստանալով, ոչնչացնում էին երկրի անկախությունը»¹⁶⁰:

Նույն գաղափարն է առաջ քաշում և Իսա Սադեղը: Ամիր Բարիրի սպանությունից հետո տեղի ունեցած կարևոր իրադարձությունները Անգլիայի և Ռուսաստանի մրցակցության ու պալատի և իշխանության նեխածության ու թուլության հետևանք համարելով, նա գրում է. «Երկու նշված հարևանները տիրապետում էին թույլ Իրանին և նրանցից յուրաքանչյուրը ջանում էր օգուտներ քաղել իր համար: Օրինակ՝ դրավել երկրի մի մասը, կամ կառավարությունից որևէ կոնցեսիա վերցնել: Հենց որ նա հաջողության էր հասնում, մյուս կողմն էլ ավելի մեծ բաժին էր պահանջում: Մեր անկարող կառավարությունը ջանում էր արտաքին կողմը պահպանել և հնարավորության դեպքում նրանց պահանջները սահմանափակել»¹⁶¹:

Սակայն փաստեր կան նաև այն մասին, որ ժողովրդի հոգեբանությունն արդեն փոխվել էր: Վախենալով օտարների քաղաքականությունից, ժողովուրդն այլևս չէր հավատում դատարկ հայտարարություններին և խոստումներին: Ղեկավար շրջաններից որևէ մեկն օտարերկրացիների օգնությամբ ինչ քայլի էլ դիմեր, կասկածի առիթ էր տալիս: Անգլո-ռուսական մրցակցության պայմաններում կառավարության ձեռնարկած յուրաքանչյուր քայլ մեկնաբանվում էր ամենաբացասական ձևով և ատելություն էր առաջացնում ժողովրդական զանգվածների մեջ¹⁶²:

Անհրաժեշտ ենք համարում նշել, որ պարսիկ հեղինակները նույնիսկ նասր էդ Դին շահի սպանությունն արդյունք են համարում երկու գաղութատիրական պետությունների մրցակցության: Մահմուդ Մահմուդը գրում է, որ 1896 թվականին նասր էդ Դին շահի սպանությունը, Միրզա Ռեզա

¹⁶⁰ Նույն տեղում:

¹⁶¹ میسی صدیق، سیر فرهنگ در ایران و مغرب زمین، تهران ۱۳۳۲ صفحه ۵۷۶

¹⁶² محمود فرهاد معتمد، سیدسالار اعظم، تهران ۱۹۴۶ صفحه ۱۴۷

Մ Ո Ն Ո Պ Ո Ւ Ի Ս Տ Ա Կ Ա Ն Կ Ա Պ Ի Տ Ա Լ Ի Ն Ե Ր Թ Ա Փ Ա Ն Յ Ո Ւ Մ Ն Ի Ր Ա Ն

Իրանի կողմից իմպերիալիստական երկրներին տրված տարբեր բնույթի կոնցեսիաների պատմությունը ամենալայն կերպով քննարկվել է իրանական պատմագրության մեջ: Պետք է ասել, սակայն, որ ուսումնասիրվող հարցերին առանձին հեղինակների մոտեցումը միատեսակ չէ: Եթե որոշ հեղինակներ ճիշտ կերպով մեղադրել և դատապարտել են կոնցեսիաների ամբողջ սիստեմը, բացահայտել նրա ճակատագրական նշանակությունն Իրանի համար, ինչպես և ցույց տվել դաջարական դինաստիայի և ընդհանրապես Իրանի իշխող շրջանների դավաճանական դերն այդ հարցում, ապա ոմանք էլ տարբեր դատողություններով փորձել են այս կամ այն շափով արդարացնել, կամ առնվազն անխուսափելի ձևացնել իրանական իշխող շրջանների վարած քաղաքականությունը:

Էսմայիլ Ռայիներ Միրզա Մալքոմ խանի կյանքին ու գործունեությանը նվիրված իր աշխատությունում գրում է. «Նասր էդ Դին շահի թագավորության վերջին շրջանում փողասիրությունն ու ազահությունը նրան հաղթեց: Շահի ճամփորդությունները արտասահման և այդ նպատակով միլիոնավոր դրան դրամի ծախսումը պատճառ դարձան, որ շահն ու պալատականները կոնցեսիաներ տան օտարներին և երկիրը աճուրդի դնելով, անկման եզրին կանգնեցնեն: Հատկապես Նասր էդ Դին շահի Եվրոպա կատարած երրորդ ճամփորդության ժամանակ, նրան ուղեկցողներն իրենց հայրենիքն օտարերկրացիներին վաճառելու մրցության մեջ մտան և տեղի-անտեղի, նրանցից յուրաքանչյուրն իր անձնական շահից ելնելով շահին մատնացույց էր անում դավաճանության տարբեր ուղիներ: «Այդ ժամանակ դրամ ձեռք բերելու

ձգտումն այնքան էր շահին տգահացրել, որ եթե Իրանի տերիտորիայի որևէ մասի վաճառք էլ առաջարկվեր, շահը կհամաձայնվեր»¹։

Ինչպես տեսնում ենք, հեղինակն ամենավառ գույներով մերկացնում է ղաջարական իշխող շրջանների ազդադավ քաղաքականությունը։

Այդ քաղաքականությանը նույնպիսի գնահատական է տալիս նաև Նազեմ օլ էսլամ Քերմանին։ Ամբողջ հանցանքը գցելով անձամբ Նասր էդ Դին շահի վրա, նա գրում է. «Իրանի պալատի այլասեռումն սկսվեց Նասր էդ Դին շահի ժամանակներից»²։ Վկայակոչելով Նասր էդ Դին շահի պատմիչներից մեկին, Քերմանին նշում է, որ շահի հիսունամյա թագավորության ընթացքում օտար պետությունների կամ նրանց հպատակների հետ ստորագրվել է առևտրական, քաղաքական, սահմանային և կոնցեսիոն ուժսուներեք համաձայնագիր՝ բոլոր դեպքերում ի վնաս Իրանի։ Դրանցից մոտ երեսունհինգը, այդ թվում Ռեժի ծխախոտի, «Շահնշահի բանկի», ռուսական բանկի, երկաթգծի, խճուղիների և այլ կոնցեսիաները օտարերկրացիներին են շնորհվել կաշառքի ու նվերների միջոցով։

Իրանական արխիվներում պահպանվել է պանիսլամիզմի հիմնադիր և հակաիմպերիալիստական տրամադրություններունեցող Սեյիդ Ջամալ էդ Դին Ասադաբադիի մի նամակը՝ ուղղված շիական հոգևոր ղեկավար Միրզա Շիրազիին։

Ջամալ էդ Դինն իր նամակում թվարկում է հետևյալ կոնցեսիաները, որոնցով շահը «երկրի գլխավոր մասը և նրա եկամուտները վաճառեց Իսլամի թշնամիներին»³։ 1—Հանքերը և դեպի հանքերը տանող ճանապարհները, ինչպես նաև հանքերից դեպի երկրի կարևոր մասերը տանող գծերը։ 2—Ամբողջ երկրում խճուղիների շրջակայքում կառուցվող քարվանսարաններն, ինչպես նաև այդ ճանապարհների շրջակայքում գտնվող ցանքատարածություններն ու այգիները։ 3—Քարուն

1 اسماعیل راثین، میرزا ملکم خان، تهران ۱۳۵۰ ص ۹۳

2 ناظم الاسلام کرمانی، تاریخ بیداری ایرانیای، مجلد اول تهران ص ۶۸

3 ابراهیم تیموری، عصر بی خبری... ص ۱۲

գետը և նրա երկու ափերին կառուցվող իջևանատները, ինչպես նաև այդ գետի շրջակայքում եղած արտավայրերը: 4—Աճվազից Թեհրան տանող ճանապարհը և նրա շրջակայքում գտնվող շինությունները, իջևանատները, այգիները և ցանքատարածությունները: 5—Մխախտող և նրա արտադրության համար անհրաժեշտ բոլոր պարագաները, ցանքսերը, պահապանների տները, փոխադրական միջոցները և կրպակները: 6—Խաղողի բերքահավաքը և գինի պատրաստելու համար անհրաժեշտ գործարաններն ամբողջ երկրում: 7—Օճառ, մոմ և շաքար արտադրող գործարանները: 8—Բանկերը: Բնութագրելով մասնավորապես «բանկ» հասկացությունը, Ջամալ էդ Դինը գրում է. «Բանկը նշանակում է ժողովրդի ղեկավարությունն ամբողջովին տալ իսլամի թշնամիներին, մուսուլմաններին նրանց ստրուկը դարձնել և անհավատների տիրապետությունը հաստատել երկրում»⁴:

Հիշատակելով անգլիական իմպերիալիստներին տրված այս արտոնությունները, հեղինակը գրում է, որ երկրի մյուս կեսն էլ՝ Կասպից ծովի մի մասը, էնդելիի ճանապարհը մինչև Խորասան ու նրա շուրջը գտնվող տները, իջևանատները, այգիները և այլն, տրվել էին ցարական Ռուսաստանին՝ նրան լոծեցնելու համար: Սակայն ցարական Ռուսաստանը «այդ նվերը չի ընդունում»⁵: Նա պահանջում է, որ անգլիացիներին տրված կոնցեսիաները ոչնչացվեն, այլապես նա «Խորասանը կդարձնի իր գաղութը, կտիրանա Ադրբեջանին և Խորասանին»⁶:

Այս ամենից հետո Ջամալ էդ Դինը եզրակացնում է. «Ահա այս տխմար մարդու (Նասր էդ Դին շահի—Հ. Ն.) քաղաքականության առաջին արդյունքները: Կարճ ասած, այս հանցագործ մարդը Իրան երկիրը աճուրդի է դրել և Մոհամադի տունն ու մուսուլմանական երկրները օտարներին է վաճառել, սակայն իր ստորության և նենդության պատճառով վաճառել է ցածր արժեքով և չնչին գումարի դիմաց: Երբ

⁴ Նույն տեղում, էջ 12:

⁵ Նույն տեղում:

⁶ Նույն տեղում:

նվաստությունն ու ազահությունը ժլատության և խենթության հետ միակցվեն, այսպես կլինի»⁷:

Ինչպես ցույց է տալիս նամակի բովանդակությունը, Ջամալ էդ Դինը ամենախիստ քննադատության է ենթարկում իրանական իշխող շրջաններին՝ օտարերկրացիներին տրված արտոնությունների համար: Սակայն ակնհայտ է նաև, որ դա կատարվում էր իսլամի դոգմաների և պանիսլամիզմի դիրքերից: Ջամալ էդ Դինն ընդհանրապես դեմ էր եվրոպական քաղաքակրթության տարածմանն Իրանում, համարելով այն վնասակար և իսլամի դոգմաներին հակառակ:

Սակայն մի շարք հեղինակներ Իրանի համար կործանարար բոլոր այդ կոնցեսիաները գնահատում են որպես երկրի առաջընթացին նպաստող գործոն: Այսպես օրինակ, Միրզա Յուսուֆ խան Մոսթաշար էդ Դուլեն, որն Իրանում ու արտասահմանում մի շարք բարձր պաշտոններ է զբաղեցրել, պատասխանելով Իրանի տերիտորիայում երկաթգիծ կառուցելու հակառակորդներին, որոնք պնդում էին, թե դա պատճառ կդառնա օտարերկրացիների ներթափանցմանն ու նրանց միջամտությանը երկրի ներքին գործերին, ասում էր. «Կառավարության և ժողովրդի համար լավն այն է, որ եվրոպացիների մուտքը Իրան քաջալերվի, քանի որ Իրանում կտարածվի գիտությունը, արհեստներն ու եվրոպական մշակույթը, և ամբողջովին կփոխվի երկրի վիճակը»⁸:

Մի ուրիշ հեղինակ, Ալի Ասղար Շամհմը իր «Իրանը դաջարական թագավորության շրջանում» աշխատության մեջ գրում է. «այն կոնցեսիաները, որ նասր էդ Դին շահը տվեց օտար երկրների, հատկապես Ռուսաստանի և Անգլիայի հստատակներին, եվրոպական ժամանակակից քաղաքակրթության արտահայտությունը հանդիսացող արդյունքների ձեռքբերման առումով, այն էլ մի երկրի համար, որը նոր էր ուղում այդ քաղաքակրթության հետ ծանոթանալ, անհրաժեշտ և օգտավետ էին: Այս իմաստով նասր էդ Դին շահին քննա-

⁷ Նույն տեղում, էջ 7—12:

⁸ فریدون آدمیت، فکر آزادی و مقدمه نهضت مشروطیت
تهران صفحه ۱۸۴

դատել շի կարելի»⁹: Այսպիսի հայտարարությունից հետո հեղինակն, այնուամենայնիվ, որոշ վերապահում է անում: Նա նշում է, որ կոնցեսիաները ստացող երկրների և Իրանի միջև քաղաքական և ռազմական տեսակետից ոչ մի հավասարակշռութային գոյություն չունեն: Կոնցեսիաների համար երկու շահագրգռված կողմերի միջև բանակցութայինները տարվում էին ոչ միանման պայմաններում: Բացի այդ, կոնցեսիաների մեծ մասն այնպիսի ժամանակ էր Իրանին պարտադրվել, երբ երկրի գանձարանը դատարկ էր, կառավարութայինը ծանր վիճակի մեջ էր, իսկ շահը՝ ոգևորված Եվրոպա ճանապարհորդելու մտքով, քիչ էր հետաքրքրվում երկրի գործերով: Հետևաբար, այդ կոնցեսիաները հեշտութային շռայլվում էին շնչին գումարների դիմաց, որոնք միայն կարճ ժամանակով կարող էին բավարարել գանձարանի կարիքները: Շամիմի վկայութայինը, այդ գումարները շուտով վատնվեցին շահի և նրան ուղեկցող անձանց Եվրոպա կատարած ճանապարհորդութային ծախսերը հոգալու, և արքայազններին ու պալատականներին մեծ թոշակներ տալու նպատակով: Անդրադառնալով Իրանում Անգլիայի և Ռուսաստանի քաղաքականութայինը, Շամիմը գրում է, որ սկսած Ֆաթհ Ալի շահի թաղափորութային ժամանակներից մինչև Նասր էդ Դին շահը, ինչպես նաև Թուրքմենչայի ու Փարսիզի պայմանագրերի ստորագրմամբ, այդ երկու երկրներն ավարտել էին Իրանի ռազմական շրջափակումը և շուտով ձեռնամուխ եղան նաև նրա տնտեսական շրջափակմանը:

Շամիմը դրա կարևոր խթան է համարում Իրանի և մի շարք երկրների (Բելգիայի, Իսպանիայի, Ֆրանսիայի, Միացյալ Նահանգների) միջև առևտրական և այլ պայմանագրերի կնքումը: «Այս պայմանագրերի ստորագրումը,— գրում է հեղինակը,— Իրանի հզոր հարևաններին՝ Ռուսաստանին և Անգլիային մղեց այն բանի, որ Իրանի տնտեսական լծակներն իրենց ձեռքը գցելու համար ավելի շատ թափանցեն երկրի քաղաքական և վարչական բնագավառները՝ մի կողմից իրենց օգտին մի շարք առևտրական պայմանագրեր պարտադրեն Իրանին, մյուս կողմից նոր կոնցեսիաներ ձեռք

⁹ علی اصغر شمیم، ایران در دوره سلطنت قاجار، تهران ۱۳۴۲

բերեն տնտեսութեան բնագավառում: Այսպիսով, Ռուսաստանը և Անգլիան Մոզաֆար էդ Դին շահի ժամանակ էլ նախկին կոնցեսիաների ժամկետները երկարաձգեցին, և նոր կոնցեսիաների և մաքսատների մեջ ներթափանցելու շնորհիվ ավարտեցին Իրանի տնտեսական շրջափակումը»¹⁰:

Ինչպես տեսնում ենք, հեղինակը փաստորեն ինքն իրեն հակասում է: Կամ, ավելի շուտ, աշխատում է օտարերկրյա տնտեսական և քաղաքական ներթափանցման մեջ տեսնել դրականը, շնայած զգում է նաև, թե այդ ներթափանցումն ի՞նչ նպատակով է իրականացվում և ի՞նչ հետևանքներ կունենա Իրանի համար:

Վերլուծելով կոնցեսիաների ամբողջ սիստեմը որոշ հեղինակներ գտնում են, որ, հավանաբար, շահն ու մեծ վեզիրը կարծում էին, թե երկրի ֆինանսական վիճակը կարելի է կարգավորել միայն օտարերկրացիներին կոնցեսիաներ տալու միջոցով: «Շահի և մեծ վեզիրի այս քայլը,—գրում է Մահմուդ Մահմուդը,—Իրանի ավերման սկիզբն է, և ասպացուցում է, թե նրանք արքան անտարբեր էին երկրի նկատմամբ: Դրամ ձեռք բերելուց բացի նրանք այլ մտահոգութուն չունեին և չգիտեին, որ ուրիշ եղանակով ևս կարելի է Իրանի հարստութեան աղբյուրները դործի զցել և շթողնել, որ դրանք օտարերկրացիներին ձեռքն ընկնեն...: Նասր էդ Դին շահի թագավորութեան վերջում ոչ միայն շահը, մեծ վեզիրը, այլև մյուս պալատականները, պետական պաշտոնյաները և ունևոր մարդիկ ևս նույն մտքին հանգելով, իրենց շահերի համար օտարերկրացիներին մասնակից էին դարձնում բոլոր հարցերին»¹¹:

Մեկ այլ հեղինակ՝ էբրահիմ Թեյմուրին, այդ առթիվ գրում է. «Նասր էդ Դին շահը և Ամին էս Սուլթանը երկրի հարստութեան աղբյուրները աճուրդի էին դրել և շնչին գումարի դիմաց, առանց հետևանքներից վախենալու, երկրի շենությունն ապահովելու և օտար կապիտալներն Իրանում ներ-

¹⁰ Նույն տեղում:

¹¹ محمود محمود، تاریخ روابط سیاسی... جلد چهارم صفحہ ۱۱۷-۱۱۶ | ۱۷۱

դնելու անվան տակ, ամեն տեսակի կոնցեսիաներ տվեցին օտարերկրացիներին»¹²:

Փաստերը ցույց են տալիս, որ Նասր էդ Դին շահի հաջորդ Մոզաֆար էդ Դին շահի իշխանության շրջանում երկրի դրությունը է՛լ ավելի վատացավ: Ռուսաստանից վերցրած նորանոր պարտքերը և դեպի Եվրոպա կատարած ապարդյուն ճամփորդությունների շուրջ ծախսերը, անտեղի նվիրատվություններն ու առատաձեռնությունը հող էին պատրաստում նորանոր շարժումների համար:



Ինչպես ասացինք, օտարերկրյա կապիտալի ներթափանցումն իր հետ բերեց Իրանի տնտեսական ստրկացման նոր եղանակներ՝ կոնցեսիաներ, պարտքեր, փոխառություններ, օտարերկրյա բանկեր և այլն:

Օտարերկրյա առաջին կոնցեսիաները հեռագրային կոնցեսիաներ էին, որոնց անհրաժեշտությունը ծագեց 1857—59 թթ. Հնդկաստանում անգլիական գաղութային տիրապետության դեմ ծավալված Սեփահիների ապստամբության ժամանակ: Անգլիային հարկավոր էր հեռագրային կապ հաստատել Հնդկաստանի հետ և հատկապես Իրանի վրայով, քանի որ այն մի կողմից կամրապնդեր Անգլիայի գաղութային տիրապետությունը Հնդկաստանի վրա, իսկ մյուս կողմից նոր հնարավորություններ կստեղծեր ուժեղացնելու Անգլիայի ազդեցությունն Իրանում: Անգլիան Իրանին հեռագրային կոնցեսիաներ պարտադրեց 1862, 1865 և 1872 թվականներ:

¹² Նասր էդ Դին շահի թագավորության վերջին տարիներին, երբ բազմաթիվ կոնցեսիաներ էին տրվում օտարերկրացիներին, իբր թե ընկերությունների կողմից կոնցեսիաների պայմանները ճիշտ կատարելու նպատակով մշակվեց մի կանոնադրություն, համաձայն որի Հուլիոս Երկրի ղեկավարութեամբ ստեղծվեց հատուկ հիմնարկություն: Վերջինիս մեջ ընդգրկվեցին մի շարք ինժեներներ, թարգմանիչներ, կատարածուներ և այլն: Եթե որևէ օտարահայտակ ցանկանար իրանական կառավարությունից կոնցեսիա ստանալ, պետք է դիմեր այդ հիմնարկին և Հուլիոս Երկրի վերջ այդ առաջարկության մասին պետք է ղեկուցեր մեծ վեճերին:

րին: Իրանք անգլիացիներին իրավունք էին տալիս իրանա-
կան կառավարութեան հաշվին հեռագրային գծեր կառուցել
Խանեղին—Թեհրան—Բուշեհր ուղղութեամբ, որը միանալու
էր դեպի Հնդկաստան տանող գծին:

1868 թ. իրանական կառավարութեանը ստիպված ե-
ղավ նույն ընկերութեանը Զուլֆայից Թեհրան հեռագրային
գիծ կառուցելու կոնցեսիա տալ: Այն միանալու էր Եվրոպա
տանող գծին: Հետագայում, 1901 թ. ստորագրված համա-
ձայնագրով իրանական կառավարութեանը հանձն առավ Անգ-
լիայից վերցրած վարկով կառուցել Բալուջեստանի հեռագրա-
յին գիծը՝ Յազդի և Քերմանի ուղղութեամբ դեպի Հնդկաս-
տան:

Հեռագրային բոլոր այս գծերի շահագործումը կատար-
վում էր անգլիացիների միջոցով, որոնց հիմնական նպա-
տակը Անգլիայի և Հնդկաստանի միջև կասլի ապահովումն
էր:

Ինչպես ասվեց, այս գծերը կառուցվում էին Իրանի հաշ-
վին, որը, սակայն, միջոցներ չունենալով, ստիպված վարկեր
էր վերցնում Անգլիայից: Այդ վարկերը 1869 թ. արդեն կազ-
մում էին 47 հազար ֆունտ ստեռլինգ, որն Իրանը պետք է
վճարեր 20 տարվա ընթացքում:

Հեռագրային այս գծերի վրա աշխատող անգլիացի-
ներն ունեին էքստերիտորիալ իրավունք, մի հանգամանք,
որը նրանք լայնորեն օգտագործում էին Իրանի ներքին գոր-
ծերին միջամտելու համար:

Մահմուդ Մահմուդը, անդրադառնալով հեռագրային
կոնցեսիաների խնդրին, հանգում է այն եզրակացութեան, որ
«այդ հարցը ևս կապված էր Իրանում Անգլիայի վարած քա-
ղաքականութեան շղթայի հետ, որովհետև որտեղից որ անց-
նում էր հեռագրային լարը, այնտեղ էլ հաստատվում էր անգ-
լիական կառավարութեան ազդեցութեանը¹³: Հեղինակը
ճիշտ է մեկնարանում Իրանում հեռագրային գծերի անցկաց-
ման նպատակները և նրանց շահագործման համար Իրան
ուղարկված հիսուն հոգիանոց խմբի գործունեութեանը, որի
անդամները միանգամայն անկախ էին և չէին ենթարկվում

13 1.1 ۱۳۰۰... جلد سوم ص ۱۰۱

Իրանի ներքին օրենքներին: Մահմուդը անգլիացիների այս նախաձեռնությունը համարում է մեծ հմտությամբ մշակված ծրագրի իրականացում, որն ուղղված էր անգլիայի գաղութային տիրապետությունների պաշտպանությանը¹⁴:

Հեղինակը նկատում է, որ անգլիական սպաների տեղն այժմ հեռագրատների պաշտոնյաներն էին զբաղեցնում, այսինքն՝ իրականում հեռագրիչները հենց անգլիական կերպարանափոխված զինվորականներ էին: «Այլևս նպատակահարմար չէր, — գրում է նա, որ Իրանը որևէ ուժ ներկայացնող բանակ ունենա, որի գլուխ կանգնած լինեին անգլիական սպաները: Ավելի ձեռնառու էր, որ այդ սպաները հեռագրիչների դերում հանդես գային, իրենց գործը կատարեին և աղմուկ չբարձրանար»¹⁵:

*
* *

Օտարերկրյա մոնոպոլիաներին տրված կոնցեսիաներից համեմատաբար ավելի մեծը 1872 թ. հուլիսին Բարոն Ռեյտերին տրված կոնցեսիան էր, որը պարտադրվեց անգլիացիների կողմից և հղի էր երկրի անտեսության համար ծանր հետևանքներով:

Կոնցեսիայի ժամկետը 70 տարի էր: Այն ընդգրկում էր տարբեր բնագավառներ: Կոնցեսիայով Ռեյտերին թույլատրվում էր երկրի տարբեր վայրերում երկաթուղու և տրամվայի գծեր կառուցել: Նա իրավունք էր ստանում շահագործել Իրանի ստորերկրյա հարստությունները, հատկապես նավթը¹⁶: Բացառություն էր կազմում ոսկու, արծաթի և թան-

¹⁴ Նույն տեղում, էջ 612:

¹⁵ *دوم دوم، تاریخ روابط سیاسی... جلد سوم*

¹⁶ Ավստրալիացի ԴՄ. Բրսին 1901 թվականին հաջողվեց ձեռք բերել Իրանի ամբողջ տերիտորիայում (բացի հյուսիսային շրջաններից) նավթային հարստությունների շահագործման կոնցեսիան: ԴՄ. Բրսին այս կոնցեսիայի դիմաց իրանական կառավարությանը պետք է վճարեր ընդամենը 20 հազար ֆունտ ստեռլինգ: Նավթի շահագործումն սկսելուց հետո ընկերությունը իրանական կառավարությանը տալու էր եկամտի 16% -ը: Անշուշտ, այդ ժամանակ դեռևս լավ չէին գիտակցվում այդ կոնցեսիայի կործանարար հետևանքները, քանի որ, համաշխարհային մասշտաբով,

կարժեք քարերի շահագործումը: Կոնցեսիան ընդգրկում էր ամբողջ ոռոգման աշխատանքները, այդ թվում ստորերկրյա և վերերկրյա ջրանցքների կառուցումը և այլն: Իրանի տրանսպորտի մեծ հարված էր հասցնում նաև մաքսային եկամուտների հավաքման իրավունքի հանձնումը անգլիացիներին: Կոնցեսիոն պայմանագիրը նախատեսում էր 25 տարի ժամանակով, ընդամենը 20 հազար ֆունտ ստեռլինգ գումարի դիմաց, Ռեյտերին հանձնել ամբողջ Իրանի մաքսատների գործի կառավարումը: Հետաքրքրական է նշել, որ ինքը՝ Ռեյտերը, միաժամանակ պետք է ազատվեր բոլոր տեսակի մաքսերից: Կոնցեսիան նախատեսում էր հետագայում նրա իրավունքները տարածել նաև երկրի ֆինանսների, բանկերի հիմնադրման, հաղորդակցութայան ճանապարհների, գործարանների և արդյունաբերական այլ ձեռնարկությունների կառուցման վրա: Ըստ որում, այդ բոլորի համար անհրաժեշտ հողամասերը և բանվորական ուժը պետք է անվճար տրամադրվեր իրանական կառավարության կողմից: Կոնցեսիայի պայմանների համաձայն կառավարությունն ստանալու էր ամբողջ եկամուտների ընդամենը 15—20 %-ը:

Ռեյտերին տրված այս կոնցեսիան, փաստորեն, առաջին ամենախոշոր և Իրանի համար ամենավնասաբեր կոնցեսիան էր, որ իրանական իշխող շրջանները տալիս էին որևէ օտար պետության: Այն երկրի ամբողջ տնտեսությունը, գործնա-

գեռևս նավթը շուներ այն նշանակությունը, ինչ նա ստացավ հետագայում:

Իրանի նավթային հարստությունները շահագործող անգլիական ընկերությունը, որը կոչվում էր Անգլո-պարսկական նավթային ընկերություն, կազմակերպվեց ավելի ուշ՝ 1909 թ., իսկ նրա ազդեցությունն ավելի մեծացավ առաջին համաշխարհային պատերազմի ժամանակ, երբ անգլիական կառավարությունը գնեց ընկերության ակցիաների մեծ մասը:

Իմպերիալիստական պետություններին տրված կոնցեսիաներից իր կորստարեր հետևանքներով հատկապես աչքի է ընկնում այս կոնցեսիան, որն իր գործունեությունը շարունակեց մինչև 1951 թ.: Երբ ազգային-ազատագրական շարժման վերելքի պայմաններում ազգայնացվեց: Նավթային կոնցեսիան և նրա հետևանքները ամենալայն կերպով քննարկվել են իրանական պատմագրության մեջ: Քանի որ նրա գործունեության շրջանը մեր ընդգրկած ժամանակաշրջանից դուրս է և, բացի այդ, այն կարող է կազմել առանձին մենագրության թեմա, մենք այստեղ այդ հարցի վրա կանգ չենք առնում:

կանում, հանձնում էր օտարերկրյա մոնոպոլիաների տնօրինութեանը և ուղի հարթում երկիրը կիսադադութի վերածելու համար:

Այս կոնցեսիան նույնպես լայնորեն քննարկվել է իրանական պատմագրութեան մեջ: Սակայն պետք է նշել, որ որոշ պատմաբաններ փորձել են արդարացնել նրա տրամադրումը անգլիացիներին, պնդելով, որ իբր կոնցեսիայի իրանական հեղինակները հետապնդել են հեռուն գնացող քաղաքական նպատակներ և, որ, իբր, դրա շարժառիթը եղել է երկրի անկախութեան ապահովումը և նրա հետագա զարգացումը:

Այսպես օրինակ, Մահմուդ Ֆարհադ Մոթամեդն իր «Իրանի և օսմանյան պետութեան քաղաքական հարաբերութեաննների պատմութեանը» գրքի երկրորդ հատորում մանրամասն վերլուծելով ժամանակի մեծ վեզիր՝ Ռեյտերին տրված կոնցեսիայի հեղինակ, Միրզա Հոսեյն խան Մոշիր էդ Դոլեի կյանքն ու գործունեութեանը, հանդում է հետևյալ եզրակացութեան:

Միրզա Հոսեյն խանը տրամադրված էր հօգուտ եվրոպացիների, հատկապես անգլիացիների: Նա համոզված էր, որ անգլիացիները Իրանից ստացած օգուտների դիմաց կձգտեն պահպանել Իրանի ամբողջականութեանը ու բարգաւաճման հնարավորութեանը: Մոթամեդն այն կարծիքն է հայտնում, որ հենց այդ սկզբունքից ելնելով էլ Միրզա Հոսեյն խանը Ռեյտերի հետ պայմանագիր կնքեց և նույնիսկ անգլիացիների օգտին մեծ զիջումներ արեց: Սակայն հեղինակը տարօրինակ ձևով այդ զիջումները բացատրում է ոչ թե իր հայրենիքի նկատմամբ Միրզա Հոսեյն խանի անտարբերութեամբ, այլ նրա այն հույսով, որ միգուցե Իրանում անգլիացիներին որոշ արտոնութեաններ տալով հնարավոր լինի նրանց շահագրգռել Իրանի ճակատագրով և նրանք ձգտեն Իրանի առաջընթացին, զարգացմանն ու բարգաւաճմանը:

Մոթամեդն այնուհետև գրում է, որ իբր Եվրոպա կատարած իր առաջին ճանապարհորդութեանից հետո, երբ մեծ վեզիրը համոզվեց, որ իր զիջումների և զոհաբերութեանների դիմաց Անգլիան ամենաշնչին օգնութեան իսկ պատրաստ

չէ ցուցաբերել Իրանին, դեռ ավելին, քաղաքական համե-
րաշխության համար կնքված հենց նույն պայմանագիրն օգ-
տագործում է իրեն պաշտոնից հեռացնելու նպատակով և
ժառանգեցնում է արտասահմանում տարբեր քաղաքական սա-
կարկուծյունների ու իրենց օգտին պայմանագրերի կնքմանը,
իր կյանքի վերջում անգլիացիներից հիասթափվեց: Սակայն,
ինչպես նշում է հեղինակը, անգլիացիների հետ ունեցած
բարեկամության հետևանքով Միրզա Հոսեյն խանը կորցրել
էր իր հեղինակությունը և իր կատարած զիջումների համար
«բացի խղճի խայթից այլ պարգև չստացավ: Այն ուղիով, որ
նա ընթացել էր և այն սխալը, որ թույլ էր տվել, այլևս ան-
վերադարձ և անուղղելի էր»¹⁷:

Նույն միտքն է առաջ քաշում նաև Ֆերեյդուն Աղամխաթնի
իր «Աղատության գաղափարը և սահմանադրական շարժման
սկիզբը» գրքում:

Խոսելով այն մասին, թե ինչպես Միրզա Հոսեյն խանը
Ռեյտերին տրված կոնցեսիայով նախատեսում էր նաև եր-
կաթգծի կառուցումը Ռաշտից Թեհրան և Թեհրանից Պարսից
ծոց, որը կասպից ծովը կմիացներ Պարսից ծոցին, նշում է,
որ դա բխում էր Իրանի տնտեսական զարգացման և բարգա-
ւաճման նպատակից: Հեղինակը պարզորոշ ասում է, որ
նման ընդարձակ և բովանդակալից կոնցեսիայի հանձնումը
Անգլիային «մեկ ընդհանուր և հիմնական գաղափարի» ար-
գասիք էր, այսինքն նոր աշխարհի կողմից շտապ և վճռա-
կան միջոցառումների կիրառումը՝ Իրանի հետամնացու-
թյունը վերացնելու ուղղությամբ»¹⁸:

Ինչպես տեսնում ենք, վերոհիշյալ պարսիկ հեղինակ-
ները փորձում են արդարացնել Իրանի ժամանակի իշխող
շրջանների ազգադավ քաղաքականությունը, ձգտելով ներ-
կայացնել այն, որպես «ազգային բարձր շահերից» բխող
քաղաքականություն:

Սակայն պարսիկ մի շարք այլ հեղինակներ ըստ արժան-
վույն մերկացրել են իմպերիալիստական տերությունների

17 محمود فرهاد معتمد، تاریخ روابط سیاسی ایران و عثمانی یا
جلد دوم سپهسالار اعظم تهران—۱۹۵۰ صفحه ۱۳۹

18 فریدون آدمیت، فکر آزادی و مقدمه نهضت مشروطیت، صفحه ۸۶

գաղութարարական քաղաքականությունը և ցույց տվել նրա բացասական հետևանքներն Իրանի համար:

Այսպես, Աբալֆազլ Ղասեմին «Ընտանիքների իշխանությունն Իրանում» գրքի երրորդ մասում այն միտքն է հայտնում, որ Միրզա Հոսեյն խանի, Ղավամ էդ Դոլեի և ժամանակի այլ վեզիրների ամենամեծ դավաճանություններից մեկն անգլիացիների հետ Ռեյտերի կոնցեսիա անունով պայմանագրի կնքումն էր: «Այս պայմանագիրը կարելի է անվանել Իրանի ստրկության փաստաթուղթ և ամբողջ Իրանի վաճառքի կալվածագիր», գրում է նա:

Ղասեմին շեշտում է, որ պայմանագրի հոդվածների վրա մի պարզ հայացք գցելով, կարելի է համոզվել նրա հեղինակների դավաճանության մեջ, և այն բանում, թե ինչպիսի շտապողականությամբ էին նրանք իրենց երկիրը վաճառում: «Սակայն շպետք է կարծել,—զգուշացնում է նա,—որ այս պայմանագիրը անգլիացիներին տրվեց ձրի և անվճար: Ռեյտերը այդ կոնցեսիան ստացել էր իրանական վեզիրներին կաշառելով»¹⁹:

Այս հարցին անդրադարձել է նաև էբրահիմ Թեյմուրին: «Երբ Միրզա Հոսեյն խան Սեփահսալարը դարձավ մեծ վեզիր,—գրում է նա,—Ռեյտեր անունով մի անգլիացու այնպիսի մի կոնցեսիա տվեց, որն Իրանը դարձնում էր Անգլիայի գաղութ»²⁰: Թեյմուրին այդ կոնցեսիան համարում է եվրոպացիների, հատկապես Անգլիայի և ցարական Ռուսաստանի կողմից Իրանի կենսական հարստությունների շահագործման սկիզբ, որից հետո, իրենց տնտեսական և քաղաքական ազդեցությունն Իրանում տարածելու համար, նրանք ձեռնամուխ եղան մի շարք այլ կոնցեսիաների ձեռքբերման: «Շատ դեպքերում,—գրում է Թեյմուրին,—երբ այդ երկրների կապիտալիստներն ու ընկերությունների ներկայացուցիչները որևէ կոնցեսիա ձեռք բերելու համար Իրան էին գալիս, և ինչ-որ պատճառներով իրանական կառավարությունը նրանց պահանջները չէր բավարարում, կամ նրանց պայմանների

19 ابوالفضل قاسمی، حکومت خانوادها در ایران ۳ خانداد ۱۹۰
قوام السلطنة تهران ۱۹۰. صفحه ۱۳۴-۵

20

۱. ۲. ۳. ۴. ۵. ۶. ۷. ۸. ۹. ۱۰. ۱۱. ۱۲. ۱۳. ۱۴. ۱۵. ۱۶. ۱۷. ۱۸. ۱۹. ۲۰. ۲۱. ۲۲. ۲۳. ۲۴. ۲۵. ۲۶. ۲۷. ۲۸. ۲۹. ۳۰. ۳۱. ۳۲. ۳۳. ۳۴. ۳۵. ۳۶. ۳۷. ۳۸. ۳۹. ۴۰. ۴۱. ۴۲. ۴۳. ۴۴. ۴۵. ۴۶. ۴۷. ۴۸. ۴۹. ۵۰. ۵۱. ۵۲. ۵۳. ۵۴. ۵۵. ۵۶. ۵۷. ۵۸. ۵۹. ۶۰. ۶۱. ۶۲. ۶۳. ۶۴. ۶۵. ۶۶. ۶۷. ۶۸. ۶۹. ۷۰. ۷۱. ۷۲. ۷۳. ۷۴. ۷۵. ۷۶. ۷۷. ۷۸. ۷۹. ۸۰. ۸۱. ۸۲. ۸۳. ۸۴. ۸۵. ۸۶. ۸۷. ۸۸. ۸۹. ۹۰. ۹۱. ۹۲. ۹۳. ۹۴. ۹۵. ۹۶. ۹۷. ۹۸. ۹۹. ۱۰۰.

հետ շէր համաձայնում, ապա դա համարվում էր անգլիական կառավարութեանը հասցված վիրավորանք, և անգլիական դեսպանութեանը հանդես էր դալիս խիստ բողոքով, քանի որ այդ դեպքում ինքը ևս նոր կոնցեսիաներ պահանջել չէր կարող»²¹:

Թեյմուրին նշում է, որ օտարերկրացիներին տրված կոնցեսիաներում երբեք Իրանի շահերը և պահանջները հաշվի չէին առնվում, քանի որ կոնցեսիա տվողները միայն մտահոգված էին նրա կանխավճարով և հետագա եկամուտներով, իսկ կոնցեսիաներ ստացողները՝ Իրանից օգտվելու և իրենց քաղաքական նպատակներն իրականացնելու հարցով: Հեղինակը հիշեցնում է նաև, որ միայն բռնի ուժով և սպառնալիքով չէ, որ կոնցեսիաներ են տրվել օտարերկրացիներին և, որ չի կարելի նրանց հեղինակների այդ քայլը համարել հարկադրված: «Հաճախ դավաճան և խավարամիտ գործիչներին ոսկի լիրա տալու միջոցով էր, որ երկարատև ժամկետներով կոնցեսիաներ էին ստանում», գրում է նա²²:

Թեյմուրին այն կարծիքին է, որ Ռեյտերի կոնցեսիան, որն Իրանն ամբողջովին դնում էր Անգլիայի տրամադրութեան տակ և վերածում նրա գաղութի, նասր էդ Դին շահի և Միրզա Հոսեյն խան Սեփահասալարի մեծագույն և անփոխհատուցելի սխալներից էր²³: «Դա կատարվեց նրա (Սեփահասալարի—Հ. Ս.) վեզիրութեան սկզբնական շրջանում,—գրում է Թեյմուրին,—և ինքն էլ միշտ խոստովանում էր այդ սխալը»²⁴: «Իրականում,—գրում է Թեյմուրին,—Սեփահասալարի այս արարքը ճանապարհ բացեց օտարերկրացիներին համար, և նրանք հետագայում կարողացան մեծ թվով կոնցեսիաներ ձեռք բերել և ստրկութեան շղթան զցել իրանական ժողովրդի վիզը»²⁵: Որպես օրինակ նա նշում է, որ Ռեյտերի կոնցեսիայից հետո ուսաները պահանջեցին երկաթգծի, անգլիացիները՝ բանկի և վերջապես, կրկին ուսաները՝ բանկի և այլ, և այլ կոնցեսիաներ:

²¹ Նույն տեղում, էջ 88:

²² Նույն տեղում, էջ 89:

²³ Նույն տեղում, էջ 97:

²⁴ Նույն տեղում, էջ 39:

²⁵ Նույն տեղում:

Անդրադառնալով անգլիացիների և ռուսների հետ Սեփահասալարի փոխհարաբերություններին, Թեյմուրին գրում է. «Դժբախտաբար Սեփահասալարն օտարերկրացիների հետ ունեցած այս մերձեցումից և բարեկամությունից ոչ միայն չկարողացավ որևէ օգուտ քաղել Իրանի համար, այլև հատկապես անգլիացիների օգնությամբ նրանց ազդեցությունը տարածեց երկրում»²⁶:

Թեյմուրին վկայում է, որ անգլիացիները Ռեյտերի կոնցեսիան ստանալու համար Սեփահասալարին հիսուն հազար ստեռլինգ կաշառք էին տվել, և այնուհետև ավելացնում, թե ոմանք ձևացնում են, որ իբր Սեփահասալարի մտադրությունը Իրանի զարգացումն ու վսեմացումն է եղել և կարծել է, թե անգլիացիներն Իրանը կշենացնեն և ժողովրդի երջանկությունը կապահովեն²⁷:

Սեփահասալարը շուտով զգում է, որ իր ճարպկությամբ հանդերձ խաբվել է անգլիացիներից: Հենց այդ ժամանակ էլ Անգլիայի ու ցարական Ռուսաստանի միջև ստորագրվում է Ասիայում երկու պետությունների ազդեցության շրջանները որոշող մի պայմանագիր, որը հայտնի է Գորչակով-Գրանվիլի պայմանագիր անունով: Այդ հանգամանքից հուսահատված Սեփահասալարը գանգատվում է անգլիացիներին, բայց հասկանալի է, որ վերջիններս այլևս իրենց բարեկամի խոսքերին ոչ մի նշանակություն չեն տալիս²⁸:

Թեյմուրին բերում է կորդ Քերզոնի վկայությունն այն մասին, որ երբ կոնցեսիայի լուրը հրապարակվեց եվրոպական մամուլում, բոլորը զարմացան: Ոչ ոք չէր պատկերացնում, որ կարելի է այդպիսի պայմաններով կոնցեսիա տալ օտարերկրացիներին, կոնցեսիա, որն Իրանն ամբողջովին հանձնում էր անգլիացիներին և նրանք իրավունք էին ձեռք բերում յոթանասուն տարի շարունակ երկրի ամբողջ կենսական աղբյուրները իրենց տիրապետության տակ գցել և այն վերածել դաղույթի: «Գաղույթ, որը ձեռք է բերվում առանց կուլի և արյունահեղության, առանց տանջանքի և միայն Ի-

²⁶ Նույն տեղում, էջ 50:

²⁷ Նույն տեղում, էջ 52:

²⁸ Նույն տեղում:

բանի իշխող շրջաններին տրված մի քանի լիրա կաշառ-
քով» — գրում է Թեյմուրին²⁹ :

Ռեյտերի կոնցեսիան, իհարկե, շիրականացավ, քանի որ
պայմանագրով նախատեսված 15 ամսվա ընթացքում նա
չկարողացավ աշխատանքները կազմակերպել, կոնցեսիան
չեղյալ համարվեց և բանկում նրա կողմից դրված 40,000
ստեռլինգն անցավ իրանական կառավարությանը: Սակայն,
ինչպես միանգամայն ճիշտ են նկատել իրանցի պատմաբան-
ները, շնայած Ռեյտերի կոնցեսիան բեկանվեց, բայց նա
պատճառ դարձավ, որ հետագայում բազմաթիվ կոնցեսիա-
ներ տրվեին Անգլիային և ցարական Ռուսաստանին, որոնք
մեծ շարիքներ բերեցին Իրանին: Ինչպես նշում է Թեյմուրին,
այդ կոնցեսիաներն իրենց սկզբնավորումն ստացան հենց
Ռեյտերի կոնցեսիայից³⁰ :

Ըստ Թեյմուրիի, երբ Նասր էդ Դին շահը Եվրոպայում էր,
երկրի ներսում և արտասահմանում տեղի ունեցած որոշ
իրադարձություններ, որոնք շահին և մեծ վեզիրին համոզե-
ցին, որ Ռեյտերին կոնցեսիա տալը սխալ է եղել, և որ նրանք
վերջապես որոշեցին այն շեղյալ հայտարարել: Նրանք այդ
իրադարձություններից են համարում, նախ և առաջ, Ռու-
սաստանի խիստ հակառակությունը և, այնուհետև, որոշ ղե-
կավարների և հոգևորականության դիմադրությունը³¹ :

Պետք է ասել, որ այս պնդումն անհիմն է և ոչ մի այլ
աղբյուրով չի հաստատվում: Նասր էդ Դին շահից և նրա մեծ
վեզիրներից որևէ գրավոր վկայություն չի մնացել, որն
ապացուցեր, որ նրանք գիտակցել էին իրենց սխալը և զղջա-
ցել: Ընդհակառակը, հետագայում հենց Նասր էդ Դին շահի
կողմից տրված բազմաթիվ կոնցեսիաները, վերցրած պարտ-
քերը և Իրանում օտարերկրացիների դիրքերի ամրապնդմանն
ուղղված քայլերը գալիս են հաստատելու, որ իրանական
իշխող շրջանները շարունակում էին նույն ազգադավ քաղա-
քականությունը: Ինչ վերաբերում է Ռեյտերի կոնցեսիայի
բեկանմանը, ապա դա նույնպես չի կարելի վերագրել շահին

²⁹ Նույն տեղում, էջ 118:

³⁰ Նույն տեղում, էջ 97:

³¹ Նույն տեղում, էջ 119:

և նրա մեծ վեզիրին: Ինքը Ռեյտերն էր, որ ի վիճակի շեղավ
այդ էտապում իրականացնել կոնցեսիան:

Հետաքրքիր է նշել, որ քննելով ցարական Ռուսաստանի
դերն այդ հարցում, որոշ անգլիացի հեղինակներ ջանացել
են Ռեյտերի կոնցեսիայի բեկանումը վերագրել ուսաների
հակառակույթյանը: Սակայն պարսիկ հեղինակները դրա հետ
համաձայն չեն և դաժնում են, որ դա, իհարկե, ինչ-որ նշանա-
կություն ունեցել է, սակայն անգլիացիներն ամբողջ XIX
դարի ընթացքում երբևէ մտադրություն չեն ունեցել ներթա-
փանցել Իրանի հյուսիսային շրջանները, էլ շասենք՝ այնտեղ
երկաթգծեր կառուցել կամ նրա ստորերկրյա հարստություն-
ները շահագործել: Նրանք իրենց շահերը տեսնում էին երկ-
րի հարավային մասերում, Պարսից ծոցի շրջանում, Խուզես-
տանից սկսած մինչև Սիստան և Խորասան, քանի որ շատ
լավ գիտակցում էին ցարական Ռուսաստանի հետաքրքրու-
թյան ոլորտը, հյուսիսային շրջանները ներթափանցելու
վտանգները: Այդ ժամանակ էլ անգլիական կառավարու-
թյունն այն կարծիքին էր, որ Աֆղանստանի սահմանները
չթափանցելու վերաբերյալ ուսաների հետ կայացրած համա-
ձայնությունը Անգլիայի շահերի տեսակետից ավելի կարևոր
է, քան Ռեյտերի կոնցեսիան և Իրանին անմիջականորեն
տիրապետելը³²:

Միանգամայն հասկանալի է, որ Ռեյտերի կոնցեսիայի
ստորագրումը մեծ դժգոհություն առաջացրեց իրանական
հասարակայնության լայն շրջաններում: Էսամայիլ Ռայիներ
գրում է. «Չնայած շահը և մեծ վեզիրն, իրականում, ամբողջ
Իրանը Ռեյտերին տրամադրող այս կոնցեսիան մեծ բավա-
կանությամբ հանձնեցին կոնցեսիոններին, բայց հենց որ նրա
լուրը Իրան հասավ... իրանական ժողովրդի մեծամասնու-
թյունն սկսեց դիմադրություն ցույց տալ՝ «ամբողջ Իրանն
անգլիացիներին հանձնելուն»³³: «Երբ նասր էդ Դին շահը
դեռևս Եվրոպայում էր գտնվում, — գրում է Ռեյմուրին, — երկ-
րի մի խումբ ղեկավար գործիչներ և հոգևորականներ, առիթը
հարմար գտնելով, Ռեյտերի կոնցեսիան դրոշ դարձնելով,

³² محمود محمود، تاریخ روابط سیاسی... جلد سوم صفحہ ۷۹۱-۷۸۶

³³ اسماعیل رائین، میزبان ملکم خان، تهران، ۱۳۰۰، صفحہ ۳۴-۳۲

ձգտեցին Միրզա Հոսեյն խան Սեփահասալարին պաշտոնից հեռացնել»³⁴ :

Փաստերը ցույց են տալիս, որ նասր էդ Դին շահը տեսնելով երկրում ծավալված դժգոհությունը, Եվրոպայից վերադառնալիս, դեռևս Ռաշտում Սեփահասալարին պաշտոնանկ է անում և, այդպիսով, կոնցեսիայի հանցանքը զցում նրա վրա:

Աղբյուրները վկայում են, որ Ռեյտերի կոնցեսիայի բեկանումից հետո է, որ Սեփահասալարը հակվում է դեպի ռուսները: Չնայած հետադաշում նա նորից անգլիացիների հետ մերձենալու որոշ փորձեր է անում, սակայն «այլևս ոչ Սեփահասալարն անգլիացիներից որևէ հույս ուներ, և ոչ էլ վերջիններս նրա նկատմամբ վստահություն»:

Ցարական Ռուսաստանը դեմ էր Սեփահասալարին միայն այն պատճառով, որ նա սերտ հարաբերությունների մեջ էր անգլիացիների հետ և նրանց էր հանձնել Ռեյտերի կոնցեսիան: Հետադաշում ցարական դեսպանությունը Սեփահասալարի ամուր հենարանն էր, և նրան օգտագործում էր իր քաղաքականությունն իրականացնելու նպատակով:

Անհրաժեշտ է նշել, որ կոնցեսիայի բեկանումից հետո Ռեյտերը ճամփորդեց Ռուսաստան: Արտաքուստ, Ռեյտերի նպատակն այս ճամփորդությունից այն էր, որ կոնցեսիայի մի մասը վաճառի ռուս կապիտալիստներին և նրանց այդ գործին մասնակից դարձնելով, ռուսական կառավարության համաձայնությունը ձեռք բերի՝ կոնցեսիան Իրանում իրագործելու համար:

Ռեյտերի և իրանական կառավարության վեճը տևեց մոտ տասնյոթ տարի:

Աղբյուրները վկայում են, որ երբ ուրիշ պետությունների քաղաքացիները Իրանում որևէ կոնցեսիա ձեռք բերելու համար քայլերի էին դիմում, անգլիական կառավարությունն այդ քայլերը շեղոքացնելու համար Ռեյտերի պահանջներն ու բողոքները զենք դարձնելով՝ պաշտոնական բողոքներ էր ներկայացնում Իրանի կառավարությանը³⁵ :

34

ابراهیم تیموری، عصر بی خبری... ص ۱۲۰

35 նույն տեղում, էջ 146:

* * *

Իմպերիալիստական տերությունները ձգտում էին իրենց ձեռքը վերցնել նաև Իրանի ֆինանսները: XIX դարի 80-ական թվականներին Իրանում դեռևս ժամանակակից ֆինանսական սիստեմ գոյություն չուներ: Իրանում բանկ հիմնադրելու առաջին փորձը կատարվեց 1888 թ., նրբ կոնգոնում կազմակերպվեց այսպես կոչված «Արևելքի նոր բանկը»: Այդ բանկի համար ոչ մի կոնցեսիա չէր տրվել, առկա էր միայն շահի համաձայնությունը: Բանկը իր գործունեությունը պետք է ծավալեր Ասիայի հարավային շրջաններում, այդ թվում նաև Իրանում: Էսամայիլ Ռայիներ գրում է. «Բանկի անգլիացի կառավարիչներն ուղում էին արագ կերպով իրենց քսակները լցնել ոսկով և հեռանալ Իրանից: Կարճ ժամանակում նրանք ջանացին մայրաքաղաքի առևտրի մոնոպոլիան իրենց ձեռքը վերցնել: Նրանք հույս ունեին Թեհրանի անգլիական դեսպանության, պալատում և իրանական պետական մարմիններում ունեցած իրենց գործակալների և ներկայացուցիչների օգնությամբ կարճ ժամանակում իրականացնել իրենց այդ մտադրությունը: Սակայն սարաֆների և առևտրականների կատաղի պայքարի հետևանքով այդ բանկը շուտով փակվեց»³⁶:

Իրանի ֆինանսների մեջ ներթափանցելու և երկիրը տնտեսական կախման մեջ գցելու ուղղությամբ, կարևորագույն քայլերից էր անգլիական բանկի՝ «Բանքե շահնշահի» հիմնադրումը:

Ռեյտերի 1872 թ. կոնցեսիայի բեկանումից հետո, 1889 թ. նրա ժառանգներին, որպես փոխհատուցում, 60 տարի ժամանակով բանկ հիմնադրելու կոնցեսիա տրվեց: Բանկի իրավունքների մեջ էր մտնում նաև թղթադրամների բացթողումը: Այդ թղթադրամները պետք է պարտադիր կերպով շրջանառության մեջ մտնեին ամբողջ Իրանում³⁷: Բանկի սկզբնական կապիտալը շորս միլիոն ֆունտ ստեռլինգ էր:

³⁶ اسماعیل رائین، میزما ملکم خان، تهران، ۱۳۰۵ صفحه ۱۷

³⁷ محمد علی جمال زاده، گنج شایگان یا اوضاع اقتصادی ایران، تهران ۱۳۳۵ صفحه ۱۰۹

Բանկի իրավունքների մեջ էր մտնում նաև ստորերկրյա հարստությունների շահագործումը: Հետաքրքրական է, որ բանկը կարող է անհրաժեշտության դեպքում այդ իրավունքը վաճառել³⁸:

«Շահնշահի բանկը» արտաքուստ համարվում էր իրանական բանկ, բայց փաստորեն այն ղեկավարվում էր անգլիացիների կողմից և իրականացնում էր անգլիական իմպերիալիստների տնտեսական քաղաքականությունն Իրանում: Բանկի վարչությունը մշտապես գտնվում էր Անգլիայում և այն ենթակա չէր իրանական օրենքներին:

Ստացած բոլոր արտոնությունների դիմաց բանկը պատավոր էր իրանական կառավարությանը վճարել մաքուր եկամտի ընդամենը վեց տոկոսը:

Շուտով բանկն իր բաժանմունքները հիմնեց Իրանի բոլոր ծայրամասերում և երկրի դրամական համարյա ամբողջ շրջանառության գործը վերցրեց իր ձեռքը: Տարբեր նահանգներում պետութայնը տրվելիք հարկերը կենտրոն էր փոխանցվում բանկի միջոցով: Բանկը ֆինանսական գործարքներ էր կատարում ոչ միայն պետական մարմինների և հիմնարկների, այլև մասնավոր անձանց հետ: Նա պարտքեր էր տալիս առանձին մարդկանց և ի պահ վերցնում նրանց գումարները:

Բանկն ամբողջ երկրով մեկ ընդարձակ գործունեություն ծավալեց և վճռական դեր խաղաց Իրանում անգլիական իմպերիալիզմի գերիշխանության հաստատման գործում:

Ղաջարական դինաստիայի իշխանության ժամանակ մեծ պաշտոններ զբաղեցրած և մի շարք գործերի հեղինակ էթեմադ էս Սալթանեն հետաքրքիր մանրամասնություններ է հաղորդում անգլիական բանկի, կոնցեսիայի շնորհման պատմության մասին: Նա վկայում է, որ անգլիական խոշոր բանկատեր Ռեյտերը բանկի կոնցեսիոն իրավունքը ստանալու համար իրանական ղեկավարներին, այդ թվում և իրեն՝ էթեմադ էս Սալթանեին, մեծ գումարների կաշառքներ տվեց: Ռեյտերի հետ ունեցած հարաբերությունները պարզելու համար, շահի հրամանով հրավիրվում է հատուկ խորհրդակցություն, որին մասնակցում էին Նայեբ էս Սալթանե Աղոդ

³⁸ Նույն տեղում, էջ 111:

օլ Մուքը, Սահեր Դիվան Մոշիր էդ Դուլեն, Ամին էդ Դուլեն,
 Մոխբեր էդ Դուլեն, Ղավամ էդ Դուլեն, Ամին Հոզուրը, էդբալ
 օլ Մուքը, Հաքեմ օլ Մամալեքչի և ինքը՝ էթեմադ էս Սալթա-
 նեն: Բացման խոսք է ասում ինքը՝ Նասր էդ Դին շահը: Նշե-
 լով, որ խորհրդակցությունը հրավիրել է Ռեյտերի կոնցե-
 սիայի հարցը քննարկելու նպատակով, Շահն ասում է. «Այն-
 պես արեք, որ տասը տարի հետո Իրանի պառավ կանայք
 ինձ՝ Իրանի շահիս, շանիժեն և ծերունիները շախսարակեն»:
 Նիստի մասնակիցներին շահն, այնուհետև, տեղեկացնում է,
 որ Ռեյտերի ներկայացրած փաստաթղթերի համաձայն
 Իրանի կառավարությունը նրան մոտ մեկ քրուր (տասը հա-
 ղար—Հ. Ն.) թուման փոխհատուցում պետք է տա, որպեսզի
 նախկին կոնցեսիայի փաստաթղթերը կարողանա ետ վերց-
 նել և այն բեկանել: Նա հայտնում է, որ Ռեյտերն առաջար-
 կում է նաև մեկ այլ՝ Իրանի համար օգտակար և նպատա-
 կահարմար ելք, այն է, թույլ տալ բանկ ստեղծել Իրանում,
 որի դեպքում նա պատրաստ է ոչ միայն առանց փոխհա-
 տուցման շեղյալ հայտարարել նախկին կոնցեսիան, այլև
 նույնիսկ համաձայն է Իրանին լրացուցիչ գումար տալ³⁹:

էթեմադ էս Սալթանեն վկայում է, որ այդ կոնցեսիան
 ստանալու համար հիսուն հազար լիրա կաշառք տրվեց մեծ
 վեզիր Միրզա Հոսեյն խանին, քսան հազարական լիրա՝ Միր-
 ղա Մալքոմ խանին, Հաջ Մոհսեն խան Մոյին օլ Մուլքին,
 Մոշիր էդ Դուլեին և այլն: Կաշառքների ընդհանուր գումարը
 կազմում էր մոտ երկուհարյուր հազար լիրա, իսկ այլ ծախ-
 սերն էլ՝ հարյուր հազար լիրա⁴⁰:

Իսկ ինչպես էին վերաբերվում այդ հարցին ցարական
 իշխանությունները:

Անդրադառնալով Իրանում անդլիական բանկ հիմնելու
 հարցի նկատմամբ Ռուսաստանի դիրքորոշմանը, էթեմադ էս
 Սալթանեն գրում է, որ ռուսական դեսպան Դուլգոսուկին իր
 կառավարությունից խիստ ցուցումներ ստանալով, հանդի-
 սում է իրեն և պահանջում, որ անդլիական բանկի սլայմա-

³⁹ اسرار انحطاط ایران یا خواب مرجوم اعتماد السلطنه مشرق

⁴⁰ նույն տեղում, էջ 75:

նազիրը բեկանվի, այլապես ուսական բանակը կներխուժի Իրան: Նա ավելացնում է նաև, որ ցարական կառավարութ-
վյունը ոչ մի դեպքում թույլ չի տա շահի ճամփորդությունը
դեպի Կոնդոն ուսական տերիտորիայի վրայով⁴¹:

Էթեմադ էս Սալթանեն այցելում է ուսական դեսպա-
նատուն և Դոլգոուկիին հայտնում, որ անգլիական բանկի
կոնցեսիայի դիմաց, որը, իբր, առանձնապես չի ուժեղաց-
նում Անգլիայի ազդեցությունը, պատրաստ է այլ կոնցեսիա-
ներ տալ ցարական Ռուսաստանին, որպեսզի նա ամրապնդի
իր սասանված դիրքերն Իրանում: Մի քանի օր հետո Դոլգո-
ուկին դալիս է էթեմադ էս Սալթանեի մոտ և հայտնում,
որ ցարական Ռուսաստանը պահանջում է Էնդելիից Թեհրան
տանող ճանապարհի կառուցման կոնցեսիան, այդ ճանա-
պարհով հետագայում երկաթգիծ կառուցելու պայմանով⁴²:

Անգլիական բանկի հիմնադրման, նրա խաղացած դերի
և կործանիչ հետևանքների հարցը մանրամասն քննարկել է
էբրահիմ Թեյմուրին: Նա անգլիական «Շահնշահի» կոշվող
բանկի ամբողջ գործունեությունը դնահատում է այսպես.
«Շահնշահի բանկը անգլիական այն հիմնարկներից մեկն
էր, որը մոտավորապես կես դար տնտեսական ստրկության
շղթա գցեց Իրանի ժողովրդի ոտքերին»⁴³:

Ներկայացնելով կոնցեսիայի պատմությունը, հե-
ղինակը գրում է, որ որպես նրա տրամադրման նախապայ-
ման, նասր էդ Դին շահն Իրանում անգլիական դեսպան
Դորթմունդ Վոլֆից և Ռեյտերից պահանջում է հարյուր հա-
զար թումանի (քառասուն հազար անգլիական լիրա)
պարտք՝ շահի Եվրոպա նախատեսվող ճամփորդության ծախ-
սերը հոգալու համար: Այսպիսով, Ռեյտերն Իրանում վաթ-
սուն տարի ժամանակով, թղթադրամների բացթողման մե-
նաշնորհ ունեցող, բանկ հիմնելու կոնցեսիա ստացավ: «Այս
բանկը,—գրում է Թեյմուրին,—վաթսուն տարիների ընթաց-
քում և հատկապես այն քառասուն տարիներին, երբ թղթա-
դրամների բացթողման մենաշնորհ իրավունքն ուներ, էա-
կանապես միջամտում էր Իրանի հասարակական, տնտեսա-

⁴¹ Նույն տեղում, էջ 77:

⁴² Նույն տեղում, էջ 78:

⁴³

دراهیم تیموری، عصر بی خبری... صفحہ ۱۷۸

կան և քաղաքական բոլոր բնագավառներում, ցանկութեան պահին, հօգուտ Անգլիայի քաղաքականութեան, դժվարություններ էր ստեղծում իրանական կառավարութեան համար և տեղի-անտեղի, սննդամթերքի, ածխի և առաջնահերթ ու անհրաժեշտ այլ ապրանքների գնումով արհեստական սով էր ստեղծում: «Շահնշահի բանկը» պալատի և կառավարութեան ազդեցիկ անձանց, հոգևորականներին և այլոց տարբե-
անվանումների տակ կաշառքներ էր տալիս և նրանց գնում էր: Երբ նրանից պարտք էին ուզում, դյուրին պայմաններով երկարաժամկետ պարտքեր էր տալիս և, այդպիսով, օգտագործում էր իր ազդեցութեանը պետական ապարատում ու անօրինական միջամտութեաններ կատարում: Իրականում այս բանկն անգլիական դեսպանութեան գանձարանն էր և մշտապես վայելում էր անգլիական կառավարութեան հովանավորութեանը»⁴⁴:

Ելնելով կոնցեսիոն իրավունքի պայմաններից, «Շահնշահի բանկը» որոշ ժամանակ անց Իրանի ստորերկրյա հանքանյութերի արդյունահանման և օգտագործման իրավունքը 150 հազար ստեռլինգի դիմաց վաճառում է անգլիական մի ընկերութեան, որը կոչվում էր «Իրանի հանքերի փայտեր բանկ», և որի բաժնետերերի մեջ կային նաև ռուս և բելգիացի կապիտալիստներ: Բանկն անմիջապես գործունեութեան է ծավալում. նա մասնագետներ և տեխնիկա է ուղարկում հարավային շրջանները, հատկապես Քերմանի նահանգ՝ նախնական հետազոտութեանների համար: Սակայն այդ ժամանակ որչ ևրկրով մեկ պայքար էր գնում ծխախոտի կոնցեսիայի դեմ: Նման պայմաններում, բնականաբար, անգլիացի մասնագետները հանդիպեցին տարբեր տեսակի դժվարութեանների, և, վերջիվերջո, նրանց գործունեութեանը խափանվեց⁴⁵:

Հասկանալի է, որ անգլո-ռուսական ընդհանուր մրցակցութեանն արտահայտվում էր նաև Իրանի ֆինանսների բնագավառում, և ցարական Ռուսաստանն այդտեղ ևս ջանում էր ետ շմնալ իր ախոյանից: Անդրադառնալով այդ հարցին, Ալի Ասղար Շամիմը նշում է. «Ցարական կառավարութեանը

⁴⁴ Նույն տեղում, էջ 209:

⁴⁵ Նույն տեղում, էջ 211—213:

տնտեսական և քաղաքական կոնցեսիաներ ձեռք բերելու գործում Անգլիայի շափ հաջողություններ շուներ: Համենայն դեպս, անգլիական կառավարության կամ նրա հպատակներին տրված յուրաքանչյուր արտոնության դիմաց ուսաստանականները նույնպես ջանքեր էին գործադրում նման արտոնություններ ձեռք բերելու համար»⁴⁶:

Իրանի ֆինանսներում Ռուսաստանի ազդեցության ուժեղացմանն ակադամ կարևոր միջոցառումներից էր ուսական բանկի հիմնադրումը: 1890 թ. ապրիլի 21-ին ուսահայտնի ֆինանսիստ Պոլյակովը իրանական կառավարության հետ մի կոնցեսիոն պայմանագիր կնքեց, որը նրան իրավունք էր տալիս հիմնադրել մի խոշոր բանկ՝ «Պարսկաստանի հաշվավարկատու բանկ» անունով: Կոնցեսիայի տևողությունը սահմանվում էր 75 տարի:

Ազբյուրները որոշ մանրամասնություններ են հաղորդում Պոլյակովին տրված կոնցեսիայի մասին:

Թեյմուրին գրում է, որ էմին էս Սուլթանն անգլիական իմպերիալիստներին մի շարք կոնցեսիաներ տալուց հետո, մի կողմից Ռուսաստանին հանգստացնելու և մյուս կողմից երկու տերությունների միջև մրցակցությունը սրելու նպատակով հանդիպում է ցարական դեսպան Դոլգոռուկին և խոստանում նման կոնցեսիաներ, հատկապես բանկի հիմնադրման կոնցեսիա տալ նաև ցարական Ռուսաստանին: Որոշ բանակցություններից հետո նրանց միջև այդ առթիվ համաձայնություն է կայանում, սակայն պայմանով, որ Պոլյակովի գործողությունները շահասեն անգլիական բանկի կոնցեսիայի պայմաններին⁴⁷:

Այսպիսով, ցարական կառավարությունն իրանում ստեղծում է մի բանկ, որը ոչ միայն պետք է հակադրվեր անգլիական բանկին, այլև պետք է ջանար ընդարձակել երկրում Ռուսաստանի տնտեսական և քաղաքական ազդեցությունը:

Ռուսական այս բանկը փաստորեն ցարական բանկի մի

⁴⁶ علی اصغر شمیم، ایران در دوره سلطنت قاجار، تهران ۱۳۴۲، صفحه ۱۹۷

⁴⁷ ابراهیم تیموری، عصر بی خبری... صفحه ۳۴۷

մասնաճյուղն էր: Այն իր գրասենյակներն ուներ Իրանի տար-
բեր քաղաքներում և իր գործունեությամբ մեծապես նսլաս-
տում էր Ռուսաստանի տնտեսական ներթափանցմանն Ի-
րան: Բանկը ոչ միայն խոշոր գումարներ էր պարտք տալիս
Իրանի կառավարությանը, այլև միջնորդում էր Իրանից
տարբեր կոնցեսիաներ ստանալու գործում: Ալի Ասդար Շա-
միմը գրում է, որ հաշվավարկատու ուսական բանկն «ար-
տաքուստ մի առևտրական հիմնարկ էր, բայց, իրականում,
Իրանում ցարական Ռուսաստանի տնտեսական և քաղաքա-
կան ազդեցության հաստատման և ընդարձակման միջոց
էր»⁴⁸:

Հասկանալի է, որ ցարական իշխանությունները այս
բանկն օգտագործում էին ոչ միայն իրենց տնտեսական և
քաղաքական ազդեցությունն Իրանում ուժեղացնելու համար,
այլ նաև իրենց հակառակորդ ու մրցակից Անդլիայի դեմ
պայքարելու և Իրանում նրա ազդեցությունը նվազեցնելու
նպատակով:

Էբրահիմ Թեյմուրին գրում է, որ ուսական բանկը, անդ-
լիական բանկի «միակ մրցակիցն» էր, և որ նրանց մրցակ-
ցությունը, երբեմն, իրանական ժողովրդի համար վտանգա-
վոր հետևանքներ էր ունենում⁴⁹: Նա նշում է նաև, որ մրցակ-
ցելով, այդ երկու բանկերը հաճախ շեղոքացնում էին միմ-
յանց գործունեությունը: Դեռ ավելին, որոշ աղբյուրներ
բացահայտ նշում են, որ ուսական բանկը առևտուր չէր ա-
նում, օգուտի հետևից չէր ընկած, որ ուսական կառավա-
րության հատուկ գործակատարն էր և ցարական Ռուսաստանի
քաղաքականությունն էր առաջ մղում: Նա՝ իրանցի բոլոր
առևտրականներին իր կողմն էր դրավել⁵⁰:

Սակայն հասկանալի է, որ այդպիսի մրցակցության
առաջացումը բխում էր նաև իրանական շրջանների որոշ
հեռատես ներկայացուցիչների քաղաքականությունից, որոնք,
հակադրվելով երկու խոշոր հարևաններին, հույսեր ունեին
ստեղծված վիճակը փրկել:

48. علی اصغر شمیم، ایران در دوره سلطنت قاجار، تهران ۱۳۴۲، ص ۱۹۸

49. ابراهیم تیموری، عصر بی خبری... ص ۲۰۹

50. محمود محمود، تاریخ روابط سیاسی... جلد ششم ص ۱۶۵۴

Մալեք զադեն խոսում է ռուսական բանկի քաղաքական ազդեցության և այն դերի մասին, որ նա խաղում էր Իրանի նեխած վերնախավին կաշառելու և կախման մեջ գցելու տեսակետից: Նա գրում է. «Մի քանի տարի իսկ շանցավ, որ Իրանի ղեկավարների, արքայազների, պալատականների, հոգևորականների և առևտրականների իննսուն տոկոսը ռուսական վարկատու բանկին գումարներ պարտք մնացին և հզոր ու ազրեսիվ հարևանի քաղաքական տիրապետության և ազդեցության տակ ընկան: ...Ռուսները մի քանի միլիոն ռուբլով գնեցին իշխող դասակարգերին ... և, եթե Իրանի ապագա ղեկավարները ցանկանան իրազեկ լինել այս ճշմարտությանը, կարող են դիմել հաշվավարկատու բանկի մատչաններին, որոնք ռուսական հեղափոխությունից հետո հանձնվեցին Իրանին»⁵¹:

Ռուսական բանկի քաղաքականությանը նույնպիսի գնահատական է տալիս նաև Մոհամադ Ալի Ջամալ զադեն: «Այս բանկի հիմնադրման պատճառը, — գրում է նա, — պետք է համարել ռուսական կառավարության՝ Իրանում իր ազդեցությունն ընդարձակելու մտադրությունը: Սկզբում բանկի գործունեությունը սահմանափակվում էր անգլիական «Շահրնշահի բանկի» հետ մրցակցությամբ և անգլիական ազդեցության թուլացմանն ուղղված պայքարով: Իսկ այնուհետև ռուսական ազդեցությունն ուժեղացնելու նպատակով նաև բանկը մեծ ջանքեր թափեց, հսկայական գումարներ պարտք տվեց պալատականներին, ազնվականներին, ազդեցիկ անձանց և հոգևորականներին: Հաճախ պարտքի գումարը մի քանի անգամ գերազանցում էր պաշտոնյայի վճարելիք հարկերի գումարից: Այդ հարցում բանկն այնպիսի շափազանցությունների մեջ ընկավ, որ երբ 1322 թ. (1904—1905 թթ.) Ռուսաստանի ֆինանսների մինիստրությունը բանկի վարկերը դադարեցրեց, պարզվեց, որ 30 միլիոն ռուբլի նախնական կապիտալից գանձարանում մնացել է միայն երեք միլիոն ռուբլի, իսկ մնացածը պարտք է տրվել ազնվականներին, առևտրականներին և հոգևորականությանը:

51 مهدي ملكزاده، تاریخ انقلاب مشروطیت ایران، تهران ۱۳۲۸ ۱۶۴ صفحه

Միայն Քեհրան քաղաքում բանկի ստանալիքը 16 միլիոն
ռուբլի էր»⁵²:

Ինչպես տեսնում ենք, պարսիկ հեղինակները խորը կերպով վերլուծելով անգլիական և ռուսական բանկերի գործունեության երկարամյա պատմությունը, ցույց են տալիս նրանց որոշիչ դերը երկիրը կիսագաղութի վերածելու գործում:

*

* *

Պարտքերը գաղութատիրական պետությունների համար հնարավորություններ էին ստեղծում իրենց քաղաքական և տնտեսական ազդեցությունը տարածելու և Արևելքի թույլ դարգացած ու հետամնաց ժողովուրդներին ստրկական կախման մեջ պահելու համար:

Նույնը տեղի ունեցավ նաև Իրանում: Մինչև XIX դարի 70-ական թվականները Իրանը Արևելքի այն բացառիկ պետություններից էր, որ պարտք չուներ: Անհրաժեշտության դեպքում, երբ ուրիշ երկրներում, օրինակ, կառավարությունները դիմում էին ներքին կամ արտաքին պարտքերի, Իրանի շահը հարցը լուծում էր յուրովի, դանձարանը լցնելու համար նա պարզապես ժողովրդի վրա նոր հարկեր էր բարդում, շնայած դրանք առանց այն էլ ծանր էին⁵³:

Սակայն սկսած 70-ական թվականներից, Իրանի կառավարությունը և անձամբ շահը երկրի քայքայված տնտեսության ու քաղաքական անարխիայի պայմաններում, իրենց ծախսերը հոգալու համար շարունակ խոշոր գումարի պարտքեր էին վերցնում օտար երկրներից, հատկապես իմպերիալիստական Անգլիայից և ցարական Ռուսաստանից:

Առաջին անգամ 1873 թվականին էր, որ Նասր էդ Դին շահը փորձեց պարտք վերցնել Անգլիայից: Նա առաջին անգամ ճանապարհորդելու էր Եվրոպա, և նախապես կարգադրել էր ճամփորդության ծախսերը հոգալու համար դիմել Զուլիոս Ռեյտերին և երկու հարյուր հազար ստեռլինգ

⁵² Տե՛ս նույն տեղում, էջ 348:

⁵³ Э. Вульфсон., Персы в их прошлом и настоящем, Москва, 1909, стр. 110.

պարտք վերցնել: Պարտքի համաձայնագիրն ստորագրվեց 1873 թվականի ապրիլի 6-ին: Շահի այս պարտքը նրա վերադարձից հետո վճարեց մեծ վեզիր Միրզա Հոսեյն խան Սեփահասալարը:

Իրանական աղբյուրներում ճիշտ կերպով նշվում է, որ այս պարտքը, այնքանով, որքանով կասված չէր որևէ պայմանի հետ, արտակարգ նշանակություն շուներ, սակայն նախադեպ հանդիսացավ, որպեսզի հետագայում շահն իր զբոսանքների և շվայտ կյանքի ծախսերը հոգալու համար դիմի նման միջոցի:

Անգլիայից երկրորդ անգամ պարտք վերցվեց 1889 թվականի հունվարին, նորից նասր էդ Դին շահի եվրոպական ճանապարհորդության ծախսերի համար: Պարտք վերցվեց քառասուն հազար ստեռլինգ:

Նասր էդ Դին շահը նախապես «Շահնշահի բանկի» կոնցեսիոն պայմանագիրն ստորագրելիս, Ռեյտերից գրավոր պարտավորություն էր պահանջել քառասուն հազար ստեռլինգ պարտք տալու համար: Ռեյտերը 1889 թվականի հունվարի 3-ին պատասխանել էր, որ եթե իրանական կառավարությունը նրան վերադարձնի այն քառասուն հազար ստեռլինգը, որը իրանական կառավարության հաշվին, որպես երաշխիք 1872 թվականի կոնցեսիայի, տրվել էր անգլիական բանկին, ապա Ռեյտերը կհամաձայնվեր այդ պարտքը տալ:

Միայն այն բանից հետո, երբ իրանական կառավարությունը թույլատրեց անգլիական բանկին քառասուն հազար ստեռլինգը վերադարձնել Ռեյտերին, վերջինս համաձայնվեց այդ գումարը տալ նասր էդ Դին շահին⁵¹:

Լևելի խոշոր գումար էր կազմում 1892 թվականի մայիսին՝ ծխախոտի կոնցեսիայի բեկանման կապակցությամբ վերցրած պարտքը:

Երբ համընդհանուր դժգոհության հետևանքով այդ կոնցեսիան բեկանվեց և ընկերությունը ստիպված լուծարքեց իր ստեղծած կազմակերպությունները, երկու կողմերի միջև կայացած համաձայնությամբ, Իրանը պարտավորվեց, որ-

պես վնասների փոխհատուցում ընկերությանը վճարել հինգ հարյուր հազար ստեռլինգ: Թեյմուրին գրում է, որ կառավարութիւնը ստիպւած սկզբում դիմեց անգլիական «Շահնշահի բանկին», բայց վերջինս շատ ծանր պայմաններ առաջարկեց: Բանկն առաջարկում էր պարտքի ժամկետը սահմանել տասնհինգ տարի, 10 տոկոսով, և, ամենակարևորը, որպես երաշխիք այդ գումարի շափով թագավորական դարդեղենները պահ տալ բանկում: Նասր էդ Դին շահը շահամաձայնվեց այդ պայմաններին և կարգադրեց, որպեսզի Իրանի ներկայացուցիչներն անհապաղ բանակցութիւններ սկսեն Ռուսաստանի և Օսմանյան կառավարութիւնների, ինչպես նաև գերմանական, իտալական և ավստրիական բանկերի հետ: Երբ հատկապես Ռուսաստանի հետ բանակցութիւններն սկսեցին հաջող ընթանալ, անգլիական կառավարութիւնն անմիջապես միջամտեց, և նրա համաձայնութեամբ «Շահնշահի բանկը» պատրաստակամութիւն հայտնեց հինգ հարյուր հազար ստեռլինգ պարտք տալ Իրանին՝ վեց տոկոսով և քառասուն տարի ժամկետով⁵⁵:

Այդ պարտքի երաշխիքը պետք է լինեին հարավի մարսային եկամուտները: «Անհրաժեշտ է նշել,—գրում է Թեյմուրին,—որ «Շահնշահի բանկից» այս պարտքը վերցնելուց հետո, պալատի և կառավարութեան քաղաքականութիւնը թեքվել էր դեպի Ռուսաստան: Նասր էդ Դին շահը, և հատկապես նրա վեզիր Ամին էս Սոլթանը, մտադիր էին Ռուսաստանից չոթ հարյուր հազար ստեռլինգ պարտք վերցնել՝ անգլիական բանկի պարտքը վճարելու, իսկ մնացածն իրենց անիմաստ ծախսերին հատկացնելու համար: Սակայն այդ ուղղութեամբ տարվող բանակցութիւններն արդյունքի չհասան՝ Նասր էդ Դին շահն սպանվեց»⁵⁶:

Պարտք վերցնելու փորձ կատարվեց նաև 1898 թվականին:

Երբ թագաժառանգ Մոզաֆար էդ Դինը հոր մահից հետո գահին նստելու համար իրեն շրջապատող մարդկանց հետ Թավրիզից Թեհրան եկավ, մեծ գումարներ ծախսվեցին: Իսկ երբ նա մտադրվեց նաև Եվրոպա ճամփորդել, պարտք վերց-

⁵⁵ Նույն տեղում, էջ 368:

⁵⁶ Նույն տեղում, էջ 370:

նելու անհրաժեշտութիւնն ավելի սաստկացաւ: Թեյմուրին վկայակոչում է, որ Ամին էդ Դուլեն ցանկանում էր երկրի տարրեր բնագավառներում բարեփոխումներ անցկացնել: Պետական եկամուտներն ավելացնելու նպատակով նա որոշում է որևէ շեղոք երկրից, ինչպես օրինակ, Բելգիայից մասնագետ խորհրդատուներ հրավիրել, իսկ ֆինանսական ճգնաժամը վերացնելու և շինարարական աշխատանքներ ծավալելու նպատակով դարձյալ որևէ շեղոք երկրից պարտք վերցնել: Նոր մեծ վեղիր Ամին էդ Դուլեն, որը հակառակ Ամին էս Սուլթանի, անգլիական կողմնորոշում ուներ, Մոզաֆար էդ Դին շահի պնդմամբ անգլիացիների հետ բանակցութիւններ մեջ մտաւ՝ երկու միլիոն ստեռլինգ պարտք վերցնելու համար: Այդ բանակցութիւնները, սակայն, որևէ արդյունք չտվին: Անգլիացիները գտնում էին, որ իրանական կառավարութեան պահանջած գումարը շատ մեծ է, իսկ նրա երաշխիքը անբավարար: Մյուս կողմից էլ, անգլիական կառավարութեան առաջարկած պայմաններն արտակարգ ծանր էին: Անգլիացիների հետ Ամին էդ Դուլի վարած բանակցութիւնների հետևանքն եղավ այն, որ անգլիացիները համաձայնվեցին մեկ միլիոն երկու հարյուր հիսուն հազար ստեռլինգ պարտք տալ Իրանին՝ հիսուն տարի ժամկետով և հարյուրին հինգ տոկոսի պայմանով: Դրա դիմաց նրանք պահանջեցին իրենց տրամադրել երկրի ամբողջ հարկերի և մաքսային եկամուտների հավաքման գործը: Չնայած Մոզաֆար էդ Դին շահը պնդում էր այդ գործարքն ավարտել, սակայն Ամին էդ Դուլեն, մի կողմից՝ ծանր պայմանների և մյուս կողմից ցարական Ռուսաստանի սպառնալիքի ազդեցութեան տակ ձգձգում էր նրա ստորագրումը: Վերջապես, Ամին էդ Դուլեն ստիպված եղավ 1898 թ. հունիսի 5-ին հրաժարական տալ, և գործարքը շկայացաւ⁵⁷:

Երբ մեծ վեղիրին փոխելու հարց ծագեց, անգլիացիները, զգալով, որ Իրանի քաղաքական թատերաբեմում նորից կարող է հայտնվել ռուսական կողմնորոշում ունեցող Ամին էս Սուլթանը, իրանական կառավարութեանը հանձնեցին մի հուշագիր, որն, իրականում, վերջնագրի բնույթ էր կրում:

⁵⁷ Նույն տեղում, էջ 374:

Նոր մեծ վեզիր Ամին էս Սուլթանը, պաշտոնի անցնելով, ընդունեց անգլիացիների պահանջը և, միաժամանակ, բանակցություններ սկսեց Թեհրանում ուսական դեսպանության հետ, որոնք 1900 թվականի հունվարին ավարտվեցին Ռուսաստանի կողմից Իրանին նոր պարտք տրամադրելու մասին պայմանագրի ստորագրմամբ:

Պարտքի գումարը կազմում էր 22 և կես միլիոն ուրբլի, հարյուրին հինգ $\%$ -ով վերադարձնելու պայմանով: Պարտքի երաշխիք էին համարվում Իրանի մաքսային եկամուտները (բացի Ֆարսի և Պարսից ծոցի մաքսերից): Հետաքրքրական է նշել, որ այս 1900 թվականի պարտքի սպայմանների մեջ մտցված էր մի կետ, որի համաձայն նախքան ամբողջ պարտքը մարելը Իրանը, առանց Ռուսաստանի համաձայնության իրավունք չուներ որևէ ուրիշ պետութայունից պարտք վերցնել՝ երաշխավորված կամ չերաշխավորված: «Խեղճ իրանցիներն էլ ստիպված էին ընդունել երկրի անկախությունը խախտող այդ պայմանը», գրում է Դովլաթաբադին⁵⁸:

Անդրադառնալով այս հարցին Դովլաթաբադին նշում է, որ անգլիացիները միայն դրանից հետո ղգացին, թե այդ պարտքերի շնորհիվ ինչքան է ուժեղացել ցարական Ռուսաստանի ազդեցութայունն Իրանում, և իրենք էլ ձեռնամուխ եղան Իրանին պարտքեր տալուն, բայց ուսաները նրանց ճանապարհն արդեն փակել էին:

1900 թվականի հունվարի 2-ին կնքված պայմանագրով Ռուսաստանից վերցրած այս պարտքը առաջին ուժեղ հարվածն էր Իրանում Բրիտանիայի հեղինակութայանը: Այդ ժամանակից էլ սկսում է Անգլիայի ազդեցութայան անկումն Իրանում:

Ռուսաստանից վերցրած այս պարտքը իր բնույթով և ունեցած հետևանքներով շատ ծանր էր Իրանի համար: Այդ մասին են վկայում իրանական մի շարք հեղինակներ:

Քննարկելով նրա շուրջը ծավալված պայքարի պատմութայունը, վերոհիշյալ հեղինակները, հատկապես, փորձում են տալ այն հարցի պատասխանը, թե ինչո՞ւ անգլիացիները,

⁵⁸ یحیی دولت آبادی، حیات یحیی جلد اول تهران ۱۹۵۷ صفحه ۳۱۴

որոնք սկզբում իրենք էին լրջորեն մտադիր Իրանին պարտք տալ, խիստ միջոցների շղիմեցին և թույլ տվեցին Իրանի կառավարութեանը պարտք վերցնել Ռուսաստանից: Ոմանք գտնում են, որ դրա պատճառը Անգլիայի մեծ հոգսերն էին աշխարհի տարբեր մասերում, հատկապես հեռավոր Արևելքում և Հարավային Աֆրիկայում, Ֆրանսիայի և Ռուսաստանի հետ ունեցած տարաձայնությունները: Այդ պայմաններում նրան ձեռնտու չէր Մերձավոր Արևելքում բախման մեջ մտնել Ռուսաստանի հետ⁵⁹:

«Երբ Մոզաֆար էդ Դին շահը և Ամին էս Սուլթանն այդ պարտքը վերցրին ցարական Ռուսաստանից և այդ ստրկացուցիչ պայմանագիրը ստորագրեցին,— գրում է Թեյմուրին,— ժողովրդի համընդհանուր ատելությունն իրենց նկատմամբ նվազեցնելու համար թերթում պաշտոնական հայտարարություն հրատարակեցին և որոշ անհամոզիչ պատճառներով փորձեցին արդարացնել իրենց արարքը: Չնայած իրանական ժողովրդին խոստանում էին այդ պարտքի գումարների մի մասը տրամադրել երկրի բարեկեցութեանն ու շենությունն ուղղված որոշ միջոցառումների, սակայն, վճարելով միայն «Շահնշահի բանկի» շորս հարյուր հազար ստեռլինգը, մնացած դրամը վերցնելով մեկնեցին Եվրոպայոթ ամիս շարունակ շրջեցին Եվրոպական տարբեր երկրներում և ուրախ կյանք վարեցին»⁶⁰: Ցարական Ռուսաստանից վերցրած այս պարտքը մեծ դժգոհություն առաջացրեց երկրում: Իրանական հասարակայնության լայն շրջանները գիտակցում էին, որ ստացված գումարները ծախսվելու էին ոչ թե երկրի բարեկեցութեան համար, այլ պետք է ծառայեին շահին ու նրան շրջապատող պորտաբույծ տարրերին:

«Ցավոք սրտի,— գրում է Մալեք զադեն,— իրանցի հայրենասերների ջանքերը և աշխարհի ազատատենչ մամուլի արձագանքներն այս պարտքի դեմ որևէ արդյունքի չհասան: Դավաճան դեկավարներն ու շահամուլ պալատականները Իրանի անկախության և պատվի գնով այդ նենգ պարտքն իրականացրին: ...Թույլ, աղքատ և քայքայված Իրանի

59

ابراهيم تيموری، عصر بی خبری... ص ۲۸۴

⁶⁰ նույն տեղում:

պարտքը հարևան հզոր պետութիւնից, որ մի ամբողջ դար փայփայում էր Իրանը Կադուսթացնելու մտադրութիւնը և գնալով ավելացնում էր իր ազդեցութիւնն այս խեղճ ժողովրդի մարմնի և հոգու վրա, այն էլ այնպիսի պայմաններով, երբ հաստատւում էր ուժեղ պետութեան դերիշխանութեան իրավունքը թույլ երկրի մի մասում, ամենածանր հարվածն էր, որ հասցվեց Իրանի ժողովրդի կյանքին: Դա, միաժամանակ, պատմական մեծագույն մի արատ էր, որը ղաջարական բռնապետական կառավարութիւնն իրենից հիշատակ թողեց, քանի որ մինչև այսօր էլ չի լսվել, որ մի ժողովրդի ղեկավարները հաճույքի համար իրենց երկիրը օտարներին վաճառեն»:

Այս ամենն արձանագրելուց հետո հեղինակը հանդում է միանգամայն ճիշտ եզրակացութեան:

«Կասկած չկա, — գրում է նա, — որ եթե 1914 թվականի համաշխարհային պատերազմը տեղի չունենար և Ռուսաստանում կարգերը շփոխվեին, Իրանի կառավարութիւնն ի վիճակի չէր լինի ուսանելից վերցրած դրամը վերադարձնել և նրանց օրեցօր աճող ազդեցութիւնը պակասեցնել և գուցե այսօր Իրանի հնագույն երկրից աշխարհում ոչ մի հետք չմնար»⁶¹:

Հեղինակն այսպիսով ընդունում է Հոկտեմբերյան սոցիալիստական մեծ հեղափոխութեան դերը Իրանի պատմութեան հետագա զարգացման և Իրանի անկախութեան ու ամբողջականութեան պահպանման գործում:

Ճիշտակոված հարցին է անդրադառնում նաև Ահմադ Քասրավին իր «Իրանի սահմանադրութեան պատմութիւնը» արժեքավոր աշխատութեան մեջ: Մանրամասն նկարագրելով Ռուսաստանից պարտք վերցնելու ողջ պատմութիւնը, Քասրավին նշում է, որ այն մեծ դժգոհութիւն առաջացրեց ժողովրդական զանգվածների մեջ, և որ նրանք այդ բանում մեղավոր էին ճանաչում Աթաբեկին, համարելով նրան «հյուսիսային հարևանի քաղաքական գործիք»⁶²:

Այդ իրադարձութիւնների նկատմամբ Անգլիայի գրաված

⁶¹ مهدي ملكزاده، تاریخ انقلاب مشروطیت ایران تهران ۱۳۲۸ ص ۱۶۳-۳

⁶² احمد کسروی، تاریخ مشروطه ایران، تهران ۱۳۴۰ ص ۲۵-۱۴

դիրքի մասին հետաքրքիր վկայություններ կան պարսիկ հեղինակների աշխատություններում: Մահմուդ Մահմուդն, օրինակ, հաղորդում է, որ անգլիացիներն Աթաբեկին համարում էին իրենց երգվյալ թշնամին, այդ պատճառով էլ պատրաստ էին Ամին էդ Դուլեին օգնություն ցույց տալ: Եվ, անկասկած, եթե Անգլիայի համար համաշխարհային քաղաքական դրությունը նպաստավոր լիներ, ապա նա Իրանին պարտք կտրամադրեր: Սակայն անգլիացիներն այնպիսի վիճակում էին, որ չէին կարող Իրանում բախվել Ռուսաստանի հետ, որն այդ ժամանակ ռազմական տեսակետից բավական ուժեղ էր⁶³:

Մահմուդը գրում է, որ իրանցիները ցարական Ռուսաստանի բարեկամը չէին և, նույնիսկ, նրանց ատում էին: Անգլիայի պարտության համար նա հանցավոր է համարում հենց իրենց՝ անգլիացիներին, որոնք «Մոզաֆար էդ Դին շաֆի թագավորության սկզբում և Ամին էդ Դուլեի մեծ վեզիրության ժամանակ տնտեսական ոչ մի օգնություն չցուցաբերեցին Իրանին: Եթե այդպիսի օգնություն լիներ, ապա Իրանը երբեք դեպի Ռուսաստան չէր թեքվի»⁶⁴:

Պարսիկ հեղինակներն անդրադառնալով Իրանի ժողովրդի մեջ այս պարտքի առաջացրած զայրույթին, հիշատակում են Իրանի ղեկավարների այն համոզմունքը, որ նրանց պարտքերի դեմ իրենց երկրում ոչ ոք չի համարձակվի բողոքել և այս մեծ դավաճանության համար վրեժ լուծել: Մալեք զադեն այդ առթիվ գրում է. «Նրանք այդ գումարի փշրանքներով կաշառել էին որոշ հոգևորականների և նրանց բերանը փակել: Դրա համար էլ այդ մեծ դավաճանության ժամանակ, որը խոշոր հարված հասցրեց Իրանին և մեծ աղմուկ հանեց քաղաքակիրթ երկրներում, ժխախոտի կոնցեսիայի շուրջն այնքան իրարանցում բարձրացրած հոգևորականներն ամենաշնչին քննադատություն և հակառակություն չցուցաբերեցին և այս նենգ դործարքն իրագործվեց որպես մի հասարակ ազատ»⁶⁵:

⁶³ محمود محمود، تاریخ روابط سیاسی . . . جلد ششم صفحہ ۲-۱۶۸

⁶⁴ նույն տեղում, էջ 1725:

⁶⁵ مهدی ملکزاده، تاریخ انقلاب مشروطیت ایران تهران ۱۳۲۸

Թեյմուրին քննարկելով այս պարտքի հետ կապված բո-
լոր մանրամասնությունները, հանդում է հետևյալ եզրակա-
ցության. «Պարտք վերցնելու համար Մողաֆար էդ Դին շահի
ու Ամին էս Սոլթանի՝ ցարական Ռուսաստանի հետ ստորա-
գրած պայմանագիրն Իրանի քաղաքական պատմության
մեջ ստորագրված ամենանենգ պայմանագրերից է, որն իրա-
նական ժողովրդին երկար տարիներ ուսական ցարերի
ստրուկը դարձրեց»⁶⁶ :

Պետք է նշել, որ իրանական աղբյուրները խոսելով այս
պարտքի և Իրանի համար նրա ունեցած քաղաքական հետե-
վանքների մասին, իրավացիորեն գտնում են, որ իրանա-
կան կառավարությունն իր այս քայլով բացահայտ կերպով
խախտեց քաղաքական հավասարակշռությունն Իրանում:
Մահմուդ Մահմուդը նկատում է, որ առաջներում արտա-
քուստ միշտ այնպես էր թվում, թե իբր Իրանն երկու
հարևան երկրներից ոչ մեկի նկատմամբ հատուկ համա-
կրանք չունի: Այժմ արդեն հնարավոր չէր քողարկել Իրանի
արտակարգ լավ վերաբերմունքը ցարական Ռուսաստանի
հանդեպ, որն, ինչպես գրում է Մահմուդը, «... իր կամքով և
մեծ հաճույքով պատրաստ էր հողալ Իրանի նյութական կա-
րիքները...: Իմ կարծիքով,—չարունակում է նա,—Իրանի
անցած հարյուր տարվա պատմության մեջ առաջին անգամն
էր, որ Իրանն այսքան մոտենում էր Ռուսաստանին և իրեն
վտանգի ենթարկում»⁶⁷ :

Ռուսաստանից հաջորդ պարտքն Իրանը վերցրեց 1902
թվականի ուպրիլին: Այս անգամ ևս այն կապված էր Մողա-
ֆար էդ Դին շահի Եվրոպա ճամփորդելու հետ, որի համար
անհրաժեշտ էին նոր գումարներ: Որոշ բանակցություններից
հետո Ռուսաստանը նույն պայմաններով համաձայնվեց
Իրանին պարտք տալ տասը միլիոն ոսկի ուրբլի: Պայմա-
նավորվածություն ձեռք բերվեց, Իրանը որոշ փոփոխությու-
ններ մտցնի Օսմանյան կայսրության և Ռուսաստանի հետ
ունեցած առևտրի մաքսային տարիֆներում, այն հաշվով, որ
աճեն Իրանի ներմուծումները, և դրանց համապատասխան
նաև մաքսային եկամուտները: Մյուս պայմանն այն էր, որ

66

ابراهیم تیموری، عصری خبری... ص ۷۱

67

محمود محمود، تاریخ روابط سیاسی... جلد ششم ص ۱۶۸

Ջուլֆան Ղազվինին միացնող խճուղու կառուցման կոնցեսիան հանձնվի ուսական բանկին:

Էբրահիմ Թեյմուրին այս պարտքի մասին գրում է. «Այն ժամանակ, երբ իրանական ժողովուրդն այրվում էր աղքատության և թշվառության կրակում, պետական գանձարանը դատարկ էր, իսկ Ռուսաստանից վերցրած դրամներն արդեն սպառվել էին, իշխող խավերը նորից ձեռք մեկնեցին դեպի ռուսները, քանի որ 1900 թվականի պարտքի պայմանագրի համաձայն բացի Ռուսաստանից, ուրիշ պետությունից պարտք վերցնել չէին կարող»⁶⁸:

Պատկերելով այդ պարտքերի նկատմամբ իրանական ժողովրդի վերաբերմունքը, Թեյմուրին գրում է. «1900 և 1902 թթ. պարտքերի պայմանագրերը, որոնք ստրկության շղթաներ հագցրին Իրանի ժողովրդի ոտքերին, երկրի բոլոր մասերում առաջ բերեցին հայրենասերների զայրույթն ու վրդովմունքը, և օրեցօր ավելացավ ժողովրդի ընդհանուր ատելությունը Մոզաֆար էդ Դին շահի և Ամին էս Սոլթանի հանդեպ: Արտասահմանում մի խումբ ազատասեր իրանցիներ Իրանի իշխող խավերի դեմ հողվածներ էին տպագրում և մատնանշում այդ պարտքերի վտանգներն ու վնասները: Իրանի տարբեր վայրերում գաղտնի միություններ էին կազմակերպվում, որոնք Ամին էս Սոլթանի և Մոզաֆար էդ Դին շահի դեմ խիստ քայլերի էին դիմում և պրոկլամացիաներ, կամ, այսպես կոչված, «շաբնամաներ» տարածում»⁶⁹:

1903 թ. ապրիլին Իրանի կառավարությունը պարտք վերցրեց Անգլիայից, որը նույն թվականի փետրվարին Իրանին պարտադրել էր անգլո-իրանական մաքսային պայմանագիրը: Պարտքի երաշխիքը պետք է լինեին Կասպից ծովի ափերի Շիլաթ ձկնորսական ընկերության, փոստի և հեռագրի, ինչպես նաև հարավի մաքսատների եկամուտները: Մի տարի հետո, 1904 թվականին վերոհիշյալ պայմանագրին կցվում է ևս մի նոր պայմանագիր, որի համաձայն նույնպիսի պայմաններով Իրանին պարտք է տրվում հարյուր հազար ստեռլինգ:

Անդրադառնալով օտար պետություններից վերցրած

⁶⁸

ابراهیم تیموری، عصر بی خبری... ص ۳۸۶

⁶⁹ նույն տեղում, էջ 29:

պարտքերի այս ամբողջ շարքի քաղաքական և տնտեսական հետևանքներին, իրանական տարբեր հեղինակներ մանրամասն վերլուծել և մերկացրել են իմպերիալիստական պետութչունների հետապնդած նպատակները և նրանց իրականացման խարդախ եղանակները:

Այսպես օրինակ, էբրահիմ Թեյմուրին գրում է. «Ռուսաստանի և Անգլիայի դադութարարական տերութչունների կողմից իրանական ժողովրդին ճնշելու նպատակով օգտագործվող միջոցներից մեկն էլ Իրանի նեխած կառավարութչանը պարտք տալն էր:

Այն պարտքերը, որոնք ուսաներն ու անգլիացիները ստորացուցիչ և ստրկացուցիչ պայմաններով պարտադրեցին Իրանին, ...նրան հուսցրին քայքայման և ոչնչացման եղրին: Այս պարտքերը երկար տարիներ Իրանի ժողովրդին օտարների ստրուկն ու ծառան դարձրին և Իրանի ժողովրդի բարեկեցութչան համար երբեք դրանցից ոչ մի գրոշ չծախսվեց, և ամբողջը հատկացվեց շահի և այլասեռված պալատականների ճամփորդութչուններին ու շվայտ կյանքին»⁷⁰:

«Տեղին է ասել, — գրել է Սեյեդ Մոհամադ Ջամալ դահեն, — որ հենց այս պարտքերի շղթան Իրանի ստրկացման շղթան է դարձել, և մեր մեծ ու հին ժողովրդին դատապարտել ազահ ու անխիղճ օտարների կամայականութչուններին: ... Իհարկե, պարտքերի պայմանները տարբեր են լինում. երբեմն, ինչպես այդ տեսնում ենք Իրանում, պայմանները հասցնում են մի ամբողջ պետութչան և ժողովրդի հիմնական իրավունքներից զրկվելուն: էական և կարևոր խնդիրը հենց այդ է»⁷¹:

Այդ նույն կարծիքին է նաև «Իրանի քաղաքական իրադարձութչունները ժամանակակից դարերում» աշխատութչան հեղինակը՝ Հասան Հալաջը. «Պալատականների տգիտութչան և անտեղյակութչան հետևանքով, — գրում է նա, — սնանկացումը և ժողովրդի տնտեսական աղքատութչունը այնպիսի աստիճանի էր հասել, որ Մոզաֆար էդ Դին շահի օրոք... պետական դանձարանում դրամ չէր մնացել և ղեկավար-

⁷⁰ Նույն տեղում, էջ 365:

⁷¹ محمدعلی جمالزاده، گنج شایگان یا اوضاع اقتصادی در ایران
چران ۱۳۳۵ ص ۱۰۹

ները շահի՝ Եվրոպա կատարելիք ճամփորդության և արտա-
կարգ ծախսերի համար հյուսիսի և հարավի մաքսերը գրավ
դրեցին և ցարական Ռուսաստանից, անգլիական և ուսա-
կան բանկերից պարտք վերցրին... Այդպիսով նրանք եր-
կիրը կործանեցին և ծիծաղեցին ժողովրդի վրա»⁷²: Մի ուրիշ
տեղ հեղինակը գրում է. «Հայրենադավ պալատականների
վերցրած այս պարտքերի հետևանքով, ժողովուրդը սև օրի
հասավ, երկիրը քայքայվեց, նրա տնտեսական, քաղաքա-
կան և դատական անկախությունը սասանվեց և աղգային
աղբյուրները օտարների տրամադրության տակ ընկան»⁷³:

Հալաջն այդ պարտքերի հարցը դիտում է դաջարական դի-
նաստիայի թագավորության ամբողջ պատմության ֆոնի
վրա, և նշում, որ դաջարական դինաստիան իր թագավորու-
թյան շրջանում նադեր շահի, Քյարիմ խան Զանդի կուսա-
կած ամբողջ հարստությունն, ինչպես և աղգային կապիտալ-
ները վատնեց, Ռուսաստանից և Անգլիայից վերցրած պարտ-
քերով երկրի դարբասները, այսինքն՝ մաքսատները որպես
դրավական և տոկոս օտարներին տվեց, իսկ երկրի ներսում
Շահնշահի բանկի, Կասպից ծովի Շիլաթի և այլ կոնցեսիա-
ների միջոցով Իրանի տնտեսության վրա օտարների տիրա-
պետությունը հաստատեց: Հալաջը հիշատակում է նաև այն
վտանգը, որ երկրի ներքին գործերին օտարերկրացիների
միջամտության պատճառով սպառնում էր Իրանի անկախու-
թյանը: «Սակայն երկրում հզոր շարժում առաջացավ, — գրում
է նա, — աղգն ու երկիրը փրկելու համար ժողովուրդը ոտքի
ելավ, և օտարերկրացիների դեմ պայքարելով երկիրը փր-
կեց կործանումից»⁷⁴:

Նազեմ օլ էսլամ Քերմանին պատկերավոր է նկարա-
գրում մեկ այլ՝ ժիախոտի կոնցեսիայի բեկանումից հետո
ընկերությանը փոխհատուցելու կասկածնություններ Իրանի
վերցրած պարտքերը: «Կառավարության ղեկավարները տե-
սան, — գրում է նա, — որ ոչ մի կողմից փրկության դուռ չկա,
քանի որ իրենց վրա են վերցրել ընկերության վնասները և
մի մեծ ժողովրդի պարտքի տակ գցել:

⁷² حسن حلاج، تاریخ تحولات سیاسی ایران... صفحه ۱۱

⁷³ նույն տեղում, էջ 12:

⁷⁴ նույն տեղում, էջ 184:

Փողերը պալատներ կառուցելու և կանանց վրա ծախս-
վեցին, իսկ պարտքերը մնացին Իրանի կառավարության և
ժողովրդի ուսերին:

Օ՛հ դժբախտություն: Այս պարտքը ո՞վ պետք է տա,
եթե ոչ խեղճ ժողովուրդը... այս փողերի հատուցման աղ-
բյուրը հենց նույն գյուղացիները և հողագործները, հենց
նույն խեղճերն ու թշվառներն են, քանի որ այն փողը, որ
մտավ աղայի, խանի, շահի, վեզիրի և հարուստների քսակը,
այլևս դուրս չի գա»⁷⁵:

Հետաքրքրական է նշել, որ ժամանակի առաջավոր
մտածողները պարզորոշ կերպով գիտակցում էին Իրանի հա-
մար օտար երկրներից վերցրած պարտքերի կործանարա-
հետևանքները, և բացահայտ հանդես էին գալիս դրանց դեմ:
Օրինակ, Միրզա Մալքոմ խանի կազմակերպած գաղտնի
«Մարդկայնության ընկերության» փաստաթղթերից պարզ-
վում է, որ մեծ լուսավորիչը լավ էր գիտակցում օտարերկրյա
պարտքերի քաղաքական չնաստիար հետևանքները և դեմ էր
դրանց: Նա գրում է, որ այդ պայմաններով պարտքեր վերց-
նելը «կփոքի Իրանի անկախության դերեղմանը»⁷⁶:

*
* *

Իր քաղաքական հետևանքների, ինչպես և առաջացրած
համընդհանուր դայրույթի և նրա դեմ երկրում ծավալված
շարժման տեսակետից խոշոր իրադարձություն պետք է հա-
մարել ծխախոտի հայտնի կոնցեսիան:

1890 թվականին Նասր էդ Դին շահը «Տալբոտ» անգլիա-
կան ընկերությանը տվեց ամբողջ Իրանի ծխախոտի մշակ-
ման և օգտագործման կոնցեսիան, որի ժամկետը հիսուն
տարի էր⁷⁷: Ընկերությունն Իրանի կառավարությանը պետք

⁷⁵ ناظم الاسلام کرمانی، تاریخ بیداری ایرانیان... مجلد اول صفحہ ۴۴

⁷⁶ فریدون آدمیت، فکر آزادی و مقدمه مشروطیت تهران صفحہ ۱۷۷

⁷⁷ Իրանում օգտագործվող ծխախոտի քանակը, մաքսատան կառա-
վարիչների տվյալներով, կազմում էր 18 մլն ման, կամ մոտ 52230 տոն-
նա: Մոտ 1,500,000 ման կամ 4650 տոննա փոխադրվում էր Բաղդադ,
Բեյրութ, Կահիրե, Արարիա, Հնդկաստան և Աֆղանստան: Տե՛ս

محمود محمود، تاریخ روابط سیاسی... جلد چهارم صفحہ ۱۱۷۵

է վճարեր տարեկան 15,000 ֆունտ ստեռլինգ, եկամուտների մեկ քառորդը և կապիտալի հինգ տոկոսի շահութամասը՝ դիվիտենտը: Ըստ պայմանագրի, ամբողջ Իրանում ծխախոտի մշակումը և վաճառքը կենտրոնանում էր ընկերություն ձևով: Միախոտի գինը որոշում էր ընկերությունը, որն իրավունք ուներ հսկելու նաև ամբողջ երկրում ծխախոտի ցանքսերի վրա:

Կոնցեսիոն իրավունքով հիմնադրված ընկերությունը պետք է կոչվեր «Իրանի կայսերական ծխախոտի կորպորացիա»: Նրա կապիտալն էր 650,000 ստեռլինգ, բաղկացած 64,740 սովորական 10 ստեռլինգանոց բաժիններից: Իրանական կառավարությունը հանձն էր առնում պաշտպանել և հովանավորել կորպորացիային՝ իր գործերն իրականացնելու համար: Այդ պարտավորության մեջ ավելացված էր նաև հետևյալ ծիծաղաշարժ նախադասությունը. «նա (իրանական կառավարությունը—Ն. Ս.) դրանում ուղղակի շահագրգռված է, քանի որ բաժին ունի ստացվող եկամուտներից»⁷⁸:

Անհրաժեշտ է նշել, որ այս կոնցեսիան ձեռք բերելու գործում անգլիական իմպերիալիստները դիմեցին ամենախարդախ միջոցների: Ինչպես վկայում են պարսիկ բաղամաթիվ հեղինակներ, նրանք, նույնիսկ, կաշառքներ տվեցին իրանական առանձին ղեկավարների: Օրինակ, էբրահիմ Թեյմուրին ծխախոտի կոնցեսիային նվիրված հատուկ աշխատության մեջ գրում է, որ «անգլիացիները մեծ գումարի դրամ ծախսելով հասան իրենց նպատակին: Ինչպես այն ժամանակ հայտնի էր, ծխախոտի կոնցեսիայի ընկերությունը, որին անվանում էին Ռեժի, շորս հարյուր հազար թումանի սահմաններում կաշառք էր տվել Ամին էս Սուլթանին, փոխարքա Քամրան Միրզային և այլ ազդեցիկ պալատականների»⁷⁹: Որոշ հեղինակներ, սակայն, ինչպես նշում է Թեյմուրին, փորձում են քողարկել կաշառքի հանգամանքը, հիմնականում հենվելով այն փաստերի վրա, որ Բաղդադում Իրանի գործերի հավատարմատար Մոշիր էլ Վոզարան, նասր

⁷⁸ ابـراهیم تیمـوری، قرارداد ۱۸۹۰ رژی، تحریریم تنباکو اولین
مقاومت منفی در ایران تهران ۱۹۰

⁷⁹ նույն տեղում, էջ 27:

էդ Դին շահի կողմից ուղարկվելով կոնցեսիայի խիստ հա-
կառակ շիա հոգևոր ղեկավար Միրզա Շիրազիի մոտ, նրան
փորձում է այնպես ներկայացնել, որ այդ կոնցեսիայի հանձ-
նուման իսկական պատճառն Իրանի անկախության պաշտպա-
նությունը և նրա ազատումն է ցարական Ռուսաստանի ճի-
րաններից: «Սակայն պետք է հաստատ իմանալ,—գրում է
Քեյմուրին,—որ անգլիացիներին տրված կոնցեսիայի հիմ-
նական պատճառն այն հսկայական գումարներն էին, որ
այդ նպատակի համար ծախսվեցին»⁸⁰:

Իհարկե, հեղինակի հետ շի կարելի համաձայնվել այն
հարցում, թե կոնցեսիայի հանձնման հիմնական պատճառը
իրանական ղեկավարներին տրված կաշառքն է եղել: Սակայն
կարևորն այստեղ հենց կաշառքի փաստն է, որը ցույց է տա-
լիս Իրանի իշխող շրջանների կորուպցիան: Կաշառքի փաս-
տի մասին է խոսում նաև Նազեմ օլ էսլամ Քերմանին: Նա
գրում է, որ 1890 թվականին Ռեժի ընկերությունը Նասր էդ
Դին շահից ստացավ ծխախոտի մշակման և վաճառման
կոնցեսիան, որի դիմաց մի քանի տասնյակ հազար տվեց
շահին և պալատականներին⁸¹:

Պետք է նշել, որ կոնցեսիայի պայմանները բավակա-
նին ծանր էին Իրանի համար: «Իրանի սահմանադրության
պատմության» հեղինակ Ահմադ Քասրավին այդ մասին
գրում է. «Այս կոնցեսիան Իրանի համար շատ վնասաբեր
էր, քանի որ ամբողջ ծխախոտի և թանրաքույի վաճառքը
թե՛ երկրի ներսում և թե՛ դրսում հանձնում էր մի անգլիա-
ցու, որի դիմաց իրանական կառավարությունը պետք է ստա-
նար ընդամենը տասնհինգ հազար ստեռլինգ և շահույթի մեկ
քառորդը: Մինչդեռ օսմանյան պետության մեջ, որի ծխա-
խոտը և թանրաքուն ավելի քիչ են, միայն ծխախոտի վա-
ճառքը երկրի ներսում տրվել էր մի ընկերության, օսմանյան
կառավարությանը տարեկան յոթը հարյուր հազար ստեռլինգ
և եկամտի մեկ հինգերորդը վճարելու պայմանով: Տեսեք,
թե տարբերությունն ուր է հասնում»⁸²:

⁸⁰ Նույն տեղում, էջ 39:

⁸¹ ناظم الاسلام کرمانی، تاریخ بیداری ایرانیان مجلد اول صفحہ ۱۱

⁸² احمد کسروی، تاریخ مشروطه ایران، تهران ۱۳۴۰ صفحہ ۱۶-۱۵

Քանի որ խոսքը վերաբերեց օսմանյան պետութեանը, անհրաժեշտ է նշել, որ Իրանի կողմից անգլիական ընկերութեանը տրված ծխախոտի այս կոնցեսիայից մեծապես դժգոհ էին նաև օսմանյան իշխող շրջանները: Այդպիսի տրամադրութիւնն արտահայտող մի հոդված է լույս տեսել թուրքական «Սարահ» թերթում, որը թարգմանաբար տպագրվել է Ստամբուլում լույս տեսնող պարսկերեն «Ախթար» թերթում (1890 թ. նոյեմբերի 11-ին):

«Սարահ»-ն իր այդ հոդվածում իրանական կառավարութեանը քննադատում է այն բանի համար, որ նա այդքան կարևոր նշանակութիւն ունեցող և այդքան լայն իրավունքներով կոնցեսիա է տվել օտարերկրացիներին՝ շնչին մի գումարի, այսինքն՝ տարեկան 15 հազար Ստեռլինգի դիմաց:

«Ընդհանրապես կարելի է ասել, որ Իրանի ծխախոտի ամբողջ գործը ձրիաբար օտարներին է տրվել,— գրված է հոդվածում,— և չի կարելի անգամ երեւակայել, թե այդպիսի մի գործարք կարող էր տեղի ունենալ»: Այնուհետև, վկայակոչելով օսմանյան պետութեան ծխախոտի մոնոպոլիան, հոդվածի հեղինակը գրում է. «Օսմանյան երկրի Ռեժիի կոնցեսիան միայն երկրի ներսին էր վերաբերում, նրա արտաքին առևտուրը միանգամայն ազատ էր: Իրանի կառավարութեանը թերացել է, նախապես անհրաժեշտ ուսումնասիրութիւններ չի կատարել և այդ հարցը հաշվի չի առել: Օսմանյան Ռեժիի մոնոպոլիան միանգամայն այլ հարց է: Իրանական կառավարութեան տված կոնցեսիան ոչ մի նմանութիւն չունի նրա հետ: Եթե իրանական կառավարութեանը մտադիր էր հարկեր գանձել իրանական ծխախոտից, անհրաժեշտութիւն չկար, որ այդպիսի մի կոնցեսիա տրվեր օտարերկրացիներին: Մի փոքր նեղութիւն կրելով, կարող էր այդ ճանապարհով մեծ գումար ձեռք բերել, մի բան, որը ճշտութեամբ կարելի էր իրականացնել առանց օտարների միջամտութեան: Կարիք չկար այսպիսի մի ծանր բեռ դնել իրանական ժողովրդի ուսերին⁸³»:

Ծխախոտի կոնցեսիայի նշանակութիւնը և Իրանը կիսազաղութի վերածելու գործում նրա ունեցած հետևանք-

ابراهيم تيمورى، قرارداد ۱۸۹۰ (زنى)، تحريم تنباكو... تهران ۱۹۰۰⁸³

ները ևս լայնորեն քննարկվել են իրանական պատմագրութ-
յան մեջ:

Միրզա Յահյա Դովլաթաբադին իր հուշերում գրում է, որ
իրանական կառավարությունն իր հարևանների նկատմամբ
այնպիսի քաղաքականություն էր վարում, որ օրեցօր կորց-
նում էր իր բարոյական անկախությունը, բավարարվելով
իր ժամանակավոր անդորրով: Դովլաթաբադին օտարերկրա-
ցիներին տրված կարևորագույն կոնցեսիաներից էր համար-
ում ծխախոտի կոնցեսիան, որը «նասր էդ Դին շահի կա-
տարած վերջին ճամփորդության ընթացքում տրվեց անգլիա-
կան մի ընկերության, կոնցեսիա, որը արտաքուստ առևտրա-
կան էր, սակայն իրականում՝ քաղաքական»⁸⁴: Հեղինակը
ճշմարիտ կերպով նշում է, որ այդ կոնցեսիայի շնորհիվ Մեր-
ձավոր Արևելքում ուժերի հարաբերակցությունը փոխվեց
հօգուտ Անգլիայի, որը և լրջորեն անհանգստացնում էր
Ռուսաստանին և մղում նրան վճռական միջոցառումների:

Նույն միտքն է առաջ քաշում նաև Հասան Հալաջը, որը
գրում է. «Ռեժիի կոնցեսիան արտաքուստ վերաբերում էր
ծխախոտի և թանբաքույի մոնոպոլիային, իսկ ներքուստ
ընդգրկում էր երկրի բոլոր հանքերը և խճուղիները: Այն հաս-
տատում էր ընկերության գործակալների տիրապետությունը
ամբողջ երկրում»⁸⁵:

Այս հարցին ավելի մանրամասն անդրադարձել է Մահ-
մուդ Մահմուդը: Նշելով, որ ծխախոտի կոնցեսիան մի մեծ
շարիք դարձավ Իրանի համար և նրա բեկանումից հետո Իրանն
ընկավ 500,000 ստեռլինգ պարտքի տակ, որի միայն տո-
կոսները կազմում էին տարեկան 30,000 ստեռլինգ (մինչ-
դեռ կոնցեսիան հանձնելու դիմաց շահը և մեծ վեղիրը ստա-
ցել էին միայն մի քանի հազար ստեռլինգ), հեղինակը հան-
դում է հետևյալ եզրակացության. «Այս կոնցեսիայի հանձ-
նումը և բեկանումը կարելի է դաջարական դինաստիայի
կործանման գլխավոր պատճառներից մեկը համարել, քանի
որ մինչ այդ իրանական ժողովուրդը, հոգևորականությունը
և այլ խավերը երբեք շահի և նրա կառավարության նկատ-

⁸⁴ یحیی دولت آبادی، حیات یحیی جلد اول تهران ۱۳۵۷ ص ۱۰۶

⁸⁵ حسن حلاج، تاریخ تحولات سیاسی ایران... ص ۲۵

մամբ այդքան դիմադրութիւն չէին ցուցաբերել»⁸⁶: Մեկ ուրիշ առիթով նա կրկնում է. «Եթե Ռեժիի հարցը առաջ չդար, նասր էդ Դին շահի թագավորութիւնը այսքան շուտ չէր ավարտվի և Իրանը տարիներ շարունակ կարող էր Ռուսաստանի և Անգլիայի երկու քաղաքականութեան արանքում ապրել»⁸⁷:

Որոշ հեղինակներ քննարկել են նաև այս հարցում Իրանի նկատմամբ Անգլիայի վարած քաղաքականութիւնը և նրա հետապնդած նպատակները:

Նաղեմ օլ էսլամ Քերմանին գրում է, որ Անգլիան Իրանի համար այդ դժբախտ կոնցեսիան ձեռք բերելով, իր շահամոլութիւնից և հեռատեսութիւնից ելնելով, եվրոպական այլ երկրների ևս ներքաշեց այդ գործի մեջ, գործը մեծացրեց և ընդարձակեց, այն մտադրութեամբ, որ իրանական կառավարութիւնն այլևս չհամարձակվի պայմանագիրը բեկանել»⁸⁸:

Ինչպես նշում է Քերմանին, ծխախոտի կոնցեսիայի հարցում ցարական Ռուսաստանի դիրքորոշումը միանգամայն պարզ էր. նա բացարձակապես կողմնակից չէր, որ անգլիացիները հաջողութեան հասնեն: «Նա գիտակցում էր, որ եթե ծխախոտի կոնցեսիան իրականանա, ապա Իրանի ինչպես հարավային, այնպես էլ հյուսիսային մասը կրնան իրանգլիական ազդեցութեան տակ: Մինչդեռ Հերաթից ու Աֆղանստանի սահմանից մինչև Ադրբեջանի սահմանները ամբողջովին ռուսական ազդեցութեան գոտի էր»⁸⁹:

Ծխախոտի կոնցեսիան հանձնելուց հետո Թեհրանում կազմակերպվեց համապատասխան հիմնարկութիւն, որը հսկայական գործունեութիւն ծավալեց ամբողջ երկրում, իր մասնաճյուղերը բացեց տարբեր նահանգներում և քաղաքներում: Ընկերութիւնը և նրա գործակալները ամենալայն հովանավորութիւն էին ստանում անգլիական կառավարու-

⁸⁶ محمود محمود، تاریخ روابط سیاسی... جلد ششم صفحه ۱۶۳

⁸⁷ Նույն տեղում, էջ 1768:

⁸⁸ ناظم الاسلام کرمانی، تاریخ بیداری ایرانیان مجلد اول صفحه ۴.

⁸⁹ اسرار انحطاط ایران یا خواب نامه مرحوم اعتماد السلطنه مشهد

صفحه ۱.۱

թյունից և Իրանում գտնվող նրա դիվանագիտական ներկայացուցիչներից:

Իրանական աղբյուրները բազմաթիվ փաստեր են պարունակում Մխախոտի ընկերության գործնեության և երկրի ներքին գործերին նրա միջամտության վերաբերյալ:

Թեյմուրին վկայակոչում է Աբբաս Միրզա Մալեք Արալի խոսքերը. «Անգլիացիները Իրան եկան, որպես Իրանի նկատմամբ հաղթանակ տարած մի սկստություն: Երկրի բոլոր նահանգները ներկայացուցիչներ ուղարկեցին, որոնք ձիավորներ վարձեցին՝ իրենց հրամաններն իրականացնելու համար: Տհաս վեղիրների հետ այդ առթիվ ոչ մի սլայմանավորվածություն չկար, այլ, ուղղակի, ընկերությունն իրավասու էր համարում ամեն ինչ անել, քանի որ ասպարեզը լրիվ դատարկ էր և անարգել: Նրանք ռայաների հետ վարվում էին ամենախիստ ձևով. տեղական իշխանություններին ոչ մի տեղ հաշվի չէին առնում: Կառավարության ղեկավարների կողմից, որոնք բոլորն էլ ընկերությունից կաշառքներ էին վերցրել, ամեն օր նահանգապետներին հրամաններ էին արձակվում, որ նրանք ջանան ընկերության ներկայացուցիչների գործերի առաջընթացի համար և ոչ մի վայրկյան չզլանան նրանց օժանդակել և նրանց հետ համագործակցել»⁹⁰:

Մխախոտի ընկերության ուշադրությունը առաջին հերթին կենտրոնացավ Ֆարսի նահանգի վրա, քանի որ Իրանի ծխախոտի գլխավոր մասը և լավագույն արտադրանքն ըստացվում էր հենց Ֆարսում: «Բացի այդ,— գրում է Թեյմուրին,— անգլիացիները համարում էին, որ Իրանի հարավը իրենց է պատկանում և ամեն տեսակի արարքներում իրենց ազատ էին զգում: Ռեժի ընկերության կողմից նույն ձևով ներկայացուցիչներ ուղարկվեցին նաև Իրանի մյուս քաղաքները: Այդ ներկայացուցիչները տարբեր քաղաքների բավագույն վայրերում ընկերության հիմնարկների համար շքեղ շենքեր գնեցին: Միայն Թավրիզն էր, որ ընկերության ներկայացուցիչներին ճանապարհ չտվեց»⁹¹: Իսկ ինչո՞ւ հատկապես Ադրբեջանի բնակչությունը շթույլատրեց ընկերության գործունեության ծավալումը: Այդ հարցին պատասխանում

⁹⁰

⁹¹ Նույն տեղում:

ابراهیم تیموری، قرارداد ۱۸۹۰ رزی... صفحه ۴۳

է էթեմադ էս Սալթանեն: Նա գրում է, որ շնայած Ադրբեջանում մշակվող ծխախոտը մեծ քանակ շէր կազմում, սակայն կարելի է ասել, ամբողջ Իրանի ծխախոտի արտահանումը արտասահմանյան երկրներ, հատկապես Օսմանյան կայսրություն, ադրբեջանական առևտրականների ձեռքով էր կատարվում: «Ռուսները,— գրում է էթեմադ էս Սալթանեն,— համաձայնության դալով Ադրբեջանի գործակատար Ամիր Նեզամի հետ, որը ամենազոր էր Ադրբեջանում, ... վաճառականներին քաջալերեց և խոստում առավ, որ ծխախոտի ընկերության ներկայացուցիչներին շթողեն Թավրիզ և Ադրբեջանի մյուս քաղաքները»⁹²:

Անհրաժեշտ է նշել, որ ծխախոտի ընկերությունը Իրանում ծավալում էր ոչ միայն տնտեսական գործունեություն: Ադրբեջանները վկայում են, որ ընկերությունը որոշ քանակի զենք էր փոխադրել Իրան, որը հետագայում հայտնաբերվեց և անգլիացիներին մերկացնող փաստ հանդիսացավ:

Թեյմուրին հայտնում է, որ կոնցեսիոն պայմանագրի բեկանումից հետո մի քանի արկղ ապրանք է հասնում Իրանի հարավային մաքսատները, որոնք կրում էին ընկերության նշանը և հասցեագրված էին կոնցեսիայի տիրոջը: Ընկերության ներկայացուցիչը ցանկանում էր խանգարել արկղների ստուգումը, սակայն մաքսատան աշխատողները Թեհրանից թույլտվություն ստանալուց հետո արկղները բացում են, և պարզվում է, որ նրանք լիքն են հրացաններով, փամփուշտներով, նռնակներով, անձուխ վառողով և այլն:

Իրանական կառավարությունը բողոքում է անգլիական դեսպանությանը, սակայն վերջինս պատասխանում է, որ կոնցեսիայի տերը, որն, իբր, այդ քայլը կատարել է առանց իր գիտության, դեսպանատան կողմից ձերբակալվել է, և շուտով ուղարկվելու է Անգլիա՝ դատական պատասխանատրվության: Թեյմուրին գրում է, որ այս հարցը խիստ բացասական տպավորություն էր թողել երկրում, և ամենուրեք խոսում էին, թե անգլիացիները զենքը բերել էին Իրանի քաղաքները գրավելու համար⁹³:

⁹² اسرار انحصاط ای-ران یا خواب‌نامه مرحوم اعتماد السلطنه - ۱۹۶۵ صفحه ۱۰۹

⁹³ ابراهیم تیموری، قرارداد ۱۸۹۰ زری ... صفحه ۲۲۱-۲۲۰

Միսախոտի կոնցեսիան մեծ դժգոհություն առաջացրեց իրանական հասարակայնության բոլոր դասակարգերի և խավերի մեջ: Շարժումն ընդունեց մինչև այդ նմանը շունեցող շափեր:

Իրանում առաջին նշանակալից ցույցը տեղի ունեցավ 1891 թ. ժխախոտի մենաշնորհի դեմ երկարատև և հաջողությամբ ավարտված համաժողովրդական բողոքի ժամանակ:

Անգլիացի պատմաբան-բանասեր Բրաունը նշում է, որ ժխախոտի կոնցեսիան շատ կողմերով բացասական հետևվանքներ ունեցավ Իրանի համար: Նախ, Իրանը մենաշնորհի բեկանումն ապահովելու համար, որպես փոխհատուցում 500 հազար ստեռլինգ տվեց, որը պետք է պարտք վերցվեր «Շահրնշահի բանկից» վեց տոկոսով (այսինքն, Իրանն ստիպված էր տարեկան 30 հազար ստեռլինգ տոկոս վճարել): Երկրորդ, Բրիտանիայի հեղինակությունը լրջորեն տուժեց, իսկ ռուսական ազդեցությունը համապատասխանորեն շահեց, քանի որ Իրանում ժողովրդայնություն շվայելող այս կոնցեսիան տրվել էր անգլիական մի ընկերության, որը, ի վերջո, ստիպված եղավ տեղի տալ: Երրորդ, Նասր էդ Դին շահի սպանությունը 1896 թ. մայիսի 1-ին, նույնպես, անուղղակիորեն այդ շարաբաստիկ կոնցեսիայի արդյունքն էր, որի դեմ պայքարելու համար Միրզա Մոհամադ Ռեզա Քերմանին որոշեց վրիժառու լինել, իսկ հետո բանտարկվեց և խոշտանգման ենթարկվեց⁹⁴:

Բրաունը հետևյալ կերպ է նկարագրում ժխախոտի կոնցեսիայի բեկանման պատմությունը: Սկզբում ժխախոտի մենաշնորհի բնույթը և մասշտաբը քիչ էր գիտակցվում: Բայց հենց որ գիտակցվեց, ամբողջ երկրով մեկ հանդիպեց սուր և ուժգին դիմադրության: Այդ շարժումների գործում ղլխավոր դերը խաղաց Թավրիզը: Միսախոտի կորպորացիայի պլակատները պատուվեցին և նրանց տեղը հեղափոխական, պրոկլամացիաներ փակցվեցին: Թավրիզի բնակչությունը բողոքի հռագրեր ուղարկեց Թեհրան՝ իրենց իրավունքները

⁹⁴ E. Browne, A Brief Narrative of Recent Events in Persia, London, 1909, p. 7.

օտարերկրացիներին ծախելու դեմ, և իրենց վճռականությունը հայտնեցին ուժով պաշտպանել այդ իրավունքները: Շահը դիմեց ռուսական կառավարութեանը, և խնդրեց միջամտել Ռավրիզում կարգ ու կանոնը վերականգնելու համար, բայց վերջինս հրաժարվեց, նշելով, որ միակ փրկությունը կոնցեսիայի բեկանումն է: Դեկտեմբերի վերջերին պատերին պլակատներ էին փակցվում, որոնք օտարերկրացիներին սպառնում էին մահով, եթե ծխախոտի կոնցեսիան չբեկանվի: Դա մեծ սարսափ առաջացրեց օտարերկրացիների և դեսպանությունների մեջ: Եվ դեկտեմբերի 28-ին շահը հայտարարեց կոնցեսիայի բեկանումը: «Մխախոտի կոնցեսիան վերացավ,—գրում է հեղինակը,—սակայն նրա հետևանքները մնացին, որոնցից մեկը, անկասկած, Անգլիայի հեղինակութեան մեծ կորուստն էր»⁹⁵:

Իրանական կառավարությունը կոնցեսիայի տերերին ու պես փոխհատուցում առաջարկում էր 300 հազար ստեռլինգ, իսկ նրանք պահանջում էին 650 հազար: Վերջապես նրանք ստացան՝ 500 հազար ստեռլինգ, որը 1892 թ. ապրիլի 27-ին վեց տոկոսով պարտք վերցվեց Իրանի «Շահնշահի բանկից»: Այսպիսով, համաձայնագիրը պարսիկ ժողովրդին պարտադրում էր մի խիստ, ոչ ձեռնատու լրացուցիչ ծախս՝ տարեկան 30 հազար ստեռլինգի շափով: Պարսից ծոցի մաքսերը տրամադրվեցին որպես այդ տոկոսների վճարման երաշխիք, իսկ պարտքը պետք է ետ վճարվեր քառասուն տարվա ընթացքում:

Սակայն այս ամենն ունեցավ մի կարևոր հետևանք, և դա իրանական ժողովրդի զարթոնքն էր: Բոլոր կողմերին պարզ դարձավ, որ այլևս իմպերիալիստների և նրանց դրածոների համար դժվար կլինի քմահաճորեն խաղալ ժողովուրդների բախտի հետ:

Մխախոտի կոնցեսիայի, և ընդհանրապես օտարերկրյա մոնոպոլիաների կործանարար գործունեության դեմ ծավալված շարժումն ամենալայն կերպով քննարկվել է իրանական պատմագրության մեջ: Իրանական հեղինակներն օգտագործելով հսկայական քանակությամբ փաստական նյութ, այդ

⁹⁵ E. Browne, The Persian Revolution of 1905—1909 Cambridge, 1910, p. 55.

Թվում և արխիվային մինչ այժմ շահապարակված նյութեր, վեր են հանել շարժման ամբողջ պատմությունը և մերկացրել իմպերիալիստական տերությունների գաղութարարական քաղաքականության էությունը:

Ինչպես արդեն նշեցինք, ծխախոտի կոնցեսիայի և նրա հետևանքների պատմությանը հատուկ աշխատություն է նվիրել էբրահիմ Թեյմուրին⁹⁶: Գրքի առաջաբանում ժամանակակից իրանական պատմաբան Աբբաս էղբալը գրում է, որ, անկասկած, Նասր էդ Դին շահի թագավորության վերջին, Իրանի պատմության կարևորագույն իրադարձություններից պետք է համարել լոնդոնում կազմակերպված Իրանի ծխախոտի ընկերությունը և նրա կողմից Իրանի ծխախոտի և թանրաբույի մոնոպոլ կոնցեսիայի իրավունքի ստացումը, Լեժի հիմնարկի ստեղծումը Թեհրանում, իրանցիների ապստամբությունը և վերջապես կոնցեսիայի բեկանումը: «Այդ շարժումը հաջողությամբ ավարտվեց և երկրի համար ունեցավ որոշակի հետևանքներ: ...ժողովրդական շարժումը ծխախոտի կոնցեսիայի բեկանման գործում ձեռք բերած հաջողությունը ցույց տվեց, որ դիմադրությամբ և ապստամբությամբ լավագույն կերպով կարելի է կանխել բռնապետական ապարատի ինքնագլուխ գործունեությունը և ի վնաս ժողովրդի նրա կիրառած միջոցառումները: Հենց այդ հանգամանքը նախադրյալ հանդիսացավ ժողովրդական հետագա շարժումների համար»⁹⁷ — գրում է էղբալը նույն այդ առաջաբանում: Նույն աշխատության ներածականում կարդում ենք. «Իրանում կարևորագույն և առաջին նեգատիվ դիմադրությունը առաջացավ ծխախոտի և թանրաբույի կոնցեսիայից հետո: Չնայած, որ այս հարցը շատ տեսակետներից մեծ նշանակություն ունի և կազմում է Իրանի պատմության փայլուն էջերը, ցավոք, շատ քիչ է ուշադրության արժանացել...»⁹⁸:

Մխախոտի կոնցեսիայի դեմ ժողովրդական շարժումը, որն ավարտվեց կոնցեսիայի բեկանումով, Թեյմուրին համարում է իրանական ժողովրդի գարթոնքի սկիզբը և օտարերկրացիների ու իրանական թագավորների բռնապետության

⁹⁶

ابراهیم تیموری، قزاقداد ۱۸۳۰ (زی... تبران ۱۹۲۰)

⁹⁷ Նույն տեղում, էջ 1:

⁹⁸ Նույն տեղում, էջ 10:

դեմ նրա առաջին պայքարը՝ իր իրավունքների ձեռքբերման համար: Հեղինակն իր այս միտքը զարգացնելով, նշում է, որ «Նասր էդ Դին շահի սպանության և սահմանադրության հաստատման պատճառները ևս պետք է որոնել այդ իրադարձությունների մեջ»⁹⁹:

Ծխախոտի կոնցեսիայի դեմ ծավալված շարժման մասնակիցներին Թեյմուրին բաժանում է հետևյալ երեք խմբերի.

1. Յարական Ռուսաստանի ներկայացուցիչները և նրանց հետ կապված իրանցիները: «Եթե որևէ պետություն Իրանում ինչ որ արտոնություններ էր ձեռք բերում,—բրում է Թեյմուրին,—մյուս պետություններն իրենց շահերը վնասված համարելով գործի էին անցնում, ընդարձակ պրոպագանդա մղում և հնարավորին շափ խանգարում կոնցեսիաների իրականացումը: Ծխախոտի կոնցեսիայի հանձնումը, որի արդյունքն առնվազն անգլիացիների ազդեցության ուժեղացումն էր, հակասում էր Ռուսաստանի քաղաքականությանը և հենց այդ պատճառով էլ, կոնցեսիայի բեկանման գործում ուսները ոչ մի միջոցառումից չխուսափեցին»:

2. Իրանական առևտրական բուրժուազիան, անկախ այն բանից նա կապված էր ծխախոտի վաճառքի հետ, թե ոչ: Կոնցեսիայի հոդվածների իրադրոժումը նրան սնանկացնում և անփոխհատուցելի վնասներ էր հասցնում, և նա միացավ շարժմանը համոզված, որ եթե այսօր ծխախոտի կոնցեսիան է տրվել անգլիացիներին, վաղն էլ մյուս բնագավառների կոնցեսիա կտրվի ուրիշներին:

3. Հոգևոր ղեկավարները և հայրենասիրական տարրերը, որոնք կոնցեսիան համարում էին շարիաթին հակառակ և երկրի անկախության և արժանապատվության հետ անհամատեղելի¹⁰⁰:

Ինչպես տեսնում ենք, այստեղ ամբողջովին անտեսվում է աշխատավորական զանգվածների, ծխախոտագործ գյուղացիության, կամ քաղաքային շքավոր խավի դերը, որոնց շահերին կոնցեսիան հարվածում էր անմիջականորեն և որոնք ամենալայն մասնակցություն ունեին կոնցեսիայի դեմ ծավալված շարժմանը:

⁹⁹ Նույն տեղում:

¹⁰⁰ Նույն տեղում, էջ 48—49:

Անշուշտ, կան նաև բուրժուական պատմաբաններ, որոնց աչքից չի վրիպել այս հանգամանքը և նրանք արձանագրել են ժողովրդական լայն զանգվածների դերն օտարերկրյա մոնոպոլիաների դեմ ծավալված շարժումներին:

Մահմուդ Մահմուդն իր գրքի վեցերորդ հատորում այսպիսի մեջբերում է կատարում Չիրոլի գրքից. «Ամբողջ Իրանում երևում է, որ ժողովուրդը դժգոհ է վիճակից: Նրանք հարցնում են, թե նոր պարտքերի այս հսկայական դումարները ո՞ւր են գնում: Բոլորը պարզ կերպով խոսում են այդ մասին: Այդ խոսակցություններն սկսվում են մայրաքաղաքի բազարներում և հասնում մինչև քարվանսարաները, այնտեղից տարածվում երկրի բոլոր կողմերը և հասնում ամենահեռավոր նահանգները: Մարդիկ իրենք իրենց հարց են տալիս, թե այս գործողությունների իմաստը ո՞րն է: Շատ տեղերում պարզորեն երևում են համընդհանուր դժգոհության արտահայտությունները, ... որոնք ամբողջովին արդյունք են նեխած իշխանության ազդեցության ընդարձակմանը: Բայց երկիրն օտարներին ծախելու մասին ժողովրդի ճիշը մի բան է, որի առաջ առնելը մինչև իսկ Աթաբեկ Աղամի պես զորեղ մարդու համար դժվար կլինի»¹⁰¹:

Ժողովրդական շարժմանն այդպիսի գնահատական է տալիս նաև Հասան Աղամ Առդսին իր «Իմ հուշերի գիրքը կամ հարյուրամյա պատմության լուսաբանումը» գրքում: Նա գրում է. «Պատմական տեսակետից իրանական հեղափոխությունը և ժողովրդական շարժումն սկսվեցին Նասր էդ Դին շահի օրոք և դրանց պատճառը ծխախոտի կոնցեսիայի հանձնումն էր օտարերկրացիներին...»¹⁰²:

Ծխախոտի կոնցեսիայի և պարտքերի դեմ համաժողովրդական դիմադրության նշանակության մասին նման կարծիքի է նաև Մալեք զադեն:

«Անկասկած, — գրում է նա, — այն դիմադրությունը, որ առաջացավ Իրանի ծխախոտի մենաշնորհն անդլիական ընկերության հանձնելու հետևանքով, Նասր էդ Դին շահի հիսունամյա թագավորության խոշորագույն իրադարձու-

101 محمود محمود، تاریخ روابط سیاسی... حاد ششم صفحه ۱۷۲

102 حسن اعظام قدسی، کتاب خاطرات من یا روشن شدن تاریخ

صدساله، تهران ۱۹۶۳ صفحه ۳۸

թյուններից էր: Այս համընդհանուր շարժումը, որը կրոնական բնույթ ուներ, հետագայում մեծ շափով ազդեց Իրանում տեղի ունեցած իրադարձությունների վրա, որոնք ավարտվեցին սահմանադրական հեղափոխությամբ»¹⁰³:

Այստեղ, անշուշտ, նկատվում է հոգևորականների դերի դերադնահատում: Ճիշտ է, արտաքուստ այդ շարժումը, ծխախոտի բոչկոսը, սկսվեց հոգևորականների կողմից տրված ֆեթվայով, սակայն նա ուներ ավելի խոր արմատներ և արտահայտում էր դասակարգային այն պայքարը, որը ծավալվում էր երկրում XIX դարի վերջերին և որը հասցրեց Իրանի 1905—1911 թթ. հեղափոխությանը:

Իրանական հեղափոխության պատմագիր Քասրավին ծխախոտի կոնցեսիայի դեմ երկրում ծավալված շարժումը բացատրում է մի փոքր այլ ձևով: Նա գրում է, որ երբ Նասր էդ Դին շահը ծխախոտի կոնցեսիան տվեց անգլիացիներին, ժողովուրդը նրա իմաստը չէր հասկանում, քանի որ ժողովրդական զանգվածները դեռևս չէին ըմբռնում երկրի լավն ու վատը և սովոր չէին միջամտել պետական գործերին: «Բայց երբ այդ կոնցեսիաների հետևանքով օտարերկրացիների թիվը Իրանում շատացավ,—գրում է նա,— հոգևորականները շահանդուրթեցին և սկսեցին դժգոհել ու գանդատվել, որը և բացեց ժողովրդի աչքերը, և շարժման ու դիմադրության շնորհիվ ծխախոտի կոնցեսիան բեկանվեց»¹⁰⁴:

Մեկ այլ հեղինակ՝ Մոհամադ Հեջազին, ընդունելով, որ այդ շարժումը ժողովրդական էր և հսկայական շափեր ընդունելով հասցրեց կոնցեսիայի բեկանմանը, ավելի հոռետես է նրա հետագա հետևանքների հարցում:

Գնահատելով այդ հետևանքները, Մոհամադ Հեջազին գրում է. «Ռեժիի իրադարձությունը ժողովրդի արթնացման և բռնապետության դեմ դիմադրության զգացմունքների առաջացման պատճառ դարձավ: Բայց հետագայում նրանից ուրիշ արդյունքներ ստացվեցին. նա հյուսիսային և հարավային երկու հարևանների ազդեցության համար հող պատրաստեց, այն իմաստով, որ կառավարությունը Ռեժիի ընկերության վնասները վճարելու համար հինգ հարյուր հազար

¹⁰³ مهدي ملكزاده، تاریخ انقلاب مشروطیت ایران تهران صفحه ۱۲۷

¹⁰⁴ احمد کسروی، تاریخ مشروطه ایران تهران صفحه ۱۵

ստեղծինգ սլարտք վերցրեց անգլիական բանկից: Դա օտար-
երկրացիներից սլարտք վերցնելու շրջանի և Իրանի դժբախ-
տության սկիզբը հանդիսացավ»¹⁰⁵:

Ծխախոտի կոնցեսիայի հետ կապված դեպքերի ըն-
թացքը, հետագայում, այսպիսին էր. երբ Նասր էդ Դին շահը
ղգաց, որ ցարական Ռուսաստանը սլահանջում է շեղյալ
հայտարարել ծխախոտի կոնցեսիան, իսկ անգլիացիները
համառորեն ցանկանում են այն սլահայանել, խիստ անհան-
դրստացավ: Նա, միաժամանակ, սարսափում էր նաև երկրում
ծավալված շարժման հետագա ընդարձակումից: Սկզբում
շահը մտադիր էր զորք ուղարկել Ադրբեջան և շարժումն ադ-
յան մեջ խեղդել: Սակայն, հետագայում, հրաժարվեց այդ
մտքից և հույսը կապեց ցարական Ռուսաստանի միջնորդու-
թյան ու հարցի խաղաղ լուծման հետ: Ցարական Ռուսաս-
տանը, նախնական հանջողություններից ոգևորված, ձգտում
էր գործը մինչև վերջ հասցնել, և ուժեղացնում էր շահի և
իրանական կառավարության վրա գործադրվող ճնշումը:
Շահն ակամա որոշում է դիմադրել անգլիացիներին, շնայած
գիտեր, որ կոնցեսիան բեկանելու դեպքում բացի այն, որ
կկորցնի Անգլիայի հովանավորությունը, հարկադրված կլի-
նի նաև մեծ գումարի փոխհատուցում վճարել: Նա նույնիսկ
ստիպում էր, որ ռուսական հյուսիսատոսը Թավրիզից հեռա-
գրի այն մասին, թե իբր փոխհատուցման հարցը կարգա-
վորելուց անմիջապես հետո կոնցեսիան շեղյալ կհամարվի:
Թագաժառանգին ևս այդպիսի բովանդակությամբ հեռագիր
ուղարկելով, շահը ձգտում էր հանգստացնել հասարակական
կարծիքը:

Հարցի լուծման համար ելք փնտրելու դիտավորությամբ
Նասր էդ Դին շահը և Ամին էս Սուլթանը բաղմաթիվ հանդի-
պումներ ունեցան անգլիական և ռուսական դիվանագիտա-
կան ներկայացուցիչների հետ: Անգլիան զգալով, որ մթնո-
լորտն իր օգտին չէ, նոր դեսպան ուղարկեց Թեհրան, հուսա-
լով, այդպիսով, իր քաղաքական անհանջողության առաջն առ-
նել: Ցարական Ռուսաստանը նույնպես փոխեց Իրանում իր

محمد حجازی، خلاصه تاریخ ایران تا انقراض قاجاریه¹⁰⁵
تهران ۱۳۲۵ ص ۲۸

դեսպանին՝ գործը մինչև հաղթական ավարտ հասցնելու մտադրությամբ:

Թեյմուրին այն կարծիքն է հայտնում, որ Նասր էդ Դին շահը դիտակցում էր, որ այս պատմությունը, անկախ նրա ելքից, բոլոր դեպքերում ի վնաս իրեն է վերջանալու: Եթե կոնցեսիան բեկաներ, պալատականների ստացած կաշառքներն ինքը պիտի փոխհատուցեր: Եթե ժողովրդի դեմ սլաշարի դուրս գար, դրա լուրջ հետևանքները նրա թագավորության վրա էր անդրադառնալու: Համենայն դեպս Նասր էդ Դին շահը համաձայնեց կոնցեսիան բեկանելու համար անգլիացիների հետ բանակցությունների մեջ մտնել: Ինչպես գրում է Թեյմուրին, Ամին էս Սուլթանը, համոզված, որ դա կհարվածեր թագավորության հեղինակությանը, շահին խորհուրդ էր տալիս այդպիսի քայլի չդիմել: Նա միաժամանակ հորդորում էր անգլիացիներին հրաժարվել բանակցություններից¹⁰⁶:

Անգլիան լավատեղյակ էր Իրանում տիրող դրությանը և տեսնում էր ժողովրդի դժգոհությունն ու բողոքը: Բայց նա, Թեյմուրիի կարծիքով, «հույս էր դրել Նասր էդ Դին շահի ստորագրության հեղինակության, կաշառք տրված դրամի հզորության և իրանական ղեկավարների փողասիրության ու ստորության վրա»¹⁰⁷: Հաջողության հասնելու նպատակով անգլիացիները շարունակում էին ընդարձակել մոնոպոլիայի գործունեությունը և, այդպիսով, է՛լ ավելի գրգռում ժողովրդական մասսաներին:

Ի վերջո, անգլիացիները տեսնելով երկրում առաջացած համընդհանուր դժգոհությունն ու իրանական կառավարության կատարյալ անկարողությունը, ինչպես նաև իր նկատմամբ Իրանում տարբեր երկրների դեսպանների և, հատկապես, ռուսական դեսպանի անբարյացակամությունը, Անգլիայի հեղինակությունը է՛լ ավելի շարատավորելու նպատակով, այնուամենայնիվ համաձայնվում են բանակցություններ սկսել: Նրանք հարցի լուծումն արագացնում էին նաև ընկերությանը հետագա ծախսերից ու վնասներից ղերծ պահելու նպատակով:

106

ابراهیم تیموری، قرارداد ۱۸۹۰ زجی... صفحه ۹۹

107 Նույն տեղում, էջ 100:

Սակայն, ինչպես վկայում է Թեյմուրին, ժողովրդի օրեց-օր սաստկացող դիմադրությունն այնպիսի շափերի էր հասել, որ դաշարական դինաստիային կործանման լուրջ վտանգ էր սպառնում: Մյուս կողմից երկրում ծավալված ծխախոտի օգտագործման համընդհանուր բռնկոտի հետևանքով գնալով մեծանում էր ընկերության նյութական վնասները և արատավորվում Անգլիայի քաղաքական հեղինակությունը: Այս ամենը հասցրեց այն բանին, որ իրանական կառավարությունը և Անգլիան համաձայնվեցին բանակցություններ սկսել՝ խընդիրը երկու կողմերի համար ընդունելի պայմաններով լուծելու համար¹⁰⁸:

Աբբաս Միրզա Մալեք Արան հավաստում է, որ իրանական ղեկավարները անգլիացիներին մեծ գումարներ կաշառք էին վերցրել և այժմ վախենում էին մերկացվել: Բացի այդ, նրանք լավ գիտեին, որ կոնցեսիան բեկանվելու դեպքում, ընկերությունը կպահանջի իր վնասների հատուցումը, ուստի նրանք բոլորը, շնայած միմյանց նկատմամբ տածած թրշնամանքին, ստեղծված նոր պայմաններում իրենց ընդհանուր շահերը պաշտպանելու համար միացել և բարեկամացել էին: Ամին էս Սուլթանը մոնոսյուլ ընկերության կառավարիչին մեծ գումար էր խոստացել, պայմանով, որ վերջինս շհրապարակի նրանցից յուրաքանչյուրին տրված կաշառքի շափը¹⁰⁹:

«Երբ բանակցություններն սկսվեցին,—գրում է Թեյմուրին,—անգլիացիները հանդես եկան անտեղի հավակնություններով: Ընկերության կառավարիչը պնդում էր, որ կոնցեսիոն իրավունքը ձեռք բերելուց հետո, գործի նախապատրաստական աշխատանքների համար Իրանում ծախսել է ավելի քան մեկ միլիոն երկու հարյուր հազար թուման: Այդ գումարից ավելի քան շորս հարյուր հազար թումանը որպես նվեր տվել էր կառավարության ղեկավարներին»¹¹⁰: Այդ բանակցությունների մանրամասնությունների մասին տեղեկություններ չեն պահպանվել և այդ մասին որևէ արձանագրություն էլ չի մնացել, սակայն նասր էդ Դին շահի էթեմադ

¹⁰⁸ Նույն տեղում, էջ 175:

¹⁰⁹ Նույն տեղում, էջ 205:

¹¹⁰ Նույն տեղում, էջ 206:

էս Սալթանեին գրած մի նամակից հայտնի է դառնում, որ անգլիացիներին հավակնությունները շատ մեծ էին և առաջարկված պայմանները՝ շատ ծանր: Նամակում գրված է. «պետք է հարցնել, թե մեզանից պահանջվող վնասների այդ գումարը որտեղից է գոյացել: Արդյոք անգլիական կառավարությունը կամ Ռեժիի ընկերությունը մեզ հետ ի՞նչ ըսկրզբունքով են վարվում՝ որպես քաղաքակիրթ ժողովրդի ու պետության, թե՞ որպես անիրավ բարբարոսների հետ»¹¹¹:

Ինչպես հայտնի է, այս ամբողջ պատմությունն ավարտվեց հօգուտ Իրանի:

Քննարկելով այդ հաղթանակի պատճառները, Թեյմուրին հանդում է այն եզրակացության, որ «չնայած այս պայքարում անգլիացիների պարտության հիմնական պատճառն իրանական ժողովրդի դիմադրությունն ու պայքարն էր, սակայն, քանի որ իրանական թատերախմբում Անգլիայի հզոր մրցակիցը Ռուսաստանն էր և այս պարտությունից հետո ակնհայտ էր, որ ցարական Ռուսաստանի ազդեցությունը փոխարինելու է անգլիականին, ուստի իրանական կառավարության ղեկավարները, նույնիսկ շահը, դեմքները դարձնում են դեպի հյուսիսային հարևանը, դեպի ռուսական դեսպանությունը»¹¹²:

Հետաքրքիր է նշել, որ ֆեոդալական ազնվականության շահերի արտահայտիչ, մեր կողմից արդեն հիշատակված Յահյա Դովլաթաբադին առաջ է քաշում տարօրինակ մի տեսակետ:

Նա գրում է. «Ռուսաստանի քաղաքականության ծանրակշիռ դառնալը և նրա գերազանցությունը անգլիական քաղաքականությունից մեզ համար վտանգավոր էր: Ոչինչ չէր կարող Ռուսաստանի քաղաքականությունը սահմանափակել, բացի անգլիացիներին տրված հենց այս կոնցեսիայից»¹¹³: Բայց ահա Դովլաթաբադիի հաջորդ իսկ արտահայտությունը ցույց է տալիս նրա մտավախության իսկական շարժառիթը: Նա գրում է. «Երկրում ծավալված շարժման հիմքն արհեստական է և անգլիացիներին շեղոքացնելու հա-

¹¹¹ Նույն տեղում:

¹¹² Նույն տեղում, էջ 215:

¹¹³ يحيى دولت آبادی، حیات یحیی جلد اول تهران ۱۹۰۷ ص ۱۰۷

մար է: Բայց այն կարող է ուղղվել պետութեան դեմ, քանի որ շարժումը կույր է, և ինչ կողմ ասես կարող է գնալ»¹¹⁴:

Ինչպես տեսնում ենք, հեղինակին անհանգստացնում է այն հանդամանքը, որ կոնցեսիայի դեմ ծավալված շարժումը կարող էր ուղղվել ամբողջ հասարակական կառուցվածքի դեմ և խորտակել ֆեոդալական հասարակարգը՝ ի դեմս դաշարական դինաստիայի:

Ծխախոտի կոնցեսիայի դեմ երկրում ծավալված համընդհանուր շարժման պատմութեան շարադրանքը մեր խնդրից դուրս է: Սակայն մենք կուղենայինք կանգ առնել միայն երկու հարցի վրա:

Իրանցից առաջինը կապված է շարժման դրդապատճառների խնդրին, որին մենք արդեն անդրադարձել ենք: Որոշ հեղինակներ փորձել են հիշյալ շարժման հիմնական հրահրիչ համարել պանիսլամիզմի հիմնադիր Սեյեդ Ջամալ էդ Դին Աֆղանին, որի հակաիմպերիալիստական տրամադրություններն ակնհայտ էին: Մահմուդ Մահմուդը իր աշխատութեան հինգերորդ հատորում վստահորեն հայտարարում է. «... ոչ մի կասկած չկա, որ Իրանում ծխախոտի դեմ ծավալված շարժումը հիմնականում Սեյեդ Ջամալ էդ Դինի միջոցառումը պետք է համարել»¹¹⁵:

Հայտնի է, որ Ջամալ էդ Դինը դեմ էր իմպերիալիստական տերությունների տնտեսական և քաղաքական ներթափանցմանը մուսուլմանական աշխարհ, այդ թվում և Իրան: Ակնհայտ է նաև, որ Ջամալ էդ Դինը հրահրում էր շիական հոգևոր ղեկավարներին պայքարել ծխախոտի կոնցեսիայի դեմ: Սակայն նրան, իհարկե, դժվար թե կարելի լինի համարել շարժման գլխավոր շարժիչ ուժերից մեկը:

Այս հարցին, մեր կարծիքով, ավելի ճիշտ բացատրություն է տալիս Նազեմ օլ էսլամ Քերմանին: Նա գրում է, որ Իրանի ժողովուրդը հասկացավ կոնցեսիայի վտանգավորությունը երկրի հետագա զարգացման համար: «Նա գիտեր, — գրում է Քերմանին, — որ այսօր օտարերկրացիները ծխախոտն են վերցնում, վաղն էլ, շնչին գումարի դիմաց աղը, ցախը, ածուխը, ջուրը և այլն կվերցնեն: Ստացած գումարները

¹¹⁴ Նույն տեղում, էջ 107:

¹¹⁵ «... وادب سیاسی... جلد پنجم ص ۱۲۴»

երկրի բարեկեցութեան համար շեն ծախսվելու, այլ գնա-
լու են այսինչ արքայազնին՝ որպէս ռոճիկ, այսինչ աղայի
որդուն որպէս նպաստ, կամ վատնվելու են Եվրոպա կատա-
րած ճամփորդութեանների կամ ինչ-որ գեղեցկուհու քմա-
հաճույքները բավարարելու համար: Ժողովուրդը վնաս է
կրում, օտարները օգուտ են քաղում և իրենց կատարյալ տի-
րապետութեանը՝ հաստատում երկրի վրա»¹¹⁶:

Զի կարելի համաձայնվել նաև մի քանի հեղինակների
հետ այն հարցում, որ նասր էդ Դին շահը և նրա կառավա-
րութեանն, իբր, ինչ-որ հանգամանքներից ելնելով բռնի մի-
ջոցների շէին դիմում ծխախոտի կոնցեսիայի դեմ ծավալ-
ված ժողովրդական շարժումը ճնշելու համար:

էթեմադ էս Սալթանեն, որը, ինչպէս նշել ենք, այդ ժա-
մանակ վեզիր էր, վկայում է, որ «երբ հեռագիրը Շիրազի
ապստամբութեան լուրը Թեհրան բերեց, ընկերութեան կա-
ռավարիչը և անգլիական դեսպանը իմ մոտ եկան և ասա-
ցին. քանի դեռ շուտ է, պետք է լուրջ կերպով այս խռովու-
թեանը ճնշել, եթե ոչ այս հիվանդութեանը ուրիշ տեղեր էլ
կվարակի և Իրանի ոչ մի նահանգում գործերն առաջ չեն
գնա»¹¹⁷:

Իսկ Աբուլֆազլ Ղասեմին, խոսելով ծխախոտի կոնցե-
սիայի դեմ երկրում ծավալված շարժման և նրա դեմ կառա-
վարութեան կիրառած միջոցառումների մասին, մեջբերում է
ժամանակի մեծ վեզիրի վկայութեանը Ֆարսի խոշոր կալվա-
ծատեր Ղավամ օլ Մուլքի կատարած վայրագութեանների
մասին:

Փաստաթղթում ասված է. «Այն ժամանակ, երբ ծխախո-
տի մոնոպոլիայի պատմութեանը անհաջող ընթացք ընդու-
նեց և հանդիպեց ժողովրդի բւժգին դիմադրութեանը, Շիրա-
զում նույնպէս մեծ խռովութեան ծագեց և ժողովուրդն ըմ-
բոստացավ: Ես մի նամակ գրեցի Ղավամ օլ Մուլք Շիրազիին
և նրան հանձնարարեցի ճնշել խլրտումը:

Ֆարսի նահանգապետ Մոթամեդ օլ Մուլքը վախկոտ մի

116 ناظم الاسلام كرمادى، تاريخ بيدارى ايرانيان مجلد اول 116
تهران صفحه 11

117 اسرار انحطاط ايران تا خواب نامده مرحوم اعتماد السلطنة مشهد 117
صفحه 1.7

անձնավորություն էր, և Կավամ օլ Մուլքը իր զորքով շարժվեց դեպի կենտրոնական մզկիթը, ուր հավաքվել էր ժողովուրդը և պահանջում էր կոնցեսիայի բեկանումը: Ղավամի մարդիկ անմեղ ժողովրդին դնդակոծեցին և խեղճ մարդկանց սվինահարեցին: Անգեն ժողովուրդը մզկիթից փախավ դեպի էմամ զադե Շահչերաղ և այնտեղ ապաստան գտավ, բայց Ղավամի արյունարբու և դաժան ծառաները արյունահեղությունը շղաղարեցրին, և մուտք գործելով էմամ զադե՝ այնտեղ էլ կոտորած կազմակերպեցին»¹¹⁸:

Թեհրանում ևս ծխախոտի կոնցեսիայի դեմ գաղտնի նամակների տարածումից հետո պետական անվտանգության մարմինները գործի անցան, խուզարկեցին կասկածելի տները և բազմաթիվ մարդկանց ձերբակալեցին:

Ինչպես տեսնում ենք, իրանական կառավարութայունը և անձամբ շահը ամենադաժան եղանակներով փորձում էին ճնշել երկրում ծավալված շարժումը, և պարսիկ որոշ հեղինակների պնդումը Նասր էդ Դին շահի ժողովրդասիրութայան կամ մեղմութայան մասին միանգամայն անհիմն է:

Ինչպես նշեցինք, որոշ հեղինակներ այն կարծիքն են հայտնում, որ ծխախոտի կոնցեսիայի բեկանումով թուլանում էր Անգլիայի ազդեցութայունն Իրանում և, համապատասխանորեն, ուժեղանում էր ցարական Ռուսաստանի ազդեցութայունը: Իրանական իշխող շրջանները նույնպես, ելնելով իրադրութայունից, հակվեցին դեպի ցարական Ռուսաստանը: Ինչպես նշում է Մահմուդ Մահմուդը, մեծ վեղիր Ալի Ասղար խան Աթաբեկը, որ մինչև ծխախոտի կոնցեսիայի բեկանումը ծառայում էր Անգլիային և «անգլիական դեսպան Դորթմունդ Վոլֆի հաջողութայունները շահի պալատում ամբողջովին Աթաբեկի համագործակցութայան և օժանդակութայան հետևանքով էին»¹¹⁹, կոնցեսիայի բեկանումից հետո Իրանում Անգլիայի քաղաքականութայան առաջընթացի միակ արգելքն էր համարվում: Այցելելով ռուսական դեսպանատուն, Աթաբեկը խոստանում է օգնել ցարական Ռուսաստանին և «քանի կենդանի է հովանավորել Իրանում ռուսական

118 ابوالفضل قاسمی، تاریخ سیاه یا حکومت خانوادها در ایران 118
1 خانوادہ قوام الملک - 190 صفحہ ۲.

119 محمود محمود، تاریخ روابط سیاسی... جلد ششم صفحہ 179

կայսրութեան քաղաքականութիւնը»¹²⁰: Մահմուդն ավելացնում է, որ Աթաբեկը նասր էր Դին շահին ևս կարողացավ համոզել, և դրանից հետո Իրանում Անգլիայի քաղաքական ազդեցութիւնն իր տեղը զիջեց ցարական Ռուսաստանի քաղաքական ազդեցութեանը:

Մի ուրիշ տեղ Մահմուդ Մահմուդը նորից կրկնում է, որ Անգլիայի և Իրանի հարաբերութիւնները փշագան, սկսած ծխախոտի կոնցեսիայի բեկանումից, և որ այդ քայլով շահնու Աթաբեկը անգլիացիներից կտրվեցին և միացան ռուսներին: «Շահը և Աթաբեկն այնպես էին խաբվել,—գրում է նա,—որ այլևս ուրիշ ելք չունեին, քան ապավինել ռուսներին: Ռուսների օժանդակութիւնը և հովանավորութիւնն ապահովելուց հետո էր, որ շահը համարձակվեց Ռեժիի կոնցեսիան բեկանել: Անգլիացիներն ընդամենը մի քանի հազար ստեռլինգ էին ծախսել, մինչդեռ շահը ստիպված եղավ հինգհարյուր հազար ստեռլինգ վճարել և իրեն փրկել»¹²¹:

«Ընդհանրապես այդ թվականից հետո,—գրում է Մահմուդը,—Ռուսաստանի և Իրանի նկատմամբ Անգլիայի քաղաքականութիւնը գործնականում փոխվում է: Հենց այդ թվականին է (1892), որ էդվարդ Գրեյը սլաշտոնի է անցնում և մշակում իր հայտնի ծրագիրը, որի արդյունքն եղավ 1907 թ. պայմանագիրը»¹²²:

Հայտնի է, որ Անգլիան իր կորցրած հեղինակութիւնը վերականգնելու համար փոխեց իր քաղաքականութիւնն Իրանում: Նախ, Անգլիան միջոցառումներ ձեռնարկեց Աթաբեկին իշխանութիւնից հեռացնելու համար, իսկ հետո դիմեց նաև մի շարք այլ քայլերի, որոնք հեռուն գնացող հետեւյալներն են Իրանի համար:

Մահմուդ Մահմուդը գտնում է, որ այդ միջոցառումներից մեկն էլ Իրանում ֆրամասոնական կազմակերպութիւնների ստեղծումն էր: «Դա մի հրդեհ էր,—գրում է հեղինակը,—որն այրեց Իրանը և իրանական ժողովրդին տարբեր տանջանքներ և զրկանքներ սլատճառեց: Հավատացե՛ք, որ այն օրվանից, երբ ֆրամասոն անունը այս երկիրը մտավ և կոն-

¹²⁰ Նույն տեղում:

¹²¹ 1717 *دعوت سياسي ... جلد ششم*

¹²² Նույն տեղում, հատ. 4, էջ 1200:

դոնի թելադրանքով Իրանում ստեղծվեց նրա գաղտնի կազմակերպությունը, հենց այդ օրվանից էլ սկսվեց իրանական ժողովրդի դժբախտությունն ու սև օրը: Հենց որ դժգոհ տարրերը և միամիտները, իսկ հետագայում ավանտյուրիստներն ու ժուլիկներն այդ կազմակերպության շուրջը հավաքվեցին, այդ օրվանից էլ Իրանի պետության հիմքերը քայքայվեց և անվտանգությունը երկրից վերացավ»¹²³:

*
*

Իրանի տնտեսական ստրկացման կարևոր օղակ էր նաև մաքսատների տնօրինությունն օտարերկրացիներին հանձնելը: Հայտնի է, որ արտաքին առևտուրը ինչ-որ շափով հսկողության էր ենթարկվում մաքսատների կողմից, որոնք, շնայած, առանձնապես լավ շէին կազմակերպված, սակայն, այնուամենայնիվ, երկրում տիրող տնտեսական համընդհանուր անարխիայի պայմաններում այդ բնագավառը կարգավորող միակ հիմնարկներն էին: Մաքսատները ոչ միայն կանոնավորում էին օտարերկրյա ապրանքների ներմուծումն, այլև պետական բյուջեի խոշոր աղբյուր էին հանդիսանում, մի հանգամանք, որը արտակարգ նշանակություն էր ստանում գանձարանի մշտական ճգնաժամային վիճակի հետևվանքով: Եվ պատահական չէ, որ օտարերկրյա գաղութարարներին առաջին հերթին հետաքրքրեց հենց մաքսատների հարցը, որոնց վրա իրենց հսկողությունը հաստատելով, նրանք փաստորեն անարգել կարող էին ընդարձակել իրենց ներմուծումները և իրանական կառավարությանն իրենցից կախման մեջ գցել:

Պետք է ասել, որ այդ բնագավառը նույնպես անզրո-
նուսական մրցակցության և հակամարտության առարկա
դարձավ: Հատկապես XIX դարի վերջերին և XX դարի ըս-
կզգրներին Իրանի մաքսատների հարցը բավական սրվեց և
իմպերիալիստական երկրները տնտեսապես իրենցից կախ-
ման մեջ ընկած իրանական կառավարությանը տարբեր
պարտքեր տալու գործը կապում էին մաքսատների վրա հըս-

¹²³ Նույն տեղում, էջ 1219:

կողովություն հաստատելու իրավունքի հետ: Իրանական կառավարությունը մաքսատների գործը կարգավորելու համար մասնագետներ էր հրավիրել Բելգիայից, որոնք, սակայն, ամբողջովին ծառայում էին իմպերիալիստական պետությունների շահերին: Երբ 1903 թվականի ապրիլին, Ամին էս Սուլթանի մեծ զեղիրության ժամանակ, անգլիական իմպերիալիստները հերթական պարտքը տվեցին Իրանին, ապա դատեղի ունեցավ անգլո-իրանական մաքսային պայմանագրի կնքումից հետո միայն: Ազատվելով աշխարհի տարբեր մասերում ունեցած հոգսերից, հատկապես հարավային Աֆրիկայում բուրերի դեմ մղվող պատերազմից, անգլիական կառավարությունը սկսեց ավելի մեծ ուշադրություն դարձնել Իրանում իր դիրքերի ամրապնդման գործին: Իրանի շահին պարզեցատրելով բարձրագույն շքանշանով, Անգլիան իրանական կառավարությանը ստիպեց ստորագրել 1903 թվականի փետրվարի մաքսային պայմանագիրը, և, այնուհետև, նրան երկու հարյուր հազար ստեռլինգ պարտք տվեց՝ ձրկնորսության, կապի և հարավի մաքսատների եկամուտների երաշխիքի դիմաց: Այդ գումարը, իբր, պարտք էր տալիս Հնդկական իշխանությունը՝ «Շահնշահի բանկի» միջոցով:

Իրանից դեռևս շորս տարի առաջ, ինչպես արդեն նշել ենք, ցարական Ռուսաստանը, նույնպես, 22,5 միլիոն ռուբլի պարտք տվեց իրանական կառավարությանը՝ հյուսիսային շրջանների մաքսատների երաշխիքի դիմաց: (Մաքսատների խորհրդատուն այդ ժամանակ Բելգիացի Նոուզն էր, որը բավական բացասական դեր է կատարել Իրանի նոր պատմության մեջ): Այդ պարտքից հետո ցարական Ռուսաստանը իր հսկողությունը հաստատեց Իրանի մաքսատների վրա: Ցարական Ռուսաստանը, իրանական մաքսատների եկամուտներն ավելացնելու նպատակով, փոխեց մաքսային տարիֆները, իհարկե, հօգուտ իրեն: Հետագայում, երբ Մոզաֆար էդ Դին շահը երկրորդ անգամ պարտք խնդրեց ցարական կառավարությունից, ապա վերջինս համաձայնվեց պարտք տալ տասը միլիոն ռուբլի, պայմանով, որ ռուսական բանկին կոնցեսիա տրվի Զուլֆայից Ղազվին խճուղի կառուցելու համար և մաքսային տարիֆը փոխվի հօգուտ Ռուսաստանի: Էբրահիմ Թեյմուրին դեռևս Թուրքիենշայի պայմանագրով

հաստատված և 80 տարի գոյություն ունեցող մաքսային տարիֆը փոխելու ցարական կառավարութեան այս առաջարկութեանը բացատրում է նրանով, որ Ռուսաստանում շարժանում էր արդյունաբերութեանը, ընդարձակվում էր առևտուրը և անհրաժեշտ էր հարմար շուկաներ ձևաբերել: Թույլ և պարտքերի մեջ խրված Իրանն, այդ իմաստով, ամենահարմար օբյեկտն էր, քանի որ ռուսական ապրանքների ներմուծման ընդարձակումով, բացի առևտրական շահերից, Իրանի արհեստավորական ձեռնարկութեանները կքայքայվեին, առևտուրը, գյուղատնտեսութեանը, անասնապահութեանը մեծապես կվնասվեր, ժողովուրդը ստիպված դեպի ռուսական քաղաքները կքոչեր և երկիրը այնպիսի ծանր վիճակի մեջ կընկներ, որ ցարական կառավարութեանը հեշտութեամբ կկարողանար իր տիրապետութեանը հաստատել Իրանի հյուսիսային նահանգների վրա¹²⁴:

Թեյմուրին հիշեցնում է, որ մեծ վեզիր Ամին էս Սուլթանը ռուսական կողմնորոշում ուներ, և մինչև իր իշխանութեան վերջը միակողմանի քաղաքականութեան էր վարում: Մաքսատան Բելգիացի մասնագետները, հետևելով մեծ վեզիրին, իրենց ամբողջ գործունեութեանը համապատասխանեցնում էին ցարական շահերին: Հատկապես Նոուզը վայելում էր ցարական Ռուսաստանի հովանավորութեանը և նրանց օգնութեամբ շուտով դարձավ ամբողջ մաքսային գործի միակ ղեկավարը՝ մաքսատների կառավարիչը, իսկ հետո նաև վեզիրը: Թեյմուրին գրում է. որ «Բելգիացի խորհրդատուներն այնպես էին պաշտպանում Ռուսաստանի շահերը, որ Իրանի ժողովրդի մեծ մասը բելգիացիներին համարում էր ռուսահպատակ և ցարական ներկայացուցիչներ»¹²⁵:

Մաքսային տարիֆները իր օգտին փոխելու հարցն առաջ քաշելով, ցարական կառավարութեանը քաջ գիտակցում էր, որ այդ քայլը մեծապես կհարվածի Անգլիայի առևտրին: Եթե անգլիացիներին շահաջողվեր մաքսային տարիֆները նույնպես իրենց օգտին փոխել, ապա նրանք կարող էին, ելնելով հավասար իրավունքների սկզբունքից, վկայակոչել իրանա-օսմանյան մաքսային պայմանագիրը և պահան-

124

ابراهیم تیموری، عصر بی خبری... ص ۵۹۱

125 Նույն տեղում, էջ 393:

ջել, որ օսմանյան հայատակաների նման անգլիական հայատականերից ևս շորս տոկոս մաքս գանձվի, որը ոչ միայն շէր համապատասխանում ցարական Ռուսաստանի հետապնդած նպատակներին, այլև մեծապես կհարվածեր նրա առևտրին: Ուստի, անգլիացիներին այդ ուղին փակելու և իրանա-օսմանյան մաքսային պայմանները իրանա-ռուսական պայմաններին ենթարկելու համար, 1901 թվականի իրանա-ռուսական մաքսային պայմանագիրը գաղտնի պահվեց, մինչև որ 1902 թվականի օգոստոսին փոխվեց իրանա-օսմանյան մաքսային պայմանագիրը:

Իրանա-օսմանյան մաքսային պայմանագիրը փոխելու համար ցարական կառավարությունը Բելգիացի նոուդին ուղարկում է Ստամբուլ, և իրանական ու օսմանյան կառավարություններին ճնշման տակ դնելով, ինչպես նաև որոշ կաշառքներ տալով հասնում է իր նպատակին:

Այսպիսով, ռուս-իրանական մաքսային տարիֆի փոփոխումը տեղի ունեցավ 1901 թվականի հոկտեմբերի 27-ի պայմանագրով՝ Իրանին նոր պարտք տալու բանակցությունների ժամանակ:

Ինչ վերաբերում է պայմանագրի տնտեսական հետևանքներին, ապա այն, նախ և առաջ, քայքայում էր Իրանի արհեստագործական արդյունաբերությունը: Ցարական կառավարությունը շահագրգռված էր միայն Իրանի հումքով, ինչպես օրինակ՝ բոդով, բամբակով, կանեփով, կաշվի հումքով և այլն: Մինչդեռ իրանական արտադրանքի և գործվածքեղենի մուտքը Ռուսաստան արգելվում էր, կամ նրանց վրա մեծ մաքսեր դնում: Իրանական առևտրականների վկայությամբ, Իրանի արտահանման ապրանքներից մի քանիսը դրկվում էին իրենց շուկայից: Ռուսական ապրանքների ցածր մաքսերի պատճառով ներքին արդյունաբերության դիմադրությունը և մրցակցությունը դժվարանում և անհնար էր դառնում: Ռուսական ներմուծվող ապրանքների, հատկապես շաքարի, կտորեղենի, նավթի մաքսերը շատ ցածր էին:

«Վերջապես, — գրում է Թեյմուրին, — եթե նոր տարիֆը Իրանի տնտեսությունը խեղդելու տարիֆ անվանենք, շափաղանցրած շենք լինի, քանի որ նրա նպատակն Իրանում ռուսական առևտրի և գյուղատնտեսության զարգացումն էր,

իրանական առևտրի արգելակումը Ռուսաստանում: Դա իր հետ բերում էր իրանական շուկայի գրավումը ցարական Ռուսաստանի արդյունաբերության և առևտրի կողմից»¹²⁶:

Իրանի մաքսային տարիֆը փոխելով, ցարական Ռուսաստանը նաև նպատակ էր հետապնդում ավելացնել անդլիական և հնդկական ապրանքների մաքսերը, որպեսզի նրանք շկարողանային մրցակցել ռուսական ապրանքների հետ: Այդ պատճառով էլ, Անգլիայի բողոքից խուսափելու համար, ինչպես արդեն նշել ենք, սկզբնական շրջանում պայմանագիրը գաղտնի պահվեց: Թեհրանում անգլիական դեսպանությունն այդ մասին որոշ տեղեկություններ ստացել էր, բայց չէր կարողանում հավատալ, որ իրանական կառավարությունն առանց Անգլիայի համաձայնության այդպիսի քայլի դիմի: Աղբյուրները վկայում են, որ երբ ռուս-իրանական մաքսային պայմանագիրը հրատարակվեց, անգլիական մամուլը մեծ աղմուկ բարձրացրեց և այն դատապարտող բաղմաթիվ հոդվածներ տպագրեց, մեղադրելով նաև անգլիական կառավարությանը, որ նա պայմանագրի կնքումը կասեցնելու հարցում թերացել է¹²⁷:

Ռեդա Սաֆա Նիան, իր «Իրանի մաքսային անկախությունը» գրքում, քննարկելով ցարական Ռուսաստանի՝ Իրանին պարտադրած մաքսային այս պայմանագիրը, գրում է. «Ռուս-իրանական մաքսային այս պայմանագիրը մեծապես վնասաբեր էր, նույնիսկ, կարելի է ասել, որ այդ պայմանագիրն անհամեմատ ավելի ծանր էր, քան Գոլեստանի և Թուրքմենչայի պայմանագրերը»: Հեղինակն այն կարծիքն է հայտնում, որ նոր պայմանագիրն Իրանի համար աղետաբեր և կործանիչ էր թե՛ քաղաքական և թե՛ տնտեսական տեսակետից: Քաղաքական առումով այն զրկում էր Իրանին իր մաքսատները տնօրինելու, մաքսային տարիֆները փոխելու, ներմուծումների ու արտահանումների մաքսերը պակասեցնելու կամ ավելացնելու իրավունքից: «Այսպիսով, — գրում է հեղինակը, — պայմանագրի յոթ հոդվածները փաստորեն յոթ օղակներ էին, որոնք կաշկանդում էին Իրանի ձեռքն ու ոտքը և երկիրը զցում այնպիսի վիճակի մեջ, որն ավելի վատ էր,

¹²⁶ Նույն տեղում, էջ 403:

¹²⁷ Նույն տեղում, էջ 405:

քան խնամատարության տակ գտնվող կամ, մինչևիսկ, գաղութային երկրի վիճակից»¹²⁸։

Ռուս-իրանական մաքսային այդ պայմանագիրը, Անգլիայի քաղաքական ներկայացուցիչների կարծիքով, ամենամեծ հարվածն էր, որ հասցվել էր Իրանում բրիտանական քաղաքական և տնտեսական շահերին։ Ինչպես գրում է Մահմուդ Մահմուդը, Անգլիայի արտաքին գործերի մինիստրությունը շտապ կերպով Թեհրան ուղարկեց իորդ Դեռնին, որն իր հետ շահի համար բարձր շքանշան էր բերում, և որին հանձնարարված էր նման մի մաքսային պայմանագիր կնքել Իրանի հետ, որպեսզի ռուս-իրանական պայմանագրի իրականացման դեպքում Անգլիայի առևտուրն Իրանում շտուժեր¹²⁹։ Անգլիական կառավարությունն այն կարծիքին էր, որ Թեհրանում անգլիական ներկայացուցիչներին փաստորեն խաբել են և այդ պայմանագիրն ստորագրելով, իրանական կառավարությունը հանցանք է գործել, քանի որ առանց Անգլիայի գիտության և ամբողջովին ի վնաս նրան է այդ քայլին դիմել։

Ամեն պարագայում, անգլիական կառավարության որոշ ճնշումից հետո, 1903 թվականի փետրվարի 9-ին, ռուս-իրանական պայմանագրի օրինակով, նույնպես յոթ հոդվածից բաղկացած, մի պայմանագիր կնքվեց Իրանի և Անգլիայի միջև։ Հետաքրքրական է, որ Ռուսաստանի ու Անգլիայի հետ կնքած մաքսային այդ պայմանագրերի հինգերորդ հոդվածում ուղղակիորեն նշված էր, որ «Մաքսային վարչությունը պետք է մի ընդհանուր կանոնադրություն կազմի՝ ռուսական և անգլիական դեսպանությունների համաձայնությամբ»¹³⁰։

Էբրահիմ Թեյմուրին, գնահատելով 1901 թվականի ռուս-իրանական և 1903 թվականի անգլո-իրանական մաքսային պայմանագրերը, գրում է, որ դրանք «տնտեսական ստրկության նենդ շղթաներ էին, որ Մոզաֆար էդ Դին շահի թագավորության օրոք, Միրզա Ալի Ասղար խան Ամին էս Սոլթանի

128

129 محمود محمود، تاریخ روابط سیاسی... جلد ششم صفحہ ۱۶۷

130

ابراہیم تیموری، عصر بی خبری... صفحہ ۴۰۹

միջոցով հազցվեցին իրանական ժողովրդի ձեռքերին ու ոտ-
քերին¹³¹ :



Իրանի տնտեսական ստրկացման և ընդհանրապես
իմպերիալիստական տերությունների ռազմա-ստրատեգիա-
կան պլանների իրականացման տեսակետից մեծ կարևորու-
թյուն ունեւ ճանապարհների կառուցումը և նրանց հսկողու-
թյունը: Այդ բնագավառը ևս դուրս շմնաց Անգլիայի և ցարա-
կան Ռուսաստանի ուշադրությունից:

Իմպերիալիստական այս տերություններին հատկապես
հետաքրքրում էր Կասպից ծովը Պարսից ծոցին միացնող
երկաթգծի կառուցման հարցը:

Հայտնի է, որ անգլիացիները այդպիսի երկաթգիծ կա-
ռուցելու իրավունք ստացան 1872 թվականի կոնցեսիայով:

Ինչպես արդեն նշել ենք, կոնցեսիան նախատեսում էր
Անգլիային տրամադրել ամբողջ Իրանի բնական հարստու-
թյունների շահագործումը, ինչպես նաև երկաթուղիների ու
ճանապարհների կառուցումը¹³²:

Այս կոնցեսիայի իրականացումը հանդիպեց մեծ դժվա-
րությունների, մասնավորապես ցարական Ռուսաստանի
խիստ դիմադրությանը: Պարսիկ հեղինակ Մահմուդ Մահ-
մուդը շի գտնում, սակայն, որ անգլիացիների պլանների խա-
փանման հիմնական պատճառը ցարական դիմադրությունն
էր: Նրա կարծիքով, իրենք անգլիացիներն էլ, դեռևս այն
ժամանակ գիտակցում էին նման պլանի կրականացման
անհնարինությունը, և այդ քալլին դիմեցին միայն քաղաքա-
կան ցուցադրական նպատակներով: Նրանք, ըստ Մահմու-
դի, կոնցեսիան օգտագործում էին ցարական կառավարու-
թյանն սպառնալու և ուրիշ հարցերում նրանից զիջումներ
կորզելու նպատակով: Որպես օրինակ նա բերում է Աֆղա-
նըստանի հարցը. հենց որ ցարական կառավարությունը այդ
հարցում տեղի տվեց, և անգլիացիները հասան իրենց նպա-
տակին, ապա Կասպից ծովը Պարսից ծոցին միացնող եր-

¹³¹ Նույն տեղում, էջ 391:

¹³² ۱۲۲۸ دەخام پینجم جلد تاریخ روابط سیاسی ...

կաթգծի կառուցման հարցը ևս օրակարգից դուրս եկավ¹³³: Հեղինակն, այնուհետև, շարունակում է, որ Անգլիան ձգտում էր երկաթգծի կառուցման իրավունքն իր ձեռքը վերցնել մասամբ նաև այն պատճառով, որ վախենում էր, թե ուսներն այդ հարցում իրենց կկանխեն: Նրանք շահին և իրանական մյուս ղեկավարներին համոզում էին, որ ուսները դեմ են Իրանի զարգացմանը և արգելակում են ամեն մի բարեփոխություն: Եթե այժմ ցարական Ռուսաստանը հակադրվում է այդ երկաթգծի կառուցման պլաններին, ապա պատճառն այն է, որ ցանկանում է Իրանի հետամնացությունը պահպանել և թույլ շտալ նրա առաջընթացն ու բարգավաճումը¹³⁴:

Սակայն, շնայած երկաթգծի կառուցման պլանները ձախողվեցին, անգլիական իմպերիալիստներն, այնուամենայնիվ, ձեռնամուխ եղան մի շարք ճանապարհների կառուցման, որոնք անհրաժեշտ էին երկրի հարավում նրանց տրնտեսական և քաղաքական տիրապետությունն հաստատելու համար:

Ռեյտերին տված կոնցեսիայի համաձայն, 90-ական թվականներին անգլիացիները կառուցեցին մի շարք ճանապարհներ: Դրանցից էին, օրինակ, Թեհրանից Ղոմ և Սոլթանաբադ, Թեհրանից, էսֆահան տանող ճանապարհը և այլն:

Իրանի հարավային շրջանում մեծ ակտիվություն էր հանդես բերում «Լինչ եղբայրների» ընկերությունը, որն, ինչպես Հոսեյն Սաադաթ Նուրին է գրում, Նասր էդ Դին շահի որդի Զեյ էս Սոլթանին նվիրված իր գրքում, «Տարիներ շարունակ առևտրական գործունեության պատրվակով երկրի հարավային շրջանները կողոպուտի էր ենթարկում և տարբեր առիթներով օգտագործում էր իր ազդեցությունը և միջամտում կառավարական հիմնարկների գործերին»¹³⁵:

Այդ նույն ընկերությունն էր, որ 1898 թվականին իրա-

¹³³ Նույն տեղում, էջ 1229:

¹³⁴ Նույն տեղում, էջ 1234:

¹³⁵ حسین سعادت نوری، ظل السلطان، تهران ۱۳۴۸، جلد اول،

صفحة ۱۹۸

Լինչը դեռևս երիտասարդ ժամանակներից մեծ եռանդ էր երևան բերում Իրանում անգլիական ազդեցությունը և տիրապետությունը ընդարձակելու ուղղությամբ: Նույն տեղում, էջ 246:

վունք ձեռք բերեց կառուցել և վերահսկել Ահվադից էսֆահան և Շուշթարից էսֆահան տանող ճանապարհները:

Ճանապարհների կառուցման և վերահսկման բնագավառներում, հատկապես, լայն գործունեություն ծավալեց ցարական Ռուսաստանը: Թեյմուրին գրում է. «Յարական Ռուսաստանի ներկայացուցիչներն երկաթուղիներ ու խճուղիներ կառուցելու, հանքեր շահագործելու, դործարանների կառուցելու մեծ թվով կոնցեսիաներ են ձեռք բերել: Այսպիսի դեպքերում ցարական կառավարությունը միշտ ռազմական, տնտեսական կամ հատուկ քաղաքական նպատակներ է ունեցել և երբեք իրանական ժողովրդի նվազագույն շահն անդամ հաշվի չի առել»¹³⁶: Հեղինակի կարծիքով, տարիներ շարունակ ցարական կառավարության ուշադրության կենտրոնում էր ճանապարհների և երկաթգծերի կառուցման հարցը, որը պետք է հեշտացնել փոխադրումները հյուսիսային Իրանում և նպաստեր ցարական տնտեսական ու քաղաքական ազդեցության ուժեղացմանը: Իրանում Ռուսաստանի առևտուրն ընդարձակելու և տարբեր քաղաքներում ռուսական ապրանքների վաճառելու կարևորագույն միջոցներից էր այդ քաղաքները միմյանց կապող ճանապարհների կառուցումը: Այսպիսով, իր քաղաքական և ռազմա-ստրատեգիական պլաններից ելնելով ցարական կառավարությունը հատուկ ուշադրություն էր դարձնում այդ հարցին:

Երկաթուղիներ և ճանապարհներ կառուցելու կոնցեսիաներ ձեռք բերելիս ևս ի հայտ էր գալիս Անգլիայի և ցարական Ռուսաստանի մրցակցությունը: Երբ ռուսները ձեռնամուխ էին լինում որևէ ճանապարհի կառուցման, հանդիպում էին անգլիացիների դիմադրությանը, և ընդհակառակը, երբ անգլիացիները հարավում պատրաստվում էին որևէ ճանապարհ կառուցել, ռուսները դեմ էին դուրս գալիս: Իրանական կառավարությունն էլ թե՛ տնտեսական անկարողության և թե՛ քաղաքական նկատառումներով, վախենալով, որ ճանապարհների կառուցումը հյուսիսում կամ հարավում կարող էր հակասել երկու մրցակիցներից որևէ մեկի շահերին, այդ հարցին ուշադրություն չէր դարձնում¹³⁷:

136

ابراهیم تیموری، عصر بی خبری... صفحه ۲۴۱

137

ابراهیم تیموری، عصر بی خبری... صفحه ۳۵۱

Երբ անդլիական իմպերիալիստները պայքար սկսեցին Քարուն գետի նավարկութեան իրավունքը ձեռք բերելու համար, ռուսական դիմադրութեանը մեղմացնելու նպատակով իրանական կառավարութեանը որոշեց Ադրբեջանում խճուղիներ կառուցելու իրավունք տալ իրանական և օտարերկրյա հպատակներից կազմված մի որևէ ընկերութեան, որի կազմակերպման արտոնութեանը վստահվեց Ամիր Նեզամին: Այդ ընկերութեանը տրված կոնցեսիայի ժամկետը 99 տարի էր: Նրան էր հանձնվում նաև Զուլֆայից Արաքս գետի ափերը ճանապարհ կառուցելու իրավունքը: Այդ ընկերութեանը թույլատրվում էր Ադրբեջանի տարբեր վայրերում կառուցել նաև շաքարի, մոմի, ապակու և թղթի գործարաններ: Թավրիզից Ղազվին տանող ճանապարհի կառուցումը կազմակերպելու ուղղութեամբ ընկերութեան ջանքերը որևէ արդյունքի չհասան, և իրանական կառավարութեանն այդ գործի արտոնութեանը տվեց ռուսական բանկին:

Նասր էդ Դին շահի Եվրոպա կատարած երրորդ ճանապարհորդութեանից հետո, բանակցութեաններ տեղի ունեցան իրանական կառավարութեան և ցարական դեսպանութեան միջև, որի հետևանքով 1891 թվականին ռուս կապիտալիստ Պոլյակովը ստացավ Իրանի տրանսպորտի կոնցեսիան՝ 75 տարի ժամկետով: Կոնցեսիան իր տնօրինութեան տակ էր վերցնում ամբողջ Իրանի տրանսպորտը: Նրան պետք է ենթարկվեին նաև կապի հիմնարկները:

Կոնցեսիոն այդ սլայմանագիրը բաղկացած էր 12 հոդվածներից: Նրա կենտրոնական գրասենյակը գտնվում էր Թեհրանում, բայց նա կարող էր մասնաճյուղեր հիմնադրել երկրի բոլոր ծայրամասերում:

Ապահովութեան հարցի շուրջը համաձայնութեան շահագելու պատճառով Պոլյակովի այս կոնցեսիան, նույնպես, չիրականացավ: Բայց, հետագայում, ճանապարհների կառուցման համար ռուսական և իրանական կապիտալիստներից մի ընկերութեան ստեղծվեց, որին թույլատրվեց, հատկապես Ռաշտից Ղազվին, Ղազվինից Թեհրան, Ղազվինից Համադան տանող խճուղիների կառուցումը, ինչպես նաև էնդելի ծովածոցի մաքրման և խորացման աշխատանքների իրականացումը: Թեյմուրին գրում է, որ տարիներ առաջ ցարական

կառավարութիւնը ճնշում էր գործադրում իրանական կառավարութեան վրա, որպեսզի Ռաշտից Թեհրան տանող ճանապարհի կառուցման իրավունքը տրվի ռուսական ընկերութեանը: Իրանական կառավարութիւնը խուսափում էր այդ ճանապարհը ամբողջովին ռուսների տրամադրութեան տակ դնել, բայց ցարական դեսպանութեան և Ամին էս Սուլթանի միջև մղված բանակցութիւններից հետո որոշվեց այդ իրավունքը տալ իրանական և ռուսական կապիտալից կազմված խառն ընկերութեանը¹³⁸:

Աղբյուրները վկայում են, որ ռուս-իրանական սահմանից մինչև Թեհրան տանող ճանապարհի կառուցումը երկար ժամանակ ցարական կառավարութեան ուշադրութեան կենտրոնում էր: Այդ կապակցութեամբ տարբեր մարդկանց արտոնութիւններ էին տրվել, բայց դրանցից ոչ մեկը չէր իրականացել: «Եւ ահա միայն Հ. 1319 թվականին էր, — գրում է Թեյմուրին, — երբ իրանական կառավարութեան երկրորդ անգամ իր մուրացիկ ձեռքը երկարեց ցարական Ռուսաստանից պարտք վերցնելու, ռուսներն առիթն օգտագործելով, իրանական կառավարութեանը մի շարք առաջարկութիւններ արեցին, այդ թվում և պահանջեցին Թավրիզից Թեհրան տանող ճանապարհի կառուցման կոնցեսիայի հանձնումը Ռուսական բանկին»¹³⁹:

Ռուսական ընկերութիւններն արտոնութիւններ ստացան նաև մի շարք այլ խճուղիների կառուցման համար, ինչպես օրինակ՝ էնդելի—Թեհրան, Համադան—Աստարա—Արդաբիլ և այլն:

Ցարական ընկերութիւնների կողմից կառուցվող ճանապարհները գնալով ընդարձակվում էին:

Միայն Հոկտեմբերյան սոցիալիստական մեծ հեղափոխութիւնից հետո՝ 1921 թվականին, կնքված սովետա-իրանական պայմանագրով, սովետական կառավարութեանը հրաժարվեց Իրանում ցարական Ռուսաստանի ունեցած բոլոր մենաշնորհներից, այդ թվում նաև Ռուսաստանի կողմից կառուցված էնդելի—Թեհրան, Ղազվին—Համադան, Ջուլֆա—Թավրիզ խճուղիներից, Ջուլֆա—Թավրիզ և Սոֆիան—

¹³⁸ Նույն տեղում, էջ 353:

¹³⁹ Նույն տեղում, էջ 357:

Ուրմիտ լիճ երկաթգծից՝ իրենց բոլոր շինություններով, շոգե-
քարշերով, վագոններով և բնակարաններով հանդերձ: Ան-
վերադարձ էերպով իրանական ժողովրդին տրվեցին Ուրմիտ
լճի նավահանգիստները, շոգենավերը, նավակները, նրանց
պատկանող բոլոր շինությունները, ինչպես նաև էնդելիի նա-
վահանգիստն իր ապրանքային շտեմարաններով, էլեկտրա-
կայանով և այլ շենքերով:

*

* *

Պարսից ծոցում և ընդհանրապես հարավային Իրանում
իրենց տիրապետությունը հաստատելու համար անգլիական
իմպերիալիստները հատուկ ուշադրություն էին դարձնում
նաև Քարուն գետում աղատ նավարկության իրավունք ձեռք
բերելու հարցին: Դա հնարավորություն կտար անգլիական
իմպերիալիստներին խորանալ երկրի ներսը և է՛լ ավելի ըն-
դարձակել իրենց տնտեսական ազդեցությունը հարավային
Իրանում:

Քարուն գետում անգլիական նավերի աղատ նավարկու-
թյան հարցը նույնպես երկար պատմություն ունի: Միանգա-
մայն ճիշտ է նշում էբրահիմ Թեյմուրին, որ Քարուն գետին
տիրելը, բացի այն, որ կընդարձակեր անգլիացիների քաղա-
քական ազդեցությունը, կուժեղացնիր նրանց հսկողությունը
հարավային Իրանի տարբեր շրջանների վրա, նաև առևտրա-
կան շահերի տեսակետից մեծ նշանակություն կունենա: Օգտագործելով այդ բնական ճանապարհը, անգլիական և
հնդկական ապրանքները հեշտությամբ կհասնեին կենտրո-
նական Իրանի քաղաքները¹⁴⁰:

Անգլիայի և իրանական կառավարության միջև երկար
բանակցություններ էին մղվում Քարուն գետի նավարկու-
թյան կոնցեսիայի վերաբերյալ: Աղբյուրների վկայությամբ
Անգլիան առաջարկում էր Իրանին տալ Հերաթը և դրա դի-
մաց ստանալ Քարուն գետում աղատ նավարկության իրա-
վունք: Թեյմուրին վկայում է. «Չնայած այն բանին, որ Քա-
րուն գետում նավարկությունը նասր էդ Դին շահը Հերաթի
զրավմանը համարժեք էր համարում, մի քանի տարի հետո

այն ձրի և ավելի վնասաբեր հետևանքներով հանձնեց անգլիացիներին»¹⁴¹: Իրանական կառավարությունը շատ լավ գիտեր, որ եթե Քարուն գետի նավարկության իրավունքը տրվեր անգլիացիներին, ուսները նույնպես ավելի ծանր սլայմաններով նման արտոնություն կպահանջեին հյուսիսային Իրանում: Թեյմուրին նշում է, որ իրանական կառավարությունը Քարուն գետում ազատ նավարկության իրավունքի հանձնումից խուսափում էր ցարական Ռուսաստանի հակառակության պատճառով, «քանի որ դա թե՛ քաղաքական և թե՛ տնտեսական տեսակետից մեծ հարված էր իրանում նրանց շահերին»¹⁴²:

Քանի որ իրանական կառավարությունը ուսական հակառակությունը պատճառաբանելով մերժում էր նրանց այս պահանջը, ապա անգլիացիներն առաջ էին քաշում Քարուն գետը բոլոր երկրների նավարկության համար բաց հայտարարելու նախագիծ, լավ դիտենալով, որ առկա սլայմաններում միայն Անգլիան կարող էր լայնորեն օգտվել այդ արտոնությունից:

Իրանի մեծ վեզիրն այդ ժամանակ Միրզա Ասղար խան Ամին էս Սոլթանն էր, որը սերտ հարաբերությունների մեջ էր Անգլիայի հետ և, «ինչպես հայտնի է, ոչինչ չէր ձեռնարկում առանց Վոլֆի հետ խորհրդակցելու»¹⁴³:

Հենց այդ ժամանակ էր, որ Նասր էդ Դին շահը պատրաստվում էր իր երրորդ ճամփորդությանը դեպի Եվրոպա: Նախքան մեկնելը, սակայն, նա պետք է բավարարեր անգլիական դեսպանի պահանջները և, ամենից առաջ, թույլ տար օտարերկրյա նավերի ազատ նավարկությունը Քարուն գետում: Աղբյուրները վկայում են, որ շահը խիստ վախենում և խուսափում էր այդ քայլին դիմել¹⁴⁴, բայց, վերջապես, շղիմանալով անգլիական դեսպանի ճնշմանը և սպառնալիքներին և ընդառաջելով Ամին էս Սոլթանի ցանկությունը, կարգադրում է խորհրդակցություն գումարել կառավարության և մի շարք այլ գործիչների մասնակցությամբ,

¹⁴¹ Նույն տեղում, էջ 152:

¹⁴² Նույն տեղում, էջ 168:

¹⁴³ Նույն տեղում, էջ 165:

¹⁴⁴ Նույն տեղում, էջ 166:

ու վճռել այդ հարցը: Մի շարք բանակցություններից հետո, վերջապես, որոշվում է Քարուն գետի նավարկությունն առանց բացառության բոլոր երկրների համար ազատ հայտարարել: Այդ որոշումը կայացվում է 1888 թվականի հոկտեմբերի 30-ին, որի մասին պաշտոնապես հայտնվում է Թեհրանում օտարերկրյա բոլոր ներկայացուցիչներին:

Չնայած այն բանին, որ Քարուն գետի նավարկությունն ազատ հայտարարվեց բոլոր երկրների համար, բայց իրականում, ինչպես արդեն ասվել է, դրանից կարող էին օգտվել միայն անգլիացիները, քանի որ, բացի նավարկության ընդարձակ միջոցների ունենալուց, Անգլիան տիրում էր Պարսից ծոցում, և այդ շրջանի առևտրի մոնոպոլիան գտնվում էր նրա ձեռքում: Բաղմաթիվ անգլիական ընկերություններ, ինչպես օրինակ՝ Ջիզլերի, Լինչ եղբայրների և այլն, ընդարձակ առևտուր էին ծավալել այդ շրջանում¹⁴⁵:

Քարուն գետի ազատ նավարկության շահական ֆարմանից և Ռուսաստանի խիստ հակառակությունից հետո, Նասր էդ Դին շահը Լոնդոնում իրանական դեսպան Մալքոմին ուղղված նամակում Իրանի նկատմամբ անգլիական և ռուսական քաղաքականության և իր հոգսերի մասին գրում էր. «Իրանի կառավարության վիճակը նման չէ որևէ այլ կառավարության վիճակին: Իրանի կառավարությունը դարձել է Անգլիայի և Ռուսաստանի մրցակցության առարկա: Եթե մեր երկրի շահերից ելնելով որևէ բան ենք ուղում ձեռնարկել երկրի հարավում, ինչպես օրինակ՝ Ճանապարհների կառուցում և այլն, ռուսական կառավարությունն ասում է՝ Անգլիայի օգտին եք անում: Օրինակ, այդպես են ասում Քարուն գետի հարցում: Եթե այդպիսի միջոցառումների ենք դիմում Իրանի հյուսիսում, արևմուտքում և արևելքում, անգլիացիներն ասում են՝ ռուսների շահերից ելնելով եք անում: Ինչպես օրինակ՝ Ղուչանի Ճանապարհի կառուցման, կամ Կասպից ծովի ափերին, Մահմուդաբադի մոտ, Հաջ Մոհամադ Հասանի ձեռնարկած երկաթգծի կառուցման ժամանակ էին ասում: Մեր գործը դժվարացել է և օրեցօր դժվարանում է: Մնում է, որ Անգլիան ու Ռուսաստանը միանգամից գան և ասեն, որ Իրանն անկախ երկիր չէ...: Ռուսաստանի և Անգլիայի մրց-

¹⁴⁵ Նույն տեղում, էջ 176:

ցակցությունն այն աստիճանի է հասել, որ, օրինակ, եթե ուղենաք զբոսանքի կամ որսի գնալ երկրի հյուսիսը, արևելքը կամ արևմուտքը, պետք է անգլիական կառավարութեան հետ խորհրդակցենք, քանի որ այն ուսական սահմանների կողմն է, կարող է նա ինչ-որ բան մտածել ու նեղանալ: Եթե ցանկանանք հարավ գնալ, պետք է ուսական կառավարութեան հետ խորհրդակցենք»¹⁴⁶:

Այնուամենայնիվ, Քարուն գետի նավարկութեան իրավունքի հանձնումն անգլիացիներին մեծ դավաճանություն էր Իրանի իշխող շրջանների կողմից:

Միանգամայն ճիշտ է Մահմուդ Մահմուդը, ասելով, որ «Եթե գնահատենք կարճ ժամանակամիջոցում անգլիացիներին տրված բոլոր կոնցեսիաները, միանգամայն պարզ կդառնա, որ դեպի անգլիացիներն հակված բոլոր մեծ վեզիրների դավաճանությունների շարքում, Աթաբեկի դավաճանությունը ամենամեծն էր»¹⁴⁷:

Անգլիացիները վաղուց էին ձգտում ներթափանցել դեպի Խուզեստան: Իրենց կողմնակից մեծ վեզիրների օրոք նրանք փորձում էին այդ անել, բայց ուսաների հակառակությունը խանգարում էր:

Սակայն, ինչպես նշում է Մահմուդը, Աթաբեկը այդ խնդիրը լուծեց և Քարուն գետի նավարկութեան արտոնությունը տրամադրեց Անգլիային: Հայտնի է, որ հետագայում Աթաբեկը հակվեց դեպի ցարական Ռուսաստանը: Մահմուդն այդ կապակցությամբ գրում է. «անգլիացիները Աթաբեկին լավ էին ճանաչում, գիտեին, թե ինչպիսի խոհեմ և հմուտ քաղաքագետ է, և շատ էին ցավում, որ նրան կորցրեցին: Այժմ արդեն բոլոր արտոնությունները տրվում էին ուսաներին»¹⁴⁸:

* *

Իրանի գաղութացման վճռական գործոն էր նաև օտարերկրացիների ազդեցութեան տարածումը իրանական բանակի վրա:

¹⁴⁶ Նույն տեղում, էջ 13—14:

¹⁴⁷ «تاریخ روابط سیاسی... جلد ششم» ۱۷۹۲

¹⁴⁸ Նույն տեղում:

XIX դարի երկրորդ կեսին Իրանում կանոնավոր, կաշմակերպված բանակ չկար: Առանձին ֆեոդալներ ու խաներ ունեին զինված ջոկատներ, որոնք անհրաժեշտության դեպքում տրամադրվում էին կենտրոնական կառավարութայանը: Հատկապես ռուս-պարսկական և հետագայում Հերաթի գրավման համար մղված պատերազմներում ակնհայտորեն բացահայտվեց իրանական բանակի անկարողութունը¹⁴⁹:

Նասր էդ Դին շահը մտահոգված էր այդ հարցով և մտածում էր ստեղծել ժամանակակից բանակ, թեկուզ միայն իր գահը պաշտպանելու համար: Եվ ահա, առիթից օգտվելով, ցարական Ռուսաստանը ներխուժեց նաև այդ բնագավառ: Նախնական համաձայնությամբ 1872 թվականին Թեհրան ժամանեց գնդապետ Դոմանտովիչը, իր հետ բերելով երեք այլ սպաներ և մի շարք աստիճանավորներ: Շահի խնդրանքով նրանք կազմակերպեցին իրանական կանոնավոր զորամասեր՝ կողակային գնդերի օրինակով: Այդ ուժերը շուտով վերածվեցին բրիգադի, իսկ ավելի ուշ՝ դիվիզիայի:

Իրանական, այսպես կոչված, «կողակային բրիգադի» հրամանատարները պետք է լինեին գնդապետի աստիճան ունեցող ռուս սպաներ: Այդ բրիգադում ծառայող պարսիկ զինվորները, որոնք մեծ մասամբ հավաքագրվում էին իշխող խավերի զավակներից, ենթարկվում էին իրենցից ավելի ցածր աստիճաններ ունեցող ռուս զինվորականներին:

Բրիգադի ծախսերը հետագայում տարեկան կազմում էին մոտ 900,000 թուման, որը ռուսական վարկատու բանկը տալիս էր բրիգադի ռուս հրամանատարին, որպես մաքսատներից ստացված եկամտի մի մասը: Բրիգադի զորամասերը կենտրոնացված էին Իրանի տարբեր քաղաքներում: Բացի

¹⁴⁹ Հնդհանրապես, կարելի է ասել, որ իրանական բանակը փոքրաթիվ չէր: XIX դարի երկրորդ կեսին անկանոն հեծելազորը կազմում էր մոտ 150—200 հազար մարդ: Կառավարութայունը, փաստորեն, ի վիճակի չէր հավաքել 80 հազարից ավելի զինվոր, որոնց մարտունակութայունը, նաև, շատ թույլ էր:

1870 թ. զորակոչիկների համար հաստատվում է հետևյալ կարգը. այն գյուղերը, որոնք տարեկան 20 թուման հարկ էին վճարում, պետք է հատկացնեին 16 տարեկան հասակ ունեցող մեկ զինվոր: Զինվորներ էին տրամադրում բոլոր գյուղերը, բացառութայամբ մոզթեհիդներին, Շեյխ օլ Լալամին և սլատվո զազիններին պատկանող գյուղերի:

Թեհրանից, նրանք կայազորներ ունեին Թավրիզում, Ռաշտում և Համադանում, իսկ հետադաշում նաև էսֆահանում, Արդաբիլում և Ուրմիայում:

Չնայած բրիգադը կոչվում էր իրանական կողակալին բրիգադ, սակայն միանգամայն հասկանալի է, որ նրա ուսահրամանատարները ենթարկվում էին ռուսական ղլխավոր շտաբին և կատարում նրանց հրամանները:

Իրանական պատմագրությունը քննարկել է նաև կողակալին բրիգադի դերը Իրանը կիսագաղութի վերածելու գործում:

Անդրադառնալով այդ բրիգադի կազմակերպման պատմությանը, Իսա Սադեղը վկայում է, որ սկզբում իրանական կառավարությունը բանակը կարգի բերելու համար ավստրիացի ղինվորականներ հրավիրեց: Սակայն ցարական Ռուսաստանը ճնշում գործադրեց, և կառավարությունը ըստիպված եղավ ավստրիացիներին վտարել: Դրանից հետո, 1879 թ. հրավիրվեցին ռուս սպաները, որոնք կազմակերպեցին կողակալին զորամասը: Այն իր գոյությունը պահպանեց մինչև 1922 թ. և ամբողջ ժամանակ ապահովում էր ռուսական ազդեցությունն Իրանում¹⁵⁰:

Այդ հարցն է արծարծում նաև Մահմուդ Մահմուդը: Նա, մասնավորապես, ռուս սպաների հրամանատարությունը կողակալին բրիգադի ստեղծումը համարում է Բեռլինի կոնգրեսի արգասիք, քանի որ, ինչպես նշում է, «այդտեղ էր, որ Անգլիան ու Ռուսաստանը համաձայնվեցին, որ Ռուսաստանը հրաժարվի Աֆղանստանից, իսկ Անգլիան շառարկի, որպեսզի ռուս ղինվորականները Իրանում կողակալին զորամաս կազմակերպեն: Սակայն, քանի որ Անգլիան մոտ հարաբերությունների մեջ էր Ավստրիայի հետ, ապա կորդ Սուլթանի և Ավստրիայի պրեմիեր մինիստր ու արտաքին գործերի մինիստր Քոնտ Անդրալիի միջև գաղտնի համաձայնություն կայացվեց, որպեսզի ավստրիացի ղինվորականները ուղարկվեն Իրան՝ նոր բանակ կազմակերպելու համար»: Այնուհետև, հեղինակը գրում է, որ շնայած XIX դարում օտարերկրյա շատ ղինվորականներ են Իրան եկել, սակայն միայն ռուս-

عیسی صمدیق، سیر فرهنگ در ایران و مغرب زمین، 150
تهران ۱۳۳۲ صفحه ۵۷۷

ներն էին, որ Իրանում երկար մնացին և ղեկավարում էին կոզակային բրիգադը, որը գոյություն ունեցավ ավելի քան 40 տարի, և որից «Իրանը և իրանցիները նյութական ու բարոյական մեծ վնասներ կրեցին և անշափ ու անսահման կորուստներ ունեցան»¹⁵¹ :

Կոզակային բրիգադի դերը ավելի խորն է ուսումնասիրել էբրահիմ Թեյմուրին: Նա նշում է, որ երբ Իրանում ուսսպաների հրամանատարությամբ կազմակերպվեց կոզակային բրիգադը՝ ուսական քաղաքական ներկայացուցիչներն ու հյուպատոսները, դեսպանատան և հյուպատոսությունների պաշտպանության անվան տակ Իրանի տարբեր մասերում մեծ թվով կոզակներ վարձեցին: Դեսպանատունը և հյուպատոսարանները տարիներ շարունակ հայրենիքի դավաճանների և ավազակների ասպատարաններն էին: Սովորաբար, դեսպանատան վարձու անձինք կարող էին ամեն տեսակ արարքների թույլ տալ և հետո, վտանգի դեպքում, պատասպարվել այդ հիմնարկներում և խուսափել պատժից: Թեյմուրիի վկայությամբ, ցարական ներկայացուցիչները բացահայտ հովանավորում և պաշտպանում էին այդպիսի մարդկանց¹⁵²: Թեյմուրին կոզակային բրիգադի ստեղծումը համարում է ցարական Ռուսաստանին տրված այն արտոնություններից մեկը, որը տարիներ շարունակ պատուհաս դարձավ Իրանի և իրանական ժողովրդի համար: Կոզակների բրիգադն իրականում այն ուժն էր, որն իրականացնում էր ուսական դեսպանատան և ցարական գործակալների՝ Իրանի դեմ ուղղված դիտավորությունները և տարբեր ձևերով ու եղանակներով միջամբռում էր երկրի բոլոր գործերին: Ռուս սպաները շնայած իրանական կառավարության ծառայության մեջ էին համարվում և նրա բյուջեից էին ուճիկ ստանում, սակայն ուղղակի կամ անուղղակի կերպով ենթարկվում էին կովկասյան հրամանատարությանը¹⁵³ :

Այդ մասին նույն կարծիքի է նաև Ալի Ասղար Շամիմը: Նա գրում է, որ 1879 թվականին կազմակերպված կոզակային բրիգադի միջոցով ուսական զինվորական կցորդները

151 محمود محمد، تاریخ روابط سیاسی... جلد چهارم ص ۹۰۶-۹۰۴

152

ابراهیم تیموری، عصر بی خبری... ص ۲۴۰

153 նույն տեղում, էջ 309:

փաստորեն իրենց ենթարկեցին Իրանի պաշտպանական ուժերը: Այդ բրիգադն աստիճանաբար վերածվեց մի անկախ ուժի, որն «ազդեցիկ միջոց էր բռնապետական ռեժիմի ամրապնդման, ազատասերների ճնշման և կովկասյան հրամանատարության ու ցարական պալատի հրամանները իրագործելու համար»¹⁵⁴:

Մալեք ղադեն նույնպես կողակալին բրիգադի ստեղծումը համարում է ցարական Ռուսաստանի հաջողություններից մեկը, որով նա մեծ շափով ուժեղացրեց իր ազդեցությունն Իրանում: «Կողակալին բրիգադը,— գրում է նա,— համարվում էր իրանական կառավարության միակ կանոնավոր ուժը և բոլոր կարևորագույն հանձնարարությունները նրան էին տրվում: Մինչդեռ, քանի որ նրա հրամանատարները ուս սպաներ էին, ուստի նրանք իրենց կառավարության հրամաններն էին կատարում. և ենթարկվում էին կովկասյան հրամանատարությանը և Թեհրանի դեսպանատանը»¹⁵⁵:

Վերլուծելով կողակալին բրիգադի ամբողջ գործունեությունը, Մալեք ղադեն հանգում է այն ճիշտ եզրակացության, որ «Նասր էդ Դին շահի խոշորագույն սխալներից մեկը ուս սպաների հրամանատարության ներքո կողակալին բրիգադի ստեղծումն էր: Հենց այդ ուժի վրա հենվելով Ռուսաստանն իր ազդեցությունն ուժեղացրեց Իրանում, իսկ հետագայում սահմանադրական հեղափոխությամբ ստեղծված ազգային կառավարությունը տապալվեց հենց այս բրիգադի ձեռքով»¹⁵⁶:

Սակայն պետք է նշել, որ հեղինակն անտեսում է այն շատ կարևոր մոմենտը, որ ֆեդալական քայքայված հասարակարգում, որայիսին տիրում էր Իրանում XIX դարի երկրորդ կեսին, շահը և իշխող շրջանները, իրենց գոյությունը պաշտպանելու համար, կարիք ունեին նման մի ուժի: Այդ քանը դրսևորվեց հատկապես ժխախոտի կոնցեսիայի դեմ ծավալված ժողովրդական շարժման ժամանակ: Ճիշտ է

¹⁵⁴ علی اصغر شمیم، ایران در دوره سلطنت قاجار، تهران ۱۳۶۲، ص ۱۹۷

¹⁵⁵ مهدی ملکزاده، تاریخ انقلاب مشروطیت ایران، تهران ص ۱۱۰-۱۱۱

¹⁵⁶ նույն տեղում, էջ 142:

նշում Մահմուդ Մահմուդը, որ 1892 թվականից շահը և մեծ
վեզիրն իրենց հույսը կապեցին ռուս սպաների կողմից դե-
կավարվող կողակալին բրիգադի հետ և սկսեցին ավելի ուժե-
ղացնել այն, շնայած երկրի շահերի տեսակետից դա նույն-
պես խոշորագույն սխալ էր¹⁵⁷ :

محمود محمود، تاریخ روابط سیاسی... جلد ششم، ص ۱۴۳-۱۵۷

Ա Ն Վ Ա Ն Ա Ց Ա Ն Կ

Աբրահամ Միրզա 22
 Ադամիաթ Ֆերեյդուն 23, 73,
 120, 145
 Ազոդ օլ մոլթ նայեր էս Սալթանե
 153
 Աթարեկ 48, 64, 78, 88, 98, 115,
 119, 122, 125, 166, 184,
 192, 193, 208
 Ալա օլ Սալթանե Մոհամեդ Ալի-
 խան 61
 Ահմեդ շահ 48
 Ամին էդ դուլե 154, 163, 166
 Ամին էս Սուլթան 66, 67, 85, 97,
 98, 113, 114, 115, 117,
 118, 119, 123, 124, 131,
 139, 162, 163, 164, 165,
 186, 187, 195, 196, 199,
 204, 206
 Ամին Հոգուր 154
 Անդրալի 210
 Ասեֆ էդ Դուլե 108
 Ատրպետ 41
 Աֆշարներ 8
 Բրաուն էդվարդ 102, 107, 180
 Գլադստոն 123
 Գորչակով 64
 Գրեյ էդվարդ 193
 Գրենսլիլ 64, 65
 Դավոթ Ֆիրուզ 22, 23
 ԴԱրսի 142
 Դուլգոսուկի 91, 117, 118, 154,
 155, 157
 Դոմանտովիչ 209
 Դովլաթբադի Հաջ Միրզա Յահ-

յա 55, 67, 78, 84, 105,
 107, 110, 126, 130, 176, 189
 Եզանեզի էսֆանդիար Բահրամ
 37
 Զեյ էս Սուլթան Սուլթան Մասուդ
 8, 100, 101, 102, 201
 Զեքա օլ Մոլթ Մոհամեդ Հոսեյն
 53
 Հիզլեր 207
 Էթեմադ էս Սալթանե 5, 6, 7, 8,
 64, 153, 154, 155, 179, 189,
 191
 Էդրատ օլ Մոլթ 154
 Էյն էդ Դուլե 78, 100
 Քարբիզի դադե Ջավադ 41
 Քեյմուրի էրրահիմ 10, 11, 14,
 52, 54, 56, 57, 61, 64, 65,
 66, 118, 131, 138, 146, 147,
 148, 149, 155, 157, 158,
 161, 162, 166, 170, 178,
 179, 182, 183, 187, 188,
 195, 196, 197, 199, 202,
 204, 205, 206, 211
 Լենին 28
 Լեսան օլ մոլթ 5, 7, 8
 Լինչ 207
 Կուլիդադե Ջամիլ Մամեդ 28
 Կուրոպոսկին 35, 36
 Հարիր օլահ Մոխթարի 12
 Հադայեդ նեզատ Միրզա Ջա-
 ֆարխան 6, 8
 Հասան Հայաջ 12, 25, 32, 49,
 102, 103, 113
 Հաբեմ օլ Մամալեք 154

- Հեշմաթ էդ Դոլե Համզե Միրզա 94
 Հեջաղի Մոհամադ 185
 Հեսամ էս Սալթանե 94
 Հոսեյն Աղա Մահդալի 100
 Ղայեմ Մաղամի 93
 Ղասեմի Արոլֆաղլ 93, 99, 191
 Ղազամ Շիրաղի 94, 98, 99
 Ղոդսի Հասան Աղամ 184
 Մալեք Արա Աբբաս Միրզա 188
 Մալեք դադե Մեհդի 13, 15, 23, 24, 26, 29, 33, 53, 54, 71, 112, 159, 165, 184, 211
 Մալքոմ խան 25, 113, 172
 Մահմուդ Մահմուդ 16, 17, 18, 19, 46, 47, 58, 70, 73, 74, 75, 76, 81, 83, 84, 86, 91, 92, 95, 96, 98, 106, 108, 109, 110, 119, 120, 121, 122, 124, 125, 129, 132, 133, 139, 141, 142, 166, 168, 184, 190, 192, 193, 199, 200, 208, 210, 213
 Մարքս 31
 Մաքքի Հոսեյն 48, 56
 Միրզա թաղի խան Ամիրբաբիբ 25, 54, 55, 87, 88, 89, 90, 91, 92, 105, 132
 Մոզաֆար էդ Դին շահ 14, 50, 60, 66, 100, 139, 140, 162, 165, 168, 169, 170, 195, 199
 Մոխթարի Հաբիբ Օլահ 49, 50
 Մոթամեդ Մահմուդ Ֆարհանի 19, 20, 62, 79, 91, 93, 103, 104, 107, 108, 115, 116, 117, 123, 127, 128, 144
 Մոխրեբ էդ Դոլե 154
 Մոյին օլ Մոլք Հաջ Հոսեյն խան 154
 Մոշիր էդ Դոլե 111, 115, 144
 Մոսթաշար էդ Դոլե 137
 Նաջմ Աբաղի 25
 Նասր էդ Դին շահ 5, 8, 12, 13, 15, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 82, 83, 88, 89, 93, 95, 97, 101, 105, 112, 113, 114, 116, 117, 118, 119, 131, 132, 133, 134, 136, 137, 139, 140, 147, 149, 150, 154, 155, 161, 168, 169, 177, 182, 183, 184, 185, 186, 187, 188, 191, 193, 201, 203, 205, 207, 209, 212
 Նաֆիսի Սալիդ 128, 129
 Նիրոլսոն Արթուր 124
 Նուրի Հոսեյն Սաադաթ 201
 Նուրի Միրզա Աղախան 85, 89, 90, 91, 93, 94, 99, 106
 Շահ Սուլթան Հուսեյն 47, 88
 Շամիմ Ալի Ասղար 7, 8, 15, 72, 77, 89, 90, 91, 94, 112, 137, 138, 156, 211
 Շիրաղի Հաջի Իբրահիմ խան 86
 Շիրաղի Միրզա Սալեհ 22, 135
 Չիրոլ 120, 184
 Պոլյակոլ 157, 203
 Ջահանգիր Միրզա 8
 Ջամալդադե Մոհամեդ Ալի 159
 Ջամալ էդ Դին Աֆղանի 6, 25, 67, 68, 133, 135, 136, 137, 170, 190
 Ռաղի Աբդուլահ 22, 48, 53, 88
 Ռալինսոն Հենրի 81
 Ռային էսմայիլ 21, 134, 150, 151
 Ռասել Ֆրանկ 124
 Ռեզա Ղոլի խան Հեղայաթ 6, 7, 9
 Ռեզաշահ 9
 Ռեյսեր Ջուլիոս 64, 95, 96, 115, 142, 143, 144, 145, 146, 147, 149, 150, 151, 152, 154, 155, 160, 161, 201
 Ռուստամ Միսլ 51
 Սադեդ Իսա 89, 132, 210

Սանի էդ Դուլե 5, 58
 Սաֆանիա Ռեզա 198
 Սաֆավիներ 7
 Սեփահասար 20, 27, 35, 65, 81,
 85, 95, 96, 97, 113, 116,
 122, 123, 146, 147, 151, 161
 Սուլզբերի 123, 210
 Վաչիճ Օլահ Միրզա 78
 Վիլսոն Աոնուդ 101
 Վոլֆ Դորթմունդ 80, 84, 97, 117,
 118, 123, 124, 131, 155,
 192
 Տալբոն 172
 Քալանթարի Միրզա Իբրահիմ 93
 Քամրուն Միրզա 173
 Քաշանի Միրզա Մահամեդ թաղի
 Սեփեհր 5
 Քասրավի Ահմադ 27, 71
 Քերզոն 32, 34, 76, 80, 83, 84,
 95, 99, 131, 148
 Քերմանի Միրզա Ռեզա 13, 59,
 132, 133, 180
 Քերմանի Նազեմ օլ Իսլամ 135,
 171, 177
 Օզլի Գոր 81
 Նաթի Ալի շահ 45, 46, 48, 50,
 88, 138
 Ֆարահանի Դայեմ Մաղամ 86
 Ֆարհադ Միրզա 20
 Ֆրեյդեր 45



Բ Ո Վ Ա Ն Գ Ս Կ Ո Ի Թ Յ Ո Ի Ն

Ն ե թ ա ծ ու թ չ ու ն 5

Գ լ ու խ ա ո ա ջ ի ն

Իրանի սոցիալ-տնտեսական և քաղաքական լիճակը ՏԻՄ դարի
երկրորդ կեսին 30

Գ լ ու խ երկրորդ

Իմպերիալիստական Անգլիայի և ցարական Ռուսաստանի քաղաքա-
կանությունը Իրանում և անգլո-ռուսական մրցակցությունը . 69

Գ լ ու խ երրորդ

Մոնոպոլիստական կապիտալի ներթափանցումը Իրան 134

Հ Ա Մ Լ Ե Տ Մ Ն Ա Յ Ա Կ Ա Ն Ի Ե Գ Ա Ն Յ Ա Ն

ԻՐԱՆԱԿԱՆ ՊԱՏՄԱԳՐՈՒԹՅՈՒՆՆԸ ԻՐԱՆՈՒՄ
ԻՄՊԵՐԻԱԼԻՍՏԱԿԱՆ ՏԵՐՈՒԹՅՈՒՆՆԵՐԻ ԳԱՂՈՒԹԱՏԻՐԱԿԱՆ
ՔԱՂԱՔԱԿԱՆՈՒԹՅԱՆ ՄԱՍԻՆ XIX դ. ԵՐԿՐՈՐԳ ԿԵՍ)

Տպագրվում է Հայկական ՍՍՀ ԳԱ
Արևելագիտության ինստիտուտի
գիտական խորհրդի որոշմամբ

Հրատարակչական խմբագիր
Ա. Հ. ԳԵՎՈՐԳՅԱՆ

Նկարիչ
Հ. Տ. ՍԱՐԳՍՅԱՆ

Գեղարվեստական խմբագիր
Հ. Ն. ԳՈՐԾԱԿԱԼՅԱՆ

Տեխնիկական խմբագիր
Լ. Կ. ՀԱՐՈՒԹՅՈՒՆՅԱՆ

Սրբագրիչ
Ջ. Գ. ՆԱԹԱՆՅԱՆ

ИБ 193

ՎՖ 04663 Պատվեր 767 Հրատ 5176 Տպարանակ 1000

Հանձնված է շարվածքի 19.09 1979 թ.: Ստորագրված է տպագրության.
7.05. 1980 թ.: Տպագրական 13,5 մամուլ. սլայման. 11,34 մամուլ,
հրատ. 9,96 մամուլ: Հարթ, տառատեսակ «Գրքի սովորական»: Թուղթ № 1
84×108¹/₃₂ գինը 1 ս. 65 կ.:

Հայկական ՍՍՀ ԳԱ հրատարակչություն, Երևան, 19, Բարեկամության 24 գ.
Издательство АН АрмССР. 375019, Ереван, Барекамутян, 24-г.
Հայկական ՍՍՀ ԳԱ հրատարակչության էջմիածնի տպարան
Типография Издательства АН Арм. ССР., г. Эчмиадзин

A 11
64091

ԳԱՍ Հիմնարար Գիտ. Գրադ.



220064091